

清 張廷玉 等撰





中 華 書 局

卷二〇二至卷二一二(傳) 第 一 八 册

明史卷二百二

列傳第九十

廖紀 王時中 周期雍 唐龍 子汝楫 王杲 王暐

餘姚孫應奎 周 用 宋景 方鈍 屠僑 聶豹 聞淵 李默 劉 訒 萬鏜 胡纘宗 周 孫應奎 延

潘恩 賈應春 張永明 胡松 績溪胡松

趙炳然

廖紀,字時陳,日東光人。 弘治三年進士。 授考功主事,屢遷文選郎中。

南京吏部尚 正德中,歷 書。 工部右侍郎。 調 兵部,參贊機務。 提督易州 被論解職。 山廠,羨金無所私。 遷吏部左、右侍郎。 世宗立,拜

列傳第九十 廖紀

弗 從。 時宇、旦方爲帝所惡,不許。光祿署丞何淵請建世室,祀興獻帝,下廷議。紀等執不可,帝 且 而 薦紀。 會廷臣多諍者,議竟寢 嘉靖三年,「大禮」議既定,吏部尚書楊旦赴召,道劾張璁、桂萼。璁、博之黨陳洸遂劾 紀力爭曰:「淵所言,干君臣之分,亂昭穆之倫,蔑祖宗之制,臣謹昧死請罷勿議。」不 帝罷旦,以紀代之。紀疏辭,言:「臣年已七十,精力不如喬宇,聰明不如楊旦。」

禮爲貴。伏望陛下於昔年致仕大臣,念其保護之勳,量行召用。其他降職、除名、遣戍者, 王瓊,紀推彭澤、王守仁,帝不允。復以鄧璋、王憲名上,竟用憲。 使得以才自効。」帝但納其正士風、重守令二事而已。 三邊總督楊一清召還內閣,璁等欲起 而不知保護京師之力。自陛下繼統,老成接踵去,新進連茹登,以出位喜事爲賢,以凌分犯 已,條奏三事。其末言人材當惜,謂:「正德之季,宗社幾危。議者但知平定逆藩之功,

乞歸, 許之去。 與璁合,坐是劾罷。 沈漢等論救,帝不聽。 請,章俱下吏部。 五年正月,御史張袞、喻茂堅、朱實昌以世廟禮成,請宥議禮得罪諸臣,聰、 導亦以爲 初, 紀等列上四十七人, 卒報罷。 獻皇實錄成,加太子太保。 **璁輩欲引助己,遂首六卿。** 紀從容爲言,且薦永及楊銳。 至是進少保,賜敕乘傳,夫廩視故事有加。 御史魏有本以刻郭勛、救馬永謫官,給 而 紀顧數與牴牾,璁輩亦不喜。 帝納之,有本得無謫。 紀在南都,持議 年老 事中

曰:「冤氣也。」跡得屍眢井,乃婦與所私者殺之,遂伏辜。召拜御史,督察畿輔馬政。 王時中,字道夫,黃縣人。弘治三年進士。授鄢陵知縣。嘗出郊,旋風擁馬首。

省,遇都御史劉宇,哭且詬。宇不得已言於谨,釋之,謫戍鐵嶺衞。瑾誅,起四川副使,遷 湖廣按察使。十二年以右僉都御史巡撫寧夏。 **畦和媚,大夏昏耄。兩人各求退,焦芳遂得之,衆咸咎時中。出按宣、大,遠繫武職貪汚者** 百餘,爲東廠太監丘聚所奏。劉瑾捕時中下詔獄,荷重枷於都察院門。時中病甚,其妻往 正德初,請革近畿皇莊,不報。吏部尚書馬文升致仕,時望屬劉大夏、閔珪。時中詆

當去。及上册寶,百官陪列不至者九人,時中與焉。帝責對狀,已而貰之。 世宗立,召爲右副都御史。父喪除,起故官。 會上章聖太后尊號, 時中言本生二字不

時中不當逞忿箝言官,帝乃切責時中,令歸聽勘。 功,濫及通州守備鄢祐,爲言官李鳴鶴等所劾。 歷兵部左侍郎,代李鉞爲尙書。中官黃英等多所陳請, 時中乞休,且詆言者。給事中劉世揚等言 時中皆執不可。 敍薊州平盜

列傳

罪,時稱爲長者。 於兵部,乃調時中刑部尚書。 邊方、內地軍務。 十年四月起復爲兵部尙書。 **外之,遇赦,復官致仕** 吏部議從之。 坐論御史馮恩獄,落職閒住。 時中言非祖宗臨時遣將意,帝遂從其議。 御史郭希愈請重兵部侍郎之選, 始,恩疏詆時中,及是以寬恩得 以邊臣有才者兩人 帝欲 用王 憲

宸濠反,簡銳卒赴討。 縱苗殺掠,期雍發其狀。 芳、劉宇猶在列,而劉大夏、韓文、楊守隨、林瀚、張敷華未雪,期雍皆極 兼劾羣閹未得錄。 浩、姚學禮、張鳴鳳、王良臣、徐鈺、趙佑、楊璋、朱廷聲、劉玉,部郎李夢陽、王綸、孫磐等,以 起,而給事中李光翰、任惠、徐蕃、牧相、徐暹、趙士賢,御史貢安甫、史良佐、曹閔、王弘、葛 周 期雍,字汝和,江西寧州人。正德三年進士。授南京御史。 期雍偕同官王佩力請,皆召用。兵部尚書王敞附瑾進,期雍請斥之。 會賊平乃還 尋清軍廣東, 劾鎮守武定侯郭勛、金與勛皆被責。 劉瑾旣誅,爲瑾斥者悉 論 陳金討江西 出爲福建僉事 焦

御 史,巡撫順天。 嘉靖初, 為浙江 薊州、密雲關堡數十,以避寇警移入內地,關外益無備,期雍悉修復之。數 一參議。 討 平溫 、處礦 盗,予一子官。 再遷湖 廣按察使。 九年 右 僉 都

列上便宜。 入爲大理卿、歷刑部左、右侍郎、右都御史、拜刑部尚書。 大計京官, 言官劾期

雍納賄。 吏部白其誣, 詔爲飭言者。

十九年,郭勛修前郤,因風霾勸帝罷觅大臣,期癃遂去位。 家居十年卒。

唐龍,字虞佐,蘭谿人。 受業於同縣章懋,登正德三年進士。除郯城知縣。 禦大盜劉

六,數敗之,加俸二等。

勘。 收其印綬。 **滇人爲保舉,而矯旨許之。龍抗疏爭,寢其事。** 從宸濠叛者猶居位,龍召數之曰:「脅從罔治,謂凡民耳。若輩讀書食祿,何靦顏乃爾。」立 會遣官錄囚,受寧屬欲出和,爲龍所持,卒正其罪。土官鳳朝明坐罪死,革世 父喪,服除,徵授御史,出按雲南。 擢陝西提學副使,遷山西按察使,召爲太僕卿。 錢寧義父參將盧和坐罪當死,寧爲奏辯,下鎭撫覆 再按江西,疏趣張忠、許泰班師。三司官 職。 寧令

關権稅,通、泰二州虛田租及漕卒船料,民甚德之。 嘉靖七年改右僉都御史,總督漕運兼巡撫鳳陽諸府。奏罷淮西官馬種牛,罷壽州正陽 召拜左副都御史,歷吏部左、右侍郎

十一年,陝西大饑。 吉囊擁衆臨邊,延綏告警。 韶進龍兵部尚書,總制三邊軍務兼理

敵 振 ,屢被獎賚 濟, 齎帑金三十萬以行。 用牛皮為渾脫,渡入山後。 龍奏行救荒十四事。時吉囊居食中,西抵賀蘭山, **俺答亦自豐州入套爲患。** 龍用總兵官王效、梁震,數敗 限以黃河不

加 乞歸侍養。久之,用薦起南京刑部尚書,就改吏部。 楊慎、王元正、馬錄、呂經、馮恩、劉濟、邵經邦而已。 臣屢請寬,不能得。 所惡也。 太子太保 刑部尚書。 吏坐獄不窮竟去者數十人,龍獨執正東山罪。「大禮」大獄及諸建言獲罪者,廷 會九廟成,覃恩,龍錄上充軍應赦者百四十人,率得宥,所不原惟豐熙 大猾劉東山搆陷建昌侯張延齡,興大獄。 兵部尚書戴金罷,召龍代之。 考尚書六年滿,加太子少保。 延齡,昭聖皇太后母弟,帝 太廟成 以母老

科楊上林、徐良輔復論簡。 爲所欺。 有疾,輿出國 尋代熊浹爲吏部尚書。 御史陳九德劾前選郎高簡罔上行私,幷論龍衰暮,乃下簡詔獄。 詔杖簡六十遣戍。 龍有才,居官著勞績。 上林、良輔以不早言罷職,龍黜爲民。 及爲吏部,每事咨僚佐。 龍引疾,未報。吏 年老多疾,輒 龍已

後 數年,子修撰汝楫 而汝楫素附嵩,得第一人及第。 疏辯。 **韶復官,贈少保,諡** 官至左諭德。 文襄。 後坐嵩黨奪官。 龍故與嚴嵩善。 龍之罷,實夏言

門卒

王杲,字景初,汶上人。正德九年進士。授臨汾知縣。 擢御史,巡視陝西茶馬。 帝遣

中官分守蘭、靖。杲言窮邊饑歲,不宜設官累民,不報。

運。故事,繕運艘,軍三民七。總兵官顧寰以軍民困敝,請發兩淮餘鹽銀七十萬,戶部尙 遷左副都御史,進戶部右侍郎。河南大饑,命杲往振。杲請急發帑金,詔齎臨淸倉銀五萬 書字如圭不可。

杲請改折兩年漕運十之三,以所省轉輸費治運艘,勿重困軍民,報可。 兩以行。 嘉靖三年,帝將遣中官督織造於蘇、杭,杲疏諫,不納。 久之,擢太僕少卿,改大理,再 旣至,復請發十五萬兩。全活不可勝計。事竣,賜銀幣。尋以右都御史總督漕

者過半,大驚,以詰戶部,杲等引罪。 出,不可許,宜以大慈恩寺入官地二十頃予之。帝從其議。時國儲告匱,諸邊請增餉無虛 四方多水旱,給事中李文進請議廣儲蓄。杲列九事以獻, 舊制,歲漕四百萬石。杲以栗有餘而用不足,遇災傷率改折以便民。一日,帝見改折 踰年,入爲戶部尚書。后父安平侯方銳乞張家莊馬房地。杲言此地二千餘頃,正供所 敕自今務遵祖制,毋輕變。 已又上制財用十事, 帝咸納

杲掌邦計,事無不辦,帝深倚之。後有詔買龍涎香,久不進,帝以此不悅。 給事中馬

列傳

第九十

王杲

錫劾杲及巡倉御史艾朴受賄,給事中厲汝進言倉場尚書王暐亦然,並下獄。杲、朴遣戍,暐 斥爲民。 **|** 泉竟卒於雷州戍所。隆慶初,給事中辛自修等訟**|** 晃冤。 詔復官,賜祭葬,贈太子

太保。

廷杖。 王 累遷右副都御史,巡撫江西。 暐,句容人。由進士除吉安推官。從王守仁平宸濠,遷大理寺副。 歷兩京戶部侍郎,出督漕運,進尙書。 爭「大禮」,下獄 歷官著淸操。

使。 等官,且請治鎭守江西中官黎安罪。 憂服闋,留補禮科。 擢福建按察使,改河南右布政使。 周用,字行之, 吳江人。弘治十五年進士。 已,乞南。改南京兵科。諫迎佛烏斯藏及以中旨遷黜尚書、都給事中 出爲廣東參議,預平番禺盜,有功。 代監司鞫南陽滯獄,獄爲之空。 授行人。正德初,擢南京兵科給事中。 歷浙江、山東副 父

尚書汪鋐委罪僚屬, 嘉靖八年擢右副都御史,巡撫南、贛。 乃調用南京刑部。 就遷右都御史, 召協理院事。 工、刑二部尚書。 歷吏部左、右侍郎。 九廟災, 以起廢不當, 自陳

致仕。

漕運 用端 未 上,召拜左都御史。 亮有節概。 旣罷,中外皆惜之, 二品品 九 年滿 頻有推薦。 加太子少保。 久之, 二十五年代唐龍 以工部尚書起督河道,數月、 爲 吏部 尙 書。 改改 明

年卒官。 贈太子太保,諡恭肅 Ó 曾 孫宗建, 自有傳。

未 久卒,而僑居職 用 掌憲時,愼自持而已,無所獻替。 八年。 屬嚴嵩柄政,風 紀 其後宋景、屠僑繼之, 不 振 議 丁汝夔獄,受杖不能去。 大略皆廉潔, 與用 相 似 景

尚書,諡莊 政使,累官南京吏工二部尚書。 民饑爲 知 州 無改御史者,劉瑾創之也。 宋景,字以賢,奉新人。 盜,殺守禦指揮。 靖 景樹幟, 弘治十八年進士。 改兵部,參贊機務。 瑾誅,景引 令被脅者赴之。 族去。 知睢州。 嘉靖三年以薦補浙 賊咸歸 入爲左都御史。 正德五 命, 乃擒 年入爲河南 斬 其魁。 卒,贈太子少保、吏部 江 **僉事**,進 道御史。 四遷山西 山西 副使。 。故事, 左布

遭 中官李嵩等捕虎豹,僑力言不可。 屠僑,字安卿,吏部尚書瀰再從子也。 世宗時、歷左都御史。 正德六年進士。 卒,贈少保,諡簡肅。 授御史。 巡視居庸諸關。 武宗

間 淵 ,字靜中,鄞人。弘治十八年進士。 初授禮部主事,已改刑部。 楊一 清爲 吏部 調調

淵 稽 勳員外郎。 歷考功郎 中,改掌文選,遷南京右通 政。

爲 刑部右侍郎, 嘉靖初,擢 應天府尹,改尹順天。累遷南京兵部右侍郎,攝部事。 遷左。 進南京刑部尚書, 就移吏部。 召爲刑部尙書。 薦馬永等十餘人。召 周用卒, 代爲更部

尙

年卒。 嚴嵩旣殺言,勢益橫,部權無不侵,數以小故奪淵俸。 臣,不能委曲 侍 先累加太子太保, 卒贈少保, 諡莊簡。 郎徐階得帝眷,前尚書率推讓之。 徇。 及後議言 獄,淵謂言事 、祗任意,跡涉要君,請帝自 淵自以 前輩, 淵年七十矣,遂乞骸骨歸。 事取獨 斷 1裁決。 大學士夏言柄 帝大怒,切責淵 家居十四 政, 淵老

淵 勒石後堂。 淵 居官始終 淵曰:「此尚書堂也、吾敢以相君故、爲郞官勒 節。 晚扼權相,功名頗損。 在南刑部時,張 岩耶。 瑰先爲曹屬,嘗題詩於壁,屬

宗南 巡,中貴索賄不得,繫訒詔 劉 訒 鄢 陵 人。 父璟,刑部 尚書。 獄。 世宗立,復官。 **訒登正德十二年進士,爲寧國推官,攝** 尋擢御史,遷南京通政參 無湖 議 歷 縣 南京刑 事 武

部尚書、召改北。

責隨 獄。 議。 辟。 斬,而爲纘宗等乞宥。 立遣官捕纘宗等下獄,命訒會法司嚴訊。 道明,御史胡植、馮章、張洽,參議朱鴻漸,知府項喬、賈應春等百十人,悉搆入之。 罷。 乃摭纘宗迎駕詩「穆王八駿」語爲謗詛。 至。 嵩以對制平獄有功,令兼支大學士俸,嵩辭乃允。 嚴嵩爲之解,乃革續宗職, 候長至日,令其子詐爲常朝官,闌入闕門訟冤。 聯素兇狡,嘗毆其父良, 初, 訒於是獄能持法、身雖點、而天下稱之。 帝幸承天, 帝旣從法司奏坐聯 河南巡撫胡續宗嘗以事笞陽武知縣王聯。 論死。 杖四 久之, + 父子辟,然心嗛纘宗,頗多詰讓,下禮部都察院 訒亦除名, 訒等盡得其誣罔,仍坐聯死,當其子詐冒朝官律 以良請 言纘宗命己刊布,不從,屬欽夔論黜,羅織 出 凡所不悅,若副都御史劉隅,給事中鮑 法司正貳停半歲俸,郎官承問者下 . 獄。 時法官率骫法徇上意。 復坐殺 聯尋爲巡按御史陶欽夔劾 人,求解不得。 稍執正, 知帝喜告 帝大怒, 成 譴 詔 參 大

胡纘宗,陝西秦安人。 正德三年進士。 由檢討出爲嘉定判官。 歷山東巡撫、改河南。

孫 應 奎 字文宿,洛 陽 人。 正德十六年進士。 授章丘 知 縣

抗章 疏言狀。 戶 奏,慰留一淸,戒諭璁、萼。 大學 侵六官,氣制言路,天下莫不怨憤。 名,當抑 科 ·不罪。 左 土楊 嘉 給 靖 其 帝怒,下之詔獄,尋釋還職 事 四 過而 清雖練達 中。 未幾,劾吏部尚書方獻夫, 年入爲 用之。 行 人薛侃 兵 國體, 科給 至於桂萼以梟雄桀驁之資,作威福,納財賄 建言忤旨,下 事 旣 而雅 中,上疏 而 同 性尚 官王準、陸粲劾璁、萼罷 乞鑒別三臣賢否,以定用 通, 言:「輔臣之任,必忠厚鯁亮、純白堅定者乃足當之。今 帝頗納其言。 廷訊, 難以獨任。 詞 連張 璁。 獻夫援汪 張璁學博性 應奎與同官曹汴揖 相,準、燥亦 舍。」 一鋐爲 门阻 偏, 其意特右 助, 抑氣 傷於 下吏遠謫 逐詘 節、私 、自恃, 瑰避,[三] 璁。 應奎議 ¨; 以 比 猶飭 而 黨與, 應 帝 且上 奎首 厲 再 因 功 遷 其 勢

進 使,督采 乞復準官,責 尙 書 十一 大木, 年大計天下庶官,王準 鋐, 坐累復逮繫。 爲黨比 戒。 吏部 尋釋還。 謫富民 尙 書 王瓊亦 歷右副都御史, 典史。 言準當黜, 應奎言汪鋐為璁、萼修 巡撫順天。 乃謫 應奎高 召 平 理 郤,誣以 院 縣丞。 事 ,遷戶部侍郎 不 屢 謹 遷湖廣副 而 黜之。

他 量 俺答 地貧富,驟增銀 犯京 師後,羽書旁午徵 一百十五萬有奇,而 兵餉。 應奎乃 蘇州 建議 府乃八萬五千。 加 派。 自北 方諸府暨廣西、 御史郭仁,吳人也,詣 貴州 外, 應奎 其

請減,不從。 役、核卒,悉去其冗者。 「今歲入二百萬,而諸邊費六百餘萬, 仁遂劾奏,應奎疏辨。 而臣部出入贏縮之數,亦綜其大綱, 帝以仁不當私屬, 切取財法行之已盡。 調之外。 列籍進御, 請令諸曹所隸官吏、 旣而國用猶不足, 使百司庶府咸知為 儒士、廚 應奎言:

國惜財。」

報可

實。 賦、餘鹽五百餘萬外, 無所出,請令諸臣條上理財策。議行二十九事,益纖屑傷大體。 四十五 應奎爲諫官、屢犯權貴、以風節自厲。 給 三十一年正月命應奎條上京邊備用芻糧之數。 萬 事 中徐公遴劾應奎粗疏自用,遂改南京 .有奇,修邊振濟諸役又八百餘萬。」帝以耗費多, 他所 搜括又四百餘萬。 晚官計曹,一切爲苟且計,功名大損於前。 而所出自諸邊年例二百八十萬外,新 工部尚書,以方鈍代。 應奎言:「自臣入都至今,計正稅、加 疑有 ·侵冒, 應奎就移戶 分遣科道官往諸 諸邊餉銀 ,部,致仕歸,卒。 益增。 增 鈍計 邊覈

都御 與吏部尚書爭官屬賢否, 詔 史,總理 有 獄 與 應奎同姓名者,餘姚人,字文卿。 已復 一河道。 仗 闕下,謫華亭縣丞。 踰年 ·罷歸。 時稱其直。 爲山東布政時,有創開膠萊河議者,應奎力言不可。入觀, 鋐亦罷去。 由進士授行人,擢禮科給事中。 兩孫給諫之名,並震於朝廷。 疏劾汪鋐奸,忤 累官右副

方鈍,巴陵人。掌戶部七年,廉愼無過。 嚴嵩中之,詔改南京,遂乞骸骨歸。

聶豹,字文蔚,吉安永豐人。 正德十二年進士。 除華亭知縣。濬陂塘,民復業者三千

餘戶。

之。 計拾遺,言官論別在平陽乾沒,大學士夏言亦惡別,遠下詔獄,落職歸。 無寧居。別令富民出錢,罪疑者贖,得萬餘金,修郭家溝、冷泉、靈石諸關隘,練鄉勇六千守 寇却,廷議以別爲知兵。給事中劉繪、大學士嚴嵩皆薦之。 嘉靖四年召拜御史,巡按福建。 出爲蘇州知府。 憂歸,補平陽知府。 擢陝西副使,備兵潼關。大 山西頻中窓,民

用。 明年秋,四寇大入山西,覆總兵官李淶軍,大掠二十日而去。 衞,劉陳四慮,謂宜固守宣、大,宣、大安則京師安。 按御史毛鵬所發,章下兵部。 召翁萬達爲兵部尚書,未至,卒,以豹代之。 立召拜右僉都御史,巡撫順天。未赴,擢兵部右侍郎,尋轉左。 二十九年秋,都城被寇。 **|豹言:「寇雖有所掠,而我師斬獲過當,實上玄垂祐,陛下威靈** 禮部尚書徐階,豹知華亭時所取士也,爲豹訟冤,言其才可大 奏上防秋事宜,又請增築京師外城,皆報可。 鸞怒。 伺<u></u>
豹過無所得,乃已。 三十一年 總督蘇祐反 仇鸞請調宣、大兵入 以大捷聞,爲巡

所致。 戶。 京師 宜擇吉祭告,論功行賞。」帝喜。 外 城成,進太子少傅。 南北屢奏捷,及類奏諸邊功,豹率歸功玄祜。 進秩任子者數十人,

豹亦加太子少保, 廕錦 祭告行賞如 衣 世

初,豹亦進太子太保。

惶懼 皆具文,帝漸 里,徐階亦入政府,故別甚爲帝所倚。 年卒,年七十七。 互市禁,豹皆格不 一條便宜五事以獻。 當是時,西北邊數遭寇,東南倭又起,羽書日數至。 知 其 行。 隆慶初,贈少保,諡貞襄 短。 帝大怒切責。 會侍郎趙文華陳七事致仕,侍郎朱隆禧請設巡視福建大臣,開 帝意終不懌,降俸二級。 豹震懾請罪,復辨增官、開市之非,再下詔 久之,寇患日棘, 頃之,竟以中旨罷,而用楊博代之。 帝深以爲憂。 | 劉本無應變才,而大學士| 嵩與劉 豹卒無所謀畫, 譙讓 歸數 條奏 豹 海 鄕 愈 濱

獄 ,著困辨錄,於王守仁說頗有異同云。 豹 初好王守仁良知之說,與辨難,心益服。 後聞守仁歿,爲位哭,以弟子自處。 及繫

外郎。 李默,字時言,甌寧人。 調 吏部 、歷驗封 郎中。 正德十六年進士。 眞 人邵元節貴幸,請封誥,默執不予。 選庶吉士。 嘉靖初,改戶部主事,進兵部員 十一年爲武會試 同考

列

僡

第

九

+

亞

约

李

耿

使, 官。 代 夏 入爲太常卿 邦 及 謨 宴 兵 爲 部 尙 書 默 掌南 據 自 賓 京 正 席 德 或 初 子 欲 焦芳、 監 坐尙 事 書王 張綵後,吏部 博 土 憲 等官 上。 得 憲劾 無 與 侍 科 其 郞 道 不 拜 選 遜, 尙 自 書者。 謫 默 寧國 發 之。 默 同 出 知 歷 帝 吏 特 屢 部 遷 簡 左、 浙 蓋 江 右 異 左 數 侍 布政 也 郎

恨 嵩 事 用 以 中 默。 1/2 其 上。 其 梁 嚴 恨 嵩 夢 帝 問 趙 龍 柄 命入 嵩 文 劾 政 華 默 直 嵩 擅 徇 視 西 言 黜 私 師 一內,賜 其不 陟權 還 帝 任。 默 爲 直 氣 責 默每 廬 折 夢 奪 許 之。 龍 默 持 苑 職 己意 會 爲民 總督楊宜 中 大 乘 嵩 計 馬 以 銜 羣 萬鐘 吏,默 之。 罷 尋進太子少保。 高、文華 代。 會 戒門下謝 推 默掌 遼東 欲 銓 巡 用 賓客, 僅 胡宗 撫 未幾,復 七 , 月。 列 憲 同 布 直 逾 命 默 政 大臣 兼 年 推 使 鏜 翰 Ė 張 亦 林 誥 臬、 罷 不 學 得 特旨 謝 士 燕 兩 存 給 復 人

失 用 論 默 自 大見 誹 曹 解 邦 初 體 輔 東 帝 文 且言言 "所引漢、唐事 南 華 卽 喜告託 塗炭 嗾 爲 帝言餘倭 給 殘 何 會 事 寇 時解,陛 中夏栻、孫濬媒 默 不 試 ,非所宜言。 難滅,以督 (無幾) 選人策問 下宵 而 肝 巡 憂 撫 、華臣。 言 按 帝責禮部尚書王用賓等黨護, 何 非 御史周 時 人, 漢 釋。 武 延今半載,疆 敗 唐憲 如斗以敗狀聞。 衄。 帝 大怒, 以英 由 默 下 睿 事 恨 禮 興 臣 日 盛 部 劾 非 帝 及 其 業,晚節 疑, 法 昨 同 各奪俸三月, 司 推 鄉 數 議 張 總督,又 話嵩。 用 經,思 匪 奏默 人 不 而 文 偏 而下默詔 華 用 報 敗 執 宗憲 謀 復 」, 遂 自 所 用 奏 以 而 臣

獄 刑部尚書何鰲遂引子罵父律絞。 帝曰:「律不著臣罵君,謂必無也。今有之,其加等

斬。」錮於獄,默竟瘐死。時三十五年二月也。

以恩威自歸,士論亦不甚附之。默旣得罪,繼之者吳鵬、歐陽必進,視嵩父子意,承順惟謹 顯,有所恃,不附嵩。凡有銓除,與爭可否,氣甚壯。然性褊淺,用愛憎爲軒輊,頗私 吏部權盡失。 默博雅有才辨,以氣自豪。同考武試,得陸炳爲門生。炳貴盛,力推轂。 隆慶中,復默官,予祭葬。萬曆中,賜諡文愍。 默由外吏驟 鄉舊,

屢遷吏部文選郞中。 萬鏜,字仕鳴,進賢人。父福,金華知府。 司署火,下獄,贖還職。 歷太常、大理 **螳登弘治十八年進士。** 少卿 正德中,由刑部主

激。 易混。 御史。 是亂矣,此不可不愼也。 戾、好紛更、巧逢迎、肆攻訐者,其迹似之。人主所惡於下者,曰避事,曰沽名,曰朋黨,曰 而正臣之守成法、恤公議、體羣情、規君失者,其迹似之。 世宗嗣位,以鏜嘗貽書知縣劉源淸,令預防宸濠,賚金幣。 其大較有四。 歷兵部侍郎、右都御史,皆南京。 人主所取於下者,曰任怨,曰任事,曰恭順,曰無私。 治天下貴實不貴文。今陛下議禮制度考文,至明備矣,而於理財 **彗星見,應詔陳八事。** 察之不精,則邪 中言:「人邪正相懸,而 專遷順天府尹,累遷右副都 而邪臣之恣强 正 倒置,而 形迹 國

列

勿用。

下之道得矣。至大禮大獄得罪諸臣,幽錮已久,乞量加寬錄。」帝大怒,斥爲民,令吏部錮 用人安民講武之道,或有缺焉。 願輟聲容之繁飾,略太平之美觀,而專從事於實用,斯治天

尚書。 螳還[°] 將李經,事乃解。 史,相機剿撫。 家居十年,屢推薦,輒報罷。 未幾, **螳納土指揮田應朝策,誘致其脅,督兵破之。條上善後七事,帝咸報可。 饄得爲兵部侍郎**。 同年生嚴嵩柄政,援引之。 遷南京刑、禮二部尙書。 湖廣蜡爾山蠻叛,起鐘副都御 召掌刑部。 韶下撫按官勘覆,歸罪於參 俄代李默為吏部

腹誹,無大臣禮。」帝怒,遂與伯辰並黜爲民。 劾,欲去臣。 會給事中朱伯辰劾文華,文華上言:「納言之職,例不外推。 | 鐘 旣 爲嵩所引,每事委隨,又頗通饋遺。 且蹚以侍郎起用,乃朦朧奏二品九年滿,得加太子少保。 久之 卒。 撫治鄖陽都御史闕,螳以通政使趙文華名上。 隆慶初,復官,贈太子太保。 **螳意在出臣,又嗾所親伯辰論** 又以不得一品,面謾

周延,字南喬,吉水人。 嘉靖二年進士。 除潛江知縣,改新會。 擢兵科給事中。 時議

寇林成 參政 新建伯王守仁罪,將奪其爵。 亂。 撫安南,征黎寇,皆預,有功。 進兵部右侍郎,提督兩廣軍務。 延抗疏爲訟,坐謫太倉州判官。 三遷廣東左布政使。 召爲刑部左侍郎。 以右副都御史巡撫應天。 歷南京吏部郎中,出爲廣東 歷南京右都御史,吏、兵二 靖海

部尚

書。

言,責 侍郎郭宗皐,都御史曹邦輔、吳嶽,祭酒鄒守益,修撰羅洪先,御史吳悌、方涯,主事唐樞,參 責延等,而舉者悉報罷。 政周大禮、曹亨、參議劉志,知府黃華在舉中。 所阻,自是皆不復召矣。 乃以淸修、苦節、實學、懿行舉,去初議遠矣。 嘉靖三十四年召爲左都御史。帝用給事中徐浦議, (東部濫舉)命與都察院更議。 延與尙書吳鵬等言所舉皆人望,公無私。 世宗時,海內賢士大夫被斥者衆,及是舉上,稍冀復用,而爲廷唯 況又有夤緣進者。 御史羅廷唯駁曰:「浦疏本言邊才,而今廷臣 令廷臣及督撫各舉邊才。 是假明詔開倖門。」帝納其 帝終不悅,切 於是故

卒官,贈太子太保,諡簡肅。 延 顏面寒峭,砥節奉公。 權臣用事,政以賄成,延未嘗有染。然居臺端七年,無諫諍名。

延卒,歐陽必進代。踰月,遷吏部,乃以潘恩繼之。

豪悍, 倭猝至,圍城數匝。 錄忤旨,並恩下詔獄,謫廣東河源典史。四遷,復爲江西副使,進浙江左參政。 所,捕之急,王不得已出之。憾愿,誣以事,按無實得免。 素苦藩府,恩制兩悍王,名大著。 久之,由刑部尚書改左都御史。 都御史巡撫河南。 恩,字子仁,上海人。嘉靖二年進士。授祁州知州,調繁鈞州。 恩約束之。擢南京刑部員外郎。遷廣西提學僉事, 偕按臣劾徽王載埨貪虐,遂奪國。伊王典楧驕横,恩一切裁之。 恩與參將湯克寬、僉事姜廷頤力禦却之。俄遷浙江左布政使,以右副 累遷山東副使。御史葉經以試 署按察使事。 鈞,徽王封國也,宗戚 有大猾匿靖江王 按部海鹽, 河南民

恩溺愛,朴徇私。 贈太子少保,諡恭定。 子允端,爲刑部主事。 帝置朴不問,改允端南京工部,令恩致仕。萬曆初,賜存問。卒年八十 吏部尚書郭朴,恩門生也,調之禮部。 給事中張益劾允端奔競,

坐貶。 歷 知潞安、開封二府。 賈應春,字東陽,眞定人。 久之,由漢陽知府復遷陝西副使,進右參政。 遷陝西 回使。 嘉靖二年進士。授南陽知縣,遷和州知州。 未赴,河南巡按陳蕙劾其貪濫,謫山東鹽運 寧羌賊起,會兵討平之。 入爲刑部郎中。 同知 遷按察使, 一意亦

左、右布政使、皆在陝西。就拜右副都御史、巡撫其地。

千餘人。應春督諸將邀擊,獲首功二百四十,以捷聞。而巡按御史吉澄極言敗狀。帝竟錄 馬,傳箭祭旗,其形先露。而我民被掠者,間亦臨邊傳報,頗有左驗。使邊臣厚以官賞,令 應春功,官其一子。 密偵候,視漫然散守者,功相十百。」乃定賞格以請。帝立從之。其秋,寇大入延綏,殺掠五 每寇入莫測其向,我則無所不備。 兵分勢孤,往往失事。 夫寇將內犯,必聚衆治器,腊肉飼 三十二年進兵部右侍郎,總督三邊軍務。俺答諸部歲擾邊,應春言:「諸邊間諜不通,

閒田 莊涼,守將邀斬百二十人,再予應春一子官。 鎮羌,總兵官王繼祖擊敗之,並賜應春銀幣。 營,斬首百四十餘級,進應春右都御史。踰月,寇別部入永昌、西寧,爲守將所破。番人入 數萬人屯寧夏山後,先遣騎五百餘入掠。總兵官姜應熊守紅井以綴敵,而密遣精兵薄其 二萬頃給軍屯墾,邊人賴之。 明年罷宣、大總督蘇滿,以應春代。時秋防將屆,代應春者江東未至,令仍舊任。 **人之**,寇五千騎犯環慶,爲都督袁正所破,掠 在鎮數載,築邊垣萬一千八百餘丈,以花馬池

屠以爲言。 徵拜南京戶部尚書。 因命徵 不及七分者,所司毋遷官。 論邊垣功,進秩一等。 漕政廢弛,運艘多逋負,亦以應春言重其罰。 旋召爲刑部尙書,改戶部。 國用不足,應

列

歲餘,致仕去。卒,贈太子太保。

張永明,字鍾誠, 鳥程人。 嘉靖十四年進士。除蕪湖知縣。 獻皇后梓宮南祔,所過繁

費不貲。永明堊江岸佛舍爲殿,供器飾箔金,財用大省。

偕同官論其罪。已,又劾兵部尚書張瓚黷貨悞國,又劾大學士嚴嵩及子世蕃貪汚狀。 又劾兵部尚書戴金爲御史巡鹽時,增餘鹽羨銀,阻壞邊計。疏雖不盡行,中外憚之。 尋擝南京刑科給事中。寇入大同,山西總督樊繼祖,巡撫史道、陳講等不能禦,永明

出爲江西參議。 累遷雲南副使, 山西左布政使。 以右副都御史巡撫河南。 伊王典模

<u>恣横,永明發其惡,後竟伏辜。</u>

陰事自辨。 廷聘皇恐謝,乃還之。 上飭厲撫按六事。 四十年遷刑部右侍郎。未上,改吏部,進左。 永明惡之,劾應箕,亦斥。 御史黃廷聘按浙歸,道湘潭,慢知縣陳安。 永明聞,劾罷廷聘。 浙江參政劉應箕先為廷聘論罷,見廷聘敗,摭其 尋拜刑部尚書。居數月,改左都御史。條 安發其裝,得所攜金銀貨幣。

故事,京官考滿,自翰林外皆報名都察院,修庭謁禮。 後吏部郎恃權、張濂廢報名,陸

約冤報 正。」良疏辨,奪俸。 叉 光祖廢庭謁。 卿貳大臣考滿, 名庭謁 乃過院。 永明榜令遵故事,列儀節奏聞,詔諸司遵守。 詣吏部與堂官相見訖, 詔禮部會禮科議之,奏言:「永明議是。 永明怒, 疏言: 「此禮行百年, 卽詣四司門揖, 非臣所能損 司官輒南面答揖,亦 自今吏部郎其承 郎中羅良當考滿,先詣永明邸, 益。 良輕 舊制。 薄無狀,當罷。 非禮, 九 當改 卵翰

詔許馳驛歸。 永明素清謹。 明年卒。 **掌憲在嚴嵩罷後,** 贈太子少保,諡 以整飭綱維爲己任。 莊僖。 會給事中魏時亮劾, 永明力求

林官揖

四司,當罷。」詔可。

東平州。 胡松,字汝茂,滁人。 設方略捕盜,民賴以安。 幼嗜學。 再遷南京禮部郎中,歷山西提學副使。 嘗輯古名臣章奏, 慨然有用世志。 登嘉靖八年進士,知

三十年秋,上邊務十二事,謂:

境。 王陛等備禦無素。 今山西之禍,實大同貽之。 去秋俺答掠興、嵐,卽傳箭徵兵,剋期深入,守臣皆稔聞之。 待其壓境,始以求貢上聞。又陰致賄遺, 宜亟置重典,以属諸鎭 令勿侵己分地,冀嫁禍**他** 而巡撫史道、總兵官

列傳第九十 張永明 胡松

孰與棄之以資强

敵哉。

自有 。更給牛種費,優復數年。 自兵變以來,壯士多逃漠北爲寇用,今宜招使歸。 則我捐金十萬,可得壯士二萬。 拊而用之,皆勁旅也。 有攜畜產器械來者,

收召猛士,畜豢健丁。又久其期,非十年不得代。彼知不可驟遷,必不爲苟且旦夕計, 而邊圉自固。又必稍寬文網,非大干憲典,言官毋得輕劾,以壞其成功。 大同 最敵衝,爲鎭巡者較諸邊獨難。今宜不拘資格,精擇其人。 豐給祿廩,使得

彼 覘强弱虛實,而陰爲備。 1無不知。今宜厚養死士,潛縱遣之。 至用間之道,兵家所貴。今寇諜獲於山西者已數十人,他鎭類是。 得間則斬其名王、部長及諸用事貴人。否亦可 故我之虚實,

地,以綴其右,使首尾掣曳,自相狼顧,則我可起承其敝,坐收全勝矣。 又寇貪而好利,我誠不愛金帛。 東路黃、毛三衞以牽其左,西收亦不刺遺種,予善

他所條析,咸切邊計。帝嘉其忠懇,進秩左參政。

劾總兵官張達等,並論

松虛議無補,遂斥爲民。 寇大入,抵太原。 松疏 上,當事者已惡其侵官。 給事中馮良知遂劾松建言冒賞,無寸功。 及遷擢,益忌之。不畀以兵柄,令於三關聽用,欲因以陷 家居十餘年。 屢薦, 輒報罷 紀功科道官張堯年、王珩

健數事 三營,遣將討 至三十五年,以趙文華言,起陝西參政,分守平凉。 o 三遷江 捕, 西 以次削 左布政使,以右副都御史巡撫其地。 平。 進兵部右侍郎, 巡撫如故。 所部 復條嚴保甲、均賦稅、置常平、簡优 以會討廣東巨窓張璉及援閩破倭 多盜,松奏設南昌、南豐、萬

功,兩

賜

銀幣

殘,僅 尙 書。 居三年,召理部事。 擬改教。 奏言:「撫按舉劾,每舉數十人,虛譽浮詞,往往 賞罰不當,人何 進左侍郎, 所激勸。 改吏部。 且巡撫歲終例有册,第屬吏賢否, 遷南京兵部尚書,參贊機務。代郭朴爲吏部 上失實。 所劾犯贓, 僅 擬降 今皆寢閣,乞申 調 ",罷 輕貪

松潔 己好修,富經術,鬱然有聲望。 晚主銓柄,以振拔淹滯爲己任。 甫七月,病卒。 贈

太子少保,諡恭肅。

飭其欺玩者。」帝嘉納之。

嵩,期必得。 仗於營,便給調。 忤旨,謫廉州推官。累官工部尚書。 時 又有胡松者,字茂卿,績溪人。 松據祖制爭,乃止。 松言邊兵外也而內之,武庫仗內也而外之,非所以重肘腋,杜微慎防也, 俺答入寇,仇鸞以邊衆入衞,欲悉召其衆實京師,移武庫 正德九年進士。嘉靖時爲御史。 伊王欲拓其洛陽府第,計直十萬金,以十二賕嚴 桂萼薦王瓊,松論

列

執弗許。尋引疾歸。卒年八十三。居家以孝友稱**。**

進覈宣、大、山西兵餉。 侵冒罪,坐謫有差。 都御史,巡撫湖廣。 趙 炳然,字子晦,劍州人。 條上備邊十二事。 進左副都御史,協理院事。 劾前後督撫樊繼祖、史道, 嘉靖十四年進士。 歷按雲南、 除新喻知縣。 浙江。 監司 楊銳,指揮馮世彪等 擢大理寺丞,進少卿。 徵拜御史。 與給 一百七十 事中李文 尋改右僉 七人

炳然廉以率下,悉更諸政令不便者,仍奏減軍需之半。 輯,遂進炳然兵部右侍郎 浙江、福建總督胡宗憲下獄,詔罷總督毋設。 兼右僉都御史往任之。 浙羅兵燹久,又當宗憲汰侈後 大學士徐階以浙江寇甫平,請設巡 民皆尸祝之。 ,財匱力絀。 漁無級

協剿 八事,中言:「蘇、松、浙江水師皆統於總兵,駐定海,陸師皆統於副總兵, 農,然後聚散兩有所 以赴閩 福建巡撫游震得請浙兵剿賊。 急,竊懼浙之復爲閩 | 炳然言: 「福建所以致亂者,由將吏撫馭無術,民變爲兵,兵變爲盜耳。 歸。 即不得已而 也。 請令一意團練土著,使人各爲用,家自爲守, **詔發義烏精兵一萬,命副總兵戚繼光將以往,仍諭** 召募,亦必先本土後鄰壤,庶無釀禍本。」又條上 駐金山衛,並受總 急則 今又驅 兵 緩則 浙兵 防海 炳然

गु 制。 其年,繼光破賊,瀕海餘寇流入浙江。 今督府旣革,則已判爲二鎭,彼此牽制,不得調發。 官軍迎戰於連嶼、陡橋、石坪、斬首百餘級。 請畫地分轄,各兼水陸軍務。」

督節

俱報

新倭復 犯石坪,將士乘勝殲之。、炳然以援剿功,再賜金幣,進右都御史兼兵部右侍郎

戎政。 大同。 尋以總兵官馬芳等却敵功,被賚。已,召還部,代楊博爲尙書。 給 炳然淸勤練達,所至有聲績。 踰年,詔兼右都御史,總督宣、大、山西軍務。新平、平遠、保平三堡密邇宣府,舊屬 事中辛自修劾罷戎政都御史李錢,請擇素知兵者代之。乃召炳然爲兵部尚書,協理 天城相去六十里,孤懸塞外,隔崇山,寇騎時出沒。「炳然奏添設參將,別爲一營,報 隆慶初,以病乞休去。卒,贈太子太保,諡恭襄。 考滿,加太子少保。

廖紀以下諸人,其矯矯者與。 賀日 一世宗朝、璁、尊、言、嵩相繼用事,六卿之長不得其職。 應奎司邦計,不能節以制度,顧務加賦以病民。 大都波流茅靡, 淟涊取容。 別也碌碌,彌

無足觀矣。

校勘記

- [1] 廖紀字時陳 時陳,國朝獻徵錄卷二五廖公紀墓誌銘作「廷陳」。
- (二) 贈少傅 少傅,原作「太保」,據世宗實錄卷一四三嘉靖十一年十月甲午條、國朝獻徵錄卷二五

廖公紀墓誌銘改。 按上文稱「進少保」,少保之上爲少傅,贈官作「少傅」是。

應奎與同官曹汴揖璁避 十年七月戊午條、明進士題名碑錄嘉靖己丑科改。 曹汴,原作「曹忭」,據本書卷二〇七群侃傳、世宗實錄卷一二八嘉靖

pq 明年秋 二年九月丙午條都作「三十二年」,據改。 明年,原作「是年」,卽三十一年,按本書卷一八世宗紀、世宗實錄卷四〇二嘉靖三十

明史卷二百二

列傳第九十一

鄭岳 劉玉子怒 汪元錫 邢寰 寇天敍 唐胄

潘珍 族子旦 余光 李中 李楷 歐陽鐸 陶諧

大臨 潘塤 呂經 歐陽重 朱裳

孫大順

陳察 孫懋 王儀子緘 王學變 曾鈞

屬,而崔志端專之。 戶 張福決囚,福坐天錫上,岳言其非體。 鄭岳,字汝華,莆田人。 內外效尤,益無忌憚。」忤旨,繫獄。 弘治六年進士。 且言:「糾劾非鎭監職,而董讓 授戶部主事,改刑部主事。 尚書周經、侍郎許進等教,不聽。贖 行之。 董天錫偕錦衣千 太常本禮部

杖還職。

屢出 「無功。 尋進員 外郎。 岳言進不可代,暴不可用,京軍不可出。 許進督師大同,貴近惡其剛方,議代之。罷職總兵官趙暴謀起用,京軍 朝論韙之。

縦 遣 。 遷湖廣僉事,歸宗藩侵地於民。施州夷民相讐殺者,有司以叛告。 荆、岳饑,勸富民出粟,弛河泊禁。 屬縣輸糧遠衞,率二石致一石。岳以其直給衞 岳擒治其魁, 餘悉

而留栗備振,民乃獲濟。

帝遣大理卿燕忠會給事中黎奭按問。 信吏,言岳子沄受賕,欲因以脅岳。 欲兵之,岳持不可。會提學副使李夢陽與巡按御史江萬實相訐,岳承檄按之。夢陽執岳親 自效。 正德初,擢廣西副使。 尋改廣東。 遷江西按察使,就遷左布政使。 土官岑猛當徙福建,據田州不肯徙。 宸濠因助夢陽奏其事,囚掠沄。 忠等奏勘岳子私有迹,而夢陽挾制撫、按,俱宜斥。岳 宸濠奪民田億萬計,民立砦自保。 岳許爲奏改近地,猛乃請 巡撫任漢顧慮不能決, 宸濠

進御 事,總兵官李隆等皆伏罪。 犯, 宜聽部院 以 世宗初,擢右副都御史,巡撫江西。 時, 而退朝即御文華,裁決章奏, 問理,毋從中決,不能從。 還朝,以災異陳刑獄失平八事。 日暮還宮, 帝數不豫,岳請遵聖祖寡欲勤治之訓,宮寢 甫兩月,召爲大理卿。 以養壽命之源。 嘉靖元年冬,上言內臣有 報聞。 出按甘肅亂卒

遂奪官爲民。

宸濠敗,中外交薦,起四川布政使。

以憂不赴。

許。 稍 存 正 中官崔文欲用其兄子爲副將,岳持不可。 專遷兵部右侍郎。時「大禮」未定。岳言若以兩考爲嫌,第稱孝宗廟號,毋稱伯考,以 統 大學士石珤請從之。 帝切責

造 奪岳俸兩月。 寧夏總兵官仲勛行賄京師,御史聶豹以風聞 轉左侍郎。 請罷 山海關 税, 弗

岳自白,因乞休。

歸十五年而卒。

尙書。 父喬,成化初進士。 累官湖廣左布政使。 議創壽寧縣於官臺山,以清盜窟。討平處州賊。 即除其賦, 庶有司不得借覆核陰行科率, 從之。 栗數百萬,督治陂塘爲旱澇備。景泰初,歷左副都御史,鎭守陝西。請遇災傷,毋俟勘報, 劉 玉,字咸栗,萬安人。祖廣衡,永樂末進士。正統間,以刑部郎中出修浙江荒政,積 還治院事。福建、浙江盜起,命往督兵捕。 已,復巡撫遼東。居官以廉節稱。 終刑部

奉不已,繼之內批,累聖德,乞皆罷之。」不納。 孫伯堅、金琦、王寧皆以傳奉得官,已,又以指揮胡震爲都指揮,分守通州。 玉 登弘治九年進士,授輝縣知縣。 發粟振饑,奏蠲虛稅,復業者千家。 压抗疏言:「傳 擢御史。

武宗即位甫四月,災異迭見,压陳修省六事。 出按京畿,中官吳忠奉命選后妃,肆貪

傳第九十一 劉玉

列

榜玉 舟師 福建 空虚 邪 而 赴援。 一奸黨, 副使, 一,唑 玉奏。 棄輔臣,此亂 下不改圖,天下將殆。 皆董學政。 復誣搆之。 不問 事定,改撫鄖陽。 危所自起。 劉健、謝遷罷,玉馳疏言:「劉瑾等佞幸小臣,巧戲 正德十五年累擢南京右僉都御史,提督江防。 罰輸粟塞下者三,最後逮繫詔 況今白虹貫日,彗見紫微宮,星搖天王之位。 乞置瑾等於理,仍留健、遷輔政。」不報。 獄,削籍 放 歸。 弄,投 宸濠反,攻安慶,玉以 **瑾誅**,起河南僉事,遷 玉遂引疾歸。 陛下一笑。 民窮財殫,所在 後瑾 顧讒

福達 右侍 獄 鄓。 世宗卽位,召爲 削籍,卒於家。 初、偕 九卿 爭興獻帝 左僉都御史。 不宜稱皇,及帝欲考獻帝, 論遏亂功,進右副都御史。 又偕廷臣伏闕哭爭。 嘉靖元年改左。 六年秋坐李 歷刑部左、

压 慇,南京工部右侍郎。 所 居僅庇風雨。 天文、地理、兵制、刑律皆有論著。 歷官亦有聲。 隆慶初,贈刑部尚書,諡端毅。

陝西鎮守中官廖鸞族子鎧,冒功爲錦衣千戶,隨鸞於陝。 汪元錫,字天啓,婺源人。 正德六年進士。 授兵科給事中。 元錫爭之,言鎧父鵬已亂中 三遷都給事 中。

以納粟都指揮馬昊守備儀眞,復遣內官分守潼關、山海關,駕又幸大喜峯口,欲招三衞花 [|]忠、總兵官劉暉等不宜賞。 殺邊民無算,六軍多傷。 今君臣欣喜交賀,而軍民繋賊庭,南向號哭,臣等何忍受賜。」中旨 攜參隨七十餘人,元錫乞寢所奏。 帝幸昌平、宣府、大同,元錫偕同官邢寰累疏諫,復言宣府守將朱振等皆扈從西巡,寇乘虛 州、勿使鎧復亂陝右。 入塞,何以禦之。 已,聞帝將選禁軍親征四海冶部寇,復極陳不可。 乞徵還鸞,置鎧父子於理。 湖廣鎮守太監杜甫請巡歷所部,帝許之,元錫等據祖制 車駕還京,以應州之捷大賚文武羣臣。 元錫等言:「是役 偏頭關之捷,錄功太濫,偕同官言太監張 安遠侯柳文鎭湖廣,奏

宸濠就執,元錫、寰偕六科馳疏請迴鑾。 下。」語甚危切。 億繁費,使牒旁午。 帝欲南幸,舒芬、黃鞏切諫得罪,給事御史遂不敢爭。及帝將親征宸濠,元錫復諫沮 奸冗冒官校,少女充離宮。陛下不以宗社爲重,專事逸遊,豈能長保天 十五年,帝在南京,元錫等復屢申前請, 且言:「供

當、把兒孫,元錫等皆抗章

諫。

爲 團營教場。 屋小 中旨以內官晁進、楊保分守蘭州、 不悅,矯旨責之。 元錫言:「拓地則擾居民, 詔改團營西官廳爲威武團練營,以江彬、許泰等提督之,別擇地 肅州, 元錫等言:「二州逼强寇, 不可增官守, 興工則費財力,以朝廷自將之軍 而彬等概加提督, 、累居

列

停第

九

則僭名分。」不從。會帝崩,事已。

靖六年 黨 ,

宜下獄治。」

咸報 世宗 帝 即位 以李福達獄 ,疏言 可。 「都督 下三法 張 銑、許泰繋 部永以附江彬下 司於理。 獄,帝忽宥其 元錫 獄,宜釋而 不能平,有 死。 用之。 後言,聞於張璁,并下獄奪職。 元錫爭,不 錦衣都指揮郭鰲等十人皆彬 · 聽。 屢遷 至 太僕 卿。 後 用 嘉

邢寰,黃梅人。正德三年進士。數言事,有直聲。

薦起故官。

歷戶

部

左、右侍郎,致仕,卒。

隨 倍之。 子。」禁軍 官帑乏,無可結歡,丞專待譴耳。」彬使累至皆然,彬亦止。 大 事禁制 理評 宼 事,進寺副。 天 尹 多類 攫民物,天敍與兵部尚書喬字選拳勇者與搏戲。 齊宗道憂懼卒,天敍攝 **敍**,字子惇,榆次人。 此 駕駐 累遷應天府丞。 九月,南京不大 由鄉舉入太學。 其事,日青衣阜帽 武宗駐南京,從官 困者,天敍與字力也。 與崔銑、呂柟善。 坐堂上。 衞士十餘萬,日 禁軍 江彬 他權幸 卒受傷,慙且 使者至,好語之曰:「民 登正德三年進士,除南 有求,則曰:「俟若奏卽 費 金萬計,近幸求 一畏,不敢横。其 索 窮

嘉靖三年以右僉都御史巡撫宣府。 未行,改鄖陽。 甫二月, 又改甘肅。 回賊犯山丹,

督將士擒其長脫脫木兒。西域貢獅子、犀牛、西狗,天敍請却之,不聽。

不具。天敍在太學時,嘗聞父疾,馳六晝夜抵家,父疾亦瘳。 蠲 幣。 (租稅,發粟振饑民;因言織造非儉歲所宜設,帝立召還。歷兵部右侍郎,卒。家貧,喪事 織造太監至,有司議奏罷之。天敍曰:「甫至遽請罷,即不罷,焰且益張。」會歲祲,乃請 進右副都御史,巡撫陝西。寇入固原,擊敗之,斬首百餘。又討平大盗王居等,累賜銀

唐胄,字平侯,瓊山人。弘治十五年進士。 授戶部主事。 以憂歸。 劉瑾斥諸服除久不

赴官者,坐奪職。「瑾誅,召用,以母老不出。

之,其魁曰:「是前唐使君令吾子入學者。」即解甲。 **搆兵,胄遣使宣諭,木邦遂獻地。屢遷廣西左布政使。** 提學僉事。令土官及瑤、蠻悉遣子入學。擢金騰副使。 嘉靖初,起故官。疏諫內官織造,請爲宋死節臣趙與珞追諡立祠。 官軍討古田賊,久無功,胄遣使撫 土

一

井

信

虐

,

計

擒

之

。 進員外郎,遷廣西 木邦、孟養

帝以安南 擢右副都御史,巡撫南、贛,移山東。 久不貢, 將致討, 郭勛復贊之。 遷南京戶部右侍郎。十五年改北部,進左侍郎。 詔遣錦衣官問狀,中外嚴兵待發。 胄上疏諫

列傳第

九十

寇天敍

唐胄

五三五八

今日之事,若欲其修貢而已,兵不必用,官亦無容遣。 若欲討之,則有不可者七,

請一一陳之。

古帝王不以中國之治治蠻夷,故安南不征,著在祖訓。一也。

太宗旣滅黎季犛,求陳氏後不得,始郡縣之。 後兵連不解,仁廟毎以爲恨。

帝成先志,棄而不守,今日當率循。二也。

迭廢,而嶺南外警遂稀。今紛爭,正不當問,奈何殃赤子以威小醜,割心腹以補四肢, 外夷分爭,中國之福。 安南自五代至元,更曲、劉、紹、吳、丁、黎、李、陳八姓,迭興

無益有害。三也。

宗,元憲宗、世祖朝故事乎? 萬計,竭二十餘年之財力,僅得數十郡縣之虛名而止。況又有征之不克,如宋太宗、神 爲漢極界,乃近在今思明府耳。先朝雖嘗平之,然屢服屢叛,中國士馬物故者以數十 若謂中國近境,宜乘亂取之。臣考馬援南征,深歷浪泊,士卒死亡幾半,所立銅柱 此可爲殷鑒。四也

亂, 尚累累奉表牋、 具方物, 欵關求入, 守臣以姓名不符却之。 邦入貢,乃彼之利。一則奉正朔以威其鄰,一則通貿易以足其國。故今雖兵 是彼欲貢不得,非抗不

田州岑猛之役。又大工頻興,所在軍儲悉輸將作,興師數十萬,何以給之。六也。 興師則需餉。今四川有採木之役,貴州有凱口之師,而兩廣積儲數十萬,率耗於

役始。今北寇日强,據我河套。邊卒屢叛,毁我藩籬。北顧方殷,更啓南征之議,脫有 然臣所憂,又不止此。唐之衰也,自明皇南詔之役始。宋之衰也,自神宗伐遼之

不測,誰任其咎。七也。

形,是憂不在外夷,而在邦域中矣。請停遣勘官,罷一切征調,天下幸甚。 之不可,不伐不可,進退無據,何以爲謀。且今嚴兵待發之詔初下,而征求騷擾之害已 錦衣武人,闇於大體。倘稍枉是非之實,致彼不服,反足損威。 卽令按問得情,伐

章下兵部,請從其議。得旨,待勘官還更議。明年四月,帝決計征討。 潘旦、巡按御史余光相繼諫,皆不納。後遣毛伯溫往,卒撫降之。 侍郎潘珍、兩廣總督

獄拷掠,削籍歸。 郭勛爲祖英請配享,胄疏爭。 遇赦復冠帶,卒。 帝欲祀獻皇帝明堂,配上帝,胄力言不可。帝大怒,下詔 隆慶初,贈右都御史。

等猝至,有備不敢攻,引去,掠曲阜。 潘珍,字玉 卿,婺源 人。 弘治十五年進士。 珍奏徙縣治而 正德中,歷官山東僉事,分巡兗州。 城之。 遷福 建副 使, 湖廣 左布 政 賊劉七 使。

致仕。 從,且令黎寧合剿。 釋門庭防,遠事 徇寧請 陳暠、莫 嘉靖七年以右副都御史巡撫遼東。 珍廉直有行誼,中外十餘薦,皆報寢。 爲 左右。 登庸皆弑逆之賊,黎寧與其父譓不請封 瘴蠻, 且. 其地不足郡縣置,叛服 賊父子不擒則降,何必勞師。」 帝責珍撓成 非計之得。 宜遣大臣有文武才者, 累遷兵部 無與 卒,贈右都御史。 八中國。 入貢亦二十年,揆以 左侍郎。 今北敵 聲言進討。 時議諫討安南, 日 命,褫 蕃,聯帳萬里,烽警屢聞,顧 職歸。 大義,皆所當討 檄數 登庸罪, 尋以恩詔復官, 珍 上 疏 赦其 諫 何獨 日: 脅

取。 嘉靖 珍 族子旦,字希周。弘治十八年進士。 八年擢 右副 都御史,撫治鄖陽。 數平巨寇。 知漳州邵武。 累遷刑部右侍郎 三遷浙江左布政使。斥羨金不

日「安南非門庭寇。 也。」旦抵廣,適安南使至,馳疏言:「莫登庸之篡黎氏,猶黎氏之篡陳氏也。 年冬, 以兵部左侍郎提督兩廣 公宜以終喪辭。往來之間,少緩師期。 軍務。 詔起復毛伯溫討安南。 俟其聞命求款,因撫之,可百 旦行過其里, 朝廷將興問 語之

罪師,登庸卽有求貢之使,何嘗不畏天威。乞容臣等觀變,待彼國自定。 於中國體足矣,豈必窮兵萬里哉。」 若登庸奉表獻琛,

伯溫。帝怒,勒致仕。 疏不悅。言總督任重,宜擇知兵者。 工部尚書。 章下禮、兵二部。族父珍適以言得罪,尚書嚴嵩、張瓚絀旦議不用。 將還,東白例支庫金爲道里費。 遂改旦南京兵部,以張經代之。 未行,引疾乞休,語侵 旦笑曰:「吾不以妄取爲例。」卒,贈 會伯溫入都,見旦

乞令臣便宜從事。」帝以光疏中引五季、六朝事,下之兵部。 黎又轉於莫。 朝 鄉試錄。 爲亂魁。今失國,或天假手登庸以報之也。自宋以來,丁移於字,李奪於陳,陳篡於黎,今 旦上書半歲,廣東巡按御史余光亦言:「黎氏魚肉國君,在陳氏爲賊子,抗拒中國,在我 禮部尚書嚴嵩摘其誤,奏之,被逮削籍。光,江寧人。 欲興黎氏,勢必不能。臣已遣官責其修貢。道里懸遠,往復陳請,必失事機。 咎光輕率,奪其俸。 無何、光進

李中,字子庸,吉水人,正德九年進士。 傅 飭 九 + 涾 珍 李 中 楊 清爲吏部,數召中應言官試,不赴。

帝 軍 下 唑 番 無 閉 未 三 之本 ,名器 怒。 僧 事。 收 月 下 口 舉者 翻 合儲 卽 及 日 罪將 車 然 抗 預 授 位未 與 日 悔 平 疏 工 義 、聚處。 輕,賄 由 宸 不 部 悟,毁佛寺, 日 子以 ·建,義 唑 濠 測 主事 下惑異端故 賂 鍟 異言日沃,忠言日遠, 以 正天下之名,則 逆莲竊 子未革,紀綱 日 武宗 大臣救得免。 行 出番 禮 自稱大慶法王,建寺西華門內,用 權,勢焰 樂日 也。 僧 ,妙選儒臣,朝夕勸 廢 日 夫禁掖嚴邃, 所謂 驰,風 薰灼。 刑 踰 Ħ, 振 퉭 用舍顚倒 紀綱、勵 俗 H 中旨謫廣東通衢驛丞。 陛 日壞, 濫 1 一,民 **豈異教** 旣 風俗、進君子、退小 了舉錯 悟, 財 小人日 講,攬大權以 日殫, 誅 所得 之無 乖方。 進, 雑居。 軍 番僧住持,廷臣 赦, 政 君 政務廢弛, 子 日 絕天下之奸,建儲位 聖 弊。 日退, 王守仁撫贛州,檄中參其 今乃建寺西華門內 武 入諸事. 可 達旣 謂卓絕矣。 士氣 職 莫敢 ,可次第 誅 此之故。 日靡, 矣,而 善治 言路 中 舉 以 今大權 · ', 延 拜官 矣。 立天 伏 望 止 H

罷 聚 五. 經 世 宗 書院,五 韜 署 踐 作,復 吏部事 日一登堂講難。 \ 故官。 ,稱中素廉節 未任,擢廣東僉事。再遷廣西提學副使,以身爲教。 三遷廣 有才望 東右布 常留。 政使。 會政府有不悅者,降四川 忤總督及巡撫御史, 右參政。 坐以不 擇諸生高等 稱 職 當

關 繼 光,隣境攘其功, 亢 年擢 右僉都御史,巡撫山東。 中不與辯。 進副都御史,總督南京糧儲。 歲歉, 令民捕蝗者倍予穀, 蝗絕而饑者濟。 御史金燦按四川時,嘗 擒劇 薦 盜

中不謝、燦慽之、至是摭他事誣劾。方議調用而中卒。 光宗時,追諡莊介。

不及 龜年、周子恭皆能傳其學。 飯而別。 中守官廉。 少學於同里楊珠,旣而擴充之,沉潛邃密,學者稱谷平先生。門人羅洪先、王 自廣西歸,欲飯客,貸米隣家。米至,又乏薪,將以浴器爨。 中族人楷,又傳洪先之學。 會日已暮,竟

田故無城。 改知昌樂,亦以治行閒。 楷,字邦正。 倭至,楷禦於沙埠,倭不得渡,乃以間築城。 由舉人授湯溪知縣。 母艱服闋,補靑田。 倭又至,登陴守,日殺賊數人,倭遁 時倭躏 東南 ,楷積穀資守禦。青

產。 宫。 王厚遺之, 不受。歷工部郎中, 改南兵部。出爲延平知府。 民有產者無幾耳, 司禮太監蕭敬家奴殺 歐陽鐸,字崇道,泰和人。 而徭則盡責之民。請分民半役。」士大夫率不便。 人,置之法。 正德三年進士。授行人。 調福州,議均徭曰:「郡多士大夫,其士 上書極論時政,不報。 毀淫祠數十百所,以其材葺學 巡按御史汪珊力 大夫又多田 使蜀府,

持之,議乃行。

便。 頃, 增耗米。 田 不 歲勒民償賦。 甚相懸。 遷南京兵部侍郞,進吏部右侍郞。九廟災,自陳去。 陰輕重之,賦乃均。諸推收田,從圩不從戶,詭寄無所容。州縣荒田四千四百餘 三年擢廣東提學副使。累遷南京光祿卿,歷右副都御史,巡撫應天十府。 下者畝五升,上者至二十倍。鐸令賦最重者減耗米,派輕齌,最輕者徵本色, 鐸以所淸漏賦及他奇羨補之。議徭役及裁郵置費凡數十百條,民皆稱

鐸有文學,內行修潔。

陶諧,字世和,會稽人。弘治八年鄉試第一。 明年成進士,選庶吉士,授工科給事中。

請命儒臣日講大學衍義,孝宗嘉納之。

榜為 伏罪乃宥之。 當出理 奸 正德改元,劉瑾等亂政。 黨。 邊儲,以工科掌印無人,請俟行日遣官代署。 又誣以巡視十庫時缺布不奏,復械至闕下杖之,謫戍肅州。 帝命中官崔杲等往江南、浙江織造,杲等復乞長蘆鹽引。 諧請以瑾等誤國罪告先帝,罪之勿赦。 瑾遂中諧,下詔獄廷杖,斥爲民。 瑾摘其譌字令對狀, 諧再疏爭,皆不聽。 **瑾誅,釋還鄉,其黨** 旋

獪

1用事

竟不獲召。

列 傅 第 九 十 一 陶 酯

以爲埽。 嘉靖元年復官。未至,除江西僉事,轉河南管河副使。 總理都御史請推行之諸道,歲省費鉅萬。 遷參政,歷左、右布政使,皆在河南。 命沿河植柳,傍藝葭葦,有事採

力士諸役,乃編審里甲,復徵曠丁課及供億諸費。 乞皆罷免。」帝採納之。 病外者率不復收敍,故諧以爲言。又奏:「今天下差徭煩重。旣有河夫、機兵、打手、富戶、 官忤旨,當優容。養病官才力堪任者,毋終棄。」時南京御史馬數等劾王瓊被逮,而新例養 久之,擢右副都御史,提督南、贛、汀、漳軍務。 疏言:「守令遷太驟,宜以六年爲期。 言

花等攻城,與德慶賊鳳二全相倚爲患,諧討破百二十五砦。帝曰:「諧功足錄,第前縱患者 誰?乃僅賚銀幣。 使約束其黨五百人爲新民。兵部以降賊羣聚,恐乘隙爲變,令解散其黨。已,陽春賊趙林 揮李嶅所蹙。 尋遷兵部右侍郎,總督兩廣軍務。海寇陳邦瑞、許折桂等突入波羅廟,欲犯廣州,爲指 起兵部左侍郎。 邦瑞投水死,折桂還所執指揮二人,乞就撫。諧居折桂等東莞,編爲總甲, 瓊山沙灣洞賊黎佛二等殺典史,諧復剿平。 九廟災,自陳致仕歸。卒,贈兵部尚書。隆慶初,諡莊敏。 爲總督三年,俘斬累萬。

坐繫。 孫 大順,字景熙。 大順言於左使曰:「盗者兩三人耳,何盡繫之爲。 請爲公治之。」乃縱囚令跡盜,果得 嘉靖四十五年進士。歷官福建右布政使。 司帑失銀,吏卒五十人皆

真者。終右副都御史,廣西巡撫。

來下詔獄, 詰所共謀。大臨不顧, 日餉之藥物, 時來亦忍死無一言。萬曆初, 累官吏部侍 卒,贈吏部尚書,諡文僖。 弟大臨,字虞臣。嘉靖三十五年進士及第,授編修。吳時來劾嚴嵩,大臨爲定疏草。時 大臨少應舉杭州,隣婦夜奔,拒之,旦遂徙舍。爲人寬然長

大順子允淳,與父同登進士。終尚寶丞。

者,而內持貞介,不以勢利易。

潘塤,字伯和,山陽人。正德三年進士。 授工科給事中。 性剛決,彈劾無所避。 論諸

大寮王鼎、劉機、甯杲、陳天祥等,多見納。

聞陛下好佛矣。 歡,狎羣小以爲快也。 之勞不濫賞。臣聞陛下好戲謔矣。臣以爲入而內庭琴瑟鐘鼓 不由,非正人不親,非儒術不崇,非大閱不觀兵,非執法不成獄,非骨肉之親不干政,非汗馬 乾清宮災,塤上疏曰:「陛下涖阼九年,治效未臻,災祥迭見。臣願非安宅不居,非大道 臣以爲南郊有天地,太廟有祖宗。 出而外廷華裔一統莫非臣妾,不必收朝官爲私人,集遠人爲勇士也。 錫祉迎麻,佛於何有。番僧可逐而度僧 人倫之樂, 不必遊離宮以爲

三軍· 房壯麗,古以爲金塊珠礫也,況養豹乎! 可 止 六師 也。 ,大武也,不須邊將邊軍以自擁。 聞陛下好勇、好貨、好土木矣。臣以為誅奸遏亂大勇也,不須馳馬試劍以自勞。 金碧熒煌,古以爲塗膏釁血也,況供佛乎!是數者 任土作貢,皇店奚爲?闤闠駢闐,內市安用。阿

之好皆可已而不已者也。」疏入,報聞。

作。 也。 未浮於太甲,悔又早於武帝,何愆不可蓋,何治不可建乎。」時欲毁西安門外民居,有所興 頃與御史熊相、曹雷復切諫,皆不報。 昔太甲居桐,處仁遷義,不失中興。 年正 月,上書言:「陛下始者血氣未定,禮度或踰。 今春秋已盛,更絃易轍,此其時 漢武下輪臺之詔,年已七十,猶爲令主。況陛下過

階,外調,舉朝大駭。給事中邵錫、御史王金等交章請留,不報。遂添註塤開州 三遷至兵科 都給事中。 右都督毛倫以附劉瑾論死,削世廕。倫嘗有德於錢寧,恃爲內 同知

潮、常道先後討賊無功,乃敕揖會剿。 大破之,追奔至莎草嶺,燬安陽諸巢。 奪其險,乃可擒也。」遂分五哨三路入,募土人爲導。首攻奪井腦,賊悉衆爭險。官軍奮擊, 嘉靖七年累官右副都御史,巡撫河南。潞州巨盗陳卿據青羊山爲亂,曰山西巡撫江 **塤謀於道曰:「賊守險,難以陣。合諸路夾攻,出不意** 山東副使牛鸞由潞城入,三一破賊李莊泉。三一其夕,

列

賊,先後降二千三百餘人。自進兵至搜滅賊巢,凡二十九日。 河南副使翟瓚搗卿巢,卿敗走。 等所劾。 言往覈,未報。 河南大饑,塤不以時振,而河南知府范總不待報,輒開倉發栗,民德而頌之。 瓚追敗之欒莊山,又敗之神河。 | 塤惶恐引罪, 且歸罪於總, 遂爲給事中蔡經 捷聞,帝將大賚,遣給事 山西僉事陳大綱亦屢蹙 年八十七卒。

者四人。羣小咸惡,遂謫蒲州同知。 極論義子、番僧、邊帥之害。 屢遷吏科都給事中,復極論馬昂女弟入宮事,又劾方面最貪暴 呂經,字道夫,陝西寧州人。正德三年進士。 又以事忤中官黃玉,誣劾繫獄。 授禮科給事中。 九年,乾清宮災,經上疏

經還朝 德,經竄 牆,督趣過當。 |純等奏||經十一罪。帝逮||經。 餘丁三,每馬 世宗卽位,擢山東參政。 ||苑馬寺幽室中。[四] 亂卒毁府門,火均徭册,搜得經,裂其冠裳,幽之都司署。 都指揮袁璘將剋諸軍草價爲辦裝,卒復執經,裸而置之獄,虐辱之,脅鎮守中官王 一,給牧地五十畝。 諸軍詣經乞罷役,都指揮劉尚德叱之不退,經呼左右榜訴者。 亂卒復置官校於獄,外之始解。 嘉靖十三年累官右副都御史,巡撫遼東。 經損餘丁之二編入均徭册,盡收牧地還官。 經下詔獄,謫戍茂州。 故事,每軍一,佐以 卒遂爭毆尚 又役軍築邊 數年釋 帝 詔

兄死 ,百官往 欧陽 重,字子重, 一一一一一重 不 ·往。 廬陵 張銳 人。 、錢寧掌廠衛, 正德三年進士。 連構搢 殿試對策, 納獄 , 歷詆闕政。 重皆力與爭 o 授刑部主事。 鋭等假 他 事 繫 劉

獄

,贖杖還職,仍停俸。

再遷郞中。

歷四

川

雲南提學副使。

遷浙江按察使,未

上

之

瑾

賜 汝 進 乃改雲南。 璽 秋 升、知府嚴時泰等逼 以故諸蠻悉從爲亂, 任子。 乃散 朝文 嘉靖六年春拜右僉都御史,巡撫應天。 計 諭 其 緬 、黨二萬人,遷尋甸府於鳳梧山下, 窮, 初 甸、木邦、隴川、孟密、孟養諸酋相讐殺,各許奏於朝,下重等勘覆。 ,武定土知府鳳詔母子坐事留 重乃卹 絕普渡河走。 創殘,振 歷諸蠻,譬以 攻圍 [會城。 貧乏,輕徭賦,規畫鹽 追兵至,殲焉。 禍福。 重督兵擊敗之,而遣詔母 皆還侵地,供貢 雲南 會尋甸 更設守禦千戶所。 銓逃尋甸故巢。 ,朝文給其衆,言詔已戮,官軍將盡 鐵商稅、屯田諸務。 土酋安銓、鳳朝文反,廷議以重諳 如 故。 子還故地。 官軍攻破 重推功於前 重列善後數事。 民咸便之。 其砦, 其黨愕, 撫臣傅習, 執鈴 遺參政王 悉報可 相 滅其部 演事, 贼 変 並 盡 歸

雲南 列 歲貢 傅 绑 金千 ル + 兩,費不貲。 歐 陽 重 大理太和蒼山產奇石,鎭守中官遣軍 庄 攻鑿。 山崩,壓死

無算。 重皆疏罷之,浮費大省。

諱,專務姑息,孰肯爲陛下任事哉!願曲宥二臣,全朝廷之體。」帝怒,奪言等俸 奉詔非生事。 庇,調外任,唐、紹勛 怒,遣人結張璁,謀去重。會重奉命淸異姓冒軍弊,都司久未報,給餉後期。 言,盜率唐、紹勛莊戶,請究主者。 風,類以月糧借口。如甘肅、大同、福州、保定,事變屢見。失今不治,他日當事之臣以此爲 軍譁於軍門。 取財萬計。 當是時,鎮守太監杜唐、黔國公沐紹勛相比爲奸利,長吏不敢問,羣盜由此起。 因極言鎭守中官宜革。 臬言唐、紹勛罪與重等,今處分失宜,無以服天下。 巡按御史劉臬以聞,劾重及唐、紹勛處置失當。 不問。 都給事中夏言等抗章曰:「以軍士譟罪撫、按,紀綱謂何? 又奏紹勛任千戶何經廣誘奸人,奪民產,唐役占官軍,歲 帝頗納其言,頻下詔飭紹勛,命唐還京待勘。 **璁從中主之,解重職,賣臬黨** 頃年士卒驕悍, 唐等遂嗾六 二人懼 相效成 況 重疏 衞 且

左右。 譴代言官罪。 臣,而自乞褫職。 重罷歸在道,聞御史王化劾其爲桂萼黨,不勝忿,抗疏陳辨,請錄「大禮」大獄被逐諸 璁疏辨。 帝益怒,以已除名,置不問。 帝以重失職怨望,黜爲民。 又言得紹勛所遣百戶丁鎭私書,知行賄張璁,乞其覆護,聰奸佞,不宜在 重家居二十餘年,言者屢薦,竟不復召。 重以臬被謫,言等奪俸,皆由己致之,復疏乞重

催銑 朱裳,字公垂,沙河人。年十四爲諸生,讀書黌舍,躬執爨。 登正德九年進士,擢御史,巡鹽河南。 錢寧遣人牟鹽利,裳禁不予。 提學御史顧潛俾受學於 。巡按 山東。 前

己詔,新庶政,以結人心。不報。 御史王相忤鎭守中官黎鑑,被誣下詔獄。 山東大水,淹城武、單二城。以裳言,命相地改築。 裳抗疏直相,劾鑑八罪。帝還自宣府,裳請下罪 帝幸

南都久,裳極陳小人熒惑之害。 出爲鞏昌知府。

追贈戶部右侍郎,諡端簡。 **艱歸,**久不起。帝南巡,謁行在,命以故官總理河道。 衣 襲爲壽,父亦拒不納。三遷至浙江左布政使,以右副都御史總理河道,數條 嘉靖二年舉治行卓異,遷浙江副使。 日啜菜羹,妻操井臼,迎父就養。 迎章聖太后梓宮,冒暑卒。 同 列 知其 上方略。外 隆慶中,

北。 劉瑾 家居九年,始赴補。 陳察,字元習,常熟人。 既誅、武宗 **猶日**狎羣 會帝 弘治十五年進士。授南昌推官。 小。 將親征宸濠。 察偕同官請務講學,節嗜欲 察請無行,而亟下罪己詔。 ,動視朝,語甚 正德初, 擢南京 忤旨,奪俸一年。諭 切直。 御史。 以養親 尋改

列

傳

第九十

朱

裳

陳察

羣叵更諫,必置極典。

詔

並

立罷還。

邊徼 **,旣統以巡撫總兵,又有監司守備分轄,無事鎭守中官。** 俄 巡按雲南。 助巡撫何孟春討定彌勒州,以功增秩。 世宗卽位, 因劾太監劉玉、都督沐崧罪。 疏言金齒、騰衝地極

召前 震朝 鵬 不肖 論 野。 救,皆奪俸。 給事中劉世賢等二十餘人。 「軀易|言命,不忍|言獨死。」帝目攝之,察不爲動。 嘉靖初,按四川。 巡視京營,與給事中王科極陳武定侯郭勛貪橫狀。 察補海陽教諭。累遷山西左布政使,入爲光祿卿。 請罷鎭守中官,不聽。 帝怒,責以市恩要名,貶遠方雜職。 帝親鞫楊言, 落其一指。 退具疏申理,且請 擢南京太僕少卿。 給事中王俊民、鄭一 下王邦奇於獄,直 察大呼日一「臣願以 疏辭,因請 聲

糲食而已。 十四人可用。 十二年,以僉都御史巡撫南、巓。居二年,乞休,因薦前都御史萬鏜、大理卿董天錫等 吏部請從其言。帝奪部臣俸,責察徇私妄舉,斥爲民。察居官廉,旣歸,敝衣

孫懋,字德夫,慈谿人。 正德六年進士。 授浦城知縣,擢南京吏科給事中。 御史張經、

章,請黜太僕少卿馬陟,留御史徐文華,召還謝遷、韓文、孫交、張原、周廣、高公韶、王思等, |鑾、守約故任。」未幾,復偕諸給事言:「臣等屢建白,不擇可否,一概留中。 萬一奸人陰結黨 寧波知府翟唐忤奄人被逮,懋偕同官論救。織造太監史宣誣主事王鑾、知縣胡守約,下之 類,公行阻遏,朝有大事,陛下不聞,大臣不知,禍可勝言一皆不報。已,又劾罷鹽法侍郎薛 詔獄。懋言:「宣妄言御賜黃棍,聽撻死官吏,脅主簿孫錦死,今又誣守職臣。乞治宣罪,還

急定平賊功賞,旣又數請還京,率同官伏闕,皆不省。 |彬方日侍帝娛樂,亦不之見也。請回鑾,諫南幸,|懋皆與。|宸濠反,帝在南都,|懋從行。 時中外章奏,帝率不省視。規主闕者,往往得無罪。 兩宮違養,郊廟不親,四方災異迭見,盜賊蜂起。 江彬導帝巡幸。懋言:「彬梟桀儉邪,挾至尊出居庸,無大臣保護,獨處沙漠將半載。 。留彬一日,爲宗社一日憂,乞立置重典。」 一觸權倖,禍立至,人皆爲懋危。 而

罷游畋射獵,復御朝常儀,還久留邊兵,汰錦衣冗官,諸疏皆侃侃。

時 卿 `令參預,必有裨新政。」帝雖善之不能用。 張道榮,皆罷。未幾,言「謝遷、韓文起用,乞倣宋起文彥博故事,不煩職務,大禮大政, 世宗卽位,疏薦建言貶謫諸臣周廣、范輅等二十人,皆召用。劾南京祭酒陳騫、太常

出爲廣東參議,遷副使。 嘉靖四年有錦衣官校偵事廣東。 懋與按察使張祐疑其偽,執

列

試錄件旨,

致仕,卒。

事聞 逮 下 詔 獄 ,謫藤縣典史。 屢遷至廣西布政使。 十六年入爲應天府尹 0 坐所進鄉

按陝西。 王儀,字克敬,文安人。 秦府豪占民產 儀 悉奪還民。 嘉靖二年進士。 延綏 大饑,朝 除靈壁知縣。 命陝西 布政 以能,調嘉定。 使胡 忠為 巡撫、儀 七年 擢御史,巡 論 罷之。

輕 以 奏之,奪爵禁錮 而 悦其 坐。 私憾 已,巡按 建 帝終憐 入己罪。 一醮語,爲遣使覆按,解儀、伯溫任,下天民 河南。 · 祐椋愛己,竟復其爵,除儀名,伯溫、山、天民皆得罪。 且言「臣嘗建醮祈 會儀 趙府輔國將軍 出 爲蘇州知府。 祐椋招亡命殺 皇嗣,爲知 甫三月,祐椋潛入都,奏儀捃摭,并訐都御史毛伯 府王天民訕笑」,請幷按問。 人劫般,積 獄。 使者奏儀不誣,第祐椋罪在 计餘 年莫敢發。 終嘉靖世 帝 儀 ì 多以誹謗齋 偕巡撫吳山 知祐椋罪, 赦前,宜 溫

淆無可考,何以定賦。」乃履畝丈之,使縣各爲籍。 至 、不報。 儀 去蘇州, 歸愬於巡撫侯位。 士民· 走闕 下乞留,帝不許。 位以聞,帝乃許之。 旣而薦起知無州。 以八事定田賦,以三條核稅課,徭役、雜 至則 蘇州士民復走闕下乞還儀, 酣

獲

重

禍,由祐

椋訐奏始。

等,遷山西右參政,分守冀、寧。寇抵淸源城,儀洞開城門,寇疑引去。按行所部,築城郭, 之,以治蘇者推行於旁郡。 辨 維均。 治爲知府第一,進浙江副使,飭蘇、松、常、鎭兵備。 坐與操江王學變討賊敗績,停俸戴罪。 時巡撫歐陽鐸均田賦,儀佐 未幾,殪賊江中,進秩

積糗糧,榆次、平定間逐皆有城。

之,
枷市門外。
鸞訴於帝,逮訊斥爲民,卒。
隆慶初,子
緘訟冤,復官賜卹。 政,復拜右僉都御史,巡撫甘肅。未行,俺答犯京師,詔儀馳鎭通州。 仇鸞部卒掠民貲,捕笞 勘上失事罪,貶秩如初。人之,除肅州兵備副使,協巡撫楊博徙哈密遺種於境外。稍遷右參 尋以築邊垣,賚銀幣。寇自萬全右衞入,游騎犯完、唐。奪俸二級。考察拾遺,貶一官。已, 二十一年擢右僉都御史,巡撫宣府。寇入龍門,總兵官卻永等敗之。儀進右副都御史。

|緘,官按察使,分巡遼陽,以知兵名。

學夔曰:「妄豎子耳。」密捕致之辟。 申救言官。 年九十四卒。 王學變,安福人。正德時,以東部主事諫南巡,跪闕下,受杖。嘉靖初,奏請裁戚畹,又 歷考功、文選郎中,廉謹爲時所稱。 贈太子少保。 累遷南京吏、禮、兵三部尚書。 嘗撫治鄖陽。 有偽稱皇子者,諸司議用兵。 隆慶、萬曆間,存問者

列

曾鈞,字廷和,進賢人。 嘉靖十一年進士。 授行人, 擢南京禮科給事中。 時四方銀場

得不償費,且爲盜窟,鈞奏罷之。

鈞剛廉疾俗。首劾罷參贊尚書劉龍。 已刻翊國公郭勛、禮部尚書嚴嵩。 未幾劾工部

侍郎蔣淦、延綏巡撫趙錦。最後劾罷操江都御史柴經。 直聲震一時。

出爲雲南副使。兩司詣黔國公率廷謁,鈞始正其禮,且釐還所侵麗江民地。 遷四川參

政。黔寇亂,撫定之。屢遷河南左布政使。

三十一年以右副都御史總理河道。 徐、邳等十七州縣連被水患,帝憂之,趣上方略

鈞請濬劉伶臺至赤晏廟八十里,至築草灣老黃河口,增高家堰長堤,繕新莊等舊牐。 閱數

月,工成。進工部右侍郞。

治河四年,入爲南京刑部右侍郎。 久之,**乞歸。**家居十餘年卒。 贈刑部尚書、諡恭肅。

贊曰:鄭岳等居官,歷著風操。 箴主闕, 抑近倖, 本末皆有可觀。 斤斤奉職,所至以治

幾與周忱比矣。

校勘記

- 潞州巨盗陳卿據青羊山爲亂 青羊山,原作「青陽山」,據本書卷一九六夏言傳、 明史稿傳七
- 七夏言傳及傳八二潘塤傳、世宗實錄卷九四嘉靖七年閏十月壬申條改。
- 山東副使牛鸞由潞城入 牛鸞, 原作 「牛鑾」,據本書卷一九六及明史稿傳七七夏言傳、 **世宗**
- 實錄卷九四嘉靖七年閏十月壬申條改。
- = 弟陳奉、陳訪率守李莊口禦山西兵」、「李莊」顯係一地名、疑作「李莊東」是。 破財李莊泉 李莊泉,世宗實錄卷九四嘉靖七年閏十月壬申條作「李莊東」。 按實錄稱陳卿「同
- PSI 經竄苑馬寺幽室中 苑馬寺, 原作「花馬寺」,據世宗實錄卷一七三嘉靖十四年三月己丑條、
- 國権卷五六頁三五一三改。
- H. 鈞請濬劉伶臺至赤晏廟八十里 二曾鈞傳、世宗實錄卷三九三嘉靖三十二年正月戊寅條改。 赤晏廟,原作「赤宴廟」,據本書卷八三食貨志、 明史稿傳八

明史卷二百四

列傳第九十二

陳九疇 翟鵬 張漢 孫繼魯 曾銑

楊守謙 商大節 王忬 楊選

刑 部主事。 陳九疇,字禹學,曹州人。倜儻多權略。 有重囚越獄,人莫敢攖,九疇挺槊逐得之,遂以武健名。 自爲諸生,卽習武事。 弘治十五年進士。 除

速兒犯嘉峪關,遊擊芮寧敗死。 身當利害,何但模棱爲一」乃練卒伍,繕營壘,常若臨大敵。 督彭澤之路土魯番也,遺哈密都督寫亦虎仙往。 正德初,錄囚南畿,忤劉瑾,謫陽山知縣。 瑾敗,復故官,歷郎中,遷肅州兵備副使。 尋復遣斬巴思等以駞馬乞和,而陰遺書虎仙及其姻黨阿刺 九疇奮曰:「彭公受天子命,制邊疆,不能 寫亦虎仙果通賊。番酋速檀

總

僔 第 九 += 陳 九 暩

列

思罕兒、

失拜烟答等俾內應。

九疇知賊計,

執阿刺思罕兒及斬巴思付獄。

通事毛鑑等守

之。 部尚 鑑等故 書王 瓊惡澤 與 通 ,
弁坐
九 ,欲縱去,衆番皆伺 嚋失事罪,逮繫 隙 爲 《法司 變。 九疇 獄。 以 覺之,慘鑑等。 失 拜烟答繫死 賊 爲罪,除其名 失內應,遂拔 帳 兵

銘,焚其屍。 言額軍七萬餘,存者不及半,且多老弱,請令召募。 世宗 卽 位, 乃擢 起故官。 九疇右僉都御史,巡撫甘肅, 俄進陝西 按察使。 居數 按驗銘事, 角, 詔可 甘肅 誅隆及亂卒首事者。 總兵官李隆嗾部卒毆殺巡撫許 九嚋抵鎮

權門,轉蒙寵幸,以犯邊之寇,爲來享之賓。 恐河西十五 以至於今。 |嚋上言:「番賊敢入犯者,以我納其朝貢,縱商販,使得稔虛實也。 已,叉出兵擊走之。 人,宜安置 嘉靖三年,速檀滿速兒復 兩粤,其謀逆有迹者加之刑僇, 今卽不能 衛所,永無息肩之期也。」事下,總制楊 其分掠甘州者,亦爲總兵官姜奭所敗。 如漢武興大宛之師, 以二萬餘騎圍肅州。 則賊內無所恃,必不復有侵軼。 亦當效光武絕西域之計。 邊臣忧利害,拱 九疇自甘州畫夜馳 清頗採其議。 論功 手 聽 命,致內屬番 寫 進副 四年春致仕 亦 先後入貢未歸者二百 虎仙 都御 入城、射賊、賊多死。 倘更包含隱忍, 史,賚 逆謀已露,輸貨 人勾連接引, 歸 金幣。 九

表 戶王邦奇計楊廷和 求通貢, 初 力土魯番 帝怪 敗遁,都指 且疑。 、彭澤,詞連九疇。 而番 揮王輔言速檀滿速兒及牙木蘭俱死於酸, 人先在京師者爲蜚語,言肅州之圍 吏部尚書桂萼等欲緣九疇以傾澤,因請許通貢,而 一,由 九 疇激之, 九疇 以聞。 帝 益 後二人上 信。 會

却其 耳。 則 追治 知 其罪有 兵忘 、營帳 夫其 世 九霉激變狀。 身殉 寧 不 ,遠交瓦剌擾其窟巢, 畜謀內寇,爲 司 発耳。」 國 刑 者,無如 而 殺 忠臣,寧殺世寧。」 大學士一淸言事已前決。 法司 日已久。 九疇,宜番人深忌而 具獄亦如世寧言。 使彼 旦 內顧 一擁 乃上疏 兵深 而 欲 返, 入,諸番約內應,非九嚋先幾奮慘,且 爲 殺 帝不聽, 帝卒中導等言,謫戍極邊。 訟冤日 則肅 也。 州 惟聽部下卒 「番人變詐,妄騰 孤 逮下詔獄。 城豈復 能保。 妄報,以滿速兒等爲已死, 刑部尚書胡世 臣 謗 一以爲 居十年,赦還 讀, 文臣 欲 近 害 寧言於朝 遣 之有勇 我 屬 謀 夷 臣

開 封。 翟鵬,字志南,撫寧衞人。 擢 陝西 副 使,進按察使。 正德三年進士。 性剛 介,歷官以清操 除戶部主事。 聞 歷員外郎中,出爲衞輝 知府,

調

兵官趙瑛 並 二十餘 羸 老不任兵。 嘉 墩 靖 失 孤 七 年擢 事,爲所訐,奪職歸 懸塞外, 右 叉番休 僉都御史,巡撫寧夏。 久棄不守, 無期,甚者夫守墩, 鵬盡復 之。 時 妻 邊政 歲大侵,請於朝以振。 坐 久弛, 鋪。 鵬 壯卒 至,盡淸占役,使得 ·率占工匠私 坐寇 入停俸。 役中官家,守邊者 迭更。 復 坐 野 一劾總 雞臺

一十年八 列 第 月,俺答入山西內地。 九 + 翟 鹏 兵部請遣大臣督軍儲,因薦鵬。 乃起故官,整飭畿輔、

能有所挫。 山西、河南軍務兼督餉。 寇退,乃召還。 鵬馳至,俺答已飽去,而吉囊軍復寇汾、石諸州。鵬往來馳驅,不

我寡,奮身戰,雖有傷折、未至殘生民者,罪當原。於法,俘馘論功,損挫論罪。乃有摧鋒陷 塞,宜多方招徠。 明年三月,宣大總督樊繼祖罷,除鵬兵部右侍郎代之。上疏言:「將吏遇被掠人牧近 。 殺降邀功者,宜罪。 寇入,官軍遏敵雖無功,竟賴以安者,當錄。 若戝衆

非戎律之平。」帝皆從其議。會有降人言寇且大入,鵬連乞兵餉。帝怒,令革職閒住,因罷 陣不暇斬首,而在後掩取者反積級受功,有逡巡觀望幸苟全,而力戰當先者反以損軍治罪,

總督官不設。鵬受事僅百日而去。

严刑,西至偏關,畫地分守。 山東、河南軍務,巡撫以下並聽節制。鵬受命,寇已出塞。卽馳赴朔州,請調陝西、薊、遼客 帝從之。 兵八支,及宣、大三關主兵,兼募土著,選驍銳者十萬,統以良將,列四營,分布塞上,每營當 千五百間,得地萬四千九百餘頃,募軍千五百人, 面。寇入境,游兵挑之,誘其追,諸營夾攻。 其年七月,俺答復大入山西,縱掠太原、潞安。兵部請復設總督,乃起鵬故官,令兼督 鵬乃浚壕築垣,修邊牆三百九十餘里,增新墩二百九十二,護墩堡一十四,建營舍 增游兵三支,分駐雁門、 脫不可禦,急趨關南依牆守,邀擊其困歸。 人給五十畝, 寧武、偏關。 省倉儲無算。 寇攻牆,戍兵拒,游兵出 疏請 東自

兵,而別選戰士六千,分兩營,遇警令總督武臣張鳳隨機策應,此戰中有守。帝從其議,且 關 命自今遇敵,逗遛者都指揮以下卽斬,總兵官以下先取死罪狀奏請 夾攻,此守中有戰。 東大同,西老營堡,因地設伏,同寇所向。又於宣、大、三關間,各設勁

以兵部左侍郎 源,遣諸將遏敵。 直抵完縣,京師戒嚴。 遂以十月初寇膳房堡。 年九月,薊州巡撫朱方請撤諸路防秋兵,〔〕〕兵部尚書毛伯溫因併撤宣、大、三關客兵。俺答 門所,總兵官郤永等却之,斬五十一級。 多從,而責效甚急。 間 實陳狀。 牧馬者百餘人,擊斬二十三級,奪其馬還。未入塞,寇大至,官軍饑憊,盡棄所獲奔。 分駐邊堡,謂之暗伏。 先是,鵬遣千戶火力赤率兵三百哨至豐州灘,不見寇。復選精銳百,遠至豐州西北,遇 二十三年正月,帝以去歲無寇爲將帥力,降敕獎鵬,賜以襲衣。至三月,俺答寇宣府龍 帝以將士敢深入,仍行遷賞。舊例,兵皆團操鎭城,聞警出戰。 張 漢代。 御史楊本深劾鵬逗遛,致賊震畿輔。 鵬亦竭智力,然不能呼吸應變。 帝大怒,屢下詔責鵬。 爲郤永所拒,乃於萬全右衞毀牆入。 鵬至,下詔獄,坐永戍。 鵬請入秋悉令赴塞,畫地分守,謂之擺邊,九月中還鎮。遂著爲令 論功,進兵部尚書。帝倚鵬殄寇,錫命屢加,所請 鵬在朔州聞警。 行至河西務,爲民家所窘,告鈔關主事杖 御史曹邦輔嘗劾鵬,鵬乞罷,弗允。是 兵科戴夢桂繼之。 由順聖川至蔚州 夜半至馬邑,調兵食,復趨渾 自邊患熾,每夏秋 逐遣官械鵬,而 ,犯浮屠峪, 鵬具

列

之,廠衞以聞。復逮至京,卒於獄,人皆惜之。

江 慚而退,其介如此。 初 ,鵬在衞輝,將入覲,行李蕭然,通判王江懷金遺之。鵬曰:「豈我素履未孚於人耶?」 隆慶初,復官。

遂械緊詔獄,謫戍鎭西衞。後數年邊警,御史陳九德薦漢。 部臣乃言漢議皆當,而專殺大將,與會典未合。 退怯必死,自爭赴敵。帝不欲假臣下權,惡之。兵部言,漢老邊事,言皆可從。帝令再議 諸 一十年卒。 軍。漢條上選將、練兵、信賞、必罰四事,請令大將得專殺偏裨,而總督亦得斬大將,人知 張漢,鍾祥人。代鵬時,寇已出境,乃命翁萬達總督宣、大,而以漢專督畿輔、河南、山東 隆慶初,贈兵部尚書。 帝姑報可。 帝怒,斥九德爲民。漢居戍所 會考察拾遺,言官劾漢剛愎。

戶 士夏言救発。 部郞中、監通州倉。 孫繼魯,字道甫,雲南右衞人。嘉靖二年進士。授澧州知州。 繼魯不謝,言不悅。改補黎平。擢湖廣提學副使,進山西參政。 歷知衞輝、淮安二府。織造中官過淮,繼魯與之忤。 坐事, 改國子助教。 誣逮至京,大學 數繩宗藩。 歷

曁遷按察使,宗藩百餘人擁馬發其裝,敝衣外無長物,乃載酒謝過。 遷陝西右布 政

帝方倚萬達,怒繼 别 安能 往歲建雲中 悦,上疏言:「增兵擺 堡戍,欲其不侵犯難矣。 均爲最急。此皆密邇河套,譬之門闔。 同緊邊,自丫角山至老牛灣百四十里爲 爲山西 聚師 者不撤紫荆以幷守宣府、豈可獨撒雁門以幷守大同耶。 總督都御史翁萬 調 繼 分力以守大同之右。近年寇不敢犯 、山海諸關 曠 二十六年擢右副都御史,代楊守謙巡撫 魯,否則早罷 長邊, 野,洞開重門以延敵。夫紫荆諸關之拱護京師,與雁 議,宰執幾不 自右衞雙溝墩至東陽 ,東枕溟渤 達議撤山西內邊兵,幷力守大同外邊, 魯騰 邊,始於近歲,與額設守邊者不同。 臣 私 , **免。近年撤各路兵,督撫業蒙罪。** 書,引往 全師在外,强寇內侵,即紫荆、倒馬諸關不將徒守哉 無悞邊事 ,雁門、寧武、偏 事議君上。 河、鎭 兵部是繼魯言。 山西緊邊,論長邊則大同爲急,山西差緩,論緊邊則 山西守左,大同守右。 山西內郡者,以三關備嚴故 口臺爲大同 頭諸關,西據黃河。 山西。 而夏言亦惡繼魯,不爲地,遂逮下詔 繼魯耿介,所至以淸節聞 長邊, 帝不從, 繼魯乃以危言相恐,復遺臣書,言 況自偏 帝報 自丫角山 其 詆 門諸關之屏蔽全晉,一也。今議 可。 天設重險,以藩衛國家,豈可 下 山西幷力守左尚不能支,又 頭、 排 廷議 繼魯抗章爭,言:「紫荆 如 寧武、雁門東 也。 至雙溝百四十里爲 此。 廷臣 使三關將士遠離 今防秋已逼,乞 」萬達聞之不 然好好 請 如 獄。 抵平刑關 萬達言。 剛 使氣 疽發

於項,瘐死。

書訟其 繼 魯 冤 為 者, 巡 撫 卽 僅 前 四 奪 月。 視 其裝者 山 西 人習其前 也 穆宗 政,冀有所設施, 卽 位 **,贈兵部左侍** 遽以 郎 賜 非罪死, 祭葬,廕 咸爲 一子 痛 諡 惜。 清 宗藩 有

子。 潚 銑 乃召還庭榻 城 事 御 已刺 官 , 史, 大同 爲 會 拜 曾銑, 亂 巡按遼 得 表, 朝 軍變,處之過 軍乞赦。 二城 廷 集衆 造 字子重,江都 命銑勘 東 及 待 無順 亂, 郞 經罷 遼陽 林 爲 實,悉斬諸首惡 輕。 爲惡者姓 庭棉往勘 總兵官劉淮 兵 人。 趨廣 變, 羣 小 寧, 執 自爲諸生,以才自豪。 謂辱 名, ",亂卒 辱 悍卒于蠻兒等復執 都 所覺,計不行。 密授諸將, 命臣 ,懸首邊城,全遼大 懼 御史呂經。 一、殺主 遼陽倡首者趙劇兒潛詣 劇兒等數十人同 帥 罪 銑 復結死囚,欲 時 不過此 辱經。 嘉靖八年 按金 定。 逐 復, 其 月, 成進士, 相 日 俟 急檄 率爲 庭棉 捕 廣 撫順 寧 獲。 副 亂 至,閉 與 卒亦 總 授長樂知 蠻兒 。今首惡宜 跳上言: 兵李鑑 縛指 城 合謀,欲 門 爲 縣。 揮 罷 「往者甘 急誅。 變。 劉 經 俟 岢 雄 徵 鎭 父 急 爲 而

副 都 御 擢 史。 銑 大 理 居三年,改撫山 寺丞 遷 右僉都御史,巡撫 西。 經 歲寇不犯邊, Щ 東。 朝廷以爲 俺答數 入內 功,進兵部侍郎 地, 銑 請築臨清外城。 ·) 巡)撫如 故。 畢 進

銧 牧近塞,零騎往來,居民不敢樵 率兵數千 一十五年夏,以原官總督陝西三邊軍務。 駐塞門,而 旣而寇屢入,遊擊高極 遣前參將李珍搗寇巢於馬梁 採 跳方築塞, 慮為 死焉,副總兵蕭 寇十萬餘騎 漢 Щ 所擾,乃選 敗績 陰,斬首 由 銑 寧塞營入,大掠延安、慶陽 疏諸將罪,治如律。 百餘級。 銳卒擊之。 寇聞之, 寇稍北 始遁。 間 時 套寇 以輕 捷

騎入掠,銑復率諸

軍驅之遠徙。

參將李珍及韓欽功爲多,詔

增銑

俸一級,賜銀幣有

加

彼聚而 疆之臣 帑 弊, 然。 套,侵擾邊鄙將百年。 直 大、三關,以震 金数 議 搗 則 臣 以 其 銑素喜功名,又感帝知 中國 一非不 曾 十萬 巢。 文,我散而守,則彼勝,冬深水枯,馬無宿稟,春寒陰雨,壤無燥 進。 i無有 勝。 . 期 三 是時 知 材官騶發, 一畿輔,入套則寇延、寧、甘、固,以擾關中。 兵凶戰危,而枕戈汗馬,切齒痛 以收復爲陛下言者,蓋軍 臣請以銳卒六萬,益以山東 ·)銑 年 與 畢 孝宗欲復 延、 礮 火雷激, 寧撫臣 疏並下 遇,益圖 而不 欲 則寇 兵部。 西自定邊營,東至黃甫川 能,武宗欲征而不果,使吉囊據爲巢穴。 所報稱。 不能支。 興重務也,小有挫失,媒孽踵至,鼎鑊 部臣難之,請令諸鎭文武 鎗手二千,每當 心有日矣。 念寇居河套,久爲 此一 勞永逸之策,萬 深 竊嘗計之: 秋高馬肥, Щ 春夏交, 大川,勢顧在敵 千 中國 將 攜 五 土,彼勢漸弱 世 吏 百 五 患,上疏 協 + 里 社 築 稷 日 所賴 餉, 出套 加 邊牆 刀鋸,面背森 日:「賊據河 不 詔報曰:「賊 弓矢勁利 水陸交進 也。 在 禦寇,請 ,我乘其 則寇宣 |遂條 封

列

守 悉 據 及 謙 巡 دياد 套 代 按 爲 上 之,意 方 中 御 史盛唐以 略 國 患 與銑 予修 久 矣 邊 同 爲 費 0 股 難, 銑 宵旰 逐 十萬。」銑 久 合諸臣 念之, 不 ·會奏。 邊臣 條 乃 益 上方 銑怒 無分 銳 略 , 十 疏 主 而 請 憂者。 諸 八 事 於 巡 帝 撫 ,已又獻 今銑倡恢 延 帝 綏 爲 張 營陣 責 問 讓 後議 行 八圖 諸 巡 陜 甚 丁,並 撫。 西 壯 謝 優 其 會 蘭 旨 令銑 問 下 寧 行 廷 夏 與 已 議 諸 王 邦 鎭 楊 瑞 臣

與 條 刑 當 仇 銧 褒 主 有 途。 之 銑 以 餘 當跳交結近侍律斬,妻子流二千里,卽日行刑。 出 甚 鎭 傾 廷 成 言 以 臣 力。 其言 甘 臣 帝 皆 旂 功可 責 肅 見 交 乃 代之;責 不 及是, 譽黨 絕 上意向 時 關 預 極 必 ', 以 無 言食 否? 聞 傳 奸 左 l。」兵部 語, 大駭 阻 避事 銑 驗 科 撓爲 必 道官 污而 乃 銑 不 請 代 何 鐫級 帝 銑 尙 可 如 不言, 鸞獄 帝 銑 復。 足言, 所劾 書 深 自 王 言。 調 入 裁 中草疏, 外 其 以 陰 悉杖 速間 斷 、說,立 如 任。 旂 詆 帝 生 言 會 忽 於 帝 一民茶 延臣 出 及 廷, 下淳、 嵩 誣 命 故 銑 手 銑 故 刊 毒 引 至 停 覆 詔 雅 掩 手 罪乞 何。」初, 奏, 一,法 俸 綱 諭 詔,徧 親 敗 詔 四 輔 (不奏) 鸞 司 遂 罷 . 月。 獄 臣 。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。
。

< 比 盡 , o 給 日 以激 知跳 銑 擬 反前 剋軍 給 帝 與議 「今逐套財, 建議 邊 事 雖 帝怒。 帥 所 說 怒銳 餉 諸 中 善同 時 失陷 齊譽等見帝 臣 鉅 言 0 萬,遣 輔 0 ... 城 邑蘇 然 套 旋 時 臣 無 不 復 師 嚴嵩· 夏言 果 綱 子 意 可 顯 · 淳屬所 者 復。 攻言 有 殺 方 欲 怒銑甚, 之也。 一言繼 ?名否? 、與言 倚 帝 帝 謂 以 必 親 汐 妻父, 成 有 欲依 向 遣 兵食果 請 蘇 咸寧侯 隙 大功, 綱 官 擬 早 逮 E Ė 綱 賂 欲

因

求緩於銑 銑 有膽略,長於用兵。 妾。 銑斬鈴卒以徇。 歲除夜,猝命諸將出。 諸將不得已,丙夜被甲行。 時塞上無警,諸將方置酒不欲行,賂鈴卒 果遇寇,擊敗之。 翼 日入賀畢,

前請故。 銑笑曰:「見烏鵲非時噪,故知之耳。」皆大服。 跳廉,既殁,家無餘貲。

韶贈兵部尚書,諡襄愍。 隆慶初,給事中辛自修、御史王好問訟戲志在立功,身罹重辟,識與不識,痛悼至今。 萬曆中,從御史周磐請,建祠陝西。

死,世威、震謫戍。其後,俺答歲入寇,帝卒不悟,輒曰:「此毿欲開邊,故行報復耳。」 製車仗,亦責償於淳。 盛唐,副總兵李琦等,皆斥罰。 等往覈,因幷劾珍與指揮田世威、郭震爲銑爪牙,下之詔獄。 李珍者,故坐事失官。 且酷刑拷珍,令其實剋餉行賂事,幾死,卒不承。 就從徒中錄用,復積戰功至參將。 勒淳、綱贓,卹陣亡軍及居民被難者。 連及巡撫謝蘭、張問行,御史 **饑旣被誣**,詔遣給事中申价 **銃嘗檄府衞銀三萬** 淳用是免,珍竟論 兩

一被杖,調 汝變,字大章,霑化人。 吏部。 累官山西左布政使,擢右副都御史,巡撫甘肅。 正德十六年進士。 改庶吉士。 嘉靖初,授禮部 歷撫保定、應天。入爲 主事

列

傅

第九

+=

都御 史。 坐 事 調湖廣參政。復以故官撫河南。 歷吏部左、右侍郎

庸南。 諸帝 從之。 城。 城 薊。 俟後報。 年八月甲子, 俺答犯宣府, 諸將拒之不得入。 羽 書疊至。 聞保定兵駐城內,乃解而南,至通州。 陵,殺掠不可勝紀 總兵官羅希 請敕諸將嚴爲備 二十八年十 順天巡撫王汝孝駐薊州,誤聽諜者謂寇向西北。 寇果引 及興州 天子: 而 ·月拜 韓、盧鉞不能却,汝孝師大潰。 東,駐大興州,去古北口百七十里。 方齊居西內,厭兵事,而大學士嚴嵩竊權,邊帥率以賄進,疆 報至, 兵部尚書兼督 潮河川乃陵京門戶,宜調遼東一軍赴白馬關,保定一軍赴古北口。」 命鸞壁居庸,汝孝守薊州。 層營。 條上 阻白河不得渡、駐河東孤山、分剽昌平、三河、犯 汝夔卽上言。「寇不得志於宣府,必東趨遼、 一邊務十事,皆報 寇遂由石匣營達密雲,轉掠懷柔,圍順義 未幾,寇循潮河川南下至古北口,薄關 大同總兵官仇鸞知之,率所部馳至居 汝夔信之,請令鸞還大同勿東,詔 可。當是時,俺答歲寇邊, 事大壞。

邦 詔 九門外近郊。 瑞 大小文臣知 總督之,三 京師戒嚴。 正兵營各一萬,奇兵營各六千。 兵者,許汝夔委用。 召各鎭勤王,分遣文武大臣各九人,守京城九門,定西侯蔣傳、吏部侍郎王 而以錦衣都督陸炳,禮部侍郎王用賓,給事御史各四人,巡視皇城四門。 汝夔條上八事,請列正兵四營於城外四隅,奇兵九營於 急遣大臣二人經略通州、涿州, 且釋罪廢諸

者, 成 白河 不 督 將 兵足恃, 使立 能 大 國 則 公 西 軍 臣 爭詈汝夔。 朱希忠恐以兵少獲譴,乃東西抽掣爲掩飾計。 · 家 功贖罪。 楊守 宜移京軍備 乃發居民 不 歸伍 謙 與副將朱楫等軍東直 ,在伍 帝悉從之。 鸞兵無紀律,掠民間。 及四方應武 內釁, 者亦涕泣不敢前。 汝夔亦以爲然。 然是時册籍皆虛數。 舉諸生乘城,且 門外, 帝方眷鸞, 從武 諸路援兵亦稍 **遂量掣禁軍入營十王府、慶壽寺前。** 大頒 庫索甲仗, 禁軍僅四五萬,老弱 賞格。 令勿捕。 士疲不 主庫 集。 仇鸞與 得息, 汝夔亦戒勿治鸞兵。 奄 議者率謂 (副將 人勒常例, 出怨 徐珏 半之,叉半役內 言,而 城 八內虚, 遊擊張 不 莫 時 焼孰 掌營務者 城 發 民 外 騰 益怨 等軍 外提 爲 有 邊 調

之復 遣 場。 道 卒出 如 明 宼 前 游騎四出,去都城三十里。 日,大營薄都 城不數里,道遇傷者,輒奔還妄言誑汝夔。 以故寇衆寡遠近皆不能知。 城。 分掠西山、黄村、沙河、大小楡河,畿甸 及辛巳,遂自通州渡河而西,前鋒七百騎駐安定門外教 旣而言不讎,汝夔弗罪也。 大震。 初, 寇逼通州,部所 募他卒偵

糧 援,營玉河諸處。 制下犒師,牛酒 宣府總兵官趙國忠,參將趙臣、孫時謙、袁正,遊擊姚冕,山西遊擊羅恭等,各以 詔 兵部核諸鎭兵數,行賞賚。 無所出。 越二三日,援軍始得數餅餌,益饑疲不任戰 勤王兵先後五六萬人,皆聞變卽赴,未齎糗 兵入

地八日,諸軍不敢發一矢。寇本無意攻城,且所掠過望,乃整輜重,從容趨白羊口而 |虁不自安,請督諸將出城戰,而以侍郎||謝||[署部事。帝責其推委,命居中如故。寇縱橫內 之而已。 癸未,羣臣昧爽入。至日晡,帝始御奉天殿,不發一詞,但命階奉敕諭至午門,集羣臣切責 帝久不視朝,軍事無由面白。廷臣多以爲言,帝不許。禮部尚書徐階復固請,帝乃許。 帝怒文武臣不任事,尤怒汝夔。吏部因請起楊守禮、劉源淸、史道、許論於家。汝

戴罪辦事,侍郎各停俸五月,而下汝夔獄。帝欲大行誅以懲後。 降俸五等。 退,汝夔、蘭及戶工尚書李士翺、胡松,侍郎駱顒、〔〕孫繪皆引罪。 梟其首,妻流三千里,子戍鐵嶺。汝夔臨刑,始悔爲嵩所賣。 奪俸有差。 「我在,必不令公死。」及見帝怒甚,竟不敢言。給事御史劾汝夔禦寇無策。帝責其不早言, 知 了誰執其咎。

寇飽自颺去耳。」

汝夔因不敢主戰,諸將亦益閉營,

寇以此肆掠無所忌。旣 方事棘,帝趣諸將戰甚急。汝變以咨嵩。嵩曰:「塞上敗或可掩也,失利輦下,帝無不 刑科張侃等循故事覆奏,各杖五十,斥侃爲民。坐汝夔守備不設,卽日斬於市, 趣具獄,怒法司奏當緩,杖都御史屠僑、刑部侍郎彭黯、大理卿沈良才各四十, 汝變窘,求救於嵩。嵩曰: 命革士翺職,停松俸,俱

,問左右:「王郎中免乎。」尚學子化適在旁,謝曰:「荷公恩,免矣。」汝<u>變</u>歎曰:「汝父勸我 ,廷訊時,職方郎王尚學當從坐。 汝夔曰,「罪在尚書,郎中無預」,得滅死論戍。 比赴

速戰了我爲政府惧。汝父免,我死無恨。」聞者爲泣下。隆慶初,復官。

不可卒至。 汝變旣下獄,幷逮汝孝、希韓、鉞。 比逮至,論死。 帝怒漸解,而汝孝復以首功聞,命俱減死戍邊。 寇未盡去,官校不敢前,託言汝孝等追寇白羊口,遠

楊守謙,字允亨,徐州人。父志學,字遜夫,弘治六年進士。巡撫大同、寧夏,邊人愛

之。累官刑部尙書,卒,諡康惠。

十五。 之,錄守謙、鎬功。 移撫延綏。 千九百餘頃, 請興舉營田。 因薦副使張鎬爲提調, 牛種取給本土。帝稱爲忠, 卽報可。 督學政,有聲,就拜參政。 守謙登嘉靖八年進士,授屯田主事。 守謙薦鎬可大用,且言延綏安定諸邊可如例。 請久任鰝,終其事。其後二年,營田大興。 守謙未去延綏,而鎬已巡撫寧夏矣。 未任,擢右僉都御史,巡撫山西。上言偏頭、老營堡二所,餘地 改職方,歷郎中,練習兵計。 戶部請推行之九邊。帝悅,命亟行 計秋穫可當帑銀十萬,邊關穀價減 出爲陝西副使,改 俄

薄,又文移察勘,動涉歲時,以故士心不勸。近宣、大事棘,稍加賞格,請倍增其數,鎭巡官 守謙至延綏,言:「激勸軍士在重賞。 令斬一首者陞一級,不願者予白金三十兩。 賞已

列

卒,皆報許。

十兩 驗 明卽給 **,著爲令。** 蓋 增 以前 級、 山西修邊功,增俸一級,賜金幣有加。 襲廕, 有官者利之,窮卒覬賞而已。」兵部以爲然,定斬首 請給新設游兵月餉,發倉儲貸饑 級者 與五

楫等兵移營東 楫,參將祝福 外者。未幾,俺答入寇,守謙率師倍道入援。 二十九年進副都御史,巡撫保定兼督紫荆諸關。 、馮登亦各以兵至,人心稍安。 直門外。 詔同 仇鸞調度京城及各路援兵,相機戰守。 寇游騎散掠枯柳諸村,去京城二十里。 帝聞其至,甚喜,令營崇文門外。 去鎭之日,傾城號泣,有追送數百 會副 守謙及 總 兵朱 里

守謙不戰,亦堅壁,輒引汝夔 答營,而陣無後繼,不敢戰。 同提督內外諸軍事。 寇薄都城 ,諸將高秉元、 鸞時自 帝聞 及 孤 徐鏞等禦之,不能却。 守謙 山還,至東直門觀望,斬死人首六級,報功。 不悅。 爲辭 而尚書丁汝夔慮喪師,戒勿 流聞禁中,帝 帝拜鸞大將軍,進守謙兵部右侍郎,協 益怒。 輕戰。 諸將離 守謙 孤軍薄俺 城遠,見

怒日 坐失悞軍機, 外廬舍。 守 初 , 寇抵安定門, 詔守謙 謙擁 城西北隅 卽 衆 日戮於市。 自 全, 火光燭 股親降旨趣 天,內臣園宅在焉,環泣帝前,稱將 守謙臨刑時, 慨然曰: 「臣以勤王反獲罪, 讒賊之口實蔽聖聰 與楫等合擊,莫敢前。 戦, 何 得 以部檄爲解。」 守謙 亦委無部檄,第申 寇退, 帥 爲 逐執 文 臣 守謙 制,故寇得 ·做備。 與汝 夔 至 宼 廷鞫之。 逐燬 此。 帝 城

天后 土 知 臣此 心,死 何恨。」 邊陲 吏士知守謙死,無不 流涕者。

初,贈 戰 者 の應日 守謙 兵部 坦 尚書, 諡恪愍。 :「周亞夫 易無 城 府,馭 何 人乎。」客曰:「公悞矣,今日何得比漢法。」守謙不納,竟得罪。 下多 恩意。 守官廉,位至 一開府. 蕭 然若· 寒士。 然性 遲重 一客有 隆慶 勸 Ź

紫荆 詔城 宜募壯 僉事 中 商 諸 擢 ·居民 兵科給 關。 士。 搗 大節,字孟 海 慮俺答: 屢條 南 及四方 叛黎巢, 事 #1 上軍民急務。 堅,鍾祥 內侵, 入 應武舉者悉登陴守, 京察竣, 增秩, 人。 疏請重根本, 賜金幣。 復命科道互相 比寇退,復命兼管民兵,經略京城 嘉靖二年進士。 護 累官· 神京。 以大節率五城御史統之。 山東按察使。 劾, 授豐城知縣。 被謫 居四年, 鹽城縣 召理院² 擢 右僉都御史,巡撫保定乘提督 丞。 始爲築城,捕境內 內外。 三遷刑部郎中 事 發帑金五千兩, 俺答果大舉薄都城 訓 練鼓舞,軍 ·, 出 盜 幾 爲 命便 容甚 廣 東

仇鸞 列 傳 爲 第 大 將軍, 九 + 盡 統 商 中外兵馬,惡大節獨爲一軍,不受其節制,欲困之。 大 節 五三九五 乃請畫地分

壯。

擢

右

副

都

御

史,經略

如故。

所募民兵已四千,請以三等授餉。

上者月二石,其次遞

五.

斗。

帝

亟

一從之。

而 害,鸞欲 守,以京師 大節誠有罪,但法司引律非是。 帝方寵鸞,不欲 專以臣當。 四郊委大節。 人撓其事,責大節懷奸避難,立下詔獄。 臣節制者,止巡捕軍,鸞又頻調遣,奸宄猝發,誰爲捍禦哉。」所爭甚晰, 大節言:「臣雖經略京城、實非有重兵專戰守責者也。 幸赦其死,戍極邊。」亦不聽。 法司希旨,當大節 時三十年 四 月 也。 斬。 京城 嚴嵩言: 四郊利

隆慶初,復故官,贈兵部尚書,諡端愍。 |徹等言: 「大節爲逆鸞制肘,以抵於法,乞順羣情赦之。」帝怒,鐫時徹二秩。 明年八月,鸞死,大節故部曲石鏜、孫九思等數百人伏闕訟冤,章再上。 明年竟卒於獄 兵部侍郎張時

行人, 政,以疾歸。已,起按湖廣,復按順天。 王忬,字民應,太倉人。父悼,南京兵部右侍郎,以謹厚稱。 遷御史。 皇太子出閤, 疏以武宗居青宮爲戒。 又劾罷東廠太監宋興。 **抒登嘉靖二十年進士,授** 出 .視 河東

爲守禦計,盡徙舟楫之在東岸者。 ,見忖方厲士乘城。 二十九年,俺答大舉犯古北口。 還奏,帝大喜。 夜半,寇果大至。不得渡,遂壁於河東。 **忬奏言潮河川有徑道,一日夜可達通州。** 副都御史王儀守通州,御史姜廷頤劾其不職,忬亦言 帝密遣 因疾馳至通 中 使覘

儀 退,忬請 縦 士 卒 振 虐 難民, 大同 軍 築京 o 大同 師 外 軍 郭 者, , 修 仇 通 州 鸞 城,築張家灣大小二堡,置 兵 也。 帝 立 命 逮 儀 而 超 沿河 擢 忬 敵 右 臺 僉 都 皆 御 報 史 可 尋 罷 寇

通州、易州守禦大臣,召忬還。

螳 等 文武 縣被 海 克寬 四 至 府。 頻 一濱海 一破之。 將 焚掠者二十餘。 三十一 失利。 先後 吏俸、皆得復。 數千里同 其據 上 年 方 御史趙 出 昌國 略 撫 + Ш 告警。 留內 衞者 炳然劾其罪 東 尋以 事 地三月, 爲 ,任參將 甫三月,以 給事王 上 海及 大猷 一,帝 、擊退。 國旗 南 兪 飽而 滙 大猷、 特宥忬,忬 浙江倭寇 、吳淞、乍浦 言 去。 ,改巡撫。 而賊首 湯克寬, **忬乃言**將 亟,命忬提督 赵 汪 [請築: 直復糾島倭及漳、泉羣盜連 、秦嶼諸所皆陷 又奏釋參將 嘉善、崇德、 土 逐 師閩 燬 軍務,巡視浙江 其船 中, 尹鳳 桐鄉 五十 ,蘇、松、寧、紹 賊 、盧螳繫。 復 、德清、慈谿、奉化 餘 大至 艘。 及 福 於是先 巨艦 犯 贼 、興、漳、泉 諸 浙 犯 衞 百 江 溫 所 餘 所 州 奪 州 蔽

《山城,而恤被寇諸府。

歲省 史。 巡 撫 銀 抒言 大同 時 五 遣 萬 二騎 六千 尙 秋 書 兵 防 餘 利 事 張 經總 竣, 平 兩 地 督諸 從之。 , 步 就 加 兵 兵部 軍。 利 打 險 大同 右 來孫 阻 侍 適 郎 十餘萬騎深入廣寧諸 今薊鎭 中寇,督撫蘇祐、侯鉞 薊 遼總督楊博 畫地守,請 還朝 去 他那 處, 俱被 總 防 卽 秋 逮,乃進忬 兵官殷 移 馬 忬 代 兵 尚質等 戰 歿。 八千 之。 右 ,易之以步, 尋進右 副 都 御史, 都御 ا

列

傳

第

拒 停俸三月 却 之。 事 0 聞 未 幾,打 幣。 來 孫復以十萬騎屯靑城, 把都兒等犯遷安,副總兵蔣承勛 分遣 精騎犯 戦 一片石、 死。 降忬兵部侍郎 三道 關 總兵官歐 留留 陽安

議起。 以 復 鎭援兵。 嵩奏流 停官 聞。 初 帝置抒 時 河 ,帝器忬才 尋復 寇 口 部 別部 條 邊牆有 六六事 不問 用 瀋 入 ,甚眷之。 す,如嵩 瀋陽 陽 ,治他將吏 缺,故寇乘之入,宜大修邊牆。 却寇功,廕 , 指。 有鄉兵金仲良者擒其長討賴。 及所部屢失事,則 如 帝乃下詔責門,赦其罪,實主兵,滅客兵, 律 一 子。 已而寇復入遼陽,副總 以爲不足辦寇, 且令忬選補額兵,操練戰守,不 **抒**賚銀幣, 兵王 諭嚴嵩 重祿 官仲良三 與兵部計防守之宜 敗績。 如議。 級。 御史周 於 是練兵之 得專恃他 防 秋畢 斯盛

始 級。 **楝始借二支防守**, 惟 以 護 聞。 調 Ŧi. 變 帝 京 許 萬 初 泰 部 因 七千,又皆羸老。 ,奈何聽 ,帝從楊博言, 、郤永 問嵩:「邊兵入衞,舊制 臣言:「薊鎭額兵多缺,宜察補」。 調 領邊兵討賊。 發。」帝怒曰:「룙令薊鎭練兵,今一卒不 **忬始盡調邊兵守要害**, 命薊鎭 **肾與總兵官安、巡撫馬珮** 入衞兵聽宣大調遣。 庚戌之變, 乎。」嵩日 仇鸞選邊兵十八支護陵京,未用以守薊鎭。 去歲又徵全遼士馬入關,致寇 「祖宗時 乃遣郎 及 中唐順之往 **吟言:「古北諸口 無調** 諸將袁正等, 邊兵入 ·練,遇 一覈。 內 防 地者。 秋 俱 宜 按 治。 還奏額 : 輒調 無險可守,獨恃入 乘虚 IE 他 兵 德 鎭 九萬 入 中 兵、兵 犯,遼左 乃降忬俸二 劉 有奇, 六猖 、部群 至何 衞 獗 今 議 卒

官楊 空。 照 若年復 禦之,斬首 年,調發不 八 百餘 級。 已,豈惟糜餉, 越 四 日 土蠻 更有 十萬騎薄界嶺口 他憂。」帝 由是惡行甚。 ,副將馬芳拒 踰 月, 却 之。 寇犯 清 明 日 泂 總兵 敵

二百奔還,芳及安俘斬四十級。 恰猶被賚。

大震。 論 東。 俸自効 **丹戍邊**,帝手批 寇乃 三十八年二月, 御 至五 以其 史 至 漸 月,輅復劾忬失策者三, 間 、方輅遂劾忬、安及巡撫王輪罪。 由潘家口入,渡灤河而 曰:「諸將皆斬,主軍令者顧得附 把都兒、辛愛數部屯會州,挾朶顏 可罪者 西 ,大掠遵化 四, 帝大怒,斥安, 輕 遂命逮丹及中 典耶 、遷安、薊州 爲鄉導, 改 論 將 軍遊擊張倫 斬。 主 西 貶輪於外, **入**, 田 明 , 年 聲言東。 駐 - 冬竟| 內 1 地五 切 死 詔 責 l 忬 遽 西 獄。 忬 日 र्गा 引 刑 令 京 部 停 師 兵

冤 世 敗 貞 聞 復 又經 由 **丹才本通敏** 復 用 故官、予卹。 是漸失寵 紀 口 其喪, 語 積失歡於嵩子世蕃。 嵩父子大恨。 其驟拜都御史,及屢更督撫也,皆帝特簡, 旣有言不練主兵者,益大惠,謂:「愲怠事 灤河變聞,遂得行 嚴氏客又數以世貞家瑣 其計 穆宗即位,世貞與弟世懋伏闕 事 ,負我。」嵩 所 搆 建請 於嵩父子。 無 雅 不 不 從。 · 悦 | | | | | 楊繼盛之死, 爲 總督數以 面 | 子 訟

答 韋 楊 同 選 右 衞 以 公 巡 撫 章丘 朱笈 人。 被 逮, 嘉 靖 超 拜選 二十三年 右僉都御 進 士。 史代 授行 之。 人。 與 侍 擢 御 郎 史, 江 東 遷 總 易 兵 州 官 兵 張 備 承 副 勛 使。 解 其 俺

圍。憂歸,再起,仍故職。

進 兵 部 匹 + 右 侍 年 郞 擢 總 督 薊 遼 副 都 御 史。 條上封疆 極弊十五 事,多從其請。 以 居庸 岔 道 却 敵

聞 父 胡 自 也 鎭 執 明 詡 選 之 年 方略 欲 一,并 五. 以 月, 縛 牽制 選 其 黨 及 辛愛, 占 巡 十餘 北 撫 口 要其 徐 人。 守 紳 將遣· 等 通漢 子 俱 入 哨卒出塞,杂顏 受賞 質, 子 懼 乃遣還 擁 所 執 父。 哨 衛掠 卒 自 至牆 是 其四 諸 下 子 人。 詩 迭爲 部 易 質 其 長 父。 通漢 半 歲 通漢 叩關 而 代。 者 索 賞 辛 選 一副 愛 馬也 總兵 疏 妻 以

之。 爲 臣 徐 將 擊之。 寇 階 土 参將 稍 月 祈 日 賞。 東 T 馮韶 卯 臏 大掠 帝 辛 東 漆戰歿 疑, 見 胡粲,至 三河 愛 火光 與把 以 順義 問 鎭 階。 此 都 遊擊嚴瞻等,俱逮 力 賊 兒 圍 戦 等 去京 對 得 諸 日 大 不 舉 脫 將 傅 宼 遠,其令兵部 自牆子嶺、磨刀峪 營尙 寇 津 等 留 下部 在 內 於 平谷 地 鄭 獄。 官 八 諭 屯。 日 諸 選 不 又二日,寇始 潰牆 等往 軍幷 選遣 退。 通州 力 入犯,京 給 副 剿 事 將 逐。」 矣,謂 胡 中 北去,京師 李 鎭 師 明 戒嚴。 偕 追 瑜 日 總兵官孫臏 殺 逐 刻選 者 選 帝 解 以 ,妄也。」 寇 大 紳 驚 東 與 , 諭閣 次遊 遁聞 帝 副 使 銜

初,諜者言寇將窺牆子嶺,部檄嚴待之,而三衞爲寇導者給選赴潘家口。 寇已入,選、

紳懼 錄其 希孝 鎰 通漢父子實召寇。 等戍邊。 語 坐以 得罪,徑趨都城,屯東直門外,旋還通州。 上,刑部如帝指論選死。 縱通漢勾賊罪,復下選詔獄。 帝雖怒選甚,但欲誅其身,法司乃幷坐其妻子。 帝入其言,益怒。 即戮於市,梟其首示邊,妻子流二千里。 法司坐選、紳、詔守備不設律斬、鎰等戍。 選不承,止承質通漢父子事,且言事已上聞。 及遺鎭等禦,又不勝。 隆慶初,始釋還。 內侍家薊西者,華言 紳論死緊獄,詔 帝諭 錦衣朱 希 及 孝

繼魯、 其咎。 强 敗伏辜,而出力任事之臣亦中危法受戮,邊臣不得自展布,而武備隳矣。 ,雖頗、牧鳥能有爲。 贊曰:世宗威柄自操,用重典以繩臣下,而弄權者借以行其私。 曾銑皆可用之才,或謫或死,不以其罪。 王忬、楊選於邊備甚踈,宜不発云。 丁汝夔之戮,於法誠不爲過。 銑復套之議甚偉。 然戎律之弛,有由來矣,而汝變獨蒙 然權臣當軸,而敵勢方 於是關冗廢職之徒事 陳九疇、翟鵬、孫

校勘記

薊州巡撫朱方請撤諸路防秋兵 薊州巡撫, 本書卷一九八及明史稿傳七四毛伯溫傳作 「順天

巡撫」。 按明代未設薊州巡撫,設有順天巡撫一 員兼整飭薊州等處邊備

吏部侍郎王邦瑞總督之 戊寅條、 國朝獻徵錄卷三九王公邦瑞墓志銘作「吏部左侍郎」。 吏部侍郎, 原作「兵部侍郎」。 世宗實錄卷三六四嘉靖二十九年八月 按王邦瑞此時已由 兵部右侍郎

改遷吏部 左侍郎,見本書卷一九九本傳。 作「兵部侍郎」誤,今改正。

三七五 侍郎駱顒 九、明進士題名碑錄嘉靖癸未科改。 駱顋,原作「雒顋」,據世宗實錄卷三六四嘉靖二十九年八月甲申條、 國權卷五九頁

戊寅,下段「十月丁卯」記事,本書卷一八世宗紀及世宗實錄卷五二六亦繫於四十二年,「明年」 明年五月 明年, 指嘉靖四十一年。 按以下記事, 世宗實錄卷五二一繫於嘉靖四十二年五月

當作「四十二年」。

クラン 胡粲 世宗實錄卷五二六嘉靖四十二年十月癸酉條、國權卷六四頁三九九五都作「胡燦」。

明史卷二百五

列傳第九十三

朱紈 張經 李天寵 周琉 楊宜 彭黯等 胡宗憲 阮鶚 宗禮

曹邦輔 任環 吳成器 李遂 弟逢 進 唐順之 子鶴徵

負直者脅將豆捕逐之,泄師期令去,期他日償。 姻。 員 五年擢右副都御史,巡撫南 八李光頭、歙 外 郎。 假濟渡爲名,造雙桅大船,運載違禁物,將吏不敢詰也。 初, 朱紈,字子純,長洲人。 明祖定制,片板不許入海。承平久,奸民闌出入,勾倭人及佛郎機諸國入 歷四川兵備副 人許棟踞寧波之雙嶼爲之主,司其質契。 使。 1 1 1 1 1 1 與副 正德十六年進士。除景州知州,調開州。 明年七月,倭寇起,改提督浙、閩海防軍務,巡撫浙江 總兵何卿共平深溝諸砦番。五遷至廣東左布 他日至,負如初。 勢家護持之,漳、泉爲多, 或負其直,棟等即誘之攻剽。 倭大怨恨,益與棟等合。 嘉靖初,遷南京刑部 政使。二十 互市。 或與通婚 閩

列

剽掠輒得志,益無所忌,來者接踵。

而 浙 、閩海防久隳,戰船、哨船十存一二,漳、泉巡檢司弓兵舊額二千五百餘,僅存千人。倭

棟亦就擒。 障、泉、福寧,遏賊奔逸,使都司盧鎧將福淸兵由海門進。而日本貢使周良遠舊約,以六百 館。奸民投書激變,執防範密,計不得行。夏四月,饄遇賊於九山洋,俘日本國人稽天,許 青山、下八諸島。 人先期至。納奉詔便宜處分。度不可却,乃要良自請,後不爲例。錄其船,延良入寧波賓 亦不便也,欲沮壞之。納討平覆鼎山賊。明年將進攻雙嶼,使副使柯喬、都指揮黎秀分駐 <u>_</u>l: |疏異列其狀。於是革渡船,嚴保甲,搜捕奸民。 閮人資衣食於海,驟失重利,雖士大夫家 啟巡海道、探僉事項高及士民言、謂不革渡船則海道不可清、不嚴保甲則海防不可復, 棟黨汪直等收餘衆遁, 螳築塞雙嶼而還。番舶後至者不得入, 分泊南麂、礁門、

導寇爲强盜,海洋敵對爲拒捕,臣之愚暗,實所未解。」遂以便宜行 輕比,重者引强盜拒捕律。 勢家旣失利,則宣言被擒者皆良民,非賊黨,用搖惑人心。 納上疏曰:「今海禁分明,不知何由被擴,何由脅從。 又挾制有司,以脅從被擴予 若以入番

納 以中國制馭諸番,宜守大信,疏爭之强。且曰:「去外國盜易,去中國盜難。 紈 執法旣堅,勢家皆懼。貢使周良安插已定,閩人林懋和爲主客司,宣言宜發回 去中國瀕海之

防,稍 除 史閩 盗 禍本、重斷決六事,語多憤激。 猶易,去中國 人周亮及給事中葉饄言、奏改紙巡視,以殺其權。 有次第,亮欲侵削 衣冠之盜尤難。」閩、浙人益恨之,竟勒周良還泊海 臣權,致屬吏不肯用命。」旣又陳明國是、正憲體、定紀綱、扼要害、 中朝士大夫先入浙、閩 納 憤, 人言,亦 叉明年 有不悅納者矣 ,嶼,以 春上疏言:「臣整 俟貢 期。 吏部 一頓海 用 御

病,又負氣,不任對簿。 劫 僭號流劫事,坐紈 陳九德遂劾納 志,作俟命詞,[1] 至 一詔安。 納前 討溫、盤、南麂諸賊,連戰三月,大破之,還平處州礦盜。 紈 撃擒 擅 殺。 擅殺。 仰藥死。 其渠李光頭等九十六人,復以便宜戮之。 落納 縱天子不欲死我,閩、浙 韶逮紈,紈已前死。 職, 二十九年,給事汝禛、巡按御史陳宗夔還,稱奸民鬻販 命兵科都給事杜汝頑按問。 柯喬、盧鏜等幷論 人必殺我。 吾死,自決之,不須 納聞 具狀聞,語復侵諸 重 之,慷 辟。 其年三月,佛郎機 **慨流涕** 八人也。」 勢家 曰:「吾貧 拒捕 國 製壙 御史 行 無 且

福清 撒 大臣 備 弛禁。 捕 不設,中 納清 盜 船四十餘,分 强 峭 未幾,海寇大作,毒東南者十餘年。 外搖 直,勇於 手不 任 布海道,在台州 敢言海禁事 事。 欲為國家杜亂 浙 海 中衞 門衞者十有四,爲黃巖外障。 源,乃爲勢家構陷,朝 所四十一, 戰船 四百 三十九,尺籍盡耗 野太息。 副使丁湛盡散遣之, 自紈死, 罷 巡視 紈招

四 年召爲 張 經, 吏科給事中, 歷戶科都給事中, 數有論劾。 字廷彝,侯官人。 初冒蔡姓,久之乃復。 正德十二年進士。 言官指爲脹、性黨,吏部言經行修,不 除嘉興知縣。 嘉靖

問

擢

太僕

少卿,歷右副都御史,協理院

事

秩 樹 萬五 良 者二千九百 軍沿江 右 臣 一級。 , 石皆墜,官軍並以計破之。 ·輔等邀之,賊中斷,復西奔,斬首千二百級。 軍,副使梁廷振監之,指揮馬文傑等四將分四道會賓州,抵賊巢夾擊。 等定計,以軍 千人爲左軍,萬達監之,指揮王良輔等六將分六道會南寧,都指揮高乾將萬六千人爲 十六年進兵部右侍郎,總督兩廣 而 東,繞出其背。 1有奇。 事屬副使翁萬達,誘執公丁。 土人言,祖父居羅運八世矣,未聞官軍涉兹土也。 賊刊巨木塞隘口,布蒺藜箛簽,伏機弩毒鏢,懸石樹杪,急則 右軍愆期,田州土督盧受乃縱賊去。 軍務。 參議田汝成請乘勢進討。 斷藤峽賊侯公丁據弩難爲亂。 其東者遁入羅運山,萬達等移師攻之。 俘其衆四百五十,招降 捷聞,進經左侍郎,加 命副總兵張經將三 敗奔林峒而 經與御史鄒堯 檄右 越其

副 使張瑤等討馬平瑤屢敗,帝罪瑤等而宥經。 尋 與 、毛伯溫 定計,撫定安南,再進右都御史。 給事中周怡劾經,經乞罷,不允。 平思恩九土司及瓊州黎,進兵 部尙書。 以憂歸。

服 関 起三邊總督。 給 事 中 劉 起宗 言經 在 兩 廣 剋餉銀, 寢前 命。

兪大猷 便宜 胡宗 南 川 之。 |林||川 月 聽 經 衞 也 用 大 不 禍 憲比, 明 、関港、乍浦 沙 不 解部務,三 三十二年起南 了,以 年三月, 聽。 窪 其 了其黨 帝 年十一 東蘭 屢趨經進兵。 問嚴嵩 文華密疏經糜餉殃民, 田 方 月,言 那地 ,掎賊三面,以待永順、保靖兵之集。 總 州 踵 督 京 瓦氏 嵩對 至。 南 江 戶 南 部 用兵科言改經右 丹 經 經 兵先至, 如 江北、浙 尙 百三 兵隸遊 文華指 日選將練兵,爲搗 書, 賊 就改 ※
変
且 欲速戰, 擊鄒繼芳, 畏 江 且謂 兵部 賊 、山東、 一衆,待永、保兵至夾攻, 都御 失 蘇 0 經 機,欲俟 明 巢計 史兼 以 不 福 松人怨經。 建 年 歸順 可。 五. 兵部右侍郎 湖廣 以江、浙、山 月, 倭飽颺, 及思恩、東莞兵 東蘭諸 會侍郎趙文華 諸軍 朝議 帝怒, 兵繼 ·,便宜 剿 以 庶萬 倭 東兵屢敗,欲俟 專 餘寇報 刨 至。 寇 辨 下 行 猖獗 以祭海 全。」文華 隸參將湯克寬 詔 討賊 經 事 功, 逮 0 以 設 經。 瓦氏 經徵 宜亟 至,與浙 總督 倭 再三言, 兵隸 狼 兩 治, 萬 土 廣 大 以 四年 江 臣 分 總 兵 餘 狼 經守 兵官 紓 巡 屯 據 至 士 按 五 東 用 柘 兵 命

鏜 斬 督保靖 賊 首 方 文 千九 兵 華 援,以大猷督永順兵 拜疏,永、保兵已至,其日卽有 百 餘 級 焚溺 死 者 由 ·基衆 沙湖 趨 自 平望,以克寬 石塘灣之捷。 軍 興來稱戰 功 引舟 至五 第 師 一月朔, 由 0 中 給 路 倭突嘉興, 事 擊之,合戰於王江涇, 中 李 用敬 經遣 閻望雲等 參將盧

列

傅

第

寇不 奸。」 言:「王師 月 進兵始末,且言:「任總督半載, 與巡 |杖於 戰 撫李天寵俱斬。 文華、宗憲合謀進剿, 廷,人五十,斥爲民。 大捷,倭奪氣,不宜易帥。」帝大怒曰:「經欺誕不忠,聞文華劾,方一戰。 天下冤之。 已而 經冒以爲功。」因極言二人忠。帝深入其言。 前後俘斬五千, 帝疑之,以問嵩。 乞賜原宥。」帝終不納,論死 嵩言:「徐階、李本江、浙人,皆言經 繋獄。 經旣至,備 用敬等黨 其年十 養

葉恩以倭躪北 史,代王忬巡撫浙江。 使陳宗夔戰不利,百戶賴榮華中礮死,嘉善知縣鄧植棄城 天寵,孟津人。 新關,劾天寵,宗憲亦言其縱寇。 由御史遷徐州兵備副使,却倭通州、如皋。三十三年六月擢右僉都御 倭掠紹興,殲焉,賚銀幣。 帝怒,逮下獄,遂與經同 頃之,賊犯嘉善,圍嘉興,劫秀水、歸安,副 走。入城大掠。 .'日死。 賊復陷崇德,攻 未幾,御史

代 經者應城周珫、衡水楊宜。 節制不行,狼土兵肆焚掠。 東南民既苦倭,復苦兵矣。

隆慶初,復經官,諡襄愍。

陳禦倭有十難,有三策。 珫 爲戶科給事中,坐諫世宗南幸,謫鎭遠典史。累官右僉都御史,巡撫蘇、松諸府。 經既得禍,卽擢珫兵部右侍郎代之,無所展。 會宗憲已代天寵,因 疏

欲 奪琉 文華遂劾珫, 薦 宗憲。 帝爲奪琉 俸,尋 勒爲民。 四 日,而

宜代。

禍 宗憲代。 東 勇,山東箭手,益調江、浙、福建、湖 視之蔑 而 輕 兵私勵,幾殺 文華督察軍務,威出宜 宜 如 撫 河南 也。 會御史邵惟中上失事狀,遂奪宜職閒住。 倭據陶宅,官軍 平 參將。 劇 賊師 酉陽兵潰於高橋,奪 上。 尚韶。 。易置文武大吏,惟其愛憎。 久無功,文華遂劾宜。 遷南京戶部 廣 漕卒,河南毛兵。 舟徑歸 右侍郎,未幾代珫。 蘇州 宜在事僅踰 宜以狼 比客兵 宜懲經 明 年正 兵徒剽掠 、大集, 、天寵 半 月,文華還朝,請罷 時倭勢猶盛。 ·歲,以諂事文華,故得 宜不能馭。 不可用,請募江 禍,曲意奉之。 宜爲 川兵與 宜,以 浙 總督, 文 華 Щ

次眉 以 足 I 任 部 疾 次翁 州 発。 別 尚 倭 用。 書。 張 之蹦蘇、松也,起嘉靖三十二年,訖三十九年,其間爲巡撫者十人。安福 大立 景 蓉 賢 而代 畏賊,不俟代去,下獄除名。 坐失事 以考察奪職。 以鄭 當大立 下 詔 人屠大山 一時,倭患已息,而坐惡少年鼓譟爲亂,竟罷 獄 爲 次盩厔趙忻,坐金山 民。 **,使提督軍務。** 繼之者珫。 黄岡 方任、上虞陳洙皆未抵任。 蘇、松巡撫之氣督軍務,自大山 軍變, 邦輔。 下獄貶官。 以文華譖, 職 次江 無一不 任 陵 下 1 陳錠 ·得罪去者。 ·始。 憂,洙以才不 彭黯,遷南京 詔 獄 ", 謫戍 **閱半歲** 數月罷

列

胡宗 憲,字汝貞,績溪人。 嘉靖十七年進士。歷知益都、餘姚二縣。擢御史,巡按宣、大。

詔 徙 大同 左衞 軍於陽 和 、獨石 ,卒聚 而 譁。 宗憲 單騎 慰諭,許勿徙,乃定。

興 浦 恃嚴嵩內援,恣甚。 ,宗憲中以毒酒,死數百人。 JII 尋 三十三年出 沙窪,日 叉 陷 天寵,即超 擾 那 按 浙江 邑。 經、天寵 擢宗憲右僉都御史代之。 帝命 時歙 張經爲總 不附 及經破王江涇,宗憲與有力。 人汪直 也,獨宗憲附之。 督 據五島煽諸倭 ,李天寵 撫浙江,又命侍郎趙文華督察軍務。 文華大悅,因 入寇,而徐海、陳東、麻葉等巢柘林、乍 文華盡掩經 相 與力排二人。 功歸宗憲,經遂 倭寇 文華 嘉

華定招 者千餘。 恨 逐進 時 撫計。 柘 剿陶宅 林諸 文華令副使劉燾攻之,復大敗。 倭移屯陶宅, 文華還朝,盛毀總督楊宜,而薦宗憲,遂以 殘寇。 宗憲與共,將銳卒四千,營磚橋,約邦輔 勢稍 殺。 會蘇、松巡撫曹邦輔殲倭滸墅,文華欲攘功不得,大 而 倭犯浙東諸 爲兵部右侍郎代宜。 州縣、殺文武 :夾擊。 吏甚衆。 倭殊死戰,宗憲兵死 宗憲 心乃與文

犯 ,倭大獲利,各島由此 初 一宗憲令客蔣洲、陳可願諭 日至。 旣而 日本國 多殺傷,有全島無一歸者,死者家怨直。 王,遇汪直養子傲於五島,邀使見直。 直乃與激及葉 直 回初誘倭

留洲 瓜 朝,賜滶等金幣,縱之歸。 歸 母 碧 洲、上海、慈谿,自引萬餘人攻乍浦, 路,故至此。 妻於金華獄 JII 而遣滶等護可願 、王淸溪、 資給 謝和等據五島自保。 若貸罪許市,吾亦欲歸耳。 甚厚。 歸。 激大喜,以徐海入犯來告。 亡何,海果引大隅、薩摩二島倭分掠 宗憲厚遇激,令立功。 洲等諭宗憲指。 島人呼爲老船主。 陳東、麻葉與俱。 但日本國王已死,各島不相攝,須次第諭之。」因 直心動,又知母妻無恙, **激遂破倭舟山**,再 宗憲與直同鄉里, 宗憲壁塘棲,與巡撫阮鶚 破之列表。 大喜曰:「兪大猷絕 欲招致之。 宗憲請於 釋直 我

會 海趨皂林,鶚遣遊擊宗禮擊海於崇德三里 禮 一,常熟 人,由 世千戶歷署都督僉事。 驍健敢戰。 橋、三戰三捷。 練卒三千連破倭, 旣而敗死 ,鶚走桐鄉 至是敗歿。 都

督同知、諡忠壯、賜祠皂林。

也。」正 有隙 |東 滶 、留攻 書要海 鶚旣 三三:「三 一日,亦去,復巢乍浦 IE 乘 降 入 桐鄉 間 陳東已他 說 海 驚 下 ,賊乘勝圍之。 海。 日三老船主亦降乎。」時海 !有約,所慮獨公耳。」海遂 海遣 使 鶚 來 宗憲計! 謝 知 ,索財物,宗憲報 不 能 曰:「與鶚俱陷無益 當 海 ,乃東 病 疑東。 創 次渡錢 意頗 如 而 其請。 塘 東 動, 知 禦 也。」遂還杭州 海營有宗憲使者, 因曰:「兵三路進,不 他賊 海乃歸俘二百人,解桐 造指 揮 由我 夏正 驚, 鄉圍 等持 由是

初 海 入 犯, 焚其 舟, 示士卒無還心。 至是,宗憲使人語海曰:「若已內附,而吳淞江方

莊 甲 士 也。 摩 浦 走,間道中矟。 洪 其 令 有 海 大猷 處東黨。 別營梁莊。 書於海。 賊 海餘 一平湖城外, 頂、慰諭之。 遂俘洪、東、葉、五郎及海首獻京師。 海 何 潛 縛陳東、麻葉,許以 黨 焚其舟。 撃之以 奔舟山。 令東致書其黨曰:「督府檄海, 海怒。 官軍焚乍浦巢,斬首三百餘級,焚溺死稱是。 明日,官軍圍之,海投水死。 率
昼百餘,
青而入。 海自擇沈莊屯其衆。 立 海 海妾受宗憲路,亦 功,且掠其舸,爲緩急計。」海以爲然,逆擊之朱涇,斬三十餘級。 宗憲令兪大猷雪夜焚其棚,盡死。 心怖,以弟洪來質,獻所戴飛 世 爵。 海果縛葉以獻。 說海。 文華等懼,欲勿許,宗憲强許之。 沈莊者東西各一, 帝大悦,行告廟禮, 夕擒若屬矣。」東黨懼,乘夜將攻海。 會盧鎧亦擒辛五 於是海復以計縛東來獻,帥 魚冠、堅甲、名劍及他玩好。 宗憲解其縛,令以書致東圖 兩浙 以河爲塹。 郎至。 海逐 倭漸平。 加宗憲右都御史,賜金幣加 刻 辛五 日請降,先期猝至,留 宗憲居海 海叩首伏罪,宗 郎者,大隅島 其衆五百 宗憲因 海 東莊,以 海挾 一, 而 1人去乍 宗憲 主弟 厚遇 兩 陰泄 妾 西

遣 不便 夷 主 ,朝臣謂宗憲且釀東南大禍。 目善妙 源義長、源義鎭還被掠 三十六年正月,阮鶚改撫福建,即命宗憲兼浙江巡撫事 等隨汪直來市,至岑港泊焉。 人口,具方物 直遣隞詣宗憲曰:「我等奉詔來,將息兵安境。 入貢。 浙人聞直以倭船至,大驚。 宗憲以聞 0 詔厚賚其使,遣還。 蔣洲在倭中,諭 巡按御史王本固 山口、豐後二 至十月,復 謂宜 一使者 一亦言

清溪 清溪戍邊。 海上,繫番夷心。 立 子以書招之,直曰:「兒何愚也。 遠迎,宴犒交至。 遣 入謁。 夏正偕激往。 傲與謝和遂支解夏正, 棚舟山, 宗憲慰藉之甚至,令至杭見本固。 本固爭之强,而外議疑宗憲納賊賂。 **今盛陳軍容,禁舟楫往來,公紿我耶?」宗憲解諭** 宗憲嘗預爲赦直疏,引傲入臥內,陰窺之。 汝父在,厚汝。 阻岑港而 本固 **父來,闔門死矣。」因要一貴官爲質。** 下直等於獄。 守。 宗憲懼 官軍 **激語直,疑稍解,乃偕** L. 易詞 四 面 宗憲疏請曲貸直死,俾戍 至再,直 以 圍 聞。 賊 直 不信。 論 死 死, 鬭, 乃令: 碧川 多陷 宗憲 其

其老師 未幾, 如 失 賊徙巢 論 故 內援,見寇患未已,思自媚於上,會得白鹿於舟山獻之。 其欺誕。 至 復以白鹿獻。 一明年 縱 柯 梅 寇 帝怒, 春,新倭復大至,嚴旨責宗憲。 官 請追奪功賞。 軍 盡奪諸將大猷等職,切讓宗憲,令剋期平賊。 屢攻不能克。 帝益大喜,告謝玄極寶殿及太廟,百官稱賀, 帝命廷議之,咸言宗憲功多,宜勿罷。 御史李瑚劾宗憲誘汪直啓釁。 宗憲懼得罪,上疏陳戰功,謂賊 帝大悦, 本固 時趙文華已得 加宗憲秩。 帝嘉其擒直功, 行告廟禮,厚賚銀幣。 及給 事 可 中 指 劉 旣 日 罪死, 堯海. 而岑港之 滅。 令居職 宗憲 亦 所司 劾

賊 之徙 柯梅 也,造 巨 艦 爲遁計。 及艦成,宗憲利其去,不擊。 賊揚! 帆泊浯嶼, 縱掠閩海

列

傳

州縣。 **閻人大譟,謂宗憲嫁禍。御史瑚再劾宗憲三大罪。** 瑚與大猷皆閩人、宗憲疑大猷漏

言,劾大猷不力擊,大猷遂被逮。

年,論平汪直功,加太子太保。 寇濱海諸縣。 經畫。然小勝,輒論功受賚無虛月。卽敗衄,不與其罪。三十八年,賊大掠溫、台,別部復 當是時,江北、福建、廣東皆中倭。宗憲雖盡督東南數十府,道遠,但遙領而已,不能遍 給事中羅嘉賓、御史龐尚鵬奉詔勘之。言宗憲養寇,當置重典,帝不問。明

除賊,用間用餌,非小惠不成大謀。」帝以爲然,更慰諭之。尋上疏,請得節制巡撫及操江都 前,賚宗憲加等。 御史,如三邊故事。 亦不貲。嘉賓、尙鵬還,上宗憲侵帑狀,計三萬三千,他册籍沉滅。宗憲自辯,言:「臣爲國 養皆有恩,能得其力。然創編提均徭之法,加賦額外,民爲困敝,而所侵官帑、斂富人財物 憲結嵩益厚,威權震東南。性善賓客,招致東南士大夫預謀議,名用是起。至技術雜流,豢 宗憲多權術,喜功名。因文華結嚴嵩父子,歲遺金帛子女珍奇淫巧無數。文華死,宗 帝卽晉兵部尚書,如其請。 復獻白龜二、五色芝五。帝爲謝玄告廟如

台、溫,我師前後俘斬一千四百有奇,賊悉蕩平。」帝悅,加少保。兩廣平巨盜張璉,亦論宗 明年, 江西盗起,又兼制江西。 未至,總兵官戚繼光已平賊。 九月奏言:「賊屢犯寧、

鳳儀 九 憲 功。 年,人無言者。 劾其黨嚴嵩及奸欺貪淫十大罪,得旨逮問。 時當已敗,大學士徐階曰:「兩廣平賊,浙何與焉。」僅賜銀幣。 自累獻祥瑞,爲羣邪所疾。 且初議獲直予五等封,今若加罪,後誰爲我任 及宗憲至,帝曰:「宗憲非嵩黨。 未幾,南京給事 股拔 中陸 角八

事者。

其釋令閒住。」

諡 憲 言官,且訐汝正受贓事。 寒懋。 手書,乃被劾時自擬旨授龍文以達世蕃者,遂逮下獄。 **外之,以萬壽節獻祕術十四。** 帝終憐之,並下汝正獄。 帝大悅,將復用矣。 宗憲竟瘐死, 會御史汪汝正籍羅龍 宗憲自敍平賊功, 汝正得釋。 萬曆初,復官, 言以獻瑞得罪 文家,包 上宗

華言 數,浮於宗憲,追還之官 率以錦綺 金花及庫銀數萬,又遺巨艦六艘,俾載 手 劍開門納之,全活甚衆。 ,特設福建巡撫,即以命鶚。 阮鶚者,桐城人,官浙江提學副使。 金銀為 之。 御史宋儀望等交章劾,逮下刑部。 以附文華、宗憲得超擢右僉都御史,代宗憲巡撫 初在 以走。 浙 時倭薄杭州,鄉民避難入城者,有司拒 不主撫,自桐鄉被圍,懼甚。 不能措一 籌,而斂括民 嚴嵩爲屬法司,僅黜爲民。 財動千萬計 寇犯福州,賂以羅綺、 浙 江。 不許入。 ,帷帘盤盂 叉以文 所侵餉

列

視 河東鹽 曹邦輔,字子忠,定陶人。嘉靖十一年進士。歷知元城、南和,以廉幹稱。 政。巡按陝西,劾總督張珩等冒功,皆謫戍。 出為湖廣副 使,補河南。 擢御史,巡

允紹復擊賊於霍山,賊圍之,兵無敢進。 火。 **賚銀幣,擢山西右參政,遷浙江按察使。** 叉陷 尚詔走莘縣,被擒。 賊許諾,擁上馬。不食三日,至鹿邑自縊。賊圍太康,都指揮尚允紹與戰鄢陵,敗績。 柘城, 柘城賊師尚詔反,陷歸德。 劫舉人陳聞詩爲帥。 賊起四十餘日,破府一,縣八,殺戮十餘萬。 不聽,斬從者脅之。聞詩給曰:「必欲我行,毋殺人,毋縱 檢校董綸率民兵巷戰,至手刃數賊,與其妻賈氏俱死之。 邦輔斬最後者,士卒競進。 賊大潰,擒斬六百餘 邦輔亟戰,殲之。

湖 郎 而 趙文華欲攘其功,邦輔捷書先奏,文華大恨。 , 追及之, 盡 柘林餘賊已進據陶宅。 三十四年拜右僉都御史,巡撫應天。 殲其衆。 副將何卿師潰,邦輔援之。 邦輔督副使王崇古圍之,僉事董邦政、把總婁宇協剿。賊走太 倭聚柘林。 旣而與浙江巡按御史胡宗憲會邦輔攻陶 以火器破賊舟,前後俘斬六百餘人。侍 其黨自紹興竄、轉掠杭、嚴、徽、寧、太 副總兵兪大猷、副使任環數邀擊之,

巡按 督楊 宅賊, 邦輔、栻、濬遂媒孽臣。 宜亦 御史周 諸營皆潰。 奏邦輔 如斗又奏失事狀,帝頗疑文華。 故違節 賊退, 邦輔進攻之, 復敗, 坐奪俸。 制。 東南塗炭何時解。」乃速繋邦輔,謫戍 給事中夏栻、孫濬爭之,得無罪。 文華因言:「賊易滅,督撫非人,致敗。 文華奏邦輔避難擊易, 朔州 文華還京,奏餘賊 致師 後 且 臣昔論 盡, 期, 而

臣 事 左侍 知兵者,遂以左都御史召還,任之。 可議。 郎兼 隆慶元年,楊博爲東部,起邦輔左副都御史,協理院 右僉都御史,總督薊、遼、保定軍務。 以給事中張鹵言,召爲右都御史,掌院事。 已,從恭順侯吳繼爵言,復改閱視爲提督。 言修治邊牆非上策,宜急練兵,兵練 帝以京營事重,更協理爲閱 事。 進兵部右侍郎,理 戎政。 視,令付大 而 後 尋 以 澷

己,屬東恃爲奧援。搆陷堂上官,至屈體降意,倒置名分。在外巡按御 司 賢不肖出其 邦輔 未 幾,轉南京戶部尚書。奏督倉主事張振選不奉約束。 累乞骸骨,不聽。 口吻。害政無甚於此。」穆宗深然其言,爲黜振選,飭內外諸 萬曆元年給由 赴闕,復以病求去,且言辛愛有窺覦志, 吏部因言:「往昔執 史亦由庇進士推 司,然迄不 政喜人悅 宜愼防 能 知,監 變。

奏其 狀,韶遣右 邦 輔 廉峻。 評事 自吳中被逮時,有 劉 叔 龍爲營墳墓 司 上所儲俸錢、揮之去。 歷官四十年,家無餘貲。 撫、按

列

傳

第

九

十

Ξ

曹

邦

輔

之。

遂致

仕去。

居三年,卒。

贈太子

少保。

洋,至 子副 板沙 功 彭 兵 掠 閉 列 事 操 兵 州 官官 常熟 郷民 接 翅 整飭蘇 兵守之。 舟者失色。 司 兪 等皆死 賊 千 ,身被三創幾殆。 知 任 贈光祿 小校 奪民 環 戶 大猷 |環 繞 , 倭 城號。 、松二 率 字 數月 舟 擊敗 張治戰死。 母 患 ,卿,再 知 應乾 環停俸戴 環意氣 憂,奪哀 出 起, 縣 一府兵 贼 海,環、大猷擊敗之馬蹟 之,焚舟三十餘。 環 王 長 廕 長治 鈇 盡 大至,與舊倭 備 、彌厲, 吏不 納 宰夫 破 罪。 環奮前 子副千戶 賊屯新場,環 其 之,全活 人。 倭剽 嫻 / 捍環 (巢,焚) 賊 竟敗賊, 兵革。 嘉靖 平, 搏贼 掠 出 /,建祠 舟二十七。 數萬計。 合 厭 乞終 賊 二十三年進 ,掠華亭、 死之, 環性 俘斬 相 犯 悉歸, 與 吳江 蘇州 制 持 都 Щ 慷 數 白 賊 副 許之。 司 憭, (餘) ,春秋致祭。 ,環、大猷擊敗之鶯 惟 日 亦 李經 將解 上海 其別部屯 未幾,賊掠 南 士。 引 獨 賊 復連戰 沙 等率 去。 明 遁 以 踰 歷 三百人舟壞不 身 道擊退賊,論 環等被劾,得 去。 知 已 永順 嘉定者, 任 年卒,年 陰沙 黄平、沙河、 陸涇壩 一而復 尋犯 之。 、保靖兵攻之。 寶山 至,裹瘡 太倉,環 三十 **胆湖** ,都督周于德 火 四十。 、熱之, 前 宥。 能 南 後 滑 去, __ 賊 縣,並 功 踰年,賊 沙 出 馳赴之。 年 給 環與 盡 奔 進環 ,皆捷。 海擊之。 閏三 事 嘉興。 死。 中伏,保靖 $\dot{\mathbf{H}}$ 敗 有 總兵官湯 績 月 徐 能 右 犯 論 嘗遇 一參政。 , 禦賊 師 蘇 名。 擢按察僉 頃之, 功, 怒濤 環偕 曾 州)賊,短 頌 廕 克寬 土 寶 遷 作, 其 蘇 總 賊 Щ 城

姓 名於 環 在 肢 行 體 間,與士卒同寢食,所得賜予悉分給之。 日 一、戦 死,分 也。 先 人遺體 一,他 日或收葬。」將 軍事急,終夜露宿,或數 士皆感激,故所 向 有 日絕餐。 功。 嘗 書

犯。 通 判 盡殪之。 ō 士民 時 論 休寧吳成器由小 功 率於其戰處立 ,進秩二級。 未幾, 又破 、賊曹 祠祀之。 吏爲會稽典史。 成器與賊 娥江 一,擢浙 大小 數十戰皆捷。 江 倭三百餘劫會稽,爲官軍所逐,走登龕 布 政 司 經 歷。 身先士卒, 進止 遭 喪,總督胡宗憲奏留之。 有方略, 所部 Щ 無秋 成器 擢紹 遮

毫

興

嘉焉 於 錦 赦令中,尚書聶賢懼不敢,乃與同官盧蕙請於都御史王 衣 衛送盜十三人,遂惟 李遂,字邦良, 豐城 人。 抵 一人罪, 弱冠,從歐陽德學。 餘皆辨釋。 東宮建, 登嘉靖五年進士,授行 赦天 廷相,廷相從之。 下。 逐請列「大禮」大 人。 事雖 歷刑部 報罷,議 獄 郎中。 諸 者 臣

備 副使。 俄 調 禮部,忤尙書夏言。 屢遷廣 東按察使。 釋囚八百餘人。 因事 劾之, 下詔 進山 獄,謫湖州 東右布政使。 同知。 江洋多盗,遂 遷衢州 知府, 遷 擢蘇、松兵 右僉都 御

傳 第 九 + Ξ 李 遂

列

史提督操江。 帝怒,削其籍 軍政明 ,盜不敢發。 俺答犯京師, 召逐督蘇州軍餉。 未謝恩,請關防符驗用

節用,次第畫戰守計。 故官撫鳳陽四府。時淮、揚三中倭,歲復大水,且日役民輓大木輸京師。 三十六年,倭擾江北。 廷議以督漕都御史兼理巡撫不暇辦寇,請特設巡撫,乃命遂以 逐請餉增兵,恤民

致賊於 焚斬 賊。 沿海東至廟灣,則絕地也。」乃命副使劉景韶、遊擊丘陞扼如皐,而身馳泰州當其衝。 乘夜雨潛遁。 政唐順之、副總兵劉顯來援,賊大敗走,以餘衆保廟灣。 勢甚盛,副將鄧城禦之敗績,指揮張谷死焉。 有三。由泰州逼天長、鳳、泗,陵寢驚矣。由黃橋逼瓜、儀,以搖南都,運道梗矣。若從富安 甚衆。 連戰丁堰、海安、通州,皆捷。 三十八年四月,倭數百艘寇海門。 廟灣。 廟灣賊據險不出,攻之月餘不克。遂令景韶塞塹、夷木壓壘陳,火焚其舟,賊 官軍據其巢,追奔至鰕子港,江北倭悉平。 復慮賊突淮安,乃夜半馳入城。賊尋至,遂督參將曹克新等禦之姚家蕩。 賊沿海東掠,遂喜曰:「賊無能爲矣。」令景韶、**陛尾之,而** 遂語諸將曰:「賊趨如皐,其衆必合。 合則侵犯之路 賊知如皐有備, 將犯泰州 景韶亦敗賊印莊,追奔至新河口, 帝大喜,璽書獎勵 ,遂急檄景韶、陞遏 時城 通

賊駐<u>崇明三沙者,將犯揚州</u>。 景韶戰連勝,圍之劉莊。 會劉顯來援,遂檄諸軍盡屬顯

攻破 史陳志勘上遂平倭功,前後二十餘戰,斬獲三千八百有奇。 其巢, 追奔白駒場, 賊盡殄。 時遂已遷南京兵部侍郎。 再予一子世千戶,增俸二級 論功,予一子官,賚銀幣。 御

署。 軍有 歎曰: 「兵自此益驕矣。」 **能殺、庭竹、鏊,** 病閉閣 實奏朝廷,不以叛相誣也。」因麾衆退,許復妻糧及故額,人畀之一金補折價,始散。 日,諸大臣集守備廳,亂卒亦集。遂大言曰:「黃侍郎自越牆死,諸軍特不當殘辱之。 裸其屍於市 色之一,督儲侍郎黃懋官又奏革募補者妻糧,諸軍大怨。 予之銀,爭攫之。 求復折色故額於懋官。 懋官急招鏊及守備太監何綬、魏國公徐鵬舉、臨淮侯李庭竹及遂至,諸營軍已甲而 妻者,月糧米一石;無者,減其四;春秋二仲月,米石折銀五錢。 莅南京甫數月,振武營軍變。 ,給兔死券以慰安之,而密諭營將掩捕首惡二十五人,繫獄。 綬、鵬舉遣吏持黄紙, 任鵬舉 懋官見勢洶洶, 如故,遂以功議擢。 懋官不可,給餉又踰期。 越垣投吏舍,亂卒隨及。 振武營者,尚書張鏊募健兒以禦倭。 許給賞萬金,卒輒碎之。 止誅叛卒三人,餘戍邊衞,而三人已前死。 三十九年二月都肄日, 代坤者蔡克廉方病,諸 鵬舉、鏊慰解不聽, 至許犒十萬金, 馬坤掌南 韶追褫懋官及克廉 振 素驕 武 悍。 戶部,奏減 卒鼓譟 乃稍定。 竟狀懋官 軍 舊制 遂乃托 以 吾據 懋官 歲 明 逐 饑 折

未幾, 江東 代鏊為 尚書。 江北池河營卒以千戶吳欽革其幫丁, 毆而縛之竿。 幫丁者,

列停

第

九

+

三

李

恣

營卒惑妖僧繡頭,復倡訛言。 操守卒給一丁,資往來費也。 旣又奏調鎭武軍護陵寢,一日散千人,留都自是無患。 遂捕斬繡頭, 申嚴什伍, 書其名籍、年貌, 繫牌腰間, 軍乃戢。 遂已召拜兵部左侍郎,以言官薦擢南京參贊尚書,鎭撫之。 越四年,以老致仕。

JII.澤效靈,爲聖主鼎新助,帝大喜。 又進白兔,帝爲遣官告廟。 逐博學多智,長於用兵,然亦善逢迎。帝將重建三殿,遂奏五河縣泗水中湧大杉一,此 由此益眷遇。卒,贈太子太

保,諡襄敏。

左給事中。 弟逢,字邦吉。 偕同官諫南巡,下詔獄,謫永福典史。終德安知府。遂子材,自有傳。 由進士爲吏科給事中。侍郎劉源淸下吏、逢救之、並繫、得釋。進戶科

長、治貫羣籍。年二十三、「公舉嘉靖八年會試第一、改庶吉士。座主張聰疾翰林,出諸吉 士爲他曹,獨欲留順之。 唐順之,字應德,武進人。祖貴,戶科給事中。父寶,永州知府。順之生有異禀。稍 固辭,乃調兵部主事。引疾歸。久之,除吏部。

十二年秋,詔選朝官爲翰林,乃改順之編修,校累朝實錄。 事將竣,復以疾告,聰持其

乃 疏 不下。 起 故 官 兼 有言順之欲遠璁者,璁發怒,擬旨以吏部主事罷歸,永不復敍。 春 坊 右司 諫。 與羅洪先、趙時春請朝太子, 復削籍 歸。 ト築

陽羨山中,

讀書十 至十八年選宮僚,

餘年。中外論薦,並報寢。

便宜 喪,召爲職方員外郞,進郞 九事。 倭 蹦 江 . 南 總督王忬以下俱貶秩 北。 趙文華出 中。 .視 出覈薊鎭兵籍 師,疏薦順之。 ,還奏缺伍三萬有奇,見兵亦不任戰, 起南京兵部主 事。 父憂未 終, 不果出。 因條上 冤

顯馳 陸,則 宗憲言順之權輕,乃加右通 居 出 沙 韋 意氣自 海 困 督螳 顯請 援,與 舟 賊 尋命往南畿、浙江 內地咸受禍。 如 兩 ,順之以爲 月, 、顯進擊, 退師,順之不 、鳳陽 倭泊崇明三沙,督舟師邀之海外。 遂得 巡撫李遂大破之姚家 非計,麾兵薄 疾, 再失 乃躬泛海,自江陰抵蛟門大洋,一晝夜行六七百里。 返太倉。 可,持刀 一視師, 利。 政。 順之憤, 與胡宗憲協謀討賊。 其營, 直 順之聞賊犯江北, 李遂改官南京, 前 去賊 蕩。 親躍 以火礮攻之, 營 賊窘,退巢廟灣。 馬布 百 餘 陣。 斬馘一百二十,沉其舟十三。 即擢順之右僉都御史, 步 急令總兵官盧鏜拒三沙, 不能克。 0 順之以禦賊上策,當截之海外, 賊搆高 鐘、顯 樓望官軍, 懼 順之薄之,殺傷相當。 三沙又屢告急,順之乃復援三 失利,固 見順之軍整,堅 要順之還。 代遂巡撫。 從者咸驚嘔,順之 自率副總兵劉 擢太僕 時盛暑, 遂欲列 順之疾 縱使登 少卿。

列

甚,以兵事棘 不 敢 辭。 渡江 ,賊已爲遂等所滅。 淮、揚適 大饑,條上 海防善後 九 事

三十 九年 春, 刑 期至。 力 疾泛海,度焦山 ·; 至 通州卒,年五 十四。 計 開,予 祭葬 故

四品但賜祭,順之以勞得賜葬云。

王畿, 委。 名仕 其 奥 籍,此 也。 子鶴徵 盡 順 閉 之於學無所不窺。 取 戶兀 爲古文,洗洋紆折有大家 古今載籍, 身非我 隆 坐, 慶五 匝 有,安得侔 |月忘寢 年進士。 剖裂補綴,區 自天文、 處士。」 多所 歷官太常 自得。 風。 樂律、 分部居,為左、右、文、武、儒、稗六編 順之遂出, 卿。 生平苦節自厲,輟扉爲牀,不飾 晚由 地理、兵法、弧矢、勾股、 亦 文華薦, 然聞 以博 學聞 望頗 商出 由 此 處於羅洪先。 損。 |崇禎 壬奇、 中 傳於 裀 禽乙, 追 褥。又 洪先 世, 莫不 襄 聞 學 日 者 良 究極 向 知 不 已 說 能 隸 於 測 原

惋 勝 則 誅 任 以 哉。 死。 法 贊 之過 日 1...朱紈 宗憲以奢黷蒙垢。 氣 也。 質之爲累,悲夫! 欲嚴海禁以絕盜源,其論甚正。顧指斥士大夫,令不能堪,卒爲所齕齮,憤 張 經 功不賞,而以冤戮,稔倭毒 然令徐海、汪直之徒不死,貽患更未可 當寇患孔 熾,撲滅惟恐不 而助之攻,東南 盡,便宜 塗炭數十年。 行誅,自 知矣。 工其職 曹邦輔、任環 爾,而 讒賊 之罪,可 以 爲 戰

功可紀,李遂、唐順之捍禦得宜。 而邦輔之平師尚詔,李遂之靖亂卒,其功尤著。 以其始終

倭事,故並列焉。

校勘記

作俟 命詞 原作「作絕命詞」。 明史稿傳八三朱紈傳作「作俟命詞 按國朝獻徵錄卷六二朱紈

自撰朱公紈壙志,有「作俟命詞曰」云云,據改。

命經不解部 務 原脫「不」字,據明史稿傳八三張經傳、 世宗實錄卷四一〇嘉靖三十三年五月

丁巳條補。

= 其年十一月 + -月, 世宗實錄卷四一五嘉靖三十三年十月辛已條、 國権卷六一頁三八四

都作「十月」。

区里 殺裨將梁鄂等 梁鄂, 明史稿傳八三李天寵傳、 世宗實錄卷四二〇嘉靖三十四年三月丁未條

都作「梁鶚」。

二五 會御史汪汝正 籍羅龍 文家 汪汝正,明史稿傳八一胡宗憲傳作「王汝正」。

檢校董綸率民兵巷戰 董綸, 世宗實錄卷四〇一嘉靖三十二年八月乙亥條作「董倫 而 卷四

七嘉靖三十三年二月乙亥條及卷四一二嘉靖三十三年七月戊申 條 叉 作 「董綸」。 國権卷六

列傳第九十三 校勘記

| 頁三八二七作「董倫」。 本書卷二九〇陳聞詩傳附有董倫傳,事跡與此傳文合,疑作「董倫

是。

[七] 三十二年閏三月禦賊寶山洋 三十二年,原作「三十一年」。按嘉靖三十一年無閏月,三十二

年閏三月。倭寇由寶山洋登岸入掠,正是在三十二年閏三月,事詳倭奴遺事,並見世宗實錄卷

三九六及國權卷六〇頁三八一四,今據改。

[八]年二十三 原作年「三十二」。明史稿傳八一唐順之傳作「年二十三」。按本書及明史稿本傳稱 唐順之嘉靖三十九卒,年五十四。 他舉進士是在嘉靖八年,應年二十三,今改正。

明史卷二百六

列傳第九十四

馬錄 顏頤壽 聶賢 湯沐 劉琦 盧瓊 沈漢 王科 程啓充

張逵 鄭一 鵬 唐樞 杜鸞 葉應驄 藍田

劉世揚 趙漢 魏良弼 秦鰲 張寅 莱洪

解

貫

鄭洛書

張錄

陸粲

劉希簡

王準

邵經邦

黄綰

馬錄,字君卿,信陽人。 正德三年進士。 授固安知縣。 居官廉 明,徵爲御史,按江南

諸府。

供 應庫以至軍器、胖襖、顏料之屬輸內府者,費皆然。」戶部侍郎秦金等請從錄言,命石加耗 世宗即位,疏言:「江南之民最苦糧長。 白糧輸 內府一石, 率費四五石。 他如酒醋局、

列傳第九十四 馬錄

年大計天下庶官,被黜者多訐撫、按,以錄言禁止 洶 司,外設撫、按,百餘年刑淸政平。先帝時,劉瑾、錢寧輩蠱惑聖聰,動遣錦衣官校,致天下 洶。 ,毋得苛求。 陛下方勤新政,不虞復有高唐之命。」給事中許復禮等亦以爲言,獄得少解。 中官黃錦誣劾高唐判官金坡、詔逮之,連五百餘人。錄言:「祖宗內設法

於錄 論死,妻女爲奴,沒其產,責勛對狀。 使。 亂。 聞,且劾勛庇奸亂法。 逃還,更名午,爲清軍御史所勾,再戍山海衞。〔〕復逃居洛川,以彌勒教誘愚民邵進祿等爲 了按問得實。

檄洛川父老雜辨之,益信。

勛爲遺書錄而免,錄不從,偕巡撫江潮具獄以 子大仁、大義、大禮皆冒京師匠籍。 事覺,進祿伏誅,福達先還家,得免。更姓名曰張寅,往來徐溝間,輸粟得太原衞指揮 五年出按山西,而妖賊李福達獄起。福達者,崞人。初坐妖賊王良、李鉞黨,戍山丹衞 章下都察院,都御史聶賢等覆如錄奏,力言勛黨逆罪。 勛懼,乞恩,因爲福達代辨,帝置不 用黃白術干武定侯郭勛,勛大信幸。 問 其仇薛良訟 詔福達父子

勛復乞張璁、桂萼爲援。璁、萼素惡廷臣攻己,亦欲借是舒宿憤,乃謂諸臣內外交結,借端陷 郎 御史程啓充、盧瓊、邵豳、高世魁、任淳,南京御史姚鳴鳳、潘壯、戚雄 中劉 會給事中王科、鄭一鵬、程輅、常泰、劉琦、鄭自璧、趙廷瑞、沈漢、秦祐、 社,主 事唐樞,交章劾勛 ,謂罪當 連坐。 勛亦累自訴,且 以議禮 、王獻,評事杜鸞 觸衆怒爲言,帝 張逵、 陳皐謨, 心動

潮及前 廷鞫。 勛 三法司 ,將漸及諸議禮者。 問官布政使李璋、按察使李珏、僉事章綸、都指揮馬豸等。時璋、珏已遷都御史,璋巡 尚書顏頤壽等不敢自堅,改擬妖言律斬。 訊,既又命會文武大臣更訊之,皆無異詞。 帝深入其言,而外廷不知,攻勛益急。帝益疑,命取福達等至 帝猶怒,命法司俱戴罪辦事,遣官往械錄、 帝怒,將親訊,以楊一清之言而止,仍下 一京下

撫寧夏,珏巡撫甘肅,皆下獄廷訊。乃反前獄,抵良誣告罪

非 例,故意增減,誣上行私。邇者言官締黨求勝,內則奴隸公卿,外則草芥司屬,任情恣橫,殆 給 事 私 獄、嚴刑推問、逐搜錄篋、得大學士賈詠、都御史張仲賢、工部侍郎閱楷、御史張英及寺丞淵 左 ``,佐錄殺人。給事中科、一鵬、滿、漢、輅、評事鸞,御史鳴鳳、壯、雄,扶同妄奏,助成奸惡。 書。 事中達,御史世魁,方幸寅就死,得誣勛謀逆,率同連名,同聲駕禍。 都御史賢,副都御史劉文莊,僉都御史張潤,大理卿湯沐,少卿徐文華、顧佖 一日,請大奮乾斷,彰國法。」帝納其言,幷下諸人獄,收繫南京刑部 帝以罪不及錄,怒甚。命聰、萼、方獻夫分署三法司事,盡下尚書頤壽,侍郎劉玉、王啓, |詠引罪致仕去,仲賢等亦下獄。| 導等上言:「給事中琦、康,郎中仕,聲勢相倚,挾私彈 郎中司馬相妄引 一,寺丞汪淵

,以聞,亦逮問 先是,廷臣會訊,太僕卿汪元錫、光祿少卿余才偶語曰:「此獄已得情,何再鞫。」 偵者告

列傳第九十四 馬錄

刑 至十六年,皇子生,肆赦。諸謫戍者俱釋還,惟緣不赦,竟卒於戍所。 二品服俸、金帶、銀幣,給三代誥命。遂編欽明大獄錄頒示天下。時嘉靖六年九月壬午也。 止 子孫。乃戍廣西南丹衞,遇赦不宥。帝意猶未慊,語楊一淸等曰:「與其僇及後世,不若誅 爲輕,欲坐以奸黨律斬。導等謂張寅未死,而緣代之死,恐天下不服,宜永戍烟瘴地,令緣及 革職者,副使周宣等復五人。良抵死,衆證皆戍,寅還職。緣以故入人死未決,當徒。帝以 冰、佖、淵、元錫、才、楷、仲賢、潤、英、壯、雄、前大理丞遷僉都御史毛伯溫。其他下巡按逮問 賢、科、一鵬、肺、漢、輅、世魁、淳、鳴鳳、相、鸞。 革職別住者十七人:頤壽、玉、啓、潮、文莊、 使 成 ,東將緣作奸,人無所措手足矣。」帝不得已,從之。以傳等平反有功,勞諭之文華殿,賜 |其身,從舜典『罰弗及嗣』之意。」||清曰:「祖宗制律具有成法,錄罪不中死律。 若法外用 冤獄 遷大理少卿文華。 導等逐肆搒掠。 ,因列諸臣罪名。 謫戍邊衞者七人:琦、逵、泰、瓊、啓充、仕及知州胡偉。爲民者十一人: 錄不勝刑,自誣故入人罪。夢等乃定爰書,言寅非福達,錄等恨勛,搆 帝悉從其言。謫戍極邊,遇赦不宥者五人:璋、珏、綸、豸、前山西副

顏頤壽,巴陵人,居官有淸望。

聶賢、長壽人。爲御史淸廉。奪官五年、用薦起工部尚書、改刑部尚書。致仕、卒。諡

六年,薦章數十上,不召,卒。 襲之弊, 謪 達、保國 武 義 湯 知 沐、字新之,江陰人。弘治九年進士。 公朱暉等罪,出爲湖廣僉事。 而令其子弟入學, 縣 瑾誅,復爲廣東僉事。 報可。 沐居官三十載,屏絕餽遺,以廉潔 嘉靖二年改撫四川,入爲 累遷右 劉瑾以沐不附己,用牙儈同寅訐 副都御史,巡撫貴州。請立土官世 除崇德知縣,徵授御史。 大理 卿。旣 坐福達 學士張芮事波及沐 正德初,嘗劾中官苗 一獄罷 系籍,絕其爭 歸,家居

稱。

劾郭 戍 衣 布 瀋 陽。 棉 勛 劉 琦 黨 恒 **※逆,又** ,字廷珍,洛川人。

(三) 正德九年進士。

嘉靖初,由行人授兵科給事中。時給京軍冬 過期,以 閱十年赦歸,卒。 與御史張問行劾勛侵盜草場租銀。旣而馬錄獄具,坐琦佐使殺人,下獄,謫 琦 請,即命琦立給。 李福達逃洛川,琦知之甚悉。 事覺,琦疏陳顚末,因

帝 排己,考察京官既竣,令科道互糾劾。 儒 交相批抵報復,非盛世事。 臣 有 [改撰。]帝惟命史官正孝宗實錄之不當者,然亦未有所正 撥 <u>盧瓊,字獻卿,浮梁人。正德六年進士。由固始知縣入爲御史。嘉靖改元,上言:「景皇</u> 亂大功,而 實錄猶稱郕戾王。敬皇帝深仁厚澤,而實錄成於焦芳手,是非顚倒。乞詔 帝切責俊民、隅,奪其俸五月,瓊等皆三月,而命部院考之。瓊竟 吏科都給事中王俊民等爭之,瓊與同官劉隅等亦言 也。 出按畿輔。 桂萼疾 臺 諫

以劾勛謫戍邊。赦還,卒。

封號,件旨,降行人司正。天啓初,贈少卿。[三] 納。大獄起,法司皆下吏。漢言:「祖宗之法不可壞,權倖之漸不可長,大臣不可辱,妖賊不 言:「吏爲奸利,在康未任前。事敗,康發之。康無罪。」因極言刑獄宜付法司,毋委鎭撫。不 災異指斥時政。尙書林俊去位,復抗章爭之。戶部郎中牟泰坐吏盜官帑,下詔獄貶官。漢 來年正課。又言近籍沒奸黨貲數千萬,請悉發以補歲入不足之數。皆報可。嘉靖二年,以 南京召至,漢論止之。改元詔書蠲四方逋稅,漢以民間已納者多飽吏橐,請已徵未解者,作 可赦。」遂幷漢收繫,除其名。家居二十年,卒。曾孫璟,萬曆中爲吏部員外郎。請王恭妃 沈漢,字宗海,吳江人。正德十六年進士。授刑科給事中。中官馬俊、王堂久廢,忽自

城,拓而廣之,遂爲望邑。毁境內淫祠,以其材葺學宮。嘉靖四年徵爲工科給事中。嘗劾兵 剝軍害民狀。又言:「三司首領、州縣佐貳以秩卑爲上官所輕棄,率貪冒不自惜,宜拔擢其 部尚書金獻民無功,總兵官趙文、种勛失事,及陝西織造內官擾民,郭勛任奸人郭彪、鄭鸞, 王科,字進卿,涉縣人。正德十二年進士。授藍田知縣。城隘,且無水,科導西山水入 方諸臣之被罪也,舉朝皆知其冤,莫敢白。踰月,南京御史吳彥獨抗章請寬之。上怒, 而諸邊財計之職,不宜處下才。鹽運官廉,當遷敍。」大獄起,劾勛,遂下獄削籍。

発相 召復者。 斥於外。 ,聶賢、毛伯溫始起用。 已而 隆慶初,諸人皆復職贈官。錄首贈太僕少卿,琦、瓊俱光祿少卿,漢、科俱太常 御史張祿亦以爲言。 張潤、汪元錫、李珏、閔楷亦相繼收錄。 件旨, 切讓。 自是無敢言者。十一年,桂萼已死,張璁亦 唯臺諫、曹郎竟無一人

蓄異謀,人人聽命,禍可勝言哉!乞追奪勛等官爵,優卹馬錄諸人,以作忠良之氣。」由是, 宗卽位,御史龐尙鵬言:「據李同之獄,福達罪益彰,而當時流毒縉紳至四十餘人。 衣冠之 福達獄始明。 禍,可謂慘烈。 之孫,大禮之子,世習白蓮教,假稱唐裔,惑衆倡亂,與大獄錄姓名無異,同竟伏誅。 月,四川大盜蔡伯貫就擒。自言學妖術於山西李同。 當轉等反福達之獄,舉朝不直導等。 郭勛世受國恩,乃黨互盜,陷朝紳。 而以寅、福達姓名錯互,亦或疑之。至四十五年正 職樞要者承其頤指,鍛鍊周內。萬一陰 所司檄山西,捕同下獄。 同供為李午 **暨**穆

濫 冒軍功,有至都督賜蟒玉者。 程 啓充,字以道,嘉定州人。正德三年進士。除三原知縣,入爲御史。 啓充言:「定制,軍職授官,悉準首功。今倖門大啓,有買功、 嬖倖子弟家人

列

掾 甲 冒 按 吏, 也, 名累級,驟至高 功、 洗補 加 寄名、竄名、併功之弊。 乙 文册,是謂 取之,甚者殺平民 階,是謂倂功。 竄名。 至有 以爲賊,是謂冒 權要家賄軍士金帛,以易所獲之級,是謂買功。 此皆 一人之身,一日之間,不出京師 壞祖宗法,解將士體,乞嚴爲察革。」帝不 功。 身不 出門閭,而 而 而 名隸行伍,是謂寄名。賄求 東西南 朔四 衝鋒 能 [處報 用 斬馘者, 功者,

弟 編 將 以 各 軍 憂 啓充等力爭。旣 **[衞者]** 趙朗者 + 年正 ,奉詔撤回,而各衞遺籍仍支糧,糜倉儲八十七萬餘石。 ,死於禁門。 旦,羣臣 叉 一待漏 極陳冗官、冗兵、冗費之弊,乞通行革罷。 啓充具奏其狀,請帝昧 入賀! 日晡禮 一始成。 爽視朝,以圖明作之治。都督馬昂進妊身女 及散朝,已昏夜。衆 帝皆不省。 啓充力言之,冒支 奔趨 而 出 鵩 ,顚仆相踐踏。 驤 四 衞 · 弊絕。 軍改

除。 言:「災及 大臣 具 經 、文也。 生之邪說 .疎遠,股肱有痿痹之患。 邊帥償師,不聞譴斥。回莊田之賞賚過多,潛邸之乞恩未已。 世 宗卽位,起故官,卽爭興獻帝皇號。 內 况邇者旨由中出而 ,

佞倖之諛辭,

動假母后以箝天下之口。

臣謂不正大禮,不黜邪說,所謂修省皆 寝,良由 [徇情之禮有戾天常,僭逼之名深乖 內閣不知,奸黨獄成而曲爲庇護。諫臣斥逐,耳目有壅蔽之虞。 司禮之權 重於宰相,樞機之地委之宦官。 嘉靖元年正月郊祀方畢,清寧宮小房火。 ·典則。輔臣 伏望陛下仰畏天明,俯 一執議,禮 邇臣貪濁, 頻有遷 臣建明,不能 啓充 敵

察衆聽,親大臣,肅庶政,以回災變。」報聞。

「逆濠 及科臣張嵩等極諫,不納。 大難,特加封爵,以酬大功,不必更議。」帝從太監梁棟請,遣中官督南京織造。啓充偕同官 事陸澄亦爲守仁奏辨。 【次王守仁亦可。」因論敬、銳等罪,並言守仁黨逆,宜追奪。 私書,有詔焚毀。 出按江西。 得宸濠通蕭敬、張銳、陸完等私書,欲亟去孫燧,云:「代者湯沐、梁宸可, 啓充輕信被黜知縣章立梅捃摭之辭,復有此奏,非所以勸有功。」主 御史向信因劾應軫與澄,帝曰:「守仁一聞宸濠變,仗義興兵,戡定 給事 中汪應軫訟守仁功、言:

謫戍邊衞。 啓充素蹇諤,張璁、桂萼惡之。會郭勛庇李福達獄,爲啓充所劾,璁、萼因指啓充挾私, 十六年赦還。言者交薦,不復用,卒。隆慶初,贈光祿少卿。

|元封侯,蔣輪市寵,陳萬言乞賜第,先朝貴戚未有若是恩倖也。 執者非一,刑罰不行於貴近者甚多。 「陛下臨御之初,國是大定。 張逵,字懋登,餘姚人。 今舉動漸乖,弊端旋復。 正德十六年進士。 臺諫會奏而斥爲瀆擾,大臣執法 改庶吉士。 嘉靖元年授刑科給事中。疏言: 齋醮繁興,爵賞無紀。 廖鵬緩死,劉暉得官,李隆 而責以回奏。 政 事不關於宰 至如崔

列傳

復遺官勘問,先朝罪人未有若是淹縱也。願陛下一反目前之所爲。」報聞。給事中劉最、鄧

繼會謫官,逵疏救,不聽。尋伏闕爭「大禮」,下獄廷杖。

蒙譴,則交相慶賀,以苟殆爲幸。消讜直之氣,長循默之風,甚非朝廷福也。」章下所司 環視,以不得其言爲愧。近者不然,會疏則删削忌諱以避禍,獨疏則毛舉纖微以塞責。一不 言也。曰『尚議處未定』,是未行者不可言也。二者不言,則是終無可言也。且今日言者**,** 已非陛下初政時比矣。初年,事之大者,旣會疏公言之,又各疏獨言之。一不得行,則相聚 四年十一月上疏曰:「近廷臣所上封事,陛下批答必曰『已有旨處置』,是已行者不可

成橫,用酷濟貪,籠絡貨資,漁獵營伍,爲妖賊李福達請屬,爲逆黨陸完雪冤。 旌使縱也。」旣復言:「福達誑惑愚民,稱兵犯順。 勛黨叛逆,罪不容誅。」不聽。 蕁進右給事中。王科、陳察劾郭勛,帝慰留之。逵與同官鄭自璧、趙廷瑞言:「勛倚奸 溫旨諭留,是

哀痛而卒。 尋以言事忤旨,黜爲吳江縣丞。復坐福達獄逮問,謫戍遼東邊衞。居十年,母死不得歸, 隆慶初,贈光祿少卿。

翼 鵬,字九萬,莆田人。 正德十六年進士。 改庶吉士。 嘉靖初,官至戶科左給事中。

鵬性伉直,居諫垣中最敢言。御史曹嘉論大學士楊廷和,因言內閣柄太重。 一鵬駁

之曰:「太宗始立內閣,簡解縉等商政事,至漏下數十刻始退。自陛下卽位,大臣宣召有幾? 張銳、魏彬之獄,獻帝追崇之議,未嘗召廷和等面論。 所擬旨,內多更定,未可謂專也。」

莫不有之。一鵬言:「禱祀繁興,必魏彬、張銳餘黨。先帝已誤,陛下豈容再誤。臣巡視光祿 師道殣相望,邊境戍卒,日夜荷戈,不得飽食,而爲僧道靡費至此,此臣所未解。」報聞 見一齋醮蔬食之費,爲錢萬有八千。陛下忍斂民怨,而不忍傷佞倖之心。況今天災頻降,京 帝用中官崔文言,建醮乾清、坤寧諸宮、西天、西番、漢經諸廠,五花宮兩暖閣、東次閣,

<u></u>
劾刑部侍郎孟鳳,帝不聽。給事中鄧繼曾、修撰呂柟、編修鄒守益以言獲罪,一鵬皆疏救。 東廠理刑千戶陶淳曲殺人,論謫戍。 詔覆案,改擬帶俸。 一鵬與御 史李東等執奏,幷 宮中用度日侈,數倍天順時。一鵬言:「今歲災用詘,往往借支太倉,而淸寧、仁壽、未央

諮宮、每有贏積、率饋遺戚里。曷若留供光祿、彰母后德。」帝命乾清、坤寧二宮暫減十之 魯迷貢獅子、西牛、西狗、西馬及珠玉諸物。 一鵬引漢閉玉門關謝西域故事,請敕邊臣

量行賞賚,遣還國,勿使入京,彰朝廷不寶遠物之盛德,不聽。尋伏闕爭「大禮」,杖於廷。

撫、按、鎭、監賞。 侍郎胡瓚、都督魯綱督師討大同叛卒,列上功狀,請偏頒文武大臣、臺諫、部曹及各邊 一鵬言:「桂勇誅郭鑑等,在瓚未至之先。 徐氈兒等之誅,事由朱振,於瓚

賞乃不行

無與。 策者_? **聲欲邀功冒賞,懼衆口非議,乃請幷敍以媚之。夫自大同搆難,大臣臺諫誰爲陛下畫** 孤 城窮寇尚多逋逃,各邊鎮、撫相去數千里,安在其能掎角也。」請治瓚等欺罔罪,

縦罔 侃侃。 羅欽順、請告祭酒魯鐸、被謫修撰呂柟宜召置經筵,廷臣乞省親養疾,不宜概不許。 不宜計費宏、留其弟春爲修撰;王憲夤緣貴近,鄧璋敗事甘肅,不宜舉三邊總督 璁因 郭順者願以宅易之。 宜坐罪。」 上。 時諸臣進言多獲譴,而一鵬問得兪旨,益發舒言事。 坐以妄奏,拷掠除名。 會武定侯郭勛欲得虎賁左衞以廣其第,使指揮王琬等言,衞湫隘不足居吏士,而民 尚書趙璜等因自劾。 昔竇憲改沁水園, 順,勛家奴也,其宅更湫隘。一鵬與同官張嵩劾勛:「以敝宅易公署,驕 卒以逆誅。 韶還所易,勛甚銜之。 勛謀奪朝廷武 衞,其惡豈止憲比。 而一鵬復以李福達獄劾勛, 論楊宏不宜推寧夏總兵官,席書 部臣附勢曲從, 服闋尚書 桂萼、張 諸疏皆

九廟災,言官會薦遺賢及一鵬,竟不復召。 久之, 卒。 隆慶初復官,贈光祿少卿。

唐樞,字惟中,歸安人。 嘉靖五年進士。 授刑部主事。言官以李福達獄交劾郭勛、然不

得獄辭要領。|樞上疏言:

謂 竊 佐皆讐人,六也。臣請一一辨之。 諂 惟陛下之疑有六。 薛良言弗可聽,三也。 諛者溷 李福 !其說,畏威者變其辭,訪緝者淆其真。是以陛下惑滋甚,而是非卒不能明。 臣 達之獄,陛下駁勘再三,誠古帝王欽恤盛心。 謂謀反罪重,不宜輕加於所疑,一也。謂天下人貌有相似,二也。 謂李珏初牒明,四也。 謂臣下立黨傾郭勛,五也。 而諸臣負陛下,欺蔽者肆其讒, 謂崞、洛證

惟 事? 敗露於後、反狀甚明。故陝西之人曰可殺,山西之人曰可殺,京畿中無一人不曰可殺, 秘書」,其辭何指。劫庫攻城,張旗拜爵,雖成於進祿等,其原何自。」鉞伏誅於前,進祿 左右之人曰不可,則臣不得而知也。此不必疑一也。 李鐵漢十月下旬之約,其行何求。「我有天分」數語,其情何謀。「太上玄天,垂文 福 達之出也,始而王良、李鉞從之,其意何爲。繼而惠慶、邵進祿等師之,其傳何

繼美、宗自成,是洛川主人識之矣。三言於石文學等,是山、陝道路之人皆識之矣。此 韓良相、李景全,是其友識之矣。一言於高尚節、王宗美,是鄜州主人識之矣。再言於邵 識之矣。 且 福達之形最易辨識,或取驗於頭禿,或證辨於鄉音,如李二、李俊、李三是其族, 發於戚廣之妻之口,是其孫識之矣。始認於杜文柱,是其姻識之矣。質證於

列

不必疑二也。

況福 之事,原不必出之敦良朴厚之人。 達蹤跡譎 薛 良 怙 惡,誠非善人。 密,黠慧過人,人咸墮其 至所言張寅之卽福達,卽李午,實有明據,不得以人廢言。 此不當疑三也。 (術中) 非良狡猾亦不能發彼陰私。從來發摘告訐

得也 之以惑衆,後此去之以避罪,亦不可盡謂薛良之誣矣。 以 自 有張寅父子,又見崞縣左廂都 隱 嘉靖元年黃册始收,寅父子忽從何來?納粟拜官,其爲素封 漏? 李珏因見薛良非善人,又見李福達無龍虎形、硃砂字,又見五臺縣張子眞戶內實 則 軍籍之無考,何足據也。況福達旣有妖術,則龍虎形、 <u>崞縣在城坊旣有李伏答,乃於左廂都追察,又以李午爲眞名,求其貫址,何</u> 無李福達、李午名,遂苟且定案,輕縱 此不當疑四也。 必非 硃砂字,安知非前 元兇。 一日之積, 殊不 前 知五 此假 此 臺 미 何

恩,諸臣縱有傾勛之心,亦安能加之罪乎? 之所有。 京師自 其爲妖賊餘黨,亦意料所不能及。 四方來者不止一福達,旣改名張寅,又衣冠形貌似之,郭勛從而信之,亦理 此不用疑 在勛自有可居之過,在陛下旣宏議貴 五 也。 之

非醬也。 鞫 獄 者 日韓良相、戚廣、讐也,則高尚節、屈孔、石文舉,非讐也。 日誣,必言所誣何因。 日讐,必言所讐何事。 若曰薛良,讐也,則一 日 魏泰、劉永振,響 切證佐

也,則今布按府縣官非讐也。 曰山、陝人,讐也,則京師道路之人非讐也。此不用疑

六也。

望陛下六疑盡釋,明正福達之罪。庶羣奸孱跡,宗社幸甚。

疏入, 帝大怒, 斥爲民。其後欽明大獄錄删樞疏不載。

躡屩茹草,至老不衰。隆慶初,復官。以年老,加秩致仕。 言諸臣,乃彰先帝之過,請悉停之,樞竟不錄。 樞少學於湛岩水,深造實踐。又留心經世略,九邊及越、蜀、滇、黔險阻阨塞,無不親歷。 會高拱憾徐階,謂階恤錄先朝建

門外。長沙盜李鑑與父華劫村聚,華誅,鑑得脫。後復行劫,捕獲之。 隨奏辨,且以議禮爲言。 夫大禮之議,發於聖孝。**書偶一言當意,動援此以挾陛下,**壓羣僚 壞 問官故與臣左。 知府宋卿故入鑑。帝遣大臣按之,言鑑盜有狀,帝命逮鑑至京。 書上言:「臣以議禮忤朝臣, 亂政體,莫此爲甚。」帝重違書意,竟免鑑死,戍遼東。 杜鸞,字羽文,陝西咸寧人。正德末進士。授大理評事。嘉靖初,伏闕爭「大禮」,杖午 乞敕法司會官覆。」於是鸞會御史蘇恩再訊,無異詞,疏言:「書以惡卿故爲 席書時無湖廣,劾

禮招怨』,勛亦曰『以議禮招怨』。書曰『欲殺鑑以仇臣』,勛亦曰『欲殺寅以仇臣』。簧鼓 獄,陛下徇席書言,誤恩廢法,權倖遂以鬻獄爲常,請託 如出一口。 已,復有張寅之獄。 以陛下尊親之盛典,爲奸邪掩覆之深謀,將使賄賂公行,亂賊接踵,非 鸞與刑部郎中司馬相、御史高世魁司 無忌。今勛謀又成矣。 其牘。 鸞上言:在者李鑑 書日 『以 聖聰, 朝福 議

也。」已而住萼等力反前獄,鸞坐除名

情。 請詳察是非:「**職禮是而行事非者,不以是掩** 以 書,鑑非書子弟親戚交遊 救,謂『衆以議 德。」 帝是其言,命都察院曉示百官。 越二日,御史李儼以世廟成,請恤錄 全消,時靡有爭,則大公之治也。」未幾,給事中陳皐謨亦言:「獻皇帝追崇之禮,實出 人辨愬,於議禮本不相涉,而動必援引牽附,何哉。蓋小人欲中傷人,以非 (議禮激衆怒爲言,不至於濫恩廢法不已,豈不大可異哉! ,而欲自固 書輩乃貪爲己功,互相黨援,恣情喜怒,作福 初,書之欲寬李鑑也,給事中管律言:「比言事者,每借議禮爲詞。或乞休,或引罪,或 [其寵,又非此不足得陛下歡 禮域臣,因陷鑑 也,何故讐之。 死。 夫議禮者,朝廷之公典,合與不合, 也。 至郭勛黨庇奸人,請屬事露,則又 非。 乞誡自今言事者,據 作威。 議禮非而行事是者,不以非掩是。 若李鑑父子,成案昭然。 乞亟斥書、勛而置鑑 事直 陳, 何至深讐。 議 此 代奸人妄訴,亦 毋假借, 禮 不 獲罪諸臣,且 足 書曲 重典,窮 激 使黨 唑 以累聖 縦使讐 陛 下至 爲 下 申 與

按 勛請託事,使人心曉然知權奸不足恃,國法不可干,然後逆節潛消,倖門永塞。」帝弗聽。

初 歷郎 葉 應 中。 驄,字肅卿,鄞人。 伏 闕 爭「大禮 」,再下獄 正德十二年進士。 廷 杖 授刑部主事。 偕同官諫南巡,杖三十。嘉靖

余才 等職 旦等。 獻帝 罪 因 詆 及 調 宇及 帷 、劉天民,員外郎薛蕙,給事中鄭一 不 給 帝益大喜。 可 薄 事 良勝於外。洗遂劾大學士費宏,尚書金獻民、趙鑑,侍郎吳一鵬、朱希周、汪偉,郎中 文選郎夏良勝,而稱引其黨前 稱 事 中 皇。 潮陽 刊 布之,名辨冤錄。 而是時張璁、桂萼輩以議 陳洸素無賴。 立罷旦,擢紀代之。 家居與知縣宋元翰不相能,令其子柱託元翰謫戍。元翰摭洸 洸 由是不 鵬悉邪黨,而薦廖紀等十五人。 璁、萼輩遂引以擊異己。 給事 禮 齒於淸議,尚書喬宇出之爲 驟顯,洗 中于桂、閻閎、至史道,前御史曹嘉。帝卽還洸 乃上疏言聰等議是,宜急去本生之稱; 湖廣 俄又劾吏部尚書楊 洸 初嘗言

且封上元翰辨冤錄。 ,請遣一 給事 中趙漢、御史朱衣等交章劾洸,而御史張 錦衣往」。光意,錦衣可利誘也。 都御史王時中請罷洗 得旨遺應驄及錦衣千戶李 聽勘。 日韜、戴金、藍田又特疏論之。 洸奏「羣奸恨臣抗議大禮, 經 應聽 將令撫按 與焚香誓 田弁劾席

列

傳

第

民。 應驄議。 都御史張潤、給事中解一貫、御史鄭本公等連章執奏。 知府,母喪歸 天,會御史熊蘭 大理 罪惡極,宜斬,妻離異,子柱絞。 卿湯沐及鑑、一貫更爭之,不聽。 書、萼爲居間 、涂相等雜治,具上洸罪狀至百七十二條。 不能得,要璁共奏,謂洸議 洗懼,亡詣闕申訴。 未幾,「大禮」書成,幷原洸妻子。 禮臣、爲法官所中。 帝不得已,始命覆覈。郎中黃綰力 除赦前及曖昧者勿論,當論者十 帝持應驄奏不下。尚書趙鑑 帝入其言,命発罪 應驄尋遷吉安 副

帶。 拔木。 聰成遼東。 尚書胡世寧等心知洸罪重,而懲前大獄,不敢執。 六人,下巡按李美覆勘。 連四百人。 也,上書訐應驄等。 霍韜 六年,璁、萼益用事。 有韶修省,不用刑。 再疏爲洗訟不能得,洗益爐應驄。 九卿及錦衣衞廷訊,應驄對曰:「某所持者王章耳,必欲直洗,惟諸公 萼因訟洸冤。 美言死者皆有狀,非故殺。 而導方掌刑部,廷臣馬錄等以劾郭勛下獄。 乃當 應聽按事不實律,爲民,元翰、縮及田等貶斥有差, 遂逮洸、應驄、元翰、綰,而令按察使張· 逾數年,更令人奏應聽勘 會是日黃霧四塞,獄弗竟。 刑部尚書許讚白應驄無罪。 獄時, 酷殺 **洸謂乘此故案** 祐等還籍候 次日,又大風 命。」 無辜二十 帝特謫 洸授冠 命,詞 刑 可反 部

是獄也、始終八載。 凡攻胱與治胱獄者無不得罪,逮捕至百數十人。天下惡博輩奸横,

益羞言議禮臣矣。

享禮 成,復冠帶。 應 驄赴戍所,道經蘇州。 應驄敦行誼,好著書,數更患難氣不挫。 知府治具候之,立解維去,致餽不受。 十六年赦歸。 明堂大

|民哭震野,爭致贐,綰止取二錢。至京,下詔獄,瘐死。[<\]隆慶初,贈太常少卿。 黃綰、息人。爲刑部主事、諫南巡被杖。歷郎中、出爲紹興知府,以寬大爲治。被徵時,

藍田,即墨人。爭「大禮」被杖。張璁掌都察院,考察其屬,落職歸。

親、任相、遠奸、用諫、謹令、戒欲、恤民十事。 解一貫,字曾唯,交城人。正德十六年進士。除工科給事中。 世宗嘉納之。 陳講學、修德、親賢、

還朝,劾太監谷大用、李璽奪產殃民罪,帝宥之。 后父陳萬言營第,極壯麗。 雲南巡按郭楠以建言,廣東按察使張祐、副使孫懋以辱官校,皆逮治,御史方啓顏以杖 嘉靖元年偕御史出覈牧馬草場。太監閻洪等奏遣中官一人與俱,一貫言不可,乃已。 一貫力請裁節,復助楊廷和爭織造,皆不納。 而內臣、勛戚所據莊 田,率歸之民。 歷刑科左右給 帝爲 事

列

死 宦 官 家 人 落 職 元 城 知 縣張好古以拘責戚畹家族鐫級,一貫皆論救。 忤 旨 一,停俸。

言,顧 所 聖 善 專攻宏 所 以古大臣 此,將壞祖宗百年 司 類 司 心 中 , 尋進 而 廉 傷 璁、夢等街 超擢 或兼 恥,猶 於其終 無已,天下事將大有可 固 吏 科 以 不 攻璁、萼,不 能 來,憑恃寵 可 都 汐 望以君子。 無議 給 不 制,事 日『爾等宜各修乃 事 已,竟謫 中。 竟 但 知能去宏,不能去璁、萼也。 靈 入仕 寢。 教授 一。凌樂 開州 璁、萼則 王 至今,未聞有 張璁、桂萼 '慮者。」 判官 朝 价、 職 士。 銯 小人之尤,何所 以卒。 (1) 蓋所 時鄭洛 事 與宏積怨已久,欲奪其位而 日擊 錢 大過。 予勛 以 費宏 書、張錄皆論 陰折 以 考察罷,假議 至璁、萼平生奸 不已,一 忌憚。 其奸謀者至矣。 君子 難進易退,小 三人 貫 茍其計 偕 事 同 禮 而 得 險, 官言:「宏 希 居之。陛下 行 三三臣 復 特 人 則 貫言尤切。詔下之 用 以 則 奸 :不 議 立 不 邪 然。 以累 體 朝 禮 氣 貫等言,如 至 行 勢愈增, 宏恤 事 疏 意 事 俱 偶 , 付 律 或 合

持 加 璁、桂萼以 宏 取 鄭洛書, 與 、之際 陳 字啓範 九 亦未 Ш 事 明。 許 ,莆田人。 費宏, ·去,亦冒蹊田奪牛之嫌。」詔責洛書妄言。 夫朝 延有紀 洛 書 弱冠登進士,授上海知縣,有善政。 與 綱 同官鄭 大 臣 氣言 重進退,宏、璁、萼皆不 九川 事 人謂 璁 夢興 可不去。 嘉靖四年召拜御 謀 固已 宏不 一得罪 ·去,則 史。 公論, 有 張

赦過。 抗辨於人主之前,何以使刑罰中。」帝怒,將罪之,楊一淸力解而止。尋出視南畿學政,道聞 達獄起,帝將親鞫之,洛書曰「陛下操獨斷之威,使法官盡得罪,雖有張釋之、于定國不獲 如致仕大臣劉健、謝遷、林俊、孫交等,特降宸章,咨訪時政,則聖德益宏。 帝賜尚書趙鑑、席書詩翰、洛書言:「陛下眷禮大臣,此虞廷賡歌之風也。願推此心以念 如遷謫豐熙、劉濟、余寬、王元正等,特垂仁恩,量與牽復,則聖度益廣。」報聞。李福 又推此心以

年三十九。子開,往依上海。 憤,復劾洛書及王重賢等九人貪汚關茸。重賢等皆降黜。 十二年京察事竣,更命科道官互糾,洛書被劾落職。 上海人治田百畝資之。歲一至,收其入以歸。 給事中饒秀爲御史所劾,無 時論駭之。 洛書家居再踰歲卒

獄廷杖。 張錄,字宗制,城武人。

正德六年進士。授太常博士,擢御史。嘉靖初,伏闕爭「大禮」, 出按畿輔,劾宣府諸將失事,皆伏辜。

賞。 餌,則食人之食矣。 錄言:「明王不貴異物。今二獅日各飼一羊,是歲用七百餘羊也。 西域魯迷貢獅子、西牛方物,言所貢玉石計費二萬三千餘金,往來且七年, 願返其獻,歸其人,薄其賞,以阻希望心。」帝不能 用 牛食芻菽,今乃食果 邀中 ·國重

列

以回天譴。」帝爲戒論聰、傳。後聰以侍郎總臺事,修前憾。言與不諳憲體,遂罷歸。家居二 變異迭出 張 璁 擢兵部侍郎,錄與諸御史爭之,不聽。 聰與桂萼屢攻費宏,錄言:「今水旱相仍, 了正臣工修省時。諸人爲國股肱,相傾排若此,欲弭災變,不亦難乎。

乞並黜三人,

臣爲權宜計,常朝奏事,先日擬旨,其餘政事具疏封進,沿襲至今。今陛下銳意圖治,願每日 帝不能用。 有道之士,更番入直,講論經史,如仁宗弘文閣故事。則上下情通,而天下事畢陳於前矣。」 朝罷,退御便殿,延見大臣,侍從臺諫輪日奏對,撫按藩臬廷辭入謝,召訪便宜,復妙選博聞 「高者儲之禁近,其次分置諸曹,先有官者遞進,庶人才畢出,野無遺賢。」 選庶吉士。七試皆第一。張璁、桂萼盡出庶吉士爲部曹、縣令,粲以才獨得工科給事 因陳久任使、愼考察、汰宂官諸事,而終之以復制科,做唐、宋法,數歲一舉,以待異才: 勁挺敢言。疏言:「我朝太祖至宣宗,大臣造膝陳謀,不啻家人父子。自英宗幼沖,大 陸桑,字子餘,長洲人。少謁同里王鏊,鏊異之曰:「此子必以文名天下。」嘉靖五年成進 旣言資格獨重進士,致貢舉無上進階,州縣教職過輕,王官終身禁錮,皆宜變

尋偕御史郗元洪清覈馬房錢穀。 抗疏折御馬太監閻洪, 宿弊爲清。 與同官劉希簡爭

張 福獄。〔4〕帝怒,俱下詔獄。杖三十,釋還職。事具熊浹傳。

張璁、桂萼並居政府,專擅朝事。 給事中孫應奎、王準發其私,帝猶溫旨慰諭。 | 粲不勝

憤,上疏曰:

拗多私。 恩隆寵異,振古未聞。 璁、萼,兇險之資,乖僻之學。 **博外若寬迂,中實深刻。 忮忍之毒一發於心,如蝮蛇猛獸,犯者必死。臣請姑** 乃敢罔上逞私,專權招賄,擅作威福,報復恩仇。璁狠愎自用,執 曩自小臣贊大禮,拔置近侍,不三四年位至宰朔。

舉數端言之。

室相鄰,中開便戶往來,常與萼家人吳從周等居間。 叉引鄉人周時望爲選郞, 交通 鬻 養子,萼納重賄,竟使奴隸小人濫襲伯爵。 萼所厚醫官李夢鶴假托進書,夤緣受職,居 時望旣去,胡森代之。 <u>博受尚書王瓊賂遺鉅萬,連章力薦,</u>璁從中主之,遂得起用。 森與主事楊麟、王激又輔臣鄉里親戚也 昌化伯邵杰,本邵氏

僕 少卿夏尚朴,由知 親 也。 銓司 侍郎嚴嵩,其子之師也。 要地,盡布私人。 府期月遂得淸卿,禮部員外張散假曆律而結知,御史戴金承 典選僅踰年,引用鄉故,不可悉數。 愈都御史李如圭,由按察使一轉徑入內臺,南京太 如致仕尚書劉麟,其中 風搏

京禮 撃,廿 部 心鷹大、皆博姻黨、相與朋比爲奸者也。 尙 書黃館曲 學阿 世 ,虚談眩 人,諭德彭澤夤緣改秩 禮部尚書李時柔和善逢,猾狡多智, ,躐玷淸華,皆陰厚於 璁 而 南

附於夢者 也。

璁等威 權 既盛,黨與復多,天下畏惡,莫敢訟言。不亟去之,兇人之性不移,將來必

爲 祉 一稷忠。

帝 大感悟, 立下詔暴璁、萼罪狀,罷其相,而以燦不早發,下之吏。

以言官比之犬 旣 而 詹事霍韜 ,侮朝廷。」而 力

一

京

明

楊

一

清

嗾

之

。 帝竟納韜言,召應還,奪一清官,下希簡詔獄,釋還職,謫桑貴 希簡言:「璁、萼去位由聖斷。且使犬謂之嗾,韜 州

都鎮驛 丞。

而

卒。

報 能。 稍 遷水新 霍 韜 亦 知縣。 薦粲、粲曰:「天下事大壞儉人手,尙欲以餘波汚我耶。」母歿,毀甚,未終喪 前後獲盜數百人,姦猾屛跡。 久之,以念母乞歸。論薦者三十餘疏,皆

振。

外之,謫縣丞。 終鞏昌知府。

劉

希簡,字以順,漢州人。

進士。

除行人。爲工科給事中甫五月,兩以直言得罪,聲大

專恣 罪。 王準,字子推 明 年劾璁、萼引私 ,世籍秦府儀 人。 衛司。 瑰、 博罷、 準亦下吏、 謫富民典史。 準以進士授知 縣。 爲禮科給 稍遷 事中,巡視京營,劾郭 知 縣。 都御 史汪 勛

希璁指,以考察罷之。

邵 經邦,字仲德,仁 L和人。 正德十六年進士。 授工 |部主事。権||別稅,甫三月,稅額滿。

遂啓關任商舟往來。進員外郎。

嘉靖 八年冬十月,日有食之。 經邦時官刑部,上疏曰:

兹者 正陽之月,有日食之異。 質諸 小雅 十月之篇,變象懸符。說詩者謂陰壯之甚,

陸粲言,命張璁、桂萼致仕。 由 不 用善人,而其咎專歸皇父。 尋以璁議禮有 然則今之調 功,復召輔 和燮理者,得無有皇父其人乎? 政。 人言籍籍,陛下莫之恤也。乃 通陛下納

天變若此,安可勿畏。

當 天下之人 也。 夫議 雕 共 排 禮與臨政不同。 用 衆 之,乃爲 論 ,任獨見,而 公耳。 議禮貴當,臨政貴公。 不以爲偏。 今陛下以璁議禮有功,不察其人,不揆其才, 若夫用 人行政,則當辨別忠邪,審 正皇考之徽稱,以明父子之倫, 而 量才力, 加 之大 禮之 與

列傳第九十四 邵經邦

號世宗,子孫百世不遷,顧不偉歟。如徒加以非分之任,使之履盈蹈滿,犯天人之怒, 守之乎?則莫若於諸臣之進退,一付諸至公,優其賚予,全其終始,以答其議禮之功, 不易。設近於私,則固可守也,亦可變也。陛下果以尊親之典爲至當,而欲子孫世世 任 亦非璁等福也。 而博求海內碩德重望之賢,以弱成正大光明之業,則人心定,天道順,俾萬年之後,廟 ,似私議禮之臣也。私議禮之臣,是不以所議者爲公禮也。夫禮唯至公,乃可萬世

帝大怒,立下鎭撫司拷訊。獄上,請送法司擬罪。帝曰:「此非常犯,不必下法司。」遂謫戍福 建鎭海衞。十六年,皇子生,大赦。 惟經邦與豐熙等八人不在赦例。

寓賢祠祀三人。 經邦之戍所,閉戶讀書。與熈及同戍陳九川,時相討論。居與海三十七年卒。 隆慶初復官。 **閪人立**

禮。 興獻帝皇號,世揚疏諫。 世揚言:「祖宗制,凡降詔旨必書於題奏疏揭,或登聞鼓狀,乃發六科,宣於諸曹。 劉世揚,字實甫,閩人。 都察院牒司禮監,攝中官吳善良。帝手批原牒付刑科,以善良付司 正德十二年進士。改庶吉士,除刑科給事中。 世宗卽位,議 或國 加

更舊 廡,帝納之。 恩以 有 大 旌 制 事 忠直, ,不可。」帝不 上命先 諸臣各進秩 發, 聽。 諸 曹必補牘, 已,列 等。 先朝直 嘗因災異, 於 次 臣 日早朝進之,無竟批文牘者。 舒芬、馬汝驥 世: 揚請做 、王思 古人几杖箴銘之義,取聖賢格言書殿 汪 應軫 今旨從 張原等二十人, 中 山, 褻 天語, 請 加

坐論 言:「大學士石坻貞介,「己歿未易名。 外郎 吏部 用。 帝 輔 臣。 以 楊 張 久 張 歷吏科左給事 敔 璁 早躬禱 而 帝怒,詰詹 清再 郭憲 尙 、桂萼被劾罷,帝責諫官不言。 書方獻夫亦璁、萼黨也,但 一世揚 杖 待 削 事 職 詔 中,進都給事 言在獄繫囚及建言謫戍諸臣怨咨之氣,上干天和,請悉 進 ,一清敗,一鵬宜復官。」 葉幼學、儲良才八人而已。日子幾,復偕同官趙漢等陳修省 輔臣 一,出 何 中。 典例 與 尚書李鎹,國之盜臣,身後遺金得 去編修 世揚等 同官李仁劾詹 世揚等乃盡刻璁、萼黨尚書王瓊 金路,御史敖鉞,太僕丞姚奎,郎 引罪。 事 帝怒不 、顧鼎臣汙佞,且言今日詹事 解, 予杖, 下 諡。 加 詔 下數 獄 疏 給 中 釋 事 劉 + 旣 中 八 汝 人,章 乃得釋 事 帝 鄭 卽 輗 不 他 う員 能 鵬 # 日

怒,謂給事 世 揚 發 言皆妄。 璁 、萼黨,見憾於璁,一 乃謫 世揚江 西布 鵬 政司照磨,停漢等俸,然緣諡 又嘗忤聰、夢。 會璁已再相,而 亦 由 此 奪。世揚屢 璁 遷 因 激帝 河

列傳第九十四 劉世揚

提學僉事

告歸卒。

唐』,其無狀至此。望急譴逐,毋爲新政累。」不聽。 已,哭爭「大禮」,繫詔 購初,尚書林俊以執奏獄囚李鳳陽,被旨詰責。 漢因言:「太監崔文亂政,巧逞奸欺,不特庇 李 鳳陽 趙漢,字鴻逵,平湖人。正德六年進士。授建昌推官。 而已。[10]工部尚書趙璜發文家人罪。文輒捕其諜者,痛杖幾死,曰『此杖寄與趙尚 擢南京戶科給事中,改兵科。嘉 獄廷杖

名 上。 閣者。 西右參政,告歸。 久之,以故官起山 家居耆舊,以分璁任。」上摘其譌字詰之,諭 月,未嘗以曠職懇辭。 歷吏科左給事中。 漢益懼,言:「輔臣簡命,出自朝廷,非小臣所敢預。」帝乃宥之,奪俸一月。 帝卽令漢舉所欲用,漢惶恐言:「臣欲聰引賢,無私主。」帝怒,責漢對不以實, 張璁久專政權,亦未聞引賢共濟。乞諭鑾、萼亟去,簡用兩京 以疾去。起故官,遷工科都給事中。 西。 不數月復 璁毋避,趣赴閣。 致 仕。 **聰因言漢忠謀,宜令備列** 疏言:「內閣桂萼、翟鑾 尋出為陝 大臣及 稱 趣以 ,堪內 病三

子伊,廣西副使。 年四十,卽以養父歸。 屢徵不起。

衷 事 竣歸家,乞致 仕 大未 許。 緝 事 者 奏衷潛 京 師 o 帝怒 奪衷 職 良弼 言衷

能隱,乞正言者欺罔罪,不報。

釋之。 京營。 叉 張 請發銀米振京師 帝怒,并下 劾罷! 瑰、桂萼初 提督 五 詔 罷 軍營保定伯 獄。 相 認 饑 論 察 直聲 贖還 其 梁永 黨。 職、仍 大著。 福 給 奪俸 事 に三太僕 會南京御史馬敭等以劾 中 劉 年。 世揚等議 卿 三遷至禮科都 曾直 一,罪武定侯 及良 弼。 吏 給 以吏部言,得留 部 郭 事 勛 尙 中 書王瓊被逮, 家 奴,論 專 | 營兵 尋 良酮 命 巡 政 之 視

書汪 出井,奸臣 已疑字敬,兩疏皆報 鋐 十一年八月,彗星 帝方 在 側。 向 鋐,奪良弱 大學士 聞。 見 張学 給 東井、芒長丈餘。 俸。 事 中 敬專橫竊威 秦鰲疏再 鋐、字敬 俱恨 入,学敬竟罷 福,致奸 良所 良弼 引 星示異,亟宜罷 占書言:「彗星晨見東方,君臣 去。 踰月, 黜。| 字敬 良酮復偕 同 奏 官 良 弼 爭 劾 挾 明。彗孛 吏 私。帝 部 尙

隆慶 乃別 以考察後 再下 初 糾 詔 明 年 獄 二十六人,而良爾 詔 命 元 記题 科 獄 日 道官互糾,又奏上十一人,又不及良弼 卒訝曰:「公又來耶 副都御 籍。 以 ・
史王 年 老 及秦鰲、葉洪皆前 即家 應鵬 坐事 拜太常少卿,致仕,卒。 ! 為垂涕。 下 詔 獄。 劾|学 尋復職,奪俸。時孚 良酮言履端之始,不宜以微過繫大臣 敬 、鋐者, 字敬 天啓初 中外 益 怒,擬旨 り追諡 大駭。 敬 復 忠簡 起 切責,令 良弼 柄 政, 竟 坐不 吏 與 部 鋐 謹 修 再 。帝 削 考 前 郤

列

休

第

儿

者屢訟冤,不復 好,忤旨 不 親 祀。 葉洪, 1奪俸。 洪疏諫,帝責洪妄言。 字子源,德州人。 用 明年考察,鐵修怨,遂坐洪浮躁,貶寧國 嘉靖八年進士。 尋巡視京營,進工科右給 授戶科給事 縣 丞。 事 中。十一年肇舉祈穀 中。 汪 居二年,復以 鋐遷 吏部 大計 尙 書 禮於圜丘,帝 一,洪 奪其職。言 極 論 其

已,学敬再相。 官賴義不法狀,義 秦鰲,字子元 汪鋐 見山 罷還。 承 風指以考察調鰲東陽 人。 彗星見,刻張孚敬妬賢病 嘉靖五年進士。授行 縣丞。 國、擬 人。 屢遷 擢兵科給 福 議詔旨,輒引 建 右 | 参議 事中。劾魏國 以自歸 卒官。 帝 公徐鵬舉、中 遂罷孚

討 陰賊 罷 政,寅言其儉邪蠹 邪媚。 未幾,被劾罷 又有張寅者,太倉 帝怒,謫高唐判官。 政,不可悉數,請追所 人。 嘉靖初進士。 屢遷南京文選郎 歷南京 賜封 語、銀章之屬,明正其辟。幷劾 中。 御史。 會簡宮僚,改春坊右司 嘗劾禮 部侍郎黃綰十罪。比張字 直 左都 無翰 御 林院 史 汪 敬 檢 鋐

贊曰 書曰「非佞折獄,惟良折獄,罔非在 [中」。又曰「明啓刑書,胥占咸庶中」。正言折獄

明,出死罪似於仁,而不知其借端報復,刑罰失中。 至百數十人。 之不可 不得 陳洸罪至百七十二條,竟得免死,而猶上書訟冤。凡攻洸之惡與治洸之獄 其中也。 皆由 議禮 張寅、李鑑,罪狀昭然。 觸衆怒,一言有以深 入帝隱。 中於郭勛、席書之說,廷臣 佞良之辨,可弗審 甚矣,佞人之可畏也。 歟。 . 獲罪,而寅還 夫反成案似於 者, 一職,鑑 逮捕

校勘記

發還

Щ

丹

衞

再 丙 戍 戍 條 Щ 、國権卷五三頁三三四〇改。 海 14 海 衞,原作「山 丹衛」,據明史稿傳八五馬錄傳、 按世宗實錄稱 勾 發山 海衞」, 世宗實錄卷六六嘉靖五 國権謂「勾調 Щ 海 衞 年 七月 並 非

= \Box | 榊 | 静 IJI 劉 縣 琦 民籍 字 野集及題名錄並作洛川,此誤。」 廷珍 洛川人 明史考證醬逸卷一八云: 洛川 人, 原作 「洛陽・ 「按琦爲陝西延安府洛川人, 人。 明進士題名碑錄 甲戌科作「陝西 故得 知 福達逃 延安府 洛川 鄜州

呂

洛

- == 煦 炒 少卿 卿 本傳 少 卿, 删 遷 當作「光祿少卿」。 光祿 丞」句,下文「少卿」無 明史稿傳八五馬祿傳附沈漢傳作 所指實。 見明史考證醬逸 遷 卷一 光 禄丞。 天啓 初, 贈
- _Z 遪 帥 僨 師 不 問譴 斥 不 聞譴斥, 原作「不得遺斥」。 明史稿傳八五程啓充傳作「不聞譴斥」, 於

義 較 安 據 改

Ħ. 閻 閎 原 作 閻 宏」,據明史稿傳 八五葉應驄傳、世宗實錄 卷四二嘉靖三年八 月癸巳條改。

ベ 下 詔 獄 瘐 死 瘐 死"原: 作「疫死」,形近而訛。 據明史稿 傳 八 五. | 葉應聽傳 改。

4 與 同 官 劉 希 簡 爭 張 福 獄 張 福, 原作「張 福 達」。 本書卷 九七熊浹傳、 明史稿傳八五 陸桑傳、

引國 朝 獻 徵 }錄 與 陸 粲 的 文 集 都 作「張 福。 傳文衍「達」字,今删。

}世

宗

實錄

卷

一〇三嘉靖

八年七月甲午

條

{國機

卷五

四 頁

三四

 $\dot{\circ}$

)四以

及明史考證

攜逸卷一八所

御史敖 鉞至 待 詔 葉幼 學 儲 見 才八 人而 已 敖 鉞, 原作「遨鉞 據明史稿傳八五劉世揚傳 }世

宗實錄 四 \bigcirc 卷 九 改。 〇四 嘉靖 儲 良才, 八 年 此 八月丙戌條、戊子條、又卷一〇 作「待 韶」,誤。 明史稿傳八 五劉世! 五嘉靖八年 揚傳 世宗實錄 九月丙申條 卷一 , {國 \bigcirc 四 {権 嘉靖 卷五 八 四

史敖 年八 鉞 月 丙 四字後方合。 戍條、 卷一〇五 八 嘉靖 人, 本書 八年 卷一九六方獻夫傳、 九月丙申條都作「御史儲 ||良才」。 卷五四 頁三四 「儲良才」三字當移 〇九都作「十二人」, 至 御

{國権 具 列 十二人姓 名。

ナレ 中言 大 學 士 石 砤 貞 介 石 砧 原作「石瑤」,據本書卷一一〇字輔年表、卷一九〇石硫 (傳 ~~~

}稿 傳 八 五 {劉 世 {揚 傳 改。

不特庇 李鳳陽 而 已 李鳳陽,本書卷一九四林俊傳、明史稿傳七三林俊傳、 世宗實錄卷二六

(二) 保定伯梁永福 保定伯,原作「保定侯」,據本書卷一〇七功臣世表改。

明史卷二百七

列傳第九十五

鄧繼曾 劉最 朱淛 馬明衡 陳逅 林應驄 楊言

劉安

薛侃 喻希禮 石金 楊 名 黄直 郭弘化 劉世龍 徐申

羅虞臣 張選 黄正色 包節 弟孝 謝廷蒞

一與齡

周鈇 楊思忠 樊深凌儒 王時舉 方新

鄧繼曾,字士魯,資縣人。正德十二年進士。授行人。

旨 下修己親賢之誠,漸不如始,故天降霪雨以示警戒。伏願出令必信,斷獄不留,事惟咨於輔 間 出於 世宗卽位之四月,以久雨,疏言:「明詔雖頒,而廢閣大半。 中人,奸諛漸倖於左右。 禮有所不遵,孝有所偏重。 納諫 大獄已定,而遲留尙多。 如流,施行 1則寡。 是陛 擬

列

傅

第九

+

Б.

鄧

繼曾

五四六一

臣,寵勿啓於近習,割恩以定禮,稽古以崇孝,則一念轉移,可以銷天災,答天戒矣。」

興府從駕官不宜濫授。帝納之。 宮之孝養,以杜嫌隙之漸,三、一政令,以杜欺蔽之漸,四、清傳奉,以杜假託之漸。尋言 未幾,擢兵科給事中。疏陳杜漸保終四事:一、定君心之主宰,以杜蠱惑之漸;二、均兩

繼曾陳戰守方略及儲將練兵足食之計,多議行。 效也。」提督三千營廣寧伯劉佶久病,繼曾論罷之。宣大、關陝、廣西數有警,中原盜竊發。 有五事,火實主言。名不正則言不順,言不順則禮不興。今歲未期而災者三,廢禮失言之 月日精門災,今月二日長安榜廊災,及今郊祀日,內廷小房又災。天有五行,火實主禮。人 嘉靖改元,帝欲尊所生爲帝后。會掖庭火,廷臣多言咎在「大禮」。繼曾亦言:「去年五

宗以來,凡有批答,必付內閣擬進者,非止慮獨見之或偏,亦防矯僞者之假託也。正德之世, 入,帝震怒,下詔獄掠治,謫金壇縣丞。給事中張逵、韓楷、鄭一鵬,御史林有学、馬明衡、季 取寵,故言出無稽,一至於此。陛下不與大臣共政,而倚信羣小,臣恐大器之不安也。」疏 蓋極弊矣,尚未有如今日之可駭可歎者。左右羣小,目不知書,身未經事,乘隙招權,弄筆 理,悅邪說之諂媚則賜敕褒兪,惡師保之抗言則漸將放黜。臣目覩出涕,口誦吞聲。夫祖 三年,帝漸疏大臣,政率內決。繼會抗章曰:「比來中旨,大戾王言。事不考經,文不會

本皆論教,不報。累遷至徽州知府,卒。

言官,廢黜相繼,納諫之風微矣。 帝初踐阼,言路大開。 進言者或過於切直, 帝亦優容之。 自劉最及繼曾得罪後,厭薄

職 取夫役,巡鹽御史黃國用復遣牌送之。帝怒,逮二人下詔獄。最充軍邵武,國用謫極邊雜 忤旨,出爲廣德州判官。言官論教,不納。已而東廠太監芮景賢奏最在途仍故衡,乘巨舫, 靖二年, 中官崔文以 禱祠事誘帝。 最極言其非, 且奏文耗帑 金狀。 而帝從文言, 命最自覈 **侵耗數。最言「帑銀屬內府,雖計臣不得稽贏縮,文乃欲假難行事,逃已罪,制言官」。疏入,** 大行封拜,最疏止之。尋請帝勤聖學,於宮中日誦大學行義,勿令左右近習誘以匪僻。嘉 法司及言官救之,責以黨比。最居戍所,久之赦還。家居二十餘年卒。 最,字振廷,崇仁人。繼會同年進士。由

慈利知縣入爲禮科給事中。世宗議定策功,

史。 朱淛,字必東,莆田人。 甫閱月,會昭聖皇太后生辰,有旨免命婦朝賀。淛言:「皇太后親挈神器以授陛下,母 舉鄉試第一。嘉靖二年成進士。 明年春與同縣馬明衡並授御

久,色稍解,欲戍之。 季本,員外郎 以離間宮闈,歸過於上,下韶獄拷訊。 時帝亟欲尊所生,而羣臣必欲帝母昭聖,相持未決。二人疏入,帝恚且怒。 文互異。詔旨一出,臣民駭疑。 可,在議禮紛更之時則不可。 ·此曹誣朕不孝,罪當死。」冕膝行頓首請曰:「陛下方興堯、舜之治,奈何有殺諫臣名。」良 至情,天日昭鑒。 林應驄繼諫。 若傳発朝賀,何以慰親心而隆孝治。」明衡亦言:「暫発朝賀, 冕又固請, 繼以泣。 帝愈怒,幷下詔獄,遠謫之。帝必欲殺二人,變色謂閣臣蔣冕曰: 且前者興國太后令節,朝賀如儀,今相去不過數旬,而 萬一因禮儀末節,稍成嫌隙,俾陛下貽譏天下,匪細故也。」 侍郎何孟春、御史蕭一中論教,皆不聽。 乃杖八十,除名爲民,兩人遂廢。 立捕至內廷,責 廷臣多論薦, 御史陳逅、 在恒時則 彼此情

言,雖忤弗 澗爲 人長者, 不欺人, 或為人欺亦不校。 顧。 家居三十餘年卒。 與明衡皆貧,澗尤甚。 鄉里利病,必與有司

爲 御史,即 明衡,字子萃。 與쀄同得罪。 父思聰,死宸濠難,自有傳。 閩中學者率以蔡淸爲宗,至明衡獨受業於王守仁。閩中有王氏學, 明衡登正德十二年進士,授太常博士。 甫

自

明衡始。

陳逅, 字良會,常熟人。 正德六年進士。 除福清知縣。 入爲 御史。 以救 兩 人謫 合浦主

簿。累官河南副使。帝幸承天,坐供具不辨,下獄爲民

謪 能 以 徐聞 其 徧 爼 敷稍 林 縣 應 丞。 今旬 參差, 驄,亦 代其長朝覲,疏陳時事,多 日 蒲田 有旨詰狀。 間,戶、工二部尙 人。 明衡同 應聽言:「部疏 年進 書相 士。 繼令對狀 一議行。 臣 授 戶部主事 司 ,非尊賢優老之意。」疏入,奪俸。以救澗等, 檢視,即 0 嘉靖 有 誤 初 當 ,尚書孫交覈各官莊 罪 臣。 尙 書總領部 田。 事,安 帝

享祀 攘 善。 朝 輩去矣,小臣 上言「邇者仁壽宮災,諭羣臣修省。臣以 抽 廷設六科,所以舉正欺蔽也。 未格 戶科 分之利,匠役增收而不禁,奏帶踰額而不裁。 楊言,字惟仁,鄞人。 於 失職,致陛 公神,一而 王相 廟 張漢卿輩皆得禍矣,而張璁、桂蕚始由捷徑 社 下儉德 無帲幪之庇。 正德十六年進士。 不聞,而 今吏科失職,致陛下賢否混淆,進退失當。 張崙輩請索無厭,崔 兵科失職,致陛下綱紀廢弛,而 爲 授行人。 責在公卿 刑科失職, 致陛下用罰不中。 嘉靖四年擢禮科給事 而 和輩敢 不 在陛 亂 以竊淸秩,終怙威勢以 下,罪在諫官而 舊章。 錦 衣多冒濫之官,山 禮科失職,致 大臣 中。 蔣冕、林俊 不 閱數 元惡如藍 在 聖 陛 贼 日卽 一躬。 1 良 海

輩支俸踰於常制,內監陳林輩抽解及於<u>蕪</u>湖。 凡此,皆時弊之急且大,而足以拂天意者。願 陛下勤修庶政,而罷臣等以警有位,庶可以格天心,弭災變。」帝以浮謗責之。 華輩得寬籍沒之法,諍臣如郭楠輩反施杻械之刑。工科失職,致陛下興作不常。局官陸宣

前旣兪禮卿席書之議,今乃咈書之言。臣不知其何謂也。」 獻帝雖有盛德,非若周文、武創王業也,欲襲世室名,舛矣。如以獻帝爲自出之帝,是前無 祖宗,以獻帝爲禰而宗之,是後無孝、武二帝。陛下前旣罪醫士劉惠之言,今乃納淵之說。 獻皇帝舊爲藩王,小宗也,臣也。以臣並君,亂天下大分。以小宗並大宗,干天下正統 奸人何淵請建世室。言與廷臣爭,不聽。|言復抗章曰:「祖宗身有天 下,大宗 也,君

書御道者,言請卽燒之,報可。 未更國家事、請罷聰、並劾吏部尚書廖紀引匪人。同官解一貫等亦諫。 一清召入內閣,言請留之三邊。特旨拜張璁兵部侍郎。 言以璁貪佞險躁,且新進, 皆不納。

猶當十世宥之。今旣以奸人言罷其官、戍其長子矣,乃又聽|邦奇之誣而盡逮其鄕里、親戚, 握邊軍四萬,圖爲不軌。廷和密謀行誅,俄頃事定,迎立聖主,此社稷之勳也。 士費宏、石珤陰庇廷和、詞連廷和子主事惇等, 六年,錦衣百戶王邦奇借哈密事請誅楊廷和、彭澤等,下部議,未覆,而邦奇復誣大學 將興大獄。言抗疏曰:「先帝晏駕,江彬手 縱使有罪,

五府九卿議。 帝震怒,幷收繫言,親鞫於午門。羣臣悉集。言備極五毒,折其一指,卒無撓詞。旣罷,下 望,文飾奸言,詬辱大臣,熒惑聖聽。若窮治不已,株連益多,臣竊爲國家大體惜也。」書奏, 宿州判官。 誣爲蜀黨,何意聖明之朝,忽有此事。 累官湖廣參議 御史程啓充請還言舊任,不聽。稍遷溧陽知縣,歷南京吏部郎中。 鎭遠侯顧仕隆等覆奏邦奇言皆虚妄,帝責仕隆等徇情。 至宏、路乃天子師保之官,百僚之表也。邦奇心懷怨 然獄亦因是解,謫言 坐事再謫知

| 言爲東,多著聲績。| 溧陽、夷陵皆祠祀之。

治哉。 月,上疏曰:「人君貴明不貴察。 返,方信而忽疑。 年而治理未臻,識者謂陛下之治功損於明察。 不可以督責成。 劉安,字汝勉,慈谿人。嘉靖五年進士。 且朝廷者,四方之極也。 以急切之心,行督責之政,於是躬親有司之事,指摘臣下之失,令出而復 大小臣工救過不暇,多有不安其位者。 察,非明也。 內之君臣,習尙如此,則外而撫按守令之官,風從響應。 人君以察爲明, 天下始多事矣。 授南京工部主事,改河南道御史。入臺甫一 夫治,可以緩圖,不可以急取,可以休養致, 孰能爲陛下建長久之策,以圖 陛下臨御八

列

傳

第

急務 振 以 书 刷 察繩 於下 簡 則 君臣 細 , 下 ,叢蠹之弊十 故 ·以带 上下一德一心,人人各安其位,事事 而 弘 遠猷 察應 去其 ,不以一 ,恐民窮爲起盜之源,食寡無强兵之理。 九 ,所 人之毀譽爲喜怒,不以一言之順逆爲行 少者元氣耳。 伏望大包荒之量,重 各盡其才,雍 熙太和之治 今明 根 天子 此 本 綜核於上,百執 之圖,略繁文 不難見 久任老 矣。」 成 優 而 先 事

海 正三品服。 帝閱 ,安餘干 疏 大怒,逮赴錦 典史。 以憂歸,卒。 築決堤數十丈,人稱劉公堤。 衣 衛拷訊。 兵科給事 中胡堯時救之,幷逮治。 再遷長沙同知,擢鳳陽知府。 獄 具, 調堯時攸 治行 :卓異 縣

語兄助 薛侃 敎 ,字尚謙,揭陽人。 俊。 俊大喜,率羣子姪宗鎧等往 性至孝,正德十二年成進士,即以侍養歸。 學焉。 自是 王氏學盛行於嶺 南 師王守仁於贛州,

蹄

軰 改。 年 秋 爲 疏言:「祖宗分封子弟,必留一人京師司香,有事居守,或代行 位,朝夕哭。時方議 世宗立,侃 至正德初,逆瑾懷貳,始令就封。 授行人。 文廟 母計,隕絕,五 祀典,侃請祀陸九淵、陳獻章。 乞稽舊典,擇親藩賢者居京師,愼選正人輔導,以待 日始食 粥。 嘉靖 七年 九淵 起故官。 祭饗。 得 報允。 聞守仁卒,偕歐陽德 列聖 已,進司 相承,莫之或 正。 十

他 日皇嗣之生,此宗社大計。」帝方祈嗣,諱言之,震怒,立下獄廷鞫,究交通主使者。

應奎、曹汴揖字敬避。字敬怒,應奎等疏聞。 使引言,侃瞋目曰:「疏,我自具。趣我上者,爾也。 善,此國家大事,當從中贊之。」與爲期,趣之上。 澤默計儲副事觸帝諱,必興大獄,誣言同謀可禍也,給侃藁示字敬,因報侃曰:「張公甚稱 爲民,澤戍大同。 中官會廷臣再鞫,具得其實。帝乃釋言等,出字敬密疏二示廷臣,斥其忮罔,令致仕。 發以待疏至。 復引爲諭德至太常卿。侃以疏草示澤。 南海彭澤爲吏部郎,無行。 帝許之。侃猶豫,澤頻趣之乃上。拷掠備至,侃獨自承,累日獄不具。 澤在朝專爲邪媚,及敗,天下快之。 因議禮附張字敬,遂與爲腹心。後京察被黜,字敬奏留之, 澤與侃及少詹事夏言同年生,而言是時數件字敬。 韶並下言、應奎、汴韶獄,命郭勛、翟鑾及司禮 字敬乃先錄侃藁以進,謂出於言,請勿先 爾謂張少傅許助之,言何豫。」給事中孫 |澤| 侃

復官,贈御史。俊子宗鎧,自有傳。 曰:「必薛中離也。」跡之,果然。 |侃至||潞河遇聖壽節,焚香叩祝甚謹。或報參政||頂喬曰:「小舟中有民服而祝聖者。」||喬 中離者,侃自號也。 歸家益力學,從游者百餘人。

侃 歸 數月,御史喻希禮、石金皆以言皇嗣得罪。 希禮言:「陛下祈嗣禮成,瑞雪遂降,臣

應。凡 還臺,值張、桂用事 故 耶? 徼 以 即古奸臣 王守仁首平逆藩 m 心已多。 爲 責言等陳狀。 乞量移近 所司 招 喻 人才之用舍,政事之敷施,始以九卿之詳度,繼以內閣之咨謀,其弗協於 希 和 致祥 禮 導 望 多議以聞。」 陛下恭默疑神,挈其綱領,使精神內蘊,根本充固,則百斯男之慶,自 流城 其 錄守仁功,寬諸臣罪,則太和之氣塞宇宙間矣。」帝不悅曰:「金欲朕 地,或特賜 不 君 伏罪 盡於此。 不親政之意,其幷察奏。」尚書夏言等言二人無他腸。帝益怒,下二人 ,繼靖巨寇,乃因疑謗,泯其前 人。 o 御史儲良才輩爭附之,金獨侃侃不阿,以是有名。 乃宥之。 議未上, 石金,黃梅人。巡按廣西,與姚鏌不協。 赦免, 往者大赦,今歲免刑,臣民盡沾澤,獨議 二人竟謫戍邊衞。 則 金亦言、「陛下一 和 氣 薰蒸, 前 勞。 日萬幾,經理勞瘁。 星自耀。」帝大怒曰:「謂朕罪諸臣致 久之,赦還,卒。 大禮 大獄 諸臣,久膺流竄,因鬱 後與守仁共撫盧蘇、 隆慶初,俱贈光祿 禮議 何若 獄得罪諸臣遠戍 一中涵 中者 太虚 勿 不 御 旣 期 物物 付付 遲 萬幾, 詔 少卿。 久,物 illi 嗣 諸 來 至。 獄, 邊 臺 順 續

明 年以第三人及第,授編修。 楊 名,字實卿,遂寧人。童子時,督學王廷相奇其語,補弟子員。 聞大母喪,請急歸。 還朝,爲展書官。 嘉靖七年,鄉試第一。

旨稱: 聖心之少有所偏者,故臣敢抒其狂愚。」 左右大臣奔走供事,遂致不肖之徒有昏夜乞哀出其門者。 陛下不終宥,是聖心之偏於怒也。 眞人邵元節猥以末術,過蒙采聽。 嘉納,而吏部不爲題覆。 定侯郭勛奸回險譎,太常卿陳道嬴、金贇仁粗鄙酣淫。數人者,羣情皆曰不當用,而陛下用 之,是聖心之偏於喜也。 其納忠,令無隱。。名乃復言:「吏部諸曹之首,尚書百官之表,而汪鋐小人之尤也。 十一年十月,彗星見。名應詔上書,言帝喜怒失中,用舍不當。 臣所謂虛文塞責者,豈盡無哉。夫此得罪諸臣,羣情以爲當宥,而 諸臣建言觸忤者,心實可原。大學士李時以愛惜人才爲請,即荷 。書之史册,後世其將謂何?凡此 語切直,帝銜之,而答 嘗令設醮內府, 且命 武

救之, 於死, 黨 屢薦終不復召。 大臣率務和同,植黨固位,故名敢欺肆至此。」帝深入其言,益怒,命所司窮詰主使。 輒思報復,故攻及臣。 疏入,帝震怒,卽執下詔獄拷訊。|鋐疏辨,謂:「名乃楊廷和鄕人。頃張字敬去位,廷 無所承,言會以疏草示同年生程文德,乃幷文德下獄。侍郎黃宗明、候補判官黃直 先後皆下 獄。 家居二十餘年,奉親孝。 法司 臣爲上簡用,誠欲一振舉朝廷之法,而議者輒病臣操切。 再擬 名罪, 皆不當上指。 親歿,與弟台廬於墓。 特詔謫名戍,編伍 **免喪,疾作,卒。** 瞿塘衞。 明年釋還。 名數瀕 且. 內 和

與同 資直 門歐陽德不阿 ,字以方 主司意,編修馬汝驥奇之,兩人遂中式。 金谿 人。 受業於王守仁。 嘉靖二年會試,主司發策極詆守仁之學。 直旣成進士,卽疏陳隆聖治、保 直

望躬、敦聖孝、明聖鑒、動聖學、務聖道六事。

部降用。 除漳州推官。 行至中途,疏請早定儲貳。 以障俗尙鬼,盡廢境內淫祠,易其材以葺橋梁公廨。 帝怒,遣緹騎逮問。 無何得釋,貶沔陽判官。 御史誣以罪,送吏 嘗署崇

陽縣事,有惠政。

以敬大臣。二者未盡,天下後世疑陛下修身之道亦有所未盡矣。」帝大怒,幷下詔獄拷掠, 中 贈光祿少卿。 命發極邊,編成雷州衞。 白 敬大臣,體羣臣。 外 艱歸,三年不御酒肉。 今楊名以直言置詔獄,非所以體羣臣。黃宗明以論救與同罪,非所 赦還,貧甚,妻紡織以給朝夕,直讀書談道自如。 服闋赴部,適名、宗明下獄。直抗疏言:「九經之首日修身,其 外之卒。隆慶初,

弘化言。「按天文志井居東方,其宿爲木。 郭弘化,字子弼,安福人。 嘉靖二年進士。除江陵知縣,徵授御史。十一年冬,彗星見。 今者彗出於井,則土木繁興所致也。 臣聞四川、

皆足戾天和,干星變。請悉停罷,則彗滅而前星耀矣。」戶部尚書許讚等請聽弘化言。帝怒 曰:「採珠,故事也,朕未有嗣,以是故耶。」責讚等附和,黜弘化爲民。 久之,言官會薦,報 有造甎之役,民間耗費不貲,窰戶逃亡過半。而廣東以採珠之故,激民爲盜,至攻劫會城。 湖廣、貴州、江西、浙江、山西及眞定諸府之採木者,勞苦萬狀。應天、蘇、松、常、鎭五府,方

劉世龍,字元卿,慈谿人。正德十六年進士。授太倉知州,改國子助敎,遷南京兵部

主事。

卒於家。

穆宗立,贈光祿少卿。

嘉靖十三年,南京太廟災。世龍應詔陳三事:

然也。今天下刻薄相尙,變詐相高,諂媚相師,阿比相倚。 工,協恭圖治,無權勢相 不肖,勿以私好有所賞,勿以私惡有所罰,虛 下,彼倡此和,靡然成風。 、杜諂諛以正風俗。 軋,朋黨相傾,則風俗正矣。 惟陛下赫然矯正,勿以詭隨阿比者爲賢,勿以正 天下風俗之不正, 由於人心之壞。人心之壞, 患得患失使 心以防邪佞,謙受以來忠讜,更敕大小臣 仕者日壞於上,學者日壞於 直骨鯁者為

列傳第九十五 郭弘化 劉世龍

時政,以作忠義之氣。

切,而放逐旣久,悔悟日深。當宥其旣往,以次錄用,死者則恤之。仍令大小臣工直言 一、廣容納以開言路。 陛下臨御之初,犯顏敢諫之臣比先朝爲盛,所言或傷於激

固付之無心,而天下有以窺陛下也。 餘,其人果無足取,則宜以禮使退。如素行無缺,偶以一時喜怒,輒從而顚倒之,陛下 今或忽然去之,忽然召之,甚至嬰三木,被箠楚,何以勵臣節哉! 臣愚以爲陛下歷試之 三、愼舉動以存大體。 立國者,在敬大臣,不遺故舊。蓋任之旣重,則禮之宜優。

特令大臣督理其事。 禍。 其骨肉,於情忍乎。恐陛下孝養兩宮,亦不能不爲一動心也。頃創造神御閣、啓祥宮, · 敝,正時絀舉贏之會,亦宜量酌緩急而爲之以漸。 此皆應天以實之道也。 顧區區腐鼠,何足深惜。獨念孝廟在天之靈,太皇太后垂老之景,乃至不能自庇 至如張延齡憑寵爲非,法難容假。側聞長老之言,孝宗時待之過厚,遂釀今日之 臣以爲南京太廟方被災,工役之急當無過此。今興作頻年,四方

疏入,帝震怒,謂世龍訕上庇逆。械繫至京,下詔獄拷掠。獄具,復廷杖八十,斥爲民。 告,盡斥諸刑曹郎羅虞臣、徐申等,猶以延齡故也。 張 延齡者,昭聖太后弟也。 帝必欲殺之,故世龍重得罪。後二年,又以大猾劉東山訐

羅虞臣笞己,因訐及椿等。 者益寬假之,脫梏孝,通家人出入。會大猾劉東山亦繫獄,上告延齡有不軌謀。 議親例請於帝。」賢等深然之,獄久不決。始延齡下獄,提牢主事沈椿不令入獄,置別所。繼 之緊獄也,申奏記尚書聶賢、唐龍言一太后春秋高,延齡旦暮戮,何以慰太后 徐申,字周翰,崑山人。嘉靖初,由鄉舉除蘄水知縣。改知上饒,徵授刑部主事。 帝震怒,命執先後提牢主事三十七人付詔獄搒掠,申與焉。 心。 **憾前主事** 宜援議貴 延齡 獄

具,當輸贖還職,帝命杖之廷,盡謫外任,而斥虞臣爲民。

申旣謫官,不赴,歸與同里魏校、方鳳輩優游歡咏爲樂。久之卒。

虞臣,廣東順德人。歷吏部主事。好剛疾惡。旣歸,結廬山中,讀書纂述。年僅三十五卒。

中蜚語當調,拂衣歸。 曾孫應聘,字伯衡,少有才名。 座主沈一貫當國,數招之,不出。 萬曆十一年進士。改庶吉士,授檢討。二十一年京察, 家居十餘年,始起行人司副。遷尙

寶司丞,再遷太僕少卿。卒官。

列傳

猶未釋。是夕,不入大內, 遠殿走,製祭祀記一篇。 一夕鋟成,明旦分賜百官。 疾當慎,無異於祭,選言非是。但小臣無知,惟陛下曲赦。」帝愈怒,責言等黨比。 帝閱疏大怒,下之禮部。尚書夏言等言:「代祭之文,載之周官。語曰『子之所愼齋戰疾』 『神不歆非類』。孟春廟享,遣官暫攝,中外臣心知非得已。茲孟夏祫享,倘更不親行,則迹 廟,遣武定侯郭勛代。選上言:「宗廟之祭,惟誠與敬。孔子曰『吾不與祭,如不祭』。傳曰 選知蕭山縣,又隣境也。選治蕭山有聲。十二年冬,先入爲戶科給事中。 人投良劑得甦,帝竟削選籍。 下,杖八十。帝出御文華殿聽之,每一人行杖畢,輒以數報。 涉怠玩。如或聖體初復,未任趨蹌,宜明詔禮官先期告廟。陛下亦宜靜處齋宮,以通神貺。」 張選,字舜舉。黃正色,字士尚。皆無錫人。同登嘉靖八年進士。正色除仁和知縣, 選居職甫三月,遽以言得罪,名震海內。 杖折者三。曳出,已死。帝怒 明年四月時享太 而選出,家 命執選闕

宮南葬,命正色護視。 爲賢,豪强屛跡,縣中大理。 召詰忠等。 中有「歷官藩臬,無一善狀」語,瓚言己未任藩臬。 正色是時方憂居。已,補香山,旋改南海。 皆叩頭祈哀,因譖正色擅於梓宮前乘馬執扇,及江行涉險又不隨舟督護,大不 事竣,劾中官鮑忠、駙馬都尉崔元、禮部尚書溫仁和所過納 十七年召爲南京御史。劾兵部尚書張瓚奸貪,事甚有 座主霍韜宗人横甚,正色繩以法。 帝以誣劾,奪俸兩月。 明年,章聖太后梓 饋遺。 跡。 **韜顧以** 而

敬。帝遂發怒,立捕下詔獄搒掠,遣戍遼東。

穆宗 IE 色與選初同志相友善,至是先後以直節顯。 初 门,起選通政參議,以年老予致仕。 召正色爲大理丞,進少卿,尋遷南京太僕卿, 正色居戍所三十年,其顯躓窮困視選尤

亦引年致仕。 選先卒,正色後數年卒。

鄉邑所重。節生五歲而孤,母躬教育之。登嘉靖十一年進士。授東昌推官。 包節,字元達,先世嘉興人,其父始遷華亭。節祖鼎,池州知府。爲治淸簡,早歲乞休,

爲

以節言概行於雲、貴、兩廣。 方之法。簡言:「此曹志甘投荒,非年迫衰遲,則家貧急祿。志在爲己,豈在恤民,愼中長 吏所以多不得人也。請自今以附近選人充之,而州縣佐貳始用此曹,庶吏治可舉。」吏部請 入爲御史。劾兵部尚書張瓚貪穢。出按雲南。 制可。 時仕者以荒徼憚不欲往,因設告就遠

謁 斃之杖下。 ·陵時,故獻膳羞,遽使撤去,詭稱

節塵出之。 以疾歸。 斌益怒,遂奏節不以正旦謁陵,次日始謁,時當進膳,不旁立,褻慢大不敬。 起故官,再按湖廣。 顯陵守備中官廖斌擅威福,節欲繩之,語先洩。斌俟節 鍾祥民王憲告斌黨庇奸豪周章等,節捕章,

列

御

第

已入,節始奏斌前 事。 帝大怒,以節抵罪,逮詣詔獄搒掠,永戍莊浪 衞

哭。 已又聞弟孝卒,撫膺曰:「誰代吾奉祀者。」哭益悲。 莊 浪 極邊,敗屋 頹 垣,節處之甚安。 獨念其母,自傷不克終養, 病死,遺言以衰経殮。 日飲泣。 母訃至, 晝夜

會試 檜、吳瀚 有奸 |孝,字元愛,後節三年成進士。 瀚罷 弊,且劾庶子童承敍、贊善郭希顏、日 去 由中書舍人爲南京御史。 編修袁煒,帝皆不問。 疏論禮部尚書溫仁和主辛丑 未幾, 又劾 巡撫 孫

哀 、毀骨立、未終喪卒、節亦繼殞。 孝兄弟分居南北臺,並著風采,又皆有至情。 時並稱其孝。 節官北不得養母,孝遂以侍養歸。

謝 廷蒞,字子佩,富順人。 嘉靖十一年進士。除新喻知縣,徵授吏科給事 中。

等議 省數事,語直。 可。 御 史胡鰲言:「京師優倡雜處。請敕 帝惡鰲言褻,謫鹽城丞,奪廷相等俸。 帝摘疏中訛字,停其俸。 五城,諸非隸敎坊 十八年偕同官會烻,李逢、周琉諫帝南巡, 廷蒞救之,被詔切責。 兩院者,斥去之。」都 雷震謹身殿,疏陳修 御 史王 件旨。 廷相

給 事中戴嘉猷馳疏請回鑾,而車駕已發。 帝大怒。 甫還,即執嘉猷幷廷蒞等下詔獄,

謪 廷蒞雲南 典史。 屡遷浙江僉事。 以侍養歸,遂不出。

秩,風勵士林。」 詔卽加進太僕少卿。 萬曆改元,四川巡撫曾省吾奏言:「廷蒞隱居三十年,家徒四壁,樂道著書,宜特加京 隆慶元年起故官山西,俄擢河南右參議,皆不拜。 又數年卒。 吏部高其行,請得以新秩歸老,許

外郞。二十一年遷文選郞中。 王 與齡,字受甫,寧鄉人。 嘉靖八年進士。授蘇州推官。入爲戶部主事,調吏部,進員 澄清銓敍,所推薦皆廉靜老成。

柔良,第受制所屬耳。」帝方信嵩,又見疏中引嘉賓、瑜事,遂發怒。 敬訊治,因言:「聖明日覽奏章, 革弊釐奸悉宸斷。 寶之斥,得爲近日御史謝瑜之罷,幸矣。」疏入,鑾言惟一資望應遷。 嵩抵無致書事,請逮 與齡偕員外郎吳伯亨,主事李大魁、周鈇,白之尚書許讚,具疏以聞。言「平時請屬甚多。 臣等違抗,積罪如山。 大學士翟鑾爲禮部主事張惟一求吏部,嚴嵩爲監生錢可敵求東陽知縣,俱書抵與齡。 非聖明覆庇,則二權奸主於中,羣鷹犬和於外,臣等不爲前選郎王嘉 而讚等妄意臣輩爲之,借以修怨。 切責讚,除與齡名,伯亨 印

飒

船

列

等俱調外。 給事 中周怡論之,廷杖繫獄。 御史徐宗魯等亦以爲言,皆奪俸。 自是, 諸司以

與齡為戒,無復敢與嵩抗。

郡人爲作平陽四賢詩美之。四賢者,尚書韓文、陶琰、張潤及與齡也。越二十餘年,卒。 與齡旣罷,錦衣遣使偵其裝,樸被外無長物,稱歎而去。 里居,角巾躬稼圃,翛然自得。

俸,鐫文選郎鄭曉三級,餘、叔頤等褫職爲民。 計賣尚書許讚等,**令錄** 私屬事,貶河間 右春坊清紀郎兼翰林院侍書。 逃歸者,邊將殺以冒功。 帝以爲浮詞亂政,責降廬州府知事。旋改國子 周鈇,字汝威,楡次人。 通判。 左降官遷擢者姓名。 已而吏部擬擢南京吏部主事 **鉄請下詔嚴禁,有報降五人以上者賞之,詔可。** 嘉靖五年進士。 俺答將入寇,總督侍郎翟鵬以聞。鈇以中樞無籌策,請早爲 讚引罪,幷列陳叔頤等十六人以聞。 授行人。 廷臣論薦鉄,以嵩在位,不復召。 ,嵩言餘調官甫四月,不得驟遷。 監丞,擢吏部文選主事。 擢御史, 巡按陝西。 再按山東,特改 坐與齡發嵩等 被俘民自塞外 穆宗初,贈 詔奪讚等 帝怒,

光祿少卿。

使人覘知狀。及議上,嚴旨譙責,命階與思忠更定,二人復據禮對。帝益怒,竟祧仁宗。 祥 欲預祧仁宗、祔后太廟、下廷議。尚書徐階以爲非禮,思忠力贊階議,餘人莫敢言。 楊思忠,字孝夫,平定人。嘉靖二十年進士。歷禮科給事中。二十九年,孝烈皇后大 帝 階

年改南京戶部右侍郎。致仕卒。 不臣久矣。」杖百,斥爲民,餘皆奪俸。 逾三年,正旦日食,陰雲不見,六科合疏賀。 隆慶元年起掌吏科。三遷右僉都御史,巡撫陝西。五 帝摘疏中語,詰爲不成文,曰:「思忠懷欺」

故得帝眷,獨銜思忠。

每當選,輒報罷

陽 好人王相私閥良民者三,本無生法,乃擬矜疑。 史方新上言:「黃河與北狄之患,自古有之。乃今豐、沛間 十月,御史王時舉劾刑部尚書黃光昇,言:「內官季永以訴事犯乘輿, 本無死比, 乃擬真犯; 兵,搜遺佚之士。因薦羅洪先、陸樹聲、吳嶽、吳悌。帝惡其市恩,杖六十,除名。 仇鸞養寇要功。 有冰雹之厄,河南有饑饉之災,薨之洚水不烈於此矣。 世宗晚年,進言者多得重譴。二十九年,俺答薄都城。 帝方眷鸞,立斥爲民。四十二年正月,御史凌儒請重貪墨之罰,革虚冒之 宜勒令致仕。」帝怒,命編氓 諸邊將惰卒驕,寇至輒巽愞觀望, 陸地爲渠,而興都有 通政使樊深陳禦寇 口外。 陵寢 七事,中言 四十五年 踰月 之憂,鳳 御

祥,而 洚水 亦 而 宜 寧武 隨 疆 有軍 事 苗 場之臣,惟冒首功,隱喪敗。 自責,痛 不 士 足爲累者,以堯、 之變,南 加 修省,然後 **齡有土兵之叛,徽州諸府有礦徒竊發之虞,舜之三苗不棘於此** 舜兢 災變 業 可 爲國 於 息,而 上,而 分憂者 外 禹、 患 可 皐 誰 弭 諸 也? 也。」疏入,斥爲 臣 分憂於下也。 斥罰之法, 今不 民 **今**司 得 不 論 嚴 納者 而 日 矣。夫 唑 獻 醎

深,大同 人。 儒,泰州 人。 時舉 一順天 通州 人。 新 青陽 人。 穆宗 嗣 位,並 復官。

而 流 徒已至 深,尋遷刑部 配 者 所 右侍 司 郎。 拘 律 齊康 令不 · 遣。 之劾徐階 深言 殊死猶 也,深刻康弁 赦, 而 祗高拱。時登 此 反不 及, 非所 極 一詔書 以廣皇 一赦死罪以下囚, 詔 從其

議 旋 進 左 侍 郎 罷 歸

世 治 忠被 ,遂落職 鄖 陽 儒 逮 都 旣 燾 復 御 史劉 御 貶官。 住 史, 、乗仁。 益 隆慶 發 一舒, 亦以康事率同列劾拱。 又以永 二年,儒 平失事 再遷右僉都御史,理 **劾總督劉** 煮、 拱罷,又劾去大學士郭朴。 巡撫 Щ 耿 兀 隨卿、 屯 鹽。 總兵官李 吏部 追論 世 其 忠罪。 頃之, 知 永豐時食 劾 隨 罷撫

時 舉復官後,巡按貴 請陳后還 中宫。 州。 章 並 聞給 報聞 事 中石星廷杖,且帝方廣市 萬 曆 初, 都給事中維遵,御史景嵩、韓必顯論 珠寶、馳疏 救星,極陳奢靡之 譚綸

謪

舉抗章救之。

歷大理左少卿。

閒

聞,忠臣之所蒙死而竭知也。」鄧繼會諸人箴主闕,指時弊,言切直矣,而杖斥隨之。伊尹曰: 贊曰:賈山有言:「忠臣之事君也,言切直則不用而身危。」「然切直之言,明主之所亟欲

「有言逆于汝心,必求諸道。」有旨哉,有旨哉。

校勘記

贊善郭希顏 郭希顏, 原作「郜希顏」, 據明史稿傳八六包節傳、 明進士題名碑錄嘉靖壬辰科

改。

明史卷二百八

列傳第九十六

張芹 汪應軫 蕭鳴鳳 高公韶 齊之鸞 袁宗儒

許相卿 顧濟 子章志 章僑 余珊 汪珊 章商臣

黎貫 王汝梅 彭汝實 鄭自璧 戚賢 劉繪 子黄裳

洪垣 方瓘 呂懷 周思兼 顏鯨

錢薇

張芹,字文林,峽江人。 弘治十五年進士。 授福州推官。 正德中,召爲南京御史。

抗。 重,節義無聞。 脂韋順從、惟其指使。 寧夏旣平,大學士李東陽亦進官廢子。 今叛賊底平,東陽何力?冒功受賞,何以服人心。 芹抗疏曰:「東陽謹厚有餘, 正直不足; 儒雅足 乞立賜罷斥,

傅第九十六 張芹

列

奪其 加恩,爲大臣事君不忠者戒。」疏出,東陽涕泣不能辯。 帝責芹沽名,令對狀。 **芦**請罪,

停俸三月。

人 諫官尙爾,吾儕可坐視乎!」遂上疏曰:「孟子言「從獸無厭謂之荒」。 不可諱,皇嗣未誕,如宗廟社稷何一一帝不省。 心發狂』。 給事中竇明言事下獄,芹疏救之。 心狂志荒,何事不忘?皆甚言無益有害也。 帝嘗馳馬傷,編修王思切諫,坐遠戍。 今輕萬乘之尊,乘危冒險,萬一 老聃曰『馳騁田 芹曰:「彼 獵 ", 使 有 非

杭州。 爭貢誤傷居民,罷歸。 尋 出為徽州 已,復還徽州。 知府。 嘉靖初,遷浙江海道副使。 寧王宸濠反,言者以芹家江西,慮賊劫其親屬,取道出徽。 歷右參政、右布政使。 坐為海道時倭人 乃改知

| 芹事繼母孝,持身儉素,枲袍糲食終其身。

汪 應軫,字子宿,浙江山陰人。 少有志操。正德十二年成進士,選庶吉士。

罷 市, 十四年詔將南巡。 逃竄山谷。 苟不卽收成命, 恐變生不測。 應軫抗言:「自下詔以來,臣民旁皇,莫有固志。 昔谷永諫漢成帝,謂『陛下厭高美之尊號, 臨清 以南,率棄業

其言切中於今。 好匹夫之卑字。 夫谷永, 諧諛之臣, 成帝, 庸闇之主。 數離深宮,挺身晨夜,與羣小相逐。 典門戶奉宿衞者,執干戈而守空宫』。 永言而成帝容之。 **豈以陛下聖明,不**

能俯 納直諫哉。」疏入,留中。 繼復偕修撰舒芬等連章以請。 跪闕門,受杖幾斃。

應軫率壯夫百餘人列水次,舟至,卽挽之出境。 耕,買桑植之。 應軫言:「州子女荒陋,無以應敕旨。 教習竣,擬授給事中。 募江南女工,教以蠶繅織作。 有旨補外,遂出爲泗州知州。 臣向募有桑婦,請納之宮中,傳受蠶事。」事 由是民足衣食。帝方南征, 車駕駐南京,命州進美婦善歌吹者數十人。 土瘠民惰,不知農桑。 中使驛騷道路。 逐 應軫勸之 寢。

軫名,欲倚以自助。 切時弊。 凡一 言:「弭盜與禦寇不同。 方有警,不行撲滅,致延蔓他境者,俱宜重論。」報可。 世宗踐阼,召爲戶科給事中。 以便養,乞改南,遂調南京戶科。 應軫 禦寇之法, 驅之境外而已。 與議不合,卽奏請 山東礦盜起,掠東昌、兗州,流入畿輔、河南境。 遵禮經 張璁、桂萼在南部,方議 、崇正統,以安人心。 若弭 盗而縱使出境, 是嫁禍於 在科歲餘,所上凡三十餘疏,咸 追尊獻皇帝。 不 報 鄰國 雅知應 應軫奏 也。

問。 應軫 嘉靖三年春,出爲江 自 陳 親老,鮮兄弟,乞休侍養。 西僉事。 居二年,具疏引疾,不俟命而 吏部爲之請,乃免逮。 **外之**,廷臣交薦。 歸,爲巡按 所劾。 詔 起故官, 所 司 逮

視江西學政。父艱歸,病卒。

列

史。 劾江彬恃寵恣肆,蔓將難圖。 設總兵於成都 因具陳官司掊剋,軍民疾苦狀。 天下之事。 怒,奏訐公韶。 副使胡 蕭 鳴 鳳,字子雝,浙江山陰人。 世 瓊不當逞忿恣辯,以箝諫官口。」中旨責鳴鳳黨庇,而謫公韶富民典史。 寧下 ,瓊卽以坤任之。 中旨責公韶陰結外蕃,交通問諜,令首實。 獄,抗章救之。 土論 不報。 花當本我屬衛,日 壯之。 同官內江 少從王守仁遊。 引疾歸 尋巡視山海諸關。 高 公部劾王瓊誤邊計,言:「松潘副將吳坤請增 憑陵。 舉鄉試第一。 由本兵非人,致小醜 鳴鳳上疏曰:「公韶劾瓊,所論者 武宗將出塞捕虎, 正德九年成進士,授御 輕 鳴鳳疏諫 中國 鳴鳳叉 瓊

鳳三督學政,廉無私。然性剛狠,以憤撻肇慶知府鄭璋。〔〕〕璋慙恚,投劾去,由是物 八年考察,兩京言官交章論,坐降調。 仍督學政。 起督南畿學政。 考察拾遺被劾。 諸生以此前御史陳選,曰「陳, 吏部惜其學行,調爲湖廣兵備副使。明年復改督廣東學政。鳴 已,與璋相詆許。 泰山; 皆下巡按御史逮治。 蕭,北斗」。嘉靖初,遷河南 鳴鳳遂不 論 大譁。 副 出 使,

公韶,正德中爲御史,嘗劾總兵官郭勛罪。 杂顏花當入寇,又劾總兵官遂安伯陳鏸、中

官王欣、 巡撫王倬,鏸坐解職。 世宗立,起謫籍。 歷右副都御史,巡撫江西。 終戶部右

侍

郎

齊之鸞,字瑞卿,桐城人。正德六年進士。改庶吉士,授刑科給事中。

舉,以駴天下耳目,貽百世之譏笑也。」 金石,播之歌頌已耳,未有加爵酬勞,如今日之顚倒者。 偕諸給事中上言:「自古天子亦有親臨戰陣勘定禍亂者。 帝降敕「總督軍務威武大將軍總兵官朱壽剿寇有功,宜特加公爵」。制下,舉朝大駭。 或云朝廷收其息。陛下貴爲天子,富有四海,乃至競錐刀之利,如倡優館舍乎。」應州奏捷, 十一年冬,帝將置肆於京城西偏。之鸞上言:「近聞有花酒舖之設,或云車駕將臨幸, 不知陛下何所取義,爲此不祥之 成功之後,不過南面受賀,勒之

邇者先後稱疾。 儒、劉禹生、僉事韓邦奇、評事羅僑、皆不聽。 諫,大學士楊廷和、蔣冕、毛紀以去就爭。 未幾,請召還編修王思,給事中張原、陳鼎,御史周廣、高公韶、李熙、徐文華、李穩、施 今六飛臨邊踰月矣,宗廟社稷百官萬姓寄空城中。 之鸞偕同官言:「三臣居師保之重,身係安危, 帝將巡邊,復自稱威武大將軍。 人心危疑,幾務叢積, 御史袁宗儒

列

宸居,與大臣 復杜門求決 去。 . 共圖治理。」已而 萬 事起倉卒,至於僨敗,三臣將何辭謝天下。 御史李潤等復爭之,卒不省。 乞陛下以社 稷爲重,亟返

等罪。 譖 恐天 役、寬逋負,帝頗採納。 反,張忠、 之鸞等 用 毁百端,之鸞力白其 事十有餘年,兄弟子姪皆高爵美官。 下 之鸞 聞 會諸曹郞黃鞏等聯章力諫,乃止不行。 不知所出,伏闕俟命,自辰 而 再遷兵科左給事中。 許泰等南征,命之鸞偕左給事中祝續從軍紀功。 解體也。」帝將南巡, 誣。 初冒徐姓,至是始復焉。 忠、泰廣搜逆黨,株引無辜, 中官馬永成死,詔授其家九十餘人官。 至申。 之鸞偕同官及御史楊秉中等交章力諫。 而其儕復爲陳乞,將及百人。 帝令中官傳諭,乃退。 然鞏等下獄杖譴,之鸞輩亦 之鸞多所開釋。 未至,賊已滅。 明日託疾免朝,欲以爲之鸞 永成 之鸞言:「永成貴顯, 且請蠲田租、停力 章入二日,未報。 不敢救也。 何功,恩濫如 羣小忌王守仁, 宸濠 此,

爲新政累矣。 古 逆耳者,在嘉 先朝元凶 世宗踐阼,首上疏言:「祖宗法制,悉紛更於羣小。 天下事豈堪若輩更壞。 雖去,根據盤互,連蔓滋多,猶恐巧相營結,或邀定策之賞,或假迎扈之勞,以取憐 納而優容之。若稍或抑裁,則小人又乘之以讐忠直。 陛下誠舉邇年亂政,盡返其初,中興之烈可以立覩。」帝嘉納之。 言者久遏於權奸,欲吐忠鯁懣憤之氣,必有不顧忌諱,至於 補救之道,在先定聖志,次廣言路。 言路一塞,不可復開,大 又劾許泰及

京卒。

兵部尚書王憲,二人竟獲譴。

邊牆,之鸞董役。巡撫胡東皐稱其能,舉以自代。歷河南、山東副使。召爲順天府丞。未行, **盗**發,留鎭撫。 進於帝,一以貽閣臣。且言時事可憂者三,可惜者四,語極切。 其秋大計京官,被中傷,謫崇德丞。 尋擢河南按察使。 卒官。 屢遷寧夏僉事。 饑民採蓬子爲食,之鸞爲取二封, 帝付之所司。 時方大修

鄖陽,改山東。 禮」,廷杖。歷官右僉都御史,巡撫貴州。 力請罷皇店,遣邊兵,旣又諫帝巡邊。語極危切。皆不報。擢大理寺丞。嘉靖三年爭「大 回鑾,旣而復止。 宗儒 袁宗儒,字醇夫,雄縣人。 坐屬吏振饑無術,不能覺察,罷免。 率同官力諫。 正德三年進士。授御史。十二年冬,帝在大同。 明年夏,孝貞純皇后將葬,帝還京。宗儒等復引災異, 吏部尚書桂萼議宗儒改調,遂解 以薦起左副都御史。 職歸。 扈 蹕承天,還 以郊祀將 未幾,起

有 郭 論 許 死 相 ,帝復 卿 字 寬之。 伯台 海 給事 寧人。 中 顧濟疏爭, 正德 十二年進士。 帝 下所 司 世宗立、授兵科 議 卒 欲寬 其死。 給 事 相 中。 卿 言:「天下望陛下 宦 官張 銳 張 忠

爲

孝

皇,陛

下奈何

自處以正

德。」帝議

加

興獻帝皇號,相

卿

復

爭

之。

王守仁 臣 誰 嘉靖 不 子 解 體 Ē 憲 年 詔 止 部 一錦衣 廕 臣 中 彭澤,科臣許復 百 官張欽義 戶。 賢中官 子李賢爲錦衣世襲指 禮、安磐相繼言之,悉拒 厮養,反過之。 忠勛 揮。 大臣裔 相卿言:「于謙 不 納。 曾不若近 册 屰 子冕止錦 | 倖奴 重 內 侍 殉 而 或 衣 輕 勤 千 士 事之 戶, 大

起。 苦 昵 繼 司 正 德 秋 共 之守,斥林俊以違旨,怒言官之奏擾。 上,師 哉 統之初,登用老成,嘉納 朝 理 何 尋復言:「天下政權出於一則治,二三則 政 也? 天 何 保臺 飯 下乎? 異哉 行,明少蔽,剛 承孝宗之澤也。 諫言之而 俊, 今日天下,與先朝異。武宗時,勢已阽危,然元氣猶 國之望也,其去志決矣。 不聽。 少遜,操權未得其術,而 忠讜,裁抑僥倖,竄 今日病雖稍蘇,而元氣已竭,調劑無方,將至不起。 羅洪 載守 職逮繫,廷臣疏七十上而 事涉中人,曲降溫旨,犯 亂,公卿大夫參議則治,匪 俊去,類俊者必 殛 | 檢邪 陰 伺 · 可 旁竊 謂 者得居 明 不留。 且 不行。 法 剛 中制之。 不 矣。 L 壯 ,調 陛 ·罪,請乞 下將 近又 人僭干 曾未 劑適宜,可以 庇 與二三近 如 再 必從 催 崔 則 期 何 文 文 亂。 也? 奴 偏 以 習私 奪法 左 此 聽 承 道 私 與

帝卒不聽。未幾,以給事中李學曾、章僑,主事林應驄皆言事奪俸,復上疏諫。指帝氣驕志 忠言,深恤民隱。務使宮府一體,上下一心,而後天下可爲也。」同官趙漢等亦皆以文爲言, 武宗之亂也。伏願深察亂機,收還政柄,取文輩置之重典。然後務學親賢,去讒遠色,延訪

卿遂廢。夏言故與同僚相善。 爲給事三年,所言皆不聽,遂謝病歸。八年詔養病三年以上不赴都者,悉落職閒住,相 既秉政、招之、謝弗應。

怠,甘蹈過諐。詞甚切。

顧濟,字舟卿,崑山人。正德十二年進士。授行人,擢刑科給事 中。

憂者。 行屏絕,則保養有道,聖躬自安。」不報。 所恃以爲安者,果何人哉。漢高帝臥病數日,樊噲排闥,警以趙高之事。 武宗自南都還,臥病豹房,惟江彬等侍。濟言:「陛下孤寄於外,兩宮隔絕,骨肉日疎。 願陛下愼擇廷臣更番入直,起居動息咸使與聞。 再踰月而 帝崩 切淫巧戲劇,傷生敗德之事,悉 今羣臣中豈無噲

難,守法爲難;聽諫非難,樂諫爲難。 世宗卽位之月,濟上疏曰:「陛下踐阼,除弊納諫,臣民踴躍,思見德化之成。 今新政所釐,多不便於奸豪權倖。 臣恐盤據旣深,玩 然立法非

列

傅

節。不聽。 以大義,俾無所售奸。」帝頗嘉納。旣又劾司禮蕭敬黨庇銳等,而三法司會訊依違,無大臣 太宗貞觀初,每導羣臣使言。及至晚年,諫者乃多忤旨。陛下首闢言路,臣工靡不因事納 縱未已,非依怙宮闈,必請託左右。 高遠者似涉於迂闊,切直者或過於犯顏。若怒其犯顏,其言必不入,視爲迂濶,則計必 此樂諫之難也。」尋復言:「內臣張雄、張銳等,詿誤先帝,業已逮治,又獲寬假。 帝欲加興獻帝皇號,濟言不可。尋請侍養歸,越數年卒。 持法不固,則此輩將叢聚而壞之。 此守法之難也。 願斷 唐

子章志,嘉靖三十二年進士。累官南京兵部侍郎。 奏減進奉馬快船額,南都人祀之。

章僑,字處仁,蘭谿人。正德十二年進士。授行人。

離。 近有聰明才智,倡異學以號召,天下好高務名者靡然宗之。取陸九淵之簡便,詆朱熹爲支 乞行天下,痛爲禁革。」御史梁世驃亦言之。帝爲下詔申禁。 嘉靖元年擢禮科給事中。疏劾中官蕭敬、芮景賢等。 又言:「三代以下正學莫如朱熹

尋叉請依祖宗故事,早朝班退,許百官以次啓事。經筵日講,賜淸問,密勿大臣勤召

償。惟急停革,與天下更始。」疏入,不省。 於太廟 又簡儒臣十數人,更番直便殿,以備咨訪。上納其言,而不能用。 (東北,僑力言其不可。未幾,又言:「添設織造內臣,貪橫殊甚。 又因條列營務,劾定國公徐光祚、陽武侯薛倫不 行戶至廢產鬻子以 奸人何淵請立世室

職,倫遂解任。

尋請斥張璁、霍韜等,不聽。

元。 衡州府,終福建布政使。 六年之禍,至先帝不得正其終。若不早遏絕,恐乘間伺隙,羣兇競起,不至復亂天下不止。」 下所司。吳廷舉請召家居大臣議禮,僑劾其陰附邪說。孟秋時享太廟,帝遣京山侯崔 [僑言:「奉命臨時、倉皇就位、誠敬何存。」帝怒、奪其俸二月。歷禮科左給事中。 孝陵司香谷大用乞還京治疾。僑言:「大用初連逆瑾,後引寧、彬,樹『八黨』之凶,醸十 出

. 知

翰林者十七人。 余珊,字德輝,桐城人。 巡鹽長蘆,發中官奸利事。 珊以爲濫, 疏論之。 正德三年進士。授行人,擢御史。庶吉士許成名等罷敎習,留 語侵內閣,不納。乾清宮災,疏陳弊政,極指義子、西 爲所誣,械繫詔獄,謫安陸判官。 移知澧州

世宗立,擢江西僉事,討平梅花 峒贼。 遷四川副使,備兵威、茂。 嘉靖四年二月應詔陳

9!

十漸,其略日

陛下有堯、舜、陽、武之資,而無稷、契、伊、周之佐,致時事漸不克終者有十。 正德間,逆瑾專權,假子亂政,不知紀綱爲何物,幸陛下起而振之。未幾而事樂因

循,政多苟簡,名實乖謬,宮府異同,紛拏泄沓。以爲在朝廷而不在朝廷,以爲在宮省 而不在宮省,遂至天子以其心爲心,百官萬民亦各以其心爲心。此紀綱之頹,其漸

也。

位,致諛佞成風,廉恥道薄。甚者侯伯專糾彈,罷吏議禮樂。市門復開,賈販仍舊。此 來者不去。自夫浮沉一世之人擢掌銓衡,首取軟美脂韋。重富貴薄名檢者,列之有 風俗之壞,其漸二也。 正德間、士大夫寡廉鮮恥、趨附權門、幸陛下起而作之。乃今則前日之去者復來,

儒姑息之談,牽俗更權宜之計,遂使廟堂號令出於二三戍卒之口。此國勢之衰,其漸 又縛桂總兵而報怨。 上戍卒近益驕恣。曩殺許巡撫而姑息,頃遂殺張巡撫而效尤。 正德間,國柄下移,王靈不振,是以有安化、南昌之變,賴陛下起而整肅之。乃塞 致楡關妖賊效之而戕主事,北邊庫吏仿之而賊縣官。 **囊縛賈參將以立威,近** 陛下惑鄙

驟 徒不能早見預料,亟求制馭之方,乃假鎭靜之虛名,掩無能之實跡。 復。 自 逆谨以來,以苞苴易將帥,故邊防盡壞,賴陛下起而申嚴之。 今杂颜 [蹢躅於遼海,羌戎跳梁於西川, 北狄蹂躪於沙漠。 寇勢方張,而 甚且詐飾捷 然積弊已久,未能 食肉之

邀賞

一賚,虛張勞伐,峻取官階,而塞上多事日甚。

此外裔之强,其漸

四也。

賈。 而 保護之。 此邦本之搖,其漸五 江、潍母子相食、宽、豫盜賊橫行,川、陝、湖、貴疲於供餉。田野嗷嗷,無樂生之 自 逆瑾以來,盡天下之脂膏,輸入權貴之室,是以有劉、趙、藍、鄢之亂,賴陛下起 乃近 年以來,黃紙蠲放,白紙催徵;額外之斂,下及雞豚;織造之需,自爲商 也。

等去 又為 斥。 之彫,其漸六也。 昔猶滴遷外任,今或編配遐荒。 《權奸排擠而違之,俾不通,致陛下耳囂目眩,忽不自知其在鮑魚之肆矣。 此人才 而殿閣空,顧淸、汪俊等去而部寺空,張原、胡瓊等死而言路空。間有一二忠直士, IE | 德朝,衣冠蒙禍,家國幾空,幸陛下起而收錄之。乃未幾而狂瞽之言,一鳴輒 昔猶禁錮終身,今至箠死殿陛。蓋自呂柟、鄒守益

心未懲其憤,逆耳或動諸顏。 正德朝,奸邪迭進,忠諫不聞,幸陛下起而開通之。 不剿說而折人以言,卽臆度而虞人以詐。 顧閱時未久,而此風復見。降 朝進一封,暮

列

投千里。 甚至三木囊頭,九泉含泣。 此言路之塞,其漸七也。

似信。 起。 敵邪,羣陰日盛。此邪正之淆,其漸八也。 飾六藝以文奸言,假周官而奪漢政。 正德朝,忠賢排斥,天下幾危,賴陛下起而主持之。豈期一 王莽匿情於下士之日,安石垢面於入相之初。 堅白異同,模棱兩可。 雖有聖哲,誰其辨之。 轉瞬間,儉邪投隙而 是蓋大奸似忠,大詐 臣恐正不

臣顧望,小臣畏懼,上下乖戾,寖成睽孤,而泰交之風息矣。此君臣之睽,其漸九也。 發奇中,以投主好,以弋功名。陛下旣用先入爲主,順之無不合,逆之無不怒。 議起,凡偶失聖意者,譴謫之,鞭笞之,流竄之,必一網盡焉而後已。 正德之世,大臣日疎,小人日親,致政事乖亂,賴陛下紹統,堂廉復親。乃自大禮 由是小人窺伺,巧 由是大

正德之季乎。 雨雹殺禽獸,雷風拔樹屋,婦人產子兩頭,無極晝晦如夜,四方旱潦,奏報不絕,曾何異 正德之世,天鳴地震,物怪人妖,曾無虛歲,賴陛下紹統,災異始除。乃頃歲以來, 且京師陰霾之氣,上薄太陽,白晝冥冥,罕有暉采,尤爲可畏。此災異之

日 之爲輔弼第一人者,徒以奸佞,伴食怙恩。致上激天變,下召民災,中失物望。臣逆 此十者,天子有一,無以保四海。陛下聖明,何以致此,無乃輔弼召之歟。竊見今

臻,其漸十也

武 知 如前 其非天下之第 大學士楊 一流,而陛下乃任信之,不至於魚爛 清, 老成厚重如今大學士石珤者, 並置 不已。 左右,庶弊 願亟去其人,更求才兼文 政 미 除,天下

可治。

悖逆加 下何不起而 臣 之。 又聞獻皇帝好賢下士,容物恕人,天下所共 用之,使駿奔清廟,以慰獻皇帝在天之靈哉。 **謫配死徙,朝宁爲空。** 此豈獻皇帝意。 知也。 苟非 其意,雖尊以天下,無當也。陛 今議禮諸臣,一言未合,輒以

疏反覆萬四千言, 珊律己清嚴,居官有威惠。 最爲剴切,帝付之所司。 外艱歸,士民祠之名宦。 其所斥輔弼第一人,謂費宏也。 後副使胡東皐 謁祠,獨顧珊嘆曰:

「此吾師也。」服闋,以故官涖廣東。終四川按察使。

地來 不得稽察。 日覽奏章,今或置不省,輒令左右可否。 實證日疎。 漸不 先是,有御兒汪珊者,於嘉靖元年七月疏陳十漸。 如初。 初裁革錦衣冒濫,今大臣近侍以迎立授世廕,舊邸旗校盡補親軍。 初罷諸不經淫祠,今稍稍議復。 初毎事 ,獨斷,今戚里左右,或潛移陰奪。 初釐革冗食冗費,今騰驤勇士不行覈實,御馬實數 初屏絕玩好,今教坊諸司或以新聲巧伎進。 略言:「陛下初卽位,天下忻然望治, 初每事咨訪大臣,今禮貌 初 雖 中官有 隆,而 初

列

罪,懲以成法,今犯者多貸死,舉朝爭不得。初中官有過不復任用,今鎭守守備營求易置, 倖門復啓。 初納諫如流,今政事不便者,言官論奏,直曰『有旨』, 祂祂拒人。」 帝頗納其說。

未幾,出爲河南副使,歷官至南京戶部右侍郎。 珊,字德聲,貴池人。 正德六年進士。 巡撫貴州時,討都匀叛苗有功。

釋逮繫者之囚,正告訐者之罪,亦弭災禳患之一道也。」帝責以沽名賣直,謫淸江丞,量移德 泉湧,風雹蝗蝻之害,殆徧天下,有識莫不寒心。及今平反庶獄,復戍者之官,錄死者之後, 皆不平之甚,上干天象,下駭衆心。臣竊以爲皆所當宥。 廷臣 御史葉奇、主事蔡乾等五人,以京朝官爲所屬訐奏下獄,則少卿樂頀、御史任洛等四人。 七人,以咈中使逮問,則副使劉秉鑑,布政馬卿,知府羅玉、查仲道等十人,以失儀就繫,則 議禮忤旨者,左遷則吏部侍郎何孟春一人,謫戍則學士豐熙等八人,杖斃則編修王思等十 下更貶謫者無虛日,乃上疏曰:「臣所居官,以平獄爲職。乃自授任以來,竊見羣臣以 章商臣,字希尹,長興人。嘉靖二年進士。授大理評事。明年冬,商臣以「大禮」初定, 況比者水旱疫癘,星隕地震,山崩 此

安推官。

中杜桐殺人罪。 遷 河南僉事。討平永寧互寇,以功受賞。 桐構之吏部尚書汪鋐。 甫遷四川參議,遂以考察落職歸。 伊王虐殺其妃,商臣論如律。 言官薛宗鎧、成 嘗治里居給 事

賢、戴銑輩交章救,不納。

家居數十年,卒。

黎貫,字一卿,從化人。 正德十二年進士。改庶吉士,授御史。 刷卷福建、劾鎮守內官

尚春侵官帑狀,悉追還之。

徵取者謂之額,而自挾以獻者謂之額外,罔虐百姓,致朝廷之澤壅而不流, 彰君德也。」 後鎭守中貴貢如故。貫上言:「陛下明詔甫頒,而諸內臣曲說營私,希恩固寵。 世宗 入繼,貫請復起居注之制,命詞臣編類章奏備纂述,從之。登極詔書禁四方貢獻, 非所以昭大信, 其假朝命以

税,麥四百七十一萬,而今損九萬。米二千四百七十三萬,而今損二百五十萬。 日 減,以歲出則日增。 諛臣之說,委祀事於外戚。神不歆非類,獻帝必將吐之。」不聽。尋疏言:「國初,夏秋二 嘉靖二年,帝從玉田伯蔣輪請,於承天立興獻帝家廟,以輪子榮奉祀。貫言:「陛下信 乞敕所司通稽祖宗以來賦額及今日經費之數,列籍上聞。 以歲入則 知賦入有

列

限,則費用不容不節。」帝嘉納焉。

帝意。議已定,貫率同官合疏爭之。帝震怒,曰:「貫等謂朕已尊皇考爲皇帝,孔子豈反不 書許讚等上其獄,當贖杖還職,帝特命褫貫爲民。久之,卒於家。 曰『此天下公議也』,不知倡之者止一人。請究倡議之人,明正其罪。」帝然之。 可稱王,好逆甚矣。其悉下法司按治。」於是都御史汪鋐言:「比者言官論事,每挾衆以凌人 豆佾舞之數。編修徐階以諫謫。御製改正祀典說,頒示廷臣,而字敬復爲祀典或問以希合 出按江西,父喪歸。久之,起故官。會帝從張字敬議,去孔子王號,改稱先師, 已而刑部尚 並損

當復,國家自此多事矣。 典禮,甚盛舉也。 何必紛紛事更易乎。」帝覽奏,斥其違旨,以祀典說示之。 方貫等上疏時,禮科都給事中華陽王汝梅亦率同官抗論,且曰:「陛下萬幾之餘,留神 但恐生事之臣望風紛起,今日獻一議,謂某制當革,明日進一說,謂某制 況祖宗成法,守之百六十年,縱使少不如古,循而行之,亦未爲過,

重。 逢迎,請分別忠佞,毋信諛言。 今一事之行,動煩宸翰,亦少褻矣。 汝梅,字濟元,由行人歷禮科都給事中。八年二月以災異求言。 大臣奏事,近多留中, 請悉付之公論。 宜做祖宗故事,時御平臺,召見宰執,面決大議,旣 汝梅言:「比來章奏多 人主之學,詞 命非所

省筆札之勞,且絕壅蔽之害。」疏入,忤旨。及夏言請分祀天地,汝梅復偕同官力爭。 尋出

爲浙江參政,卒官。

難,黃閣票擬依常批答。 爲沽直。長鯨巨鮞決網自如,腴田甲第橫賜無已。陛下春秋已逾志學,而經筵進講略無問 竭,揚沙雨土。 加以羣小盛長,盜賊公行,萬民失業。 木異草妖,時時見告。 天變於上,地 變於下,人物變於中,而修省之詔無過具文。 廷陛之間,忠邪未辨,以逢迎爲合禮,以守正 「九江盜起,殺傷官軍。操江伍文定不卽議剿,應城伯孫鉞擁兵不出,俱宜切責。」帝並從 呂辨、鄒守益下獄,汝實抗章救。又因災異上言「邇者黃風黑霧,春旱冬雷,地震泉 彭汝實,字子充,嘉定州人。正德十六年進士。授南京東科給事中。 棄燕閒於女寵,委腹心於貂璫。二廖諸張尙然緩死,李隆、蘇晉竟 嘉靖三年疏言:

臣避位,以明進退之義。 大學士費宏以子坐事被論不出,禮部侍郎溫仁和以慶王台法事聽勘。 因薦石珤、羅欽順、顧淸、蔣冕可代宏,李廷相、崔銑、湛若水、何 汝實言宜聽二

列傳第九十六 彭汝實

塘、許誥可代仁和。

章下所司。

得無他。[三]

如此而望天意回,人心感,不可得矣。」

反坐,此國法也。願追究主使之人,與告人同罪,毋令苟免,貽譏外蕃。」不聽。 亦可已矣。 中所引事,多顚倒淆惑,至謂費宏、石珤夜入楊一清門。今不聞召問一清,一清又久不 ,何也。陛下卽位之初,廷和裁省冗員數萬,坐此叢怒罷去。 今其長子業以狂愚發遣, 人王邦奇之計楊廷和、彭澤也,汝實言:「邦奇先後兩疏,始爲惶駭之語,終雜鄙褻之 而羣小蓄忿,蔓連不已,幷其次子及壻又復下獄。夫誣告之律,視其所誣輕重

啓充及徐文華、安磐皆同里,時稱「嘉定四諫」。 方鳳、程啓充朋黨通賄。自知考察不容,乃欲辭尊居卑,不當聽其倖免。」遂奪職閒住。 (土高任說、王表自代。章下,東部承聰、導指,言:「汝實倡言鼓衆,撓亂大禮,且與御史 汝實數言時政缺失,又嘗力爭「大禮」,爲璁、專等所惡。以親老再疏請改近地敎職,而 與

鄭自壁,字采東,祥符人,隸籍京師。正德十二年進士。改庶吉士,除工科給事 中。

德中,奄人多奪民業爲莊田,至是因民訴,遣使往勘。 世宗踐作,中外競言時政。自壁請采有關化理者,類輯成書,以備觀覽,從之。 嘉靖二年,后父陳萬言辭黃華坊賜第,請西安門外新宅,韶予之。自壁以所請宅 自壁復備言其弊,帝命勘者嚴治,民 初,正

|鬻之民,不當奪,與安磐力爭,不聽。 明年爭「大禮 ___受杖。

忠從 於邊。 撫周 孝陵 親屬。 獻民等論甘肅 淨 金、副將 帝以勛故,降旨責自璧。 子英冒 自壁 遷至兵科都給 軍于喜擅赴京奏辨。 自璧皆抗疏爭, 率同官與御史譚纘等言瓊罪宜追治,導引奸邪,請幷論 功, 時陳等罪。 功, 擢副千戶。 廕子錦衣,其下參隨皆進秩。 事 中。 帝多不聽。 鐸逮問,陳褫冠帶,而玳、金責立功贖罪。 錦衣官裁革者多夤緣復職, 安邊伯許泰戍死,其子請襲祖 中官李能 六年三月,宣府失事。 嘗偕同官劾郭勛奸貪。 以修墩堡為詞 鎭守江西中官黎鑑,參隨踰 ,請定 復劾總兵傅鐸,幷及鎭守中官王玳、巡 而 職。 山 司 及李 禮監奏收已汰諸匠近 海關稅額。 中官扶安黃英先後死,官其 福達事起,復劾勛交結妖 不納 禮部侍郎桂夢請起王瓊 中官張忠、尚書金 常額。 五百人。 中官武

者。 卿 後廷臣屢論薦,竟不召。 自 ,不用。 壁最 敢言,所言皆權 至是科道共劾,中旨降二級,調外任,遂謫江陰縣丞。 倖,直聲震朝野。 側目者共爲蜚語,聞於上。 命下,大臣幸其去,無救 吏部以資推太僕

戚賢,字秀夫,全椒人。 列 傅 第 九 + 六 鄭 自 嘉靖五年進士。授歸安知縣。 壁 戚 賢 縣有蕭總管廟,報賽無虛日。會 五 五〇五

「是特未焚耳。」趣焚之。潛令健隸入岸傍社,誠之曰:「水中人出,城以來。」已,果獲數人。 **久旱,賢禱不驗,沉木偶於河。** 居數日,舟過其地,木偶躍入舟,舟中人皆驚。 賢徐笑曰:

知府萬雲鵬操下急,賢數忤之。當上計,有毀雲鵬者,將被黜。 而尚書桂萼獨心異賢,喪去,起知唐縣。 召爲吏科給事中。 賢走吏部白其枉,雲鵬

蓋奸民募善泅者爲之也。

其申雪,正防大臣行私也。今言官爲洪等辯救,孚敬乃曲庇冢臣,巧言阻遏。 疏伸救。吏部持不可,帝遂命已之。及賢還朝,以鍅态横,實張孚敬庇之,乃條其罪 字敬、鋐意,洪等竟不復 知人之明,輔臣負伯鯀方命之罪。 事件要人,自前給事中葉洪劾汪鋐被謫,果在黜中。 「輔臣字敬布腹心以操吏部之權,懸利害以箝言官之口。卽如考察一事,陛下曲 **賢乃先事言所黜有未當者,宜聽言官論救。** 十四年春,當大計外吏。大計罷者,例永不用,而是時言事諸臣忤柄臣意,率假計 放流之典具在,惟陛下以威斷之。」帝內嘉賢言,而重違 帝稱善,從其請。 賢方勘事陝西、給事中薛宗鎧因據賢 會參議王存、韋商 陛下有堯、舜 聽臣言,許 臣言 典錮

弊 帝納其言。 再以喪去。 久之, 刻郭勛吞噬偏天下。 補刑科都給事中。 夏言柄國,會當選庶吉士,不能無所徇。 太廟災,復劾勛及尚書張瓚、樊繼祖等,而 賢疏陳 請屬之

匠 淵 可任 熊浹 归 、劉天和、王畿、程文德、徐樾、萬鐘、呂柟、魏校、程啓充、馬明衡 言 滋 不 悦,激帝怒,謫 山東 布政 司都 事 Ó 諸被薦者皆奪 俸 、魏良河 葉洪、王

資 以父老自免。 歸十餘年,卒。 賢少聞王守仁說 心契之。 及官於浙、逐執弟子禮

劍 力挽六石弓。 劉 繪,字子素,一字少質,光州人。 舉鄉試第一 ,登嘉靖 十四年進士 祖進, 太僕少卿。 一,授行 人, 繪長身修髯, 改戶 科給 事 磊落負奇 中。 好擊

段汝 如 罷 默 變、言,罪如默,爲徇 排 礪 澤議 、副都御史翟瓚、參議王洙與焉。 十年詔 而薦之者。 兩京言官會薦邊才。 私植黨者戒。」帝是其言,出如默於外。 相臣 挾權以遏言官,言官懼勢而 給 事 中那 繪言:「汝礪乃大學士翟鑾姻戚,瓚、洙則 如默等薦毛伯 **咈公議**, 溫 言適罷政,變置 劉 上下雷 天和等二十人,而故御史 同, 非 不問 社 夏言 稷 福 諭

險 將多自全,或拾殘騎報首功。 · ,有進無退,寇雖多,可計日平也。」帝壯其言。 令假鵬便宜,得戮都指揮以下。 ,實則自 明年 ,寇大入山西。 衞。 請專任翟鵬,得便宜從事。 |繪上疏曰:「俺答方强, 必為腹 督巡諸臣亦第列 馳發宣、大、山西 士馬守要害,名曰 心患。 士馬,合十七八萬人。 議者謂宜 清野, 實則避鋒; 守不宜戰,以故邊 然鵬竟不 三路並 名曰守

列

是去

職

能 出塞。 頃之,劾山西巡撫劉臬結納夏言,且請罷吏部尚書許瓚、宣府巡撫楚書。 泉、書由

入政府,屬言者論罷之。 繒 兩劾言,言憾之,出爲重慶知府。 家居二十年,卒。 土官爭地相讐, 檄諭之, 即定。 上官交薦,而言再

兵。 賊遁,黃裳追逐,又連破之。 子黄裳,兵部員外郎。 倭陷朝鮮,命贊畫侍郎宋應昌軍務。 錄功,進郞中。 渡鴨綠江,抵平壤,大敗賊

蔣信輩朝夕問學。 宜,專制閩 錢薇,字懋垣,海鹽人。 外。 格不行。 擢 禮 科給事中。 又疏劾大學士李時、禮部尚書夏言、工部尚書溫仁和、外 嘉靖十一年進士。 請令將帥家 受業湛若水。官行人,泊然自守。與同 丁得自耕塞下田,毋徵 其賦 ,總督大臣 戚蔣輪。 年生 一假便

閣 然素知其横,兩不問。 夏言輩所選宮僚,多以徇私劾罷。 已,因星變,極言主德之失,帝深銜之未發。 憑偕同官呂應祥、任萬里乞如會推故事, 疏諫南 巡,坐奪俸。 集內閣九卿 內

進右給事

中。

郭勛請復鎭守內官,擅易置宿衞將校。

被憤,

疏

其

不法

七事。

帝眷勛,

公舉。帝特命並斥爲民。累薦,皆報寢。

年五十三。 集鄉 里 隆慶初贈太常少卿。 一晚進與講學, 足跡不及公府。 倭患起,請於巡撫王忬,集兵爲備。 鄉人德之。卒

洪垣,字峻之,婺源人。 嘉靖十一年進士。 禮部侍郎湛若水講學京師,垣受業其門。授

永康知縣,徵授御史。

參覈。 非制。 令十三道御史公舉隱年冒進若瑚者。 亦已從他諫官言,廢黜者數人。 慶、薛僑、胡守中、屠應埈、華察、胡經、史際、白悅、 而 居文選,貪婪欺罔。 御史、曹郞以下得罪者至二十餘人。 十八年,世宗南巡,册立皇太子,命閣臣夏言、顧鼎臣選宮僚。 乃下順韶 今當大計京官,乃以猥瑣之曹世盛爲考功郎,誤國甚」。 獄,及育秀、顯祖等,咸斥爲民。 知州王顯祖等考察調簡,而補大州。 未幾,劾「文選郎 御史王之臣等坐調者四人,世盛亦改他部。 因詰責吏部尚書許讚、都御史王廷相,而 中黃旗先賄選郎楊育秀,得爲考功。 皇甫涍等皆庸流,不可使輔導青宮。 知縣何瑚年過六十,而選御史。皆 帝下其章都察院,令會更科 垣再疏言溫仁和、張衍 垣一疏, 帝 及

五五一〇

垣 一坐落 出 職 按 廣東。 歸 復 颠 以安南款附,增俸一級。未竣,出爲溫州知府。歲饑,有閉 同里方瓘往從若水,若水爲建二妙樓居之。 家食四十餘年,年九 糴者,饑民殺之, 十。

瓘絕意仕進。 **警自廣東還,同行友瘴死。** 舟中例不載屍,瓘秘不以告,與同寢纍日,至

韶州始發之。

歷右 圖 中允,掌南京翰林院事。 垣 說以明之。 同年呂懷,廣信永豐人,亦若水高弟子。 終南京太僕少卿。 每言王氏之良知與湛氏體認天理同旨,其要在變化氣質。作 由庶吉士授兵科給事中,改春坊左司直郎,

思兼 奪民 監司竟得復故秩。 坐籃輿中,攜飯一盂, 閱 (產, 監司杖奴斃, 奄迫王奏聞, 巡撫彭黯令思兼讞之。王置酒欲有所囑, 竟席不敢言。 周 思棄, · 獄詞曰:「此決杖不如法。 字叔夜,華亭人。少有文名。嘉靖二十六年進士。除平度知州。躬巡郊野, 旁郡饑民掠食, 所司持之急, 且為亂, 上官檄思無治之, 作小木牌數千 **令鄉民以次昇行。** 罪當杖,以王故,加一等。奄誣告,罪當戍,以王故,末減。」 因盡得閭閻疾苦狀,悉蠲除之。 王府奄人縱莊奴

散 四 郊,令執牌就撫,悉振以錢穀,事逐定。 入覲,舉治行第一,當遷。 州人走闕下以請,

復留一年。

爲將 災。 見 二十 非 進郎 軍百 年。 是,各歎 遭內艱去官,不復出。 擢 工部員 口計,將軍乃爲此曹死耶。」皆沮退。 思兼廉得奸狀,縛其黨,悉繫之獄。 中,出爲湖廣愈事。 息去。 (外郎,督臨淸磚廠,士民遮道泣送。同年生貌類思兼, 使經平度, 民競走謁 河將決,思策募民築隄,身立赤日中。隄成三日而秋漲大發,民免於 居久之,起廣西提學副使,未聞命而卒。 岷府宗室五人封爵皆將軍,殺人掠貲財,監司避不入武岡者 五人藏利刃入,思兼 乃列其罪奏聞,悉錮之高牆,還田宅子女於 與揖,而捫其臂曰:「吾

內府 怙定國公勢,貸子錢漕卒。償不時,則沒入其糧,爲怨家所訴。 四十一年、畿輔、山東西、河南北 新錢為糴 **顔鯨,字應雷,慈谿人。** 本。 帝悉報 可。 嘉靖三十五年進士。授行人。擢御史,出視倉場。 已,上漕政便 大稔。 宜 鯨請州縣贓罰銀毋輸京師,盡易聚備振, 六事 漢持定國書至,鯨立 奸人馬漢 且. 論

明 年 列 出 傳 按 第 九 加 + 南。 六 伊王 周 典族怙惡,久結掖廷中官、嚴嵩父子,內外應援,所請奏立下,爪 思 兼 顔 鯨

受諸 震怒, 牙 過 爲 會巡 乃 恣 莊 奏 如 杂)撫胡 記 鯨 横 俠 礦 田 廢 原鯨 議 少金,署 徐 盜 \pm 堯臣 階 鯨 執 爲 請 鯨 庶 治 說 勃典 校 欲 名校 其 人,錮之高 諸 尉 除 、爪牙。 模抗 大璫 缺 之, / 尉籍 從兵部 與參 絕 旨、矯 魏 中,爲民害。 其 牆, 國 援 政 補, 敕、僭擬 公侵民 耿隨 沒其貲, 册封 叉 盡捕 卿 產,假 計, 改文臣, 汽淫 列 削 王 侯 持王 虐十 世 偵 使王 欽 封 事 賜 王 大罪 承 飛 一府,道 名 府 奉 騎 兩 樹 進 王 河 碑 路 奉 鑑 託 人 王 爲界。 一遣屬 驛騷 鼓 護 罪, 言 衞 防 舞 鑑 短,檄 0 吏。 相 及 鯨 日告 諸亡 王 慶。 仆 府 詔 知 其碑, 內官 景王 王 册 命幾萬 府 所 親 兵分 謀 之國 進奉, 王 戍其 及 人,不 屯 時 妃 ,越界奪 駕 人。 要 嵩 遣 敢 害 龍 已敗 列 錦 地。 舟 民 衣 所 鯨 帝 產 帥 乃

1 希 不 典 敢 孝 史。 亂 問 改 督 法,言:「世 富 畿輔學政。 人 得抗 儒等按籍 詔,而 大興知縣高世 貧者為溝 召行 卢 ,非 中 儒 瘠。 奉詔核 勾 '禁軍。 世儒 逃役,都督朱希孝以勾軍劾之,下部 無罪,罪在錦衣。」帝怒,責鯨詆 此 乃禁軍子弟家 人倚城社,冒禁衛 誣勛 名,致 臣,貶安 鯨 劾 吏

御 史海瑞 隆 慶 元 鯨 年歷湖廣提學副使。以試恩貢生失張居正指,降山東參議。 異 才,不 改行太僕少卿。都

鯨 按 河南時,黜新鄭知縣,其人高拱所庇也。 在湖廣,王篆欲祀其父鄉賢,執不許。 至

是,拱掌吏部,篆爲考功,遂以不謹落鯨職。萬曆中,給事中鄒元標、御史饒位交章薦之,報 也。」給事中姜應麟、李弘道亦言之,僅以湖廣副使致仕。 公典,否則驅除異己而已。近又登用被察吳中行、艾穆、魏時亮、趙世卿,獨靳鯨、志道何 御史顧雲程言:「陛下大起遺佚,獨鯨及管志道以考察格之。夫相與冢宰賢,則黜幽爲 中外論薦十餘疏,不果用。

張芹等懷抱悃忱,激昂論事。 **贊曰:傳稱「未信而諫,則以爲謗已」。然志節之士,惓惓忠愛,何忍以不信自外其君** 其言雖不盡用,要與緘默者異矣。

校勘記

- 以憤 撻肇慶知府鄭璋 鄭璋,明史稿傳八七蕭鳴鳳傳作「鄭漳」。
- 李隆 蘇晉竟得無他 蘇晉,明史稿傳八七彭汝實傳作「蘇縉」。
- 三三 會參議 正 月甲 中條、國権卷五六頁三五〇九都作「王臣」。 王存韋商臣言事件要人 王存,本書卷二〇九馮恩傳、 世宗實錄卷一七一嘉靖十四年
- 列 家食四 傳 第 十餘年年九十 九 + 六 校 勘 家食,似當作「家居」。 記 年九十, 明史稿傳八七洪垣傳作「年九十卒」o

明史卷二百九

列傳第九十七

楊最 顧存仁 高金 王納言 馮恩 子行可 時可 宋邦輔 薛宗鎧 曾

猀

楊 爵 浦鋐 周天佐 周怡 劉魁 沈東 沈鍊 楊繼盛

何光裕 襲愷 楊允繩 馬從謙 孫允中 狄斯彬

報 輒返。 楊最,字殿之,射洪人。正德十二年進士。授工部主事。督逋山西,憫其民貧,不俟奏 尚書李鐩劾之,有詔復往。 最乃與巡按御史牛天麟極陳歲災民困狀,請緩其徵,

從之。

列

傅

第

九

十七七

楊最

二十餘里。 歷郎中,治水淮、揚。 而東北隄岸不踰三尺,雨霪風厲,輒衝決,阻壞運舟,鹽城、興化、通、 泰良田悉 值世宗卽位,上言:「寶應氾光湖西南高,東北下。 運舟行湖中

五五一五

補闕,芍冀無事,一遇霪潦,蕩爲巨浸,是爲無策。」部議用其中策焉。 是爲上策。 遭其害。 宜如往年白圭修築高郵康濟湖,專敕大臣加修內河,培舊隄爲外障,可 其次於緣河樹杙數重,稍障風波,而增舊隄,毋使庳薄,亦足支數年。 百年無患, 若但窒隙

出爲寧波知府。 請罷浙東貢幣,詔悉以銀充,民以爲便。累遷貴州按察使,入爲太

僕

卿。

士,欲服食求神仙耳。 白金器百餘因郭勛以進,云以盛飲食物,供齋醮,即神仙可致也。 言,帝深居無與外人接,則黃金可成,不死藥可得。 帝益悅,諭廷臣令太子監國,「殷少假一 二年,親政如初。」舉朝愕不敢言。 世宗好神仙。 臣雖至愚,不敢奉詔。」帝大怒,立下詔獄,重杖之,杖未畢而 給事中顧存仁、高金、王納言皆以直諫得罪。 神仙乃山棲澡鍊者所爲,豈有高居黃屋紫闥,袞衣玉食,而能白日翀 最抗疏諫曰:「陛下春秋方壯, 乃聖諭及此, 不過得一方 會方士段朝用者,以所煉 帝立召與語,大悅。 死。 朝用

最旣 死, 監國議亦罷。 明年,勛以罪瘐死。 朝用詐偽覺,亦伏誅。 隆慶元年,贈最右

副都御史、諡忠節。

顧存仁,字伯剛,太倉人。 嘉靖十一年進士。 除餘姚知縣,徵為禮科給事中。 十七年

冬疏陳五事。首言宜廣曠蕩恩,赦楊愼、馬錄、馮恩、呂經等。末云:「敗俗妨農,莫甚釋氏 南京通政參議。 葉疑秀何人,而敢乞度。」帝方崇道家言。凝秀,道士也。帝以爲刺己,且惡其欲釋楊愼等, 歷太僕卿。未幾,致仕。存仁困阨久,方見用,遽勇退,世尤高之。

覈御用監財物,劾奉御李興等侵蝕狀,置諸獄。 聖德累。夫元節,一道流耳。 IE 不可配享於太廟,則二人益不可拜寵於聖朝。望削元節眞人號,幷奪得晟恩卹,庶異端闢, 子,近又黜姚廣孝配享。臣每歎大聖人作爲,千古莫及。乃有眞人邵元節者,誤蒙殊恩,爲 |道昌。」帝方欲受長生術,大怒,立下詔獄拷掠。終以其言直,釋之。 高金,石州人。 爲兵科給事中。 有勞,優以金帛足矣,乃加崇秩,復賜其師李得晟贈祭。 嘉靖九年上疏言:「陛下臨御之初,盡斥法王、國 後累官蘇州兵備副使。 尋偕御史唐愈賢稽 一師、佛 廣孝

王納言,信陽人。 爲戶科給事中。 請斥太常卿陳道瀛等,坐下詔獄,謫湖廣布政司照

磨。

累官陝西僉事。

且雨 ,室盡濕,恩讀書牀上自若。 馮恩,字子仁,松江華亭人。 登嘉靖五年進士,除行人。出勞兩廣總督王守仁,遂執贄 幼孤,家貧,母吳氏親督教之。 比長,知力學。 除夜無米

爲弟子。

鉄擅權,請如北臺,既畢事,始許論列。
恩與給事中林士元等疏爭之,得 無以難。 仍報御史。 擢南京御史。 已,巡視上江。指揮張紳殺人,立置之辟。大計朝覲吏,南臺例先糾。 諸曹郎灌,謂御史屬吏我。 故事,御史有所執訊,不具獄以移刑部,刑部獄具,不復牒報。 恩曰:「非敢然也。 欲知事本末,得相檢覈耳。」尚書 如 故。 都御史汪 恩請尚書

直矣。 邪徒。 事希寵者所誤。」恩草疏時,自意得重譴。 宜輕改。 左右奸佞欲信其說者陰詆之耳。今士風日下,以緘默爲老成,以謇諤爲矯激,已難乎其忠 帝用閣臣議分建南北郊,且欲令皇后蠶北郊,詔廷臣各陳所見,而詔 若預恐有異議,而逆詆之爲邪,則必雷同附和,而後可也。 恩上言:「人臣進言甚難,明詔令直諫,又詆之爲邪徒,安所適從哉?此非陛下意,必 禮『男不言內,女不言外』。 皇后深居九重,豈宜遠出郊野。 及疏奏,帝不之罪,恩於是益 况天地合祀已百餘年,豈 願速罷二議,毋爲好 一感奮。 中屢斥異議者為

十一年冬,彗星見,詔求直言。 大學士一字時小心謙抑,解棼撥亂非其所長。 恩以天道遠,人道邇,乃備指大臣邪正 翟鑾附勢持祿,惟事模棱。 戶部尚書

任之, 肱 人心。 右侍郎黃宗時 直諒不足。 幾,委靡不振。工部尚書趙璜廉介自持,制節謹度。吏部尚書左侍郎周用 許 證謹厚和易,雖乏剸斷,不經之費必無。 右侍郎朱廷聲篤實不浮,謙約有守。工部左侍郎黎奭滑稽淺近,才亦有爲。 庶幾救時宰相。 右侍 右侍郎許誥講論便捷,學術迂邪。 .郎顧鼎臣警悟疏通,不局偏長,器足任重。兵部左侍郎錢如京安靜有操守。 雖擅文學, 兵部尚書王憲剛直不屈,通達有爲。刑 因人成事。 刑部左侍郎聞淵存心正大,處事精詳,可寄以股 禮部尚書夏言,多蓄之學,不羈之才,駕馭 禮部左侍郎湛若水聚徒講學,素行未合 部尚書王時中進退昧 才學有餘,

而 極 論大學士張孚敬、方獻夫,右都御史汪鋐三人之奸,謂

郎林廷榻才器可取,通達不執

别 奏降某官, 福 禮 厚,內實詐 用, 意懇至。 字敬. 大壞國事不止。 非入 剛惡兇險,媢嫉反側。近都給事中魏良弼已痛言之,不容復贅。 奸。 明 閣 彼方倨傲偃蹇,入山讀書,直俟傳旨別用,然後忻然就道。 日 而何,此獻夫之病所以痊也。 前在東部,私鄉曲,報恩讐,靡所不至。 奏調某官, 若鋐 非其所憎惡則宰相之所憎惡也。 一則如 鬼如蜮,不可方物。 今又遣兼掌吏部, 所仇 昨歲僞以病去,陛下遣使徵之, 惟忠良,所圖惟報復。 臣不意陛下寄鋐以腹心, 必將呼引朋 夫以吏部尚書 獻夫外飾謹 類,播弄威

彗也,一歲,腹心之彗也,獻夫,門庭之彗也。 三彗不去,百官不和,庶政不平,雖欲弭災, 而 鋐 御 史銜 逞 奸 命而 務私乃至此極。 出,效其鐭薄以希稱職,爲天下生民害,可勝言哉。 且都察院爲綱紀之首。 陛下不早易之以忠厚正直之人,萬 故臣謂孚敬,根本之

帝 輔嘗過南京,談及朝政暨諸大臣得失。 得疏大怒,逮下錦衣獄,究主使名。 遂幷逮邦輔下獄,奪職。 恩日受搒掠,瀕死者數,語卒不變。 惟言御史宋邦

不可得已。

雲極 鐢 譽相半,非專頌大臣,宜減戍。」帝愈怒,曰:「恩非專指字敬三臣也,徒以大禮故,仇君無上, **疏請寬之,不聽。** 死有餘 連號 邊雜 明 罪。 呼乞救,終無敢言者。 年春移恩刑部獄。 職,而恩竟論死。 時中乃欲欺公鬻獄耶。」遂褫時中職,奪侍郎聞淵俸,貶郎中張 帝欲坐以上言大臣德政律,致之死。 長子行可年十三,伏闕訟冤。 時鋐已遷吏部尚書,而王廷相代爲都御史。 日夜匍匐長安街,見冠 尚書王時中等言:「恩疏毀 以恩所坐未當 國維、員外郎孫 蓋者過,輒

欲 怒叱卒,卒皆靡。 以私怨殺言官耶?且此何地, 此 朝審,鋐當主筆,東向坐,恩獨向闕跪。。鋐令卒拽之西面,恩起立不屈。 而對百僚公言之, 何無忌憚也。 吾死爲厲鬼擊汝。」鐵怒 卒呵之,恩

錢、鬻官爵耶。」因歷數其事,詆鋐不已。一鋐益怒,推案起,欲毆之。 曰:「是御史,非但口如鐵,其膝、其膽、其骨皆鐵也。」因稱「四鐵御史」。恩母吳氏擊登聞鼓 廷相、尚書夏言引大體爲緩解。 ::「汝以廉直自負,而獄中多受人餽遺,何也。」恩曰:「患難相恤,古之義也。 鋐稍止,然猶署情眞。恩出長安門,士民觀者如堵。皆歎 恩聲亦愈厲。 豈若汝受金 都御史王

訟冤。不省。

州。 麗,宜用奏事不實律, 輸贖還職,帝不許。 乃言恩情重律輕, 請戍之邊徼,制可。 經爲入奏。帝覽之惻然,令法司再議。 母子二人之命。陛下憀臣,不傷臣心。臣被僇,不傷陛下法。 日 計,陷於大辟。 臣 · 死。臣父死,臣祖母復死,臣榮然一孤,必不獨生。冀陛下哀憐,置臣辟,而赦臣父,苟延 而鋐亦後兩月罷 又明年,行可上書請代父死,不許。其冬,事益迫,行可乃刺臂血書疏,自縛闕下, 祖母吳年已八十餘,憂傷之深,僅餘氣息。若臣父今日死,祖母吳亦必以今 祖母吳氏守節教育,底於成立,得爲御史。舉家受祿,圖報無地,私憂過 矣。 尚書聶賢與都御史廷相言, 謹延頸以俟白刃。」通政使陳 ,前所引律,情與**法**不相 **遂遣戍雷**

大理 寺丞,致仕。 越六年,遇赦還。 復從有司言, 旌行可爲孝子。 家居,專爲德於 鄉。 穆宗即位,錄先朝直言。 恩年八十一,卒。 恩年已七十餘,即家拜

行 可 旣 脫 父於 死 越 數 年 登 鄕 薦。 久 之,不第。 謁 選,得 光 禄 署 Ē 遷 應 天 府 通 判, 有

善 政。 弟 井 可 隆 慶 五. 年 進 土 累官按 察使。 以文 名。

卽 作 歌 宋 相 邦 和 輔 高 字 風 子 相 動 遠 東流 邇。 人。 士 大夫造 旣罷 歸, 其 門 躬 者 耕 養 屛輿從 親,妻操 而 後 井臼 入焉 · ; 子 樵牧。 歲時 與 田 夫 會飲

詆宗 京 鋐 給 將 二子 IF. 尙 以 事 樂 鎧 宗鎧 爲 書 厥 薛宗鎧 、達及御 私 中 調 深辟。」帝E 等 奸 劉 爈 建陽 以 挾 利 與 龍 斥 逋 私 同 主 史方 賦還 聶賢等九 字子 官孫 果 臣 鋐 求 罷 等,日 翀 疏 朱子 任 修 鋐官 復言 辨 應奎復言,鋐 桂, 乞休,帝 後, 行 至則 宗鎧 鋐 人。 皆杖 丽 復 責 司 民 鋐覆 白共 闕 宗 之, 爭輸, 不 正 經 下。 許 肆 鎧言不 侃 疏, 論 枉 以主祀 妵 從子 劾,輒 斥宗鎧、翀、一桂 課 而 具留 植 語 給 更最 早。 黨 也 具戚 事 事 之。 肆 擅 o 7 御 嘉靖二 中 叉 主威福 賢傳 歲饑 仍 史翁溥、曹逵等更 帝召 惡 僡 詔 孙 諍 諍 入 振 大學士 年與從父僑 其 ,巧庇 臣 垣。 高民 倉粟,先發 後, 臣杜 杜 口 再遷戶 龍 李 鋐 鐫 已三年。 口 等,上 愈 時 語 應奎、溥、逵等級 言, 後 驕 同 相 科左給 聞 成 繼 執 格 鋐 會 進 劾鋐 蔽 下 明 有 御 士。 給 塞 鎭 詔 事 私 史 由 撫 言 下角 中 鋐 會翀 赴 授貴 路 留三 ٠, 司 叉抗 京 鞫 吏 調 罪莫 公 溪 戴 訊 人 部 留 論 辨 知 外 而 銧 尙 拜 縣 且 詞 且. 斥 劾 書 禮 補補 宗 連 極 縱 其 南 汪 科

立

鎧、翀死杖下。時十四年九月朔也。 隆慶初,復宗鎧官,贈太常少卿。

臣死何憾。」神色無變。 曾 翀,字習之,霍丘人。以進士授南京刑部主事,改御史。 隆慶初,贈太常少卿。 廷杖垂斃,曰:「臣言已行,

膏火。 吏,忤知縣繫獄。 楊爵,字伯珍,富平人。年二十始讀書。家貧,燃薪代燭。 益奮於學,立意爲奇節。 爵投牒直之,並繫。會代者至,爵上書訟冤。 從同郡韓邦奇遊,遂以學行名。 耕隴上,輒挾册以誦。兄爲 代者稱奇士,立釋之,資以

愈旨。 久之,擢御史,以母老乞歸養。 母喪,廬墓,冬月笋生。 推車糞田,妻饁於旁,見者不 知其御史也。 多菜色,挈筐操刃,割道殍食之。假令周公制作,盡復於今,何補老羸饑寒之衆。」奏入,被 登嘉靖八年進士,授行人。帝方崇飾禮文,爵因使王府還,上言:「臣奉使湖廣,睹民 服闋,起故官。

卿楊彘諫死,翊國公郭勛尙承寵用事。二十年元日,微雪。 帝經年不視朝。歲頻旱,日夕建齋醮,修雷壇,屢興工作。方士陶仲文加宮保,而太僕 | 爵撫膺太息,中宵不能寐。 踰月乃上書極諫曰: 大學士夏言、尙書嚴嵩等作頌

奔競 頌之。 望,憂旱之心遠近相同。此正撤樂減膳,憂懼不寧之時,而輔臣言等方以爲符瑞,而稱 自夏入秋,恒暘不雨。 壞極矣。 羣狡趨赴,善類退處。此任用匪人,足以失人心而致危亂者,一也。 《成俗,賕賂公行,遇災變而不憂,非祥瑞而稱賀,讒諂面諛,流爲欺罔,士風 今天下大勢,如人衰病已極。腹心百骸,莫不受患。即欲拯之,無措手地。 欺天欺人,不已甚乎! 翊國公勛,中外皆知爲大奸大蠹,陛下寵之,使稔惡肆 諍臣拂士日益遠,而快情恣意之事無敢齟齬於其間,此天下大憂也。 **畿輔千里,已無秋禾。旣而一冬無雪,元日微雪卽止。民失所** 八人心っ 去年 方且

危亂者,二也。 加 壇。以一方士之故,朘民膏血而不知恤,是豈不可以已乎。況今北寇跳梁,內盜竊發, 須 以頻年災沴,上下交空,尙可勞民糜費,結怨天下哉。此興作未已,足以失人心而致 與之生而不能。而土木之功,十年未止。工部屬官增設至數十員,又遣官遠修雷 臣巡視南城,一月中凍餒死八十人。五城共計,未知有幾。孰非陛下赤子,欲延

曠廢。 **怠婾,中外日益渙散,非隆古君臣都兪吁咈、協恭圖治之氣象也。** 陛下卽位之初,勵精有爲,嘗以敬一、箴頒示天下矣。乃數年以來,朝御希簡,經筵 大小臣庶,朝參辭謝,未得一睹聖容。敷陳復逆,未得一聆天語。 此朝講不親,足以失 恐人心 日益

人心而致危亂者,三也。

取百 則 坐 上之所好,下必有甚。 而 心 正 世之譏,非細故也。 論 左 身修,天地鬼神莫不祐享,安用此妖誕邪妄之術,列諸淸禁,爲聖躬累耶 道惑衆、聖王必誅。 道,今舉而畀之奇邪 近者妖盜繁興,誅之不息。 此信用方術,足以失人心而致危亂者,四也 之徒。 今異言異服列於朝苑,金紫赤紱賞及方外。 三 夫保傅之職 流品之亂莫以加矣。 風聲所及,人起異議。 陛下誠與公卿賢士日論治道, 貽四方之笑, 臣聞

聞。 臣下震於天威,懷危慮禍,未聞復有犯顏直諫以爲沃心助者。 今有國家者,未有不以任 而 身殞,近日贊善羅洪先等皆以言罷斥。 此 陛下臨御之初,延訪忠謀,虛懷納諫。 阻抑言路,足以失人心而致危亂者,五也。 諫 而 興、拒諫而亡。 國體治道,所損甚多。 忠蓋杜 時臣工言過激切,獲罪多有。 口,則讒諛交進,安危休戚無由得 往歲,太僕卿楊最言出 臣非爲最等惜也。 自此以來, 古

史鄭 媚者將接 人周 先是,七年三月,靈寶縣黃河清,帝遣使祭河神。 相 踵 望陛下念祖宗創業之艱難,思今日守成爲不易,覽臣所奏,賜之施行,宗社幸甚。 抗疏言:「河未清,不足虧陛下德。 願罷祭告,止稱賀,詔天下臣民毋奏祥瑞,水旱蝗蝻卽時以聞。」帝大怒,下相 今好諛喜事之臣張大文飾之,佞風 大學士楊一清、張璁等屢疏請賀,御 一開,獻

列

詔獄拷掠之,復杖於廷,謫韶州經歷。而諸慶典亦止不行。

卒以帝意不測,屏其家人,不許納飲食。屢濱於死,處之泰然。旣而主事周天佐、御史浦鋐 詔 以救爵,先後箠死獄中,自是無敢救者。 獄搒掠, 血肉狼籍, 關以五木, 死一夕復甦。所司請送法司擬罪, 帝不許, 命嚴錮之。獄 及帝中年,益惡言者,中外相戒無敢觸忌諱。」虧疏詆符瑞,且詞過切直。帝震怒,立下

右觀者爲泣下。比三人至,復同繫鎭撫獄,桎梏加嚴,飲食屢絕,適有天幸得不死。二十 飯畢,即就道。尉曰:「盍處置家事。」爵立屏前呼婦曰:「朝廷逮我,我去矣。」竟去不顧, 左 「我固知釋虧,諸妄言歸過者紛至矣。」復令東廠追執之。虧抵家甫十日,校尉至。與共麥 年八月,有神降於乩。帝感其言,立出三人獄。未踰月,尚書熊浹疏言乩仙之妄。帝怒曰: 六年十一月,大高玄殿災,帝禱於露臺。火光中若有呼三人忠臣者,遂傳詔急釋之。 踰年,工部員外郎劉魁,再踰年,給事中周怡,皆以言事同繫,歷五年不釋。至二十四

官,贈光祿卿,任一子。萬曆中,賜諡忠介。 居家二年,一日晨起,大鳥集於舍。爵曰:「伯起之祥至矣。」果三日而卒。隆慶初,復

廠事太監徐府奏報。帝以密諭不宜宣,亦重得罪。 問之初入獄也,帝令東廠伺爵言動,五日一奏。 校尉周宣稍左右之,受譴。 其再至,治 先後繫七年,日與怡、魁切劘講論,忘其

刑部 尚書林俊 浦鋐,字汝器, 奪俸三月。 去 國, 以養 中官秦文已斥復 文登人。 母 歸。 正德十二年進士。 母 喪除, 用 起掌河南 一。鋐疏力爭之。 道事。 授洪洞 且言武定侯郭勛 給事中饒秀 知縣,有異政。 考察 **〜點,**計 嘉靖初,召 奸貪,宜罷 鋐與同 其 爲 、兵權。 御史。 官 張

融、段汝礪,給事

中李

鳳來,考功郎余胤

緒,談省署得失,鉱等

坐罷

位 萬 端 大露 行部 諫進 未報 百 爵 呵呵 錮 人,皆號 一、陛下 富平 而 家 必能 典視舒等。 以 化 居七年,廷臣交薦。 而 鐵 - , 皆言 楊 理 柙。 盡忠補過,不負所學。」疏奏,帝大怒,趣緹騎逮之。 業致之理,則虧前言未爲悖妄。 ·哭曰:「願還我使君。」<u></u> | <u>飯</u>赴徵, 成。 爵 以直 **嚼迎哭之,鋐息已絕,徐張目曰:「此吾職也,子無然。」繫七** 言路塞,則奸諛恣 | 諫緊詔獄, 銨馳疏 起故官, 而治 出按 申救 .道隳。 業已病。 (陝西, 曰:「臣惟天下治亂, 望弘 有古賢士 御史爵 覆載之量,垂 連上 旣至,下詔獄,搒掠 以言事下 四十餘疏。 風。 且爵本以論 日月之照,賜 秦民遠近 在言路通塞。 獄,幽囚 總督楊守禮請破 備至。 郭勛獲罪。 已久,懲創 奔送, 日而 之矜釋, 言路 卒。 舍 除 車 日 通, 格 必深。臣 復 穆宗 使 下者常 今勛 超權, 則忠 杖 列 嗣 之 朝 奸

下詔獄 喜一怒,上帝臨之。陛下所以怒虧,果合於天心否耶。爲身非木石,命且不測,萬一溘先朝 省,許諸臣直言闕失,此轉災爲祥之會也。乃今闕政不乏,而忠言未盡聞,蓋示人以言,不 露,使諍臣飲恨,直士寒心,損聖德不細。願旌廚忠,以風天下。」帝覽奏,大怒。杖之六十, 為緘默逢迎之君子不難也。以秉直納忠爲罪人,又孰不能爲容悅將順之功臣哉?人君一 若示人以政。求言之詔,示人以言耳。御史楊爵獄未解,是未示人以政也。國家置言官, 以言爲職。 二十年夏四月,九廟災,詔百官言時政得失。天佐上書曰:「陛下以宗廟災變,痛自修 周天佐,字子弼,晉江人。嘉靖十四年進士。授戶部主事。屢分司倉場,以淸操聞。 **| 爵繁獄數月,聖怒彌甚。一則曰小人,二則曰罪人。夫以盡言直諫爲小人,則**

而哭之慟者,或問之,民曰三吾傷其忠之至,而死之酷也。」穆宗卽位,贈光祿少卿。天啓 雷 「忽震,人皆失色。 天佐體素弱,不任楚。 天佐與虧無生平交。入獄時,爵第隔犀相問訊而已。大興民有祭於柩 獄吏絕其飲食,不三日卽死,年甫三十一。比屍出獄,曒日中,

疏劾尚 皆僞 撫陸杰、工部尚書甘爲霖、採木尚書樊繼祖。 也。」從學於王畿、鄒守益。 周怡,字順之,太平縣人。 書李如圭、張瓚、劉天和。 爲諸生時,嘗曰:「鼎鑊不避,溝壑不忘,可以稱士矣。 登嘉靖十七年進士,除順德推官。 天和致仕去,如圭還籍待勘, 立朝僅一歲,所摧擊,率當事有勢力大臣。 瓚留如故。 舉卓異,擢 頃之,劾湖廣巡 吏科給事 不然, 中。 在

方嚮嵩,反責讚,逐與齡等。 二十二年六月,「『」吏部尚書許讚率其屬王與齡、周鈇訐大學士翟鑾、嚴嵩私屬事。 怡上疏 目

廷多側

目

,怡益奮不顧

文 邊,而能修內治、禦外侮者也。 又與總制侍郎翟鵬、督餉侍郎趙廷瑞交惡,此最不祥事,誤國 人臣以盡 心報國家爲忠, 協力濟事爲和。未有公卿大臣爭於朝、文武大臣爭於 大學士變、嵩與尚書讚互相詆訐,而總兵官張鳳、周尚 孰 基。

耗。 告吏部進之退之,不宜挾勢徇私,屬之進退。 姓 未蘇, 乃變 今陛 時下選將練士之命而邊境未寧。 下日 、嵩憑藉寵靈,背公營私,弄播威福,市恩酬怨。 事 ·禱祠 前 四方災祲未銷,歲開輸銀之例而府庫未充,累頒蠲租之令而百 內則財貨匱而 夫輔臣眞知 百役興, 外則寇敵橫而 人賢不肖,宜明 凡有陳奏,奔走 九邊

列

其門,先得意旨 而後敢聞於陛下。中外不畏陛下,惟畏嵩久矣。 **鑾淟涩委靡,讚雖小**

心謹 是,然不能以直氣正色銷權貴要求之心,柔亦甚矣。

皆假他事罪之。 且直言敢諫之臣,於權臣不利,於朝廷則大利也。 諫諍之臣自此箝口,雖有檮杌、驩兜,誰復言之。 御史謝瑜、童漢臣以劾嵩故、嵩

帝覽疏大怒,降詔責其謗訕,令對狀。杖之闕下,錮詔獄者再。

召爲太常少卿,未任卒。天啓初,追諡恭節。 遊,由是忤旨,出爲登萊兵備僉事。 隆慶元年起故官。未上,擢太常少卿。 給事中岑用賓爲怡訟,不納。改南京國子監司業。 陳新政五事,語多刺中貴。時近習方導上宴 復

判。 劉魁,字煥吾,泰和人。 歷鈞州知州,潮州府同知。所至潔己愛人,扶植風敎。入爲工部員外郎,疏陳安攘十 正德中登鄉薦。 受業王守仁之門。 嘉靖初,謁選,得寶慶府通

程工峻急。 二十一年秋,帝用方士陶仲文言,建祐國康民雷殿於太液池西。 慰欲諫, 度必得重禍, 先命家人鬻棺以待。 遂上章曰:「頃泰享殿、大高玄殿諸 所司希帝意,務宏侈,

事, 帝嘉納

帝震 誦 道 趣 I 就 不 流 尚未告竣。 處之如前,無幾微尤怨。 輟 怒 所 獄 居擬 ,復與爵、怡同 ,杖於廷,錮之詔獄。 繁四年 於宮禁。 內帑所積幾何? 得釋,未幾復追逮之。 繋。 或 用已耗,民力已竭, 時帝怒不測,獄 又三年,與爵、怡同釋,尋卒。 時 歲入幾何? 御史楊爵先已逮繫,旣而給事中周怡 魁未抵家,緹騎已先至,繫其弟以行。 **東懼罪,窘迫之愈甚,至不許家人通飲食。** 而復 一役之費動至億萬。 爲此不經無益之事,非 隆慶初,贈卹如制。 土木 繼至, 衣文繡,匠作班朱紫, 所以示天下後世。」 三人屢瀕死,講 魁在道聞之,

沈 東, 字宗安, 會稽人。父儘,邠州知州。 東登嘉靖二十三年進士,除徽州推官、擢禮

科給事中。

忠勤 抗强 忠義 言凍 自許。 無他腸 敵,繼之以死。 時大學士嚴嵩擅政。 反捐棄,何以鼓 曹家莊之役,奇功也。 ,第疎狂當治。 雖已廟祀,宜賜祭,以彰死事忠。 士氣,激軍心。」疏奏,嵩大恚,激帝怒,下吏部都察院議。 大同總兵官周尚文卒,請卹典,嚴嵩格不予。 帝愈怒,奪淵、僑俸,下東詔獄。 雖晉秩,未醻勳,宜贈封爵延子孫。 今當事之臣,任意予奪,冒濫或倖蒙, 已,刑部坐束奏事 他 東言:「尚文爲將, 如董暘、 不實,輸贖還 聞淵、屠僑等 江瀚,力

列

寬束得罪

自是無敢言者。

職。 特命 杖於廷,仍錮 詔獄。 時東入諫垣未半歲也。 踰年,俺答薄都城。 司業趙貞吉以請

矢志不 吏械 年八十· 之鳣 送父終年,仍還赴繫,實陛下莫大之德也。」法司亦爲請,帝終不許。 粥 其 東 手足。 無資。 他適。 繋 有 九,衰病侵尋,朝不計夕。 外,衣食屢絕,惟日讀問

獨為為蘇解。 徐階勸,得免。 乃相與寄居旅舍,紡織以供夫衣食。 欲留養夫,則舅又旦暮待盡。 迨嵩去位,東在 往臣因束無子,爲置妾潘氏。 輾轉思維,進退無策。 · 獄十六年矣,妻張氏上書言:「臣夫家有老 後同邑沈鍊劾嵩,嵩疑與束同族爲報復,令獄 歲月積深,悽楚萬狀。 比至京師,東已 臣願代夫繫獄,令夫得 欲歸奉舅,則夫 緊獄 潘

奏,帝心動。 之監帖。 帝 深疾言官,以廷杖遣戍未足遏其言,乃長繫以困之。 或無所得,雖諧語亦以聞。一日,鵲噪於束前,束謾曰:「豈有喜及罪人耶。」卒以 會戶 、部司務何以尙疏救主事海瑞,帝大怒,杖之,錮詔獄,而釋凍還其家。 而日令獄卒奏其語言食息,謂

喪除, 束還,父已前卒。 召爲都給事中。 東枕 旋擢南京右通政。 塊飲水,佯狂自廢。 復辭疾。 甫 兩月,世宗崩,穆宗嗣位。 布衣蔬食,終老於家。 **床繋獄十八年。** 起故官,不赴。

比出,潘氏猶處子也,然束竟無子。

沈錬,字純甫,會稽人。嘉靖十七年進士。除溧陽知縣。用伉倨,忤御史,調茌平。

憂去,補淸豐,入爲錦衣衞經歷。

炳與嚴嵩父子交至深,以故錬亦數從世蕃飲。 **| 鰊爲人剛直,嫉惡如讐,然頗疎狂。** 每飲酒輒箕踞笑傲,旁若無人。錦衣帥陸炳善遇 世蕃以酒虐客,錬心不平,輒爲反之,世

蕃憚不敢

較

吉者、獨鍊是之。 吏部尚書夏邦謨曰:「若何官、」鍊曰:「錦衣衞經歷沈鍊也。 大臣不言,故 王師十餘萬人,擊其惰歸,可大得志。 小吏言之。」遂罷議。。鍊憤國無人,致寇猖狂,疏請以萬騎護陵寢,萬騎護通州軍儲,而合勤 會俺答犯京師,致書乞貢,多嫚語。下廷臣博議,司業趙貞吉請勿許。 帝弗省。 廷臣無敢是貞

辱之時,不聞延訪賢豪,咨詢方略,惟與子世蕃規圖自便。 除奸邪,然後外寇可平。今大學士嵩,貪婪之性疾入膏肓,愚鄙之心頑於鐵石。 下奮揚神武,欲乘時北伐,此文武羣臣所願戮力者也。 日從 尚寶丞張遜業飲,酒半及嵩,因慷慨罵詈,流涕交頤。遂上疏言:「昨歲俺答 嵩貴幸用事,邊臣爭致賄遺。及失事懼罪,益輦金賄嵩,賄日以重。혫時時益 然制勝必先廟算,廟算必先爲天下 忠謀則多方沮之,諛諂則曲意引 當主憂臣 犯順,陛 腕。

還家 之。 不 官方大 氏 敢 之愛 直言 要 旣 月 也 壞 惡 賄 至, 也 無 灣官 五五 虚 因 未 丽 受諸 併 也。 也。 有 不 Ħ 沾 館 ,致道途驛騷 知 論 索 舍。 朝 邦謨諂諛 王 恩結客。 妬 無按 賢 飽遺, 毎 廷之恩威, 嫉 買 之歲 人 能, 某 贖貨 朝 事 一八也。 廷 詢 例, 件 陰爲 尚忍言哉 賞 狀。 知 致 其 其得 ____ 之地 意, 有 人,日『由我賞之』,罰 久 請 司 居 罪 均 必致之死,六也。 遞 二也。 馜 故, 政 相 姑舉 斥,以 府 徙 承 擅 奉,而 家舍之。 其 攬 謝 寵 罪之大者言之。 吏 天下。 害政 部 閭 之權,回 閻 縦子 里長 九也。 之財 帝大 人,曰『 老亦 受 日削, /怒,搒 入財,敛 不 雖州 日致 納 由 能 將 四 協 怨 縣 我 之數十 新米, 也。 帥 謀 天 罰 小 之賄 之。 下 吏亦 天 陰 諦 討,上 遣子 制 治皆貨 也。 人皆 佃 以 諫 弟就學。 保安 胎 啓 官, 取 運 邊 伺 君 致 父 財 俾 陲 嚴

| 諫語 南 嵩 向 父子 戟 以 忠義 手詈嵩,復痛哭乃 爲 常。 大節 ,皆大喜。 且縛草爲 歸。 人,象李林甫 塞 語稍 外 人素戆 稍 聞 秦檜 京師 直,又 及嵩 嵩 稔 大 知嵩 恨,思 齊 惡 則 爭詈嵩 有 聚子弟 以 報 攢 錬 以 射 快 之。 錬。 或踔 錬 亦 騎居 大喜 庸 日 關 相 與 ,

以 寇 叉 屬 作文祭死 破破 巡按御史李鳳毛。 先是, 應州 四十餘 許 事者。 論 總督宣、 堡,懼 詞多刺 鳳毛謬謝曰「有之, 罪,欲上 順。 大, 常殺良民冒功,錬貽 ||順 大怒,走私人白世蕃,言鍊結 首 功自解,縱 已陰散其黨矣。」既而代鳳毛者路楷 吏 土 書消 一遮殺避兵 讓。 後嵩黨 人,逾於 死士擊劍習射,意叵測。 楊順 論 爲總督。 錬遺書責 會俺答入 之加切 亦嵩 世 黨 o

部,竟覆如其奏。 敬惑衆,出入漠北,泄邊情爲患。官軍捕獲之,詞所連及甚衆。 十六年九月也。 |公子矣。| 竄鍊名其中,誣浩等師事鍊,聽其指揮,具獄上。 嵩父子大喜。 也。 世蕃屬與順合圖之,許厚報。 順曰:「嚴公薄我賞,意豈未愜乎。」取嫁子袞、褒,杖殺之,更移檄逮襄。 斬鍊宣府市,戍子襄極邊。 兩人日夜謀所以中鍊者。 予順一子錦衣千戶, 楷待銓五品 會蔚州妖人閻浩等素以白蓮 順喜,謂楷曰:「是足以報嚴 前總督論 卿 寺。 適長 時三 兵

持 入市。 後嵩敗,世蕃坐誅。 觀世蕃斷頭訖,大呼曰「沈公可瞑目矣。」因慟哭而 臨刑時,錬所敎保安子弟在太學者,以一 去。 帛署鍊姓名官爵於其

至,掠訊方急,會順、楷以他事逮,乃免。

事中魏時亮、陳瓚亦相繼論之。 隆慶初,詔褒言事者。 贈錬光禄 遂下順、楷吏,論死。 少卿,任一子官。 天啓初,諡忠愍。 襄乃上書,言順、楷殺人媚奸狀。 給

兄言於父,聽之學,然牧不廢也。 心好之。 楊繼盛,字仲芳,容城人。七歲失母。 因語兄,請得從塾師學。兄曰:「若幼 年十三歲,始得從師學。 庶母妒, 何學。」繼盛 使牧牛。 曰:「幼者任牧牛,乃不任學耶?」 家貧,益· 繼盛經 自刻 里塾, 厲。 親里中兒讀書, 舉鄉試,卒業

外郎

律呂之學,手製十二律,吹之聲畢和。 國子監, 徐階 亟賞之。 嘉靖二十六年登進 邦奇大喜,盡以所學授之,繼盛名益著。 士。 授南京吏部主事。 從尙書韓邦奇遊, 召改兵部員 覃思

寇甚。 弱,大辱國,乃奏言十不可,五謬。大略謂: **俺答躪京師,咸寧侯仇鸞以勤王故有寵。** 方請開 互市市馬, 冀與俺答媾, 幸無戰關, 帝命鸞爲大將軍,倚以辨寇。 固思寵。 繼盛以爲讐恥未雪, 鸞中情怯, 遽議和示 畏

無用。 可一。 也。 可 兵突入,或今日 國威不 不可五。 十年以後,帛將不繼。 備之一 互市者,和親別名也。 ·敢肆耳,今知朝廷畏怯,睥睨 往 異時欲號召,誰復興起。 以堂堂中國,與之互市, 往時 下 歲,以互市終,彼謂國 韶北伐,天下曉然知聖意,日夜征繕助兵 邊卒私通境外,吏率裁禁, त्त 明 日復寇;或以下馬索上直。 不可十。 俺答蹂躪我陵寢,虔劉我赤子。天下大讐也,而先之和。不 冠履倒置。 不可 有人乎? 之漸 四。 必開。 今乃導之使與通。 使邊鎭將帥以 不可八。或俺答負約不至;至矣,或陰謀伏 不可三。 不可七。 不可九。 食。 海內豪傑爭磨礪待試, 和議故,美衣婾食,弛懈 忽更之日和,失信於天下。不 俺答往歲深 歲帛數十萬,得馬數萬匹。 不可六。 盜賊伏莽,徒懾 入,乘我 旦委置 無備 兵事。

故

信不給者之無入掠乎。曰「佳兵不祥」。此五謬也。敵加己而應之,何佳也。人身四肢 焉用,且彼寧肯予我良馬哉?曰「市不已,彼且入貢」。此三謬也。夫貢之賞不貲,是名 明 [實大損也。曰「俺答利我市,必無失信」。此四謬也。吾之市,能盡給其衆乎?能 · 苟內修武備,安事羈縻?曰「吾陰市,以益我馬」。此二謬也。 夫和則不戰,馬將 者曰「吾外爲市以羈縻之,而內修我甲兵」。此一謬也。 夫寇欲無厭,其以衅终

陛下宜奮獨斷,悉按諸言互市者,發明詔選將練兵。不出十年,臣請爲陛下竿俺答之 首於藁街,以示天下萬世。 夫此十不可、五謬,明顯易見。 蓋有爲陛下主其事者,故公卿大夫知而莫爲一言。

皆癰疽、毒日內攻、而憚用藥石可乎?

所據,民仰薪二百里外。繼盛召番人諭之,咸服曰:「楊公卽須我曹穹帳亦舍之,況煤山耶?」 簡子弟秀者百餘人,聘三經師敎之。鬻所乘馬,出婦服裝,市田資諸生。縣有煤山,爲番人 止。帝尙猶豫,鸞復進密疏。乃下繼盛詔獄,貶狄道典史。其地雜番,俗罕知詩書。繼盛 **|聶豹、張時||徹議。||鸞攘臂詈曰:「豎子目不睹寇,宜其易之。」諸大臣遂言遣官已行,勢難中** 番民信愛之,呼曰「楊父」。 疏入,帝頗心動,下鸞及成國公朱希忠,大學士嚴嵩、徐階、呂本,兵部尚書趙錦,侍郎

攻鸞 月餘調南京戶 一欲驟貴之,復改兵部武選司。 而 俺答數 部主事 放約 ,三日遷刑部 入寇,鸞奸大露,疽發背死,戮其屍。 員 而 外郎。 繼盛惡嵩甚於鸞。 當是時, 嚴嵩 且念起謫籍,一 最用 帝乃思繼盛言,稍 事 恨鸞凌己, 歲四遷官,思所以 遷諸城知縣。 心善繼盛首

報國。

抵任甫一

月,草奏劾嵩,齋三日乃上奏曰

也。 災皆嵩致,請以嵩十大罪爲陛下陳之。 占曰「大臣專政」。冬日下有赤色,占曰「下有叛臣」。 方今外賊惟俺答,內賊惟嚴嵩,未有內賊 臣 M 直 罪臣,蒙天地恩,超擢不次。夙夜祗懼,思圖報稱,蓋未有急於請誅賊臣者 不去,而 又四方地震,日月交食。 可除外賊者。 去年春雷 **外不聲**, 臣以爲

部題覆,先面白 知 有嵩,不知有陛下。是壞祖宗之成法。 高 皇帝罷丞相,設立殿閣之臣,備顧問視制草而已,嵩乃儼然以丞相自居。 而後草奏。 百官請命,奔走直房如市。 大罪 也。 無丞 相 名,而· 有丞相權。 凡府

陛下,畏嵩甚於畏陛下。 「我救也」;罰一人,曰「此得罪於我,故報之」。同陛下喜怒以恣威福。 下用一人,嵩曰「我薦也」,斥一人,曰「此非我所親,故罷之」。陛下宥一人,嵩曰 是竊君上之大權。 大罪二也。 羣臣感嵩甚於感

下有善政,當必令世蕃告人曰「主上不及此,我議而成之」。又以所進揭帖刊刻

行 世,名曰嘉靖疏議,欲天下以陛下之善盡歸於嵩。 是掩君上之治功。 大罪三也。

所,令其擬上。 輩 **羣聚而** 陛 下令嵩司票擬,蓋其職也。 代擬。 是嵩以臣而竊君之權,世蕃復以子而盜父之柄,故京師有「大丞相、小 題疏方上,天語已傳。 嵩何取而令子世蕃代擬,又何取而約諸義子趙文華 如沈錬劾嵩疏,陛下以命呂本,本卽潛送世蕃

丞相」之謠。是縱姦子之僭竊。

大罪四也。

黨。 矣。 兵陳圭洊統後府,巡按黃如桂亦驟亞太僕。旣藉私黨以官其子孫,又因子孫以拔其私 是冒朝廷之軍功。大罪五也。 效忠以病告,鵠襲兄職。又冒瓊州功,擢千戶。以故總督歐陽必進躐掌工部,總 嚴效忠、嚴鵠,乳臭子耳,未嘗一涉行伍。 嵩先令效忠冒兩廣功,授錦衣所鎭撫

秩。 嵩、世蕃復勾鸞。 **嵩父子自誇能薦鸞矣,及知陛下有疑鸞心,復互相排詆,以泯前迹。** 逆鸞先已下獄論罪,賄世蕃三千金,薦爲大將。 是引背逆之姦臣。 大罪六也。 鸞冒擒哈舟兒功, 至世蕃亦得增 鸞勾賊,而

汝夔逮治, 前俺答深入、擊其惰歸、此一大機也。兵部尚書丁汝夔問計於嵩,嵩戒無戰。 | 嵩復以論救給之。| 汝夔臨死大呼曰:「 | 嵩悞我。」 是悞國家之軍機。大罪 及

七也。

八也。 復 以考察令吏部削其籍。內外之臣,被中傷者何可勝計。是專黜陟之大柄。 郎 中徐學詩刻嵩革任矣,復欲斥其兄中書舍人應豐。 給事厲汝進劾嵩謫典史矣, 大罪

外而在域中。 司 惟賄嵩,不得不掊剋百姓。 凡文武遷擢,不論可否,但衡金之多寡而畀之。將弁惟賄嵩,不得不朘削士卒;有 是失天下之人心。大罪九也。 士卒失所, 百姓流離, 毒徧海內。 臣恐今日之患不在境

彌 之風俗。大罪十也。 縫者爲才能。 蓋嵩好利,天下皆尙貪。嵩好諛,天下皆尙諂。源之弗潔,流何以澄。是敝天下 自嵩用事,風俗大變。賄賂者薦及盜跖,疏拙者黜逮夷、齊。 勵節介者爲矯激,善奔走者爲練事。自古風俗之壞,未有甚於今日 守法度者爲迂疎,巧

遮飾。 爲使。 試詰嵩諸孫之婦,皆誰氏乎。是陛下之爪牙皆賊嵩之瓜葛也。畏科道之多言也,進士 動舉措,莫不報嵩。是陛下之左右皆賊嵩之間諜也。以通政司之主出納也,用趙文華 嵩有是十罪,而又濟之以五奸。知左右侍從之能察意旨也,厚賄結納。 凡有疏至,先送嵩閱竟,然後入御。王宗茂劾嵩之章停五日乃上,故嵩得展轉 是陛下之喉舌乃賊嵩之鷹犬也。畏廠衞之緝訪也,令子世蕃結爲婚姻。陛下 凡陛下言

卿。 部寺中或有如徐學詩之輩亦可懼也,令子世蕃擇其有才望者,羅置 者,先令報嵩,預 非 則 其 諸臣 杯酒結歡、出則 私屬,不得預中書、行人選。 忍負國家,不 爲布置,連絡蟠結,深根固蒂,各部堂司大半皆其羽翼。 **餽讎相屬**。 敢忤權臣。 所有愛憎,授之論刺。 推官、知縣非通賄,不得預給事、御 是陛下之耳目皆賊嵩之奴隸也。 歷俸五六年,無所建白,卽擢京 門下。 科道 史選。既選之後, 雖入籠絡,而 是陛下之臣 凡 有事 ·欲行

唑 內賊旣去,外賊自除。 下聽臣之言,察嵩之奸。 至如大學士徐階蒙陛 雖俺答亦必畏陛下聖斷,不戰 下特擢,乃亦每事依違,不敢持正,不可不謂之負國 或召問裕、景二王,或詢諸閣臣。 而 喪膽矣。 重則置憲,輕則勒致仕。 也。 頋

工皆賊嵩之心膂也。

陛下奈何愛一賊臣,而忍百萬蒼生陷於塗炭哉

嵩揣帝意必殺二人, 植、鄢懋卿忧之曰:「公不覩養虎者耶,將自貽患。」嵩領之。 尚書何鰲不敢違,竟如嵩指成 學益,嵩黨也。 獄 ,詰何故引二王。 疏 入,帝已怒。 受嵩屬,欲坐詐傳親王令旨律絞, 繼盛曰:「非二王誰 比秋 嵩見召問二王語,喜謂 審,因附繼盛名並奏,得報。 、獄、 然帝猶未欲殺之也。 不懾嵩者 可指此爲罪, □獄上, 郎 中史朝賓持之。 其妻張氏伏闕 繫三載, 乃杖之百, 密搆於帝。 會都御史張經、李天寵坐大辟。 有爲 上書,言:「臣夫繼盛 營救於嵩者。 **嵩怒**, 令刑部定罪。 帝益大怒,下繼盛 謫之外。 其黨胡 侍郎王 於是

五五四

列

傳

第九

十七七

楊

丹 以 覆 恩。 誤 報 盆 聞 ì 君 今忽 照千古。 市 父 倘 井 ~。」 嵩屏 之言, 闌 以 罪 入 生平 張 重 尙 經 不 ,必不 狃 奏, 疏 未報恩,留作忠魂補 書生之見, 尾, 可 遂 赦,願 奉旨處決。 以三十四年十 卽 遂發狂 斬 臣 臣 一妾首, 仰惟 論 。」天下相 ·月朔 聖明不卽加戮,俾從 以 聖德,昆 棄西 代 與涕泣 市 夫 誅。 蟲草木 年 傳頌之。 四 夫 + 雖 皆欲得所 遠禦 臨 吏 刑 、魑魅, 議 賦詩 日 必 兩 能 經 奏讞, 迴宸 浩 爲 氣還 疆 埸 顧 俱 太 效死, ,下垂 荷寬

諫諸 也。 保定,名旌忠。 欲 墜 一機盛 臣 及 初 一,以 入獄 機盛 繼盛 意 創 氣 之將 爲首 自 甚。 杖 如 夜 也, 0 朝 半而蘇 贈太常少卿,諡忠愍,予 或遺之蚺 審 時,觀者塞衢,皆歎 ,碎甆盌,手割腐 蛇 膽。 却之曰:「 祭葬,任一子官。 息,有泣 肉。 椒山 肉盡, 自 下 者。 有 筋 膽,何 掛 後七年,嵩敗。 膜,復手截去 已,又從御史郝杰言,建祠 蚺蛇 爲」椒 穆宗 山、繼 獄 卒 立 盛別 執 卹 燈 號 直 顫

吉 能 尚書路迎 士 後 除刑科給 機盛 論 與給 馬市得 事 中。 事 中謝登之、御史會佩建議節財,冗費大省。 罪者,何光裕、龔愷。 偕同 官楊上林、 齊譽請召遺佚。 光裕,字思問,梓潼人。 帝可之, 已而 邊事迫, 嘉靖二十年進士。 :報罷。 命清理諸陵守衞 巡視京營, 改庶 劾

,條上祛弊七事,多報可

屢遷兵科都給事中。 都指揮呂元夤緣得錦衣,總旗王松冒功襲千戶,光裕皆舉奏之。

尚書趙錦 疏辯,帝斥元,下松都察院獄,而奪錦等俸。

手。道不去,則彼有無厭之求,我無必戰之志,誤國事不小。」時帝方嚮鸞,責光裕等借道論 道:「委靡遷就。馬市旣開,復請封號。 仇鸞之開馬市也,命尚書史道主之。 今其表意在請乞,而道以爲謝恩。 況表文非出賊 徇俺答請,以粟豆易牛羊。光裕與御史龔愷等劾

鸞,以探朝廷。杖光裕、愷八十,餘奪俸。光裕不勝杖,卒。 | 愷旣杖,官如故。 尋列靖江王驕恣狀,疏止大征粤寇。 隆慶初,贈太常少卿。 終湖廣副使。愷,字次元,松江

華亭人。嘉靖二十六年進士。

奉 罷兵部尚書趙廷瑞 至,熔等皆懼走,允繩獨不動,因奏之。 命會英國 嚴嵩 楊允繩,字翼少,松江華亭人。嘉靖二十三年進士。授行人。久之,擢兵科給事中。 獨相,有詔廷推閣員。 公張溶、 撫寧侯朱岳、 允繩偕同官王德、沈束陳愼簡輔臣、收錄遺佚二事。 定西侯蔣傳等簡應襲子弟於閱武場。 褫壓職,奪熔、岳營務,罰傳等俸,由是知名。 指揮鄭璽忽傳寇 未幾, 叉劾

列傅第九十七 楊允繩

著爲· 俺答 令。 , 各 入犯 居 諫 具疏 已,又陳禦邊四事,報 了朝議急兵事。 垣 未 自陳 幾, ,聽科道官拾遺; 疏屢上。 允繩請令五 言提學憲臣宜簡行誼,府州縣職宜量地 ग 騰暖 再遷戶科左給 軍都督府、 四衛及錦 府軍前 衣衞指揮以下, 事 中。 衞 謝 及 病 錦 歸。 衣 衛堂 聽兵部考察。 久之,起故 煩 上官, 簡 爲三等, 毎遇 官 詔 考選軍政 皆 皆從之, 報 可。

孑 司 難 重 遺 德 求 也。 待盡 色以 去,犯 三十 督撫莅 事上, 四年九月上疏言倭患,因 之民必 罪欲 任,例路權要,名『謝禮』。 爾縫,失事希芘覆,輸賄載道,爲數不貲。 將挺 督撫靦顏以 而 爲盜,隱憂不止海島 接下。 .推弊原,謂:「近者督撫命令不行於 上下相蒙,風俗莫振。 有 所奏請,佐以苞苴,名『候禮』。 間 也。 督撫 不肖吏又乾沒其間,指 取諸有司 有司,非官 了,有司 及俸滿營遷,避 取諸 不尊、權不 一科十。 小民。有

膏窘 र्ता 仗 可耳,何必精擇,其欺謗玄修如此。」帝遂大怒,下允繩 忠恪。 內訴 先是 ·言:「玄典隆重,所用品物,不敢徒 其 事不實律絞,帝命仍與巽言杖於廷。 冬巡視 了有馬從謙者,以**誇醮**齋杖死。 膏尋以貪墨被劾,誅。 光祿。 光祿丞胡膏偽增 物直, 取充數。 穆宗即位,贈允繩光祿少卿,予一子官。 巽言奪三官,膏調外任。 允繩與同事御史張巽言劾之。 允繩僧臣簡別太精,斥言醮齋之用,取具 及膏部獄。 刑部尚書何鰲當允繩儀 居五 年, 下法 允繩 司 竟死西 按驗。

馬從 謙, 字益之,溧陽人。 嘉靖十年舉順天鄉試第一。 越三年成進士,授工部 主

中孫 出 從謙戍遠邊。帝命廷杖八十,戍烟瘴,竟死杖下。 報。 中官追恨從謙,沮之。 詔 獄。 治二洪,有政績。 月也。久之,光禄寺災,帝曰:「此馬從謙餘孽所致耳。」隆慶初,卹先朝建言杖死諸臣。 九中、御史狄斯彬刻泰,如從謙言。 稍進光祿少卿。 允中,太原人。 所司言誹謗無左証,帝益怒。下從謙法司,以允中、斯彬黨庇,謫邊方雜 後屢遷應天府丞。 改官主客,擢尚寶丞,掌內閣制誥。 提督中官杜泰乾沒歲鉅萬,爲從謙奏發,泰因誣從謙誹謗。 給事中王治、御史龐尙鵬 斯彬,從謙同邑人。 帝方惡人言醮齋,而從謙奏頗及之,怒下從謙及泰 力爭。 而泰以能發謗臣罪,宥之。時三十一年 帝以從謙所犯,比子罵父,終不許。 章聖太后崩,勸帝行三年喪, 職 巡視給 法司擬 事

處之泰然,足使頑 得貶斥,未有苟全者。 贊曰:語有之,「君仁則臣直」。當世宗之代,何直臣多歟! 懦 知 所興起,斯百餘年培養之效也。 然主威愈震,而士氣不衰,批鱗碎首者接踵而不可遏。 重者顯戮,次乃長繫,最幸者 觀其蒙難時

傳第九十七 校勘記

列

校勘記

吏部尚書汪鋐以私憾斥王臣等 王臣、本書卷二〇八城賢傳作「王存」。

賞及方外 方外,原作「外方」。 據明史稿傳八八楊爵傳改。

三 二十二年六月 原作「二十三年六月」,據明史稿傳八九周怡傳、 世宗實錄卷二七五嘉靖二十

二年六月壬寅條改。

29 攬吏部之權 吏部,原作「御史」, 據明史稿傳八八沈鍊傳、 明經世文編卷二九六頁三一一五

沈鍊早正奸臣誤國疏改。

五. 鸞冒擒哈舟兒功 二九三頁三〇八八楊繼盛早誅奸險巧佞賊臣疏改。 哈舟兒,原作「哈明兒」,據本書卷三二八朵顏福餘泰寧傳、 明經世文編卷

明史卷二百十

列傳第九十八

桑喬 胡汝霖 謝瑜 王曄 伊敏 生 童漢臣等 何維柏

徐學詩 莱經 陳紹 厲汝進 查秉彝等 王宗茂

周冕 趙錦 吳時來 張翀 董傳策

鄒應龍 張檀 林潤

遂深入。 天城、陽和兩月間五遭寇。 頻寇躪,喬奏請盡蠲徭賦,厚恤死者家。 桑喬,字子木,江都人。嘉靖十一年進士。 巡撫樊繼祖、總兵官魯綱以下,皆爲喬劾,副將李懋 參將葉宗等將萬人至荆家莊,陷賊伏中,大潰,賊 十四年冬,由主事改御史,出按山西。 所部

及宗等六人並逮治。

列傳第九十八 桑喬

霖指。 乞罷。 尚書嚴嵩及林庭楊、張瓚、張雲皆上負國恩,下乖輿望,災變之來,由彼所致。」疏奏,四人皆 吉囊恣横,邊備積弛。而末言:「陛下遇災而懼,下詔修省。 ,引罪求退而已。嵩負穢行,召物議,逞辭奏辨,陰擠言官,無大臣體。」帝下詔戒飭如汝 **喬尋巡按畿輔,引疾。** 十六年夏, 居戍所二十六年而卒。隆慶初、贈恤如制。 時嵩拜尚書甫半歲,方養交遊,揚聲譽,爲進取地,舉朝猶未知其奸,喬獨首發之。 詔庭棏、雲致仕,留嵩、瓚如故。嵩再疏辨,且詆言者。給事中胡汝霖言:「大臣被 雷震

護身殿,下詔求言。 都御史王廷相以規避劾之,嵩因搆其罪。 **僑偕同官陳三事,略言營造兩宮山陵,多侵** 修省不外人事,人事無過擇官。 逮下詔獄,廷杖,戍 冒,

外。 李乘雲劾文武大臣救火緩慢者二十六人,嵩與焉。帝怒所劾不盡,下詔獄訊治, 汝霖得太平府經歷。 旣謫官,則請解於嵩,反附以進。 累遷至右僉都御史,巡撫甘肅 俱鐫 級調

由庶吉士除戶科給事中。二十年四月,九廟災。

偕同官聶靜、

御史

及嵩敗,以嵩黨奪官。

胡汝霖,綿州人。

嵩 且 言瑜 屢 事 爲 被 謝 解 彈 瑜 擊 劾 学 臣 而 求 如卿,上虞 不 謂 去, 已, 諸 帝 臣 欲 慰留 中無 與 朝 人。 爲 廷爭 瑜 陛 嘉靖十一 言 下 勝」。 任 嵩 事者, 帝於 矯 年進士。 飾 是切責 欲 浮 以 詞 激 、瑜,而 由 欺 聖 南 芒 怒。 . 君 京 慰 上,箝 御史改北。十九年 渝嵩 奸 狀 甚至。 顯 制 然然。」帝 言官 居 留 且 歲 iE 疏 援 一月,禮 不 明 竟 下。 堂 用 大 嵩 部 嵩奏辨, 禮 尙 爲 、南巡 書嚴 相

之! 費供 今瓚 恩麼 將。 壞 二区 者, 故不 億。 與 屢 說 甫 放 郭 大臣 者 加 踰 之流 勛 謂 清政本,天下必不治也。 以盛苞苴者爲才,獻淫樂者爲敬,逐使 月 有 一般嵩、 謀 · |瑜 瓚 之,以 罪 國 形 疏 而 不 貌 言 褫奪不 忠, 魁 全帝舜 胡守中,聖世 梧,足稱 而 武 及, 陛 廟盤 之功也。 下 此 任 遊 福 其福 之四凶 用 佚 將 樂, 失 不易本兵,武功必不競也。 大學 乃一 也。 夫 邊防宜 o 誠 士 身之福, 陛 邊 自 翟 下旬 張 塵不 變起 壞 瓚 而 聳, 邊軍益瘠,邊備 月間 爲 非 廢棄中,授 未 中 軍 甚壞。 海宇 樞, 已誅其二,天下 國之福 冕然, 掌 兵 今聖明 以巡邊之寄,乃優 也。 而 謂 更弛。 天 昔 之福 下 在 舜 翕 上,邊 無 誅 行 可 兵 然 也 四 邊若此,將焉 稱 擇 X 防 聖,何 ,萬世 將 宜 今瓚 游 而 固 曼衍,靡 不 無 天 而 稱聖 並 功 下 反 用 مالا 大 無 m

嵩 主 亦 以 疏 者黜之。 初 入,留不下。 得政,未敢顯 比疏 上 嵩復疏辯, 濟陷、 令如貪酷例除名,瑜遂廢棄,終於家。 ,故瑜得居職 帝更慰諭 如 瑜 故。 復被 未 誰讓。 幾,假他事 然是時帝雖嚮嵩, 貶其官。 叉三載, 猶未深罪言者,

| 禧亦以 從之。 下革 欲陛 避 代之營求,利 事 ·鎮守內臣,誠聖明善政,而勛詆 ,許內臣劾奏,則奸貪自息』。果若勛言,則內臣用事莫如 下盡疑天下士大夫,獨倚宦官爲腹 爲言,勛奏始寢。 瑜抗章奏曰 瑜 之爲 他日 御史也 重賄。 一勛所論諸事 一,武定侯郭勛陳時政, 瑜、隆慶初復官、日贈太僕少卿。 其言『官吏貪濁,由 ,影嚮恍惚,而復設鎭守,則 以偏 心耳目、臣 私。 極詆 陛下無心腹耳目之人在四方』。又曰『文武 在朝百官,孰 大小諸臣不足任,請復遣內侍出鎭守。 不 知勛 視陛 非天子耳目, 正德 其本意所注 下爲何如主。」會給事中朱隆 時,其爲太平極 而 也。 勛詆 勛交通內 以不足 懐奸 ? 任 陛

納。 臣 明 澐 下 年 章 ·其章 年 所 九 月偕 上。 嵩所居第宅,則勛私 居 王 於 曄,字韜孟,) 澐籍沒,嵩第應在籍中。 嵩 所司 同官上言:「外寇陸梁,本兵張瓚及 叉踰月,曄與同官陳愷、三 入內閣。 居兩! 金壇 月, 吏科都給事 人。 人代營之。 復劾瓚, 嘉靖十四年進士。授吉安推官,召拜南京 帝怒, 中沈良才、 因 御史陳紹等章亦上。 踰 及禮部尚書嚴嵩、 月,御 奪敏生等俸 總督尚 史伊 御史喻時等交章刻嵩。 敏生、鄭芸、陳策 書樊繼祖 級 總督侍郎胡 大指皆論嵩奸貪 嵩 、新遷侍郎費宋 不問, 亦云嵩居宅乃 守中 而守中 踰月, 吏科給 與 一而 ·竟由 巨 不 Щ 西 堪 曄疏並 奸 事 一時疏獲 「巡按 重寄 勛 郭 私 勛 及嵩 人孫 二十 相結 罪。

後 子 期 世 蕃, 嵩 語尤 逐 奪 其 剴 官 切 , 帝皆不 |曄 在 臺 省。 嘗 劾 嵩憾甚, 罷 方 面 官三十九 未有 人。 以 中 人,直 也。 久 之, 聲 甚 著 爲 Щ 比 東 歸 僉 , 環 事 給給 堵 蕭 由 然 入都 數 一道病 年 卒。

御 史。

伊

敏

生

元

人。

鄭芸、陳策,

俱莆

田

敏生

官

至

Щ

東

參

政

策,

台

州

知

府

尝,

終

沈 良才 · 泰州人。[言 起家 庶吉 一士,歷· 官 至 兵部侍郎。 三十六年 大計自陳,已 調 南京矣,

嵩 附 批 南京 科 道拾 遺 疏 中 ·, 落 其 職

喻 時 光 Щ 人。 官至 南 京 兵部 侍 鄎。

憾漢臣 捷聞 年,漢臣 知 童 爲 漢臣 漢 與巡撫李珏 嵩所 臣 因言漢 錢 等劾之,得罪。 中 塘 ,莫能 臣 人。 刻 覈 遲延,宜 救 上 由 繼 也。 魏 縣 祖 其 等 並 按 久之,爲泉州知府。 知 失 論 |Щ 縣 事 西 入 嵩 狀。 爲 督諸將 逐 御 章 史。 擬旨鐫 下 撃 吏 寇大入宣府、 却 部 珏 倭賊薄城,有保障功。 俺答之薄太原 階留任 漢臣 前 大同 劾嵩 滴 漢臣 者, 並 總督樊繼祖等掩敗,三以 劾 湖 會方劾嵩 東部尚 廣 終江 布 政 西 書許 司 觸其怒。 副 都 費、費 事 o 舉 亦 明

陳 餘姚 後爲嵩斥罷。

列

四海 及安南問罪之師。帝頗嘉納。 困竭,所在流移,而所司議加賦,民不爲盜不止。因請罷沙河行宮、金山功德寺工作, 何 維柏,字喬仲,南海人。嘉靖十四年進士。選庶吉士,授御史。雷震謹身殿,維柏言 尋引疾歸。 久之,起巡按福建。

修合方藥,邪媚要寵。 二十四年五月疏劾大學士嚴嵩奸貪罪,比之李林甫、盧杞。 帝震怒,遣官逮治。士民遮道號哭,維柏意氣自如。下詔獄,廷杖, 且言嵩進顧可學、盛端明

除名。家居二十餘年。

常,幸御有節。 並擇大臣有才德者與講讀儒臣更番入直。宮中燕居,愼選謹厚內侍調護聖躬, 俾游 處 有 隆慶改元,召復官,擢大理少卿。 非隆冬盛寒,毋輟朝講。 遷左僉都御史。 報閒。 進左副都御史。 疏請日御便殿,召執政大臣謀政事, 母憂歸

罷,維柏倡九卿留之。 自陳、居正從中罷之。卒諡端恪。 何可廢也。」瀚從之而止。 萬曆初,還朝。 歷東部左、右侍郎,極論鬻官之害。 及居正遭父喪,詔吏部諭留。尚書張瀚叩維柏,維柏曰:「天經 居正怒,取旨罷瀚,停維柏俸三月。旋出爲南京禮部尚書。 御史劉臺劾大學士張居正,居正乞 地義,

薄京師。旣退,詔廷臣陳制敵之策。諸臣多掇細事以應。 學詩,字以言,上虞人。嘉靖二十三年進士。授刑部主事,歷郎中。二十九年,修答 學詩憤然曰:「大奸柄國,亂之本

也。亂本不除,能攘外患哉。」即上疏言:

數。 亦安得而盡悉之乎? 子世蕃又兇狡成性,擅執父權。凡諸司奏請,必先白其父子,然後敢聞於陛下。 李鳳鳴二千金,使鎭薊州,受老廢總兵官郭琮三千金,使督漕運。諸如此比,難可悉 警,密輸財賄南還。大車數十乘,樓船十餘艘,水陸載道,駭人耳目。 輩掊克軍民,釀成寇患。國事至此,猶敢謬引佳兵不祥之說,以謾**淸問。近因都城有** 舉朝莫不歎憤,而無有一人敢牴牾者,誠以內外盤結,上下比周,積久勢成。 大學士嵩輔政十載,奸貪異甚。 內結權貴,外比羣小。文武遷除,率邀厚賄,致此 又納奪職總兵官 而其

足以結 掩罪節: 宥,而今皆安在哉。陛下誠罷以子,別簡忠良代之,外患自無不寧矣。 人陰中之於遷除考察之際。 蓋嵩 非。 人歡心,箝人口舌。故前後論嵩者,嵩雖不能顯禍之於正言之時,莫不假事託 權力足以假手下石,機械足以先發制人,勢利足以廣交自固,文詞便給足以 而精悍警敏,揣摩巧中,足以趨利避害,彌縫缺失,私交密惠,令色脂言,又 如前給事中王曄、陳塏,御史謝瑜、童漢臣輩,于時亦蒙寬

列

傅

第

詔獄 先劾嵩者葉經、謝瑜、 帝覽奏,頗感動。 嵩不自安,求去,帝優詔慰諭。 方士陶仲文密言嵩孤立盡忠,學詩特爲所私修隙耳。帝於是發怒,下之 陳紹與學詩皆同里,時稱「上虞四諫」。隆慶初,起學詩南京通政參 嵩疏謝,佯爲世蕃乞回籍,帝亦不許。學詩竟削籍

竟杖殺之。 會考察,屬吏部斥之。 初,學詩族兄應豐以善書擢中書舍人,供事無逸殿,悉嵩所爲。 應豐詣迎和門辭,特旨留用,嵩恚益甚。 居數年以誤寫科書譖於帝, 嵩疑學詩疏出應豐指,

未之官,卒。

贈大理少卿。

復也。 年八月,經指其事刻嵩。 軍表柙謀襲郡王爵, 斥爲民。 由 是慽經。 葉經,字叔明。 穆宗 創重,卒。 叉二年,經按 即位、贈經光祿少卿、任一子官。 提調 嘉靖十一年進士。 秦府永壽王庶子惟燱與嫡孫懷墡爭襲,四皆重賄嵩, 布 嵩懼甚,力彌縫,且疏辯。 山東監 政 使 陳儒 鄉試。 及參政張臬,副使談愷、潘恩,皆謫邊方典史,由嵩報 除常州推官,擢御史。 試錄上,嵩指發策語爲誹謗,激帝怒。 帝乃付襲爵事於廷議,而置嵩不問。 **嵩爲禮部,交城王府輔** 嵩許之。二十 廷杖 經八十, 國將

陳紹終韶州知府。

撫陸杰以顯陵工成,召爲工部侍郎。 厲汝進,字子修,灤州人。 嘉靖十一年進士。 汝進言杰素犯清議,不宜佐司空,並劾尚書甘爲霖、樊 授池州推官, 徴拜· 吏科給事中。 湖廣巡

繼祖不職。不納。

典史。 縣 理,且求援於中官以激帝怒。 丞胡奎等,皆承賂受囑有證。 劉起宗、章丘劉祿合疏言:「兩淮副 明年,嵩復假考察,奪汝進職。 遷至戶科都給 事中。 戶部尚書王杲下獄,汝進與同官海寧查秉彝、馬平徐養正、 帝責其代杲解釋,命廷杖汝進八十,餘六十,並謫雲南、廣西 世蕃竊弄父權,嗜賄張燄。」詞連倉場尚書王暐。 使張祿遣使入都,廣通結納。 隆慶初,起故官。 未至京,卒。 如太常少卿 嚴世 嵩上疏 蕃、府 自 巴

秉彝由黃州推官歷戶科左給 事 中。 數建白時事。 終順天府尹 Q

養正 以庶吉士歷戶科右給 事中。 隆慶中,官至南京工部尚書。

起宗 初除 衢 州 推官。 召爲 戶科給事中。 延綏済饑,請帑金振救。 終遼東苑馬寺卿

五五五五五

列

進士,授行人。三十一年擢南京御史。時先後劾嚴嵩者皆得禍,沈鍊至謫佃保安。 王宗茂,字時育,京山人。父橋,廣東布政使。 從父格,太僕卿。 宗茂登嘉靖二十六年 中外懾

其威, 益箝口。 宗茂積不平, 甫拜官三月, 上疏曰:

部每選,請屬二十人,人索賄數百金,任自擇善地。 嵩本邪諂之徒,寡廉鮮恥。 人持國柄,作福作威。 致文武將吏盡出其門。 薄海內外,問不怨恨。 如吏、兵 此嵩負

國之罪一也。

任私人萬宋爲考功郎。凡外官遷擢,不察其行能,不計其資歷,唯賄是問。 致端

方之士不得爲國家用。 此嵩負國之罪二也。

往歲遭人論劾,潛輸家資南返,輦載珍寶,不可數計。

金銀人物,多高二三尺者。

下至溺器,亦金銀爲之。 不知陛下宮中亦有此器否耶?此嵩負國之罪三也。

又於府第之後積石爲大坎,實以金銀珍玩,爲子孫

百世計。 丽 國計民瘼,一不措懷。 此嵩負國之罪四也。

廣布良田,三遍於江西數郡。

畜家奴五百餘人, 往來京邸。 所至騷擾驛傳,虐害居民,長吏皆怨怒而不敢言

此嵩負國之罪五也。

陛下所食大官之饌不數品,而嵩則窮極珍錯。 殊方異產,莫不畢致。 是九州萬國

之待嵩有甚於陛下。此嵩負國之罪六也。

往歲寇迫京畿,正上下憂懼之日,而嵩貪肆益甚。 致民俗歌謠, 遍於京師 ,達於沙

漠。 海內百姓,莫不祝天以冀其早亡,嵩尙恬不知止。 此嵩負國之罪七也。

而皆爲之爪牙,助其虐燄,致朝廷恩威不出於陛下。此嵩負國之罪八也。 募朝士爲乾兒義子至三十餘輩。若尹耕、梁紹儒,早已敗露。 此輩實衣冠之盜,

重之怒,攖權相之鋒哉。誠念世受國恩,不忍見祖宗天下壞於賊嵩之手也。 臣見數年以來,凡論嵩者不死於廷杖,則役於邊塞。 試問今日之專權者,寧有出於嵩右乎。陛下之帑藏不足支諸邊一年之費,而嵩所蓄積 餉,或缺伍而不補,或踰期而不發,兵奈何不疲。 邇者,四方地震,其占爲臣下專權。 可赡儲數年。 財,去百而求千,去千而求萬,民奈何不困。不才之武將以賂而出其門,則必剋軍之 夫天下之所恃以爲安者,財也,兵也。不才之文吏,以賂而出其門,則必剝民之 與其開賣官鬻爵之令以助邊,盍去此蠹國害民之賊,籍其家以紓患也。 臣亦有身家,寧不致惜,而敢犯九

疏至,通政司趙文華密以示嵩,留數日始上,由是嵩得預為地。 遂以誣詆大臣,謫平陽

縣丞。

父橋官。 方宗茂上疏,自謂必死。 橋竟憤悒卒。 嵩罷相之日,宗茂亦卒。 及得貶,恬然出都。 隆慶初,贈光祿少卿。 到官半歲,以母憂歸。 嵩無以釋憾,奪其

神主 言,愼選侍從。帝又大怒,謫雲南通海縣典史。 其言直,釋還職。是時太子生十一年矣,猶未出閣講學。處極言教諭不可緩,於請早降綸 取譽者,必罪不宥。 ,帝將遣官代祭。 周冕,資縣人。嘉靖二十年進士。授太常博士,擢貴州道試御史。 舉朝悚息,無敢復言,冕獨抗章爭之。 御史鄢懋卿言其不可。帝怒,降手詔數百言諭廷臣,且言更有 冕雖遠竄,意慷慨無所屈。 帝震怒,立下冕韶獄搒掠。 重建太廟成, 奉安 終以 : 脅君

數遷至武選郎中。 楊繼盛劾嚴嵩及嚴效忠冒功事,語侵歐陽必進。 必進奏辯,章下兵

部。冕上言:

已而 效忠曾斬首七級,幷功加賞,應得署副千戶。今效忠身抱痼疾,鴟請代職。 必進及總兵官陳圭奏黎賊平,遣效忠報捷,授錦衣試所鎭撫。 臣奉詔檢得二十七年通政司狀,效忠年十六,因武會試未第,咨兩廣軍門聽用。 未踰月,嚴鵠言兄 臣心疑其

方將覈 實以聞。 嵩子世蕃乃自創一 藁付臣, 屬臣依違題覆 ō 臣 觀其藁, 率誕謾舛

分請得 折之。

例 以 之兄 對敵,脛臂受創,計 止十六、豈能赴戰。 無傳 創 甚疾故,何以鵠代職之日,止告不能受職? ,世蕃之子,則 如效忠曾中武 襲。 如 日 效忠功當幷論,例先奏請,何 臨陣及差委,相 (舉),何初無本籍起送文牒,今又稱民人,而 世蕃數子俱幼,未 何軍 門諸將俱 未 去未一月,何 聞 有名效忠者。 斬 獲 功,獨 止 用 以萬 如 通 日 宰相一孫 如效忠果斬首七級,則 狀, 里 效忠鎭撫當代,則 軍 而逼 情 乃驍 卽 令司官奉行 能 不言武舉? 馳 勇冠三軍 報? 奏捷 如 當 日 加 功止 效忠 效忠果鵠 時 如 狀 日 及 效忠 到京 稱 年

雖 職 不 臣 級 守攸 唯 得 如 亦 罪,死 咨送 不言 要買 臣 關,義不 悉 一; 而 軍門,而 唑 心 無所 廉 下何 非 訪, 敢隱,乞特賜究正,使天下曉然知朝廷有 恨 有 從知 且詭託名姓,破壞祖宗之制,彼蔣應奎、唐國相 纖毫實蹟 初未 其奸。 有名效忠者赴軍門聽 也。 且 自累朝以來,未聞有宰相之子孫送軍 必進既嵩 郷曲、圭又世蕃 用, 鵠 亦非效忠親弟。 不可幸之功、不可犯之法。 姻親,依 軰 阿 何 其姓名乃詭設,首 朋 怪 門報 比, 其效尤 效者。 共為 耶。 一数問。 今嵩 臣 臣

疏奏, 直聲震朝 列 傅 第 ル 廷。 + 八 嵩 父子大懼, 力事彌縫。 周 冕 帝責處報復,下詔獄拷訊,斥爲民。 冕旣得

罪,而尚書覆奏如世蕃指矣。隆慶初,錄先朝直臣,起冕太僕少卿。 遭母憂、未任、卒。

多流傭,乞寬租徭,簡廷臣督有司拊循。」報可。軍興,民輸粟馬,得官錦衣,錦極陳不可。 議設總兵官於鎭江。歸言「小寇剽掠,不足煩重兵。」帝乃罷之。已,疏言「淮 遼數百里,民 尋清軍雲南。 趙錦,字元樸,餘姚人。嘉靖二十三年進士。授江陰知縣,徵授南京御史。江洋有警,

三十二年元旦,日食。歸以爲權奸亂政之應,馳疏劾嚴嵩罪。其略曰:

昔太祖高皇帝罷丞相,散其權於諸司,爲後世慮至深遠矣。今之內閣,無宰相之名,而 可以逭誅。 黜陟,本兵用舍,莫不承意指。 天下事未聞朝廷,先以聞政府。白事之官,班候於其門,請求之賂,輻輳於其室。 繼之怙寵張威,竊權縱欲,事無鉅細,罔不自專。人有違忤,必中以禍,百司望風惕息。 有其實,非高皇帝本意。頃夏言以貪暴之資,恣睢其間。今大學士嵩又以佞奸之雄, 臣伏見日食元旦,變異非常。又山東、徐、淮仍歲大水,四方頻地震,災不虛生。 至宗藩勳戚之襲封,文武大臣之贈諡,其遲速予奪,一視賂之厚薄。以至 邊臣失事,率朘削軍資納賕嵩所,無功可以受賞,有罪 銓司

希寵干進之徒,妄自貶損。 稱號不倫,廉恥掃地,有臣所不忍言者

憚陰中之禍,而忠言不敢直陳,四方習貪墨之風,而閭閻日以愁困。 代嵩受其譽。陛下豈誠以嵩爲賢邪? 其 乘事機所會,從而鼓之以肆其毒。使陛下思之,則其端本發於朝廷,使天下指之,則 人,凡陛下動靜意向,無不先得,故稱旨者多。或伺聖意所注,因而行之以成其私,或 引植私人,布列要地,伺諸臣之動靜,而先發以制之,故敗露者少。厚賂左右親信之 見,嵩柔佞 (事不由於政府。幸而洞察於聖心)則諸司代|嵩受其罰; 不幸而遂傳於後世, 則陛下 奏稿 下天縱聖神,乾綱獨運。自以予奪由宸斷,題覆在諸司,閣臣擬旨取裁而已。 了,并承命於嵩,陛下安得知之。

今言誅,而嵩得播惡者,

言剛暴而 而機深,惡難知也。 嵩窺伺逢迎之巧,似乎忠勤,諂諛側媚之態,似乎恭順。 自嵩輔政以來,惟恩怨是酬,惟貨賄是斂。羣臣 疏淺,惡易

右;欲遏戎寇,則將士不足禦侮於邊疆。財用已竭,而外患未見底寧;民困已極,而內 搜天下之遺逸以任將,行不次之賞,施莫測之威,以風示內外矣。而封疆之臣卒未有 上,用者不賢,賢者不用,賞不當功,罰不當罪。陛下欲致太平,則羣臣不足承德於左 爲陛下寬宵旰憂者。蓋緣權臣行私,將吏風靡,以掊克爲務,以營競爲能。致朝廷之 頃自庚戌之後,外寇陸梁。**陛下**嘗募天下之武勇以足兵,竭天下之財力以給餉,

列

傅

變又虞將作。 陛下躬秉至聖,憂勤萬幾,三十二年於茲矣,而天下之勢其危如此,非嵩

之奸邪,何以致之。

立斥罷嵩,以應天變,則朝廷淸明,法紀振飭。 寇戎雖横,臣知其不足平矣。 臣 .願陛下觀上天垂象,察祖宗立法之微,念權柄之不可使移,思紀綱之不可使亂,

檻車,瀕死者數矣。旣至,下詔獄拷訊,搒四十,斥爲民。父塤,時爲廣西參議,亦投劾罷。 帝震怒,手批其上,謂錦欺天謗君,遣使逮治,復慰諭嵩備至。於是錦萬里就徵,屢墮 當是時,楊繼盛以劾嵩得重譴,帝方蓄怒以待言者。周冕爭冒功事亦下獄,而歸疏適

斤,奏減其半。隆慶元年以右副都御史巡撫貴州,破擒叛苗龍得鮓等。 畏錦,爲効命。 入爲大理卿,歷工部左、右侍郎。嘗署部事,有所爭執。 宣慰安氏素桀驁,

錦家居十五年,穆宗卽位,起故官。擢太常少卿,未上,進光祿卿。江陰歲進子鱭萬

---- 令給事中費尙伊劾錦講學談禪,妄議朝政,錦遂乞休去。居正死,給事、御史交薦,起故官。 書費三陽不可而止。移禮部,又移吏部,俱在南京。錦以居正操切,頗訾議之。語聞,居正 年召拜左都御史。 萬曆二年遷南京右都御史,改刑部尚書。張居正遭喪,南京大臣議疏留。 是時,方籍居正貲產。 錦言:「世宗籍嚴嵩家,禍延江西諸府。 錦及工部尚 居正

私藏未必逮嚴氏,若加搜索,恐貽害三楚,十倍江西民。且居正誠擅權,非有異志。其翊戴

冲 聖,夙夜勤勞,中外寧謐,功亦有不容泯者。 今其官廕贈諡及諸子官職幷從褫革,已足示

懲,乞特哀矜,稍寬其罰。」不納。

尚書。 交章論列,

逐調遵外任。帝幸山陵,再奉敕居守。其冬,以繼母喪歸。

(三)十九年召拜刑部 請旨行之。四川巡按雒遵憾錦,假條奏指錦爲奸臣。 二品六年滿,加太子少保,尋加兵部尚書,掌院事 年七十六矣,再辭,不許。 次蘇州卒。 贈太子太保,諡 如故。 御史周 錦摘陳御史封事可採者數條, 希旦、給事中陳與郊不直遵, 端 肅

官,居正被籍,復爲營救。 **忤嚴嵩,得重禍。** 歸始終厲淸操,篤信王守仁學,而敎 及之官貴州,道嵩里,見嵩葬路旁,惻然憫之,屬有司護視。 人以是稱歸長者。 人則以躬行爲本。 、守仁從祀 孔廟,錦有力焉。 後忤居正罷 始

驟雨,城壞數丈。 妻子趨城 吳時來,字惟修,仙居人。 ,時來悉納之。 時來以勁騎扼其衝,急興版築,三日城復完,賊乃棄去 客兵獷悍好剽掠。 嘉靖三十二年進士。 時來以恩結其長,犯卽行法,無譁者。 授松江推官,攝府事。 倭犯境,鄉民攜 賊攻城,

擢 刑科 給事 中。 劾罷. 兵部尚書許論、宣大總督楊順及巡按御史路楷。 皆嚴嵩私人、嵩

務本。 疾 嵩 死, 因 得 袁洪愈、張墱、行御史萬民英亦嘗屢及之。顧多旁指微諷、無直攻嵩父子者。臣竊謂除惡 方 怒,逮治價 肝 之甚 祥爲 ·憂勞,邊事終不可爲也。」 招 父子私 無罪哉? 或祈遷官, 權示 職 今邊事不振由於軍困,軍困由官邪,官邪由執政之好貨。若不去嵩父子,陛下雖宵 會 意哉。 威 方 事邊臣,人心莫不欣快。 郎, **嵩輔政二十年,文武遷除,悉出其手。** 將遣使琉球, ,頤指公卿,奴視將帥,筐篚苞苴,輻輳山積,猶 皆剝民膏以營私利,虛官帑以實權門,陛下已洞見其一二。言官如給事中 每行一事,推一官,必先禀命世蕃而 他不 · 具論。 遂以命時來。三十七年三月,時來抗章劾嵩 如趙文華、王汝孝、張經、蔡克廉以及楊順、吳嘉會輩, 邊臣朘軍實、饋執政,罪也。 潛令子世蕃出入禁所,批答章奏。 後奏請。 無壓足。 陛下 執政受其饋,朋 但知議 用 所 親萬寀爲文選郎, 出 部臣, 頃陛下赫然震 奸罔 或祈免 贵知皆 上,獨 世蕃

官松江,於是嵩疑階主使。 耳 脫 。」主獄者乃以三人相爲主使讞上。詔皆戍烟瘴,時來得橫州 帝入其言,遂下三人詔獄,嚴鞫主謀者。三人瀕死不承,第言「此高廟神靈敎臣爲此言 胩 張翀、董傳策與時來同日劾嵩。 密奏三人同日搆陷,必有人主之,且時來乃憚琉球之行,借端自 而翀及時來皆徐階門生,傳策則階邑子,時來先又

隆慶初,召復故官。 進工科給事中。條上治河事宜,又薦譚綸、兪大猷、戚繼光宜用之

薊鎭, 言秉仁薦太監李芳,無大臣節,秉仁遂坐罷。 專練邊兵,省諸鎭徵調。 帝皆從之。 撫治鄖陽。 帝免喪旣久,臨朝未嘗發言,時來上保泰九 **僉都御史劉秉仁被劾且調用,時來**

給事中光懋等劾其濫舉。 隆慶二年拜南京右僉都御史提督操江。 會高拱掌吏部,雅不喜時來,貶雲南副使。 移巡撫廣東。 將行,薦所屬有司至五十九人。 復爲拱門生給事中韓

楫所劾,落職閒住。

劄,報聞。

尋擢順天府丞。

繼光所刻,時來亦連乞休歸。 沈淪十餘年。 伯 劉世延怙惡,數抗朝令, 萬曆十二年始起湖廣副使。 晚節不能自堅,委蛇執政間 時來劾之,下所司訊治。 未出都,卒。 俄擢左通政, 贈太子太保,諡忠恪。 連爲饒伸、薛敷教、王麟趾、史孟麟、趙南星、王 歷吏部左侍郎。 時來初以直竄,聲振朝端。 十五年拜左都御史。 尋為禮部郎中于孔兼所 再遭折挫, 誠意

張 翀,字子儀, 柳州人。 嘉靖三十二年進士。 授刑部主事。 疾嚴嵩父子亂政,抗章劾

之。其略曰:

列傳第九十八 張翀

班, 親姻 竊 見 盡朱紫。 大學士||高貴則極人臣, 富則甲天下。 犬馬尚知報主,乃嵩 則 不然。 子爲侍郎,孫爲 臣試以邊防、財賦、人才三大政言之。 錦 衣、 中 書, 賓客滿朝

子 通 流艦 關節,即 國 殺者得轉官。 家所恃 與除 爲屏翰者,邊鎮 授。 其後不論 公肆詆 欺,交相 也。 功次,但動間遺,即被超遷。 自嵩輔政, 販灣。 而 祖宗二百年防邊之計盡廢壞矣 文武將 吏率由 託名修邊建堡,覆軍者得廕 · 賄進。 其始不核名實,但

子 不 饋嵩者六。 ',先饋家 保朝夕。 戶 部歲發邊餉,本以贍軍。 人。 臣 Im 每過長安街, 祖宗二百年豢養之軍盡耗弱 家人嚴年富已踰數十萬,嵩家可 見嵩門下無非邊鎮 自嵩輔政,朝出度支之門,暮入奸臣之府。 矣。 知。 使人。 私藏充溢,半屬軍儲。 未見其父, 先饋其子。 輸 邊卒凍餒, 邊者四, 未見其

靡然成 囊槖。 邊 風 世: 防旣隳,邊儲旣虛,使人才足供陛下用猶不足憂也。 蕃以狙獪資,倚父虎狼之勢,招權罔利, , 有 如狂易。 而祖宗二百年培養之人才盡敗壞矣。 獸攫鳥鈔。[元] 自嵩輔政、藐蔑名器、私營 無恥 之徒,絡繹奔走,

墜 憂者也。 之淵。 箝 陛下誠賜斥譴, 天下口 使不敢言,而其惡日以恣。 以快衆憤, 則緣邊將士不戰而氣自倍, 此忠義之士,所以益腕憤激,懷 附己者加諸膝,異己者 百司庶府不令而政 深長之

自新。

害奏,逮下詔獄拷訊,謫戍都匀。

宜, 剿之。 大理卿,進兵部右侍郎。 部萬羊山跨湖廣、福建、廣東境,故盜藪,四方商民種藍其間。 久乃定。 穆宗嗣位,召爲吏部主事,再遷大理少卿。 **龍聲言搜山,諸藍戶大恐。** 南雄劇盜黃朝祖流劫諸縣,轉掠湖廣,勢甚熾。 以侍養歸。 盜因煽之, 嘯聚千餘人。 隆慶二年春,以右僉都御史巡撫南、贛。 **翀討擒之。** 兵部令二鎭撫臣協議撫剿之 至是,盜出劫,翀遣守備董龍 移撫湖廣。 召拜 所

萬曆初,起故官,督漕運。召爲刑部右侍郎,不拜,連章乞休。卒於家。 天啓初,贈兵

部尙書,諡忠簡。

董傳策,字原漢,松江華亭人。 嘉靖二 一十九年進士。 除刑部主事。

三十七年抗疏劾大學士嚴嵩,略言:

知戒,負恩愈深。 嵩稔惡悞國 ·)陛下豈不洞燭其奸。 居位一日,天下受一日之害。 特以輔政故, 尚為優容, 臣竊痛之。 令自省改。 而嵩恬不

列傳第九十八 董傳策

夫 邊疆督撫將帥欲得士卒死力,必資財用。 今諸邊軍饟歲費百萬,强半賂嵩。 遂

令軍士饑疲,寇賊深入。此其壞邊防之罪一也。

吏、兵二部持選簿就嵩塡註。 文選郞萬寀、職方郞方祥甘聽指使,不異卒隸。 都

門諺語至以「文武管家」目之。此其鬻官爵之罪二也。

侍 郎 劉伯躍以採木行部,擅斂民財及郡縣贓罪,輦輸嵩家,前後不絕。 其他有司

破冒攘傲,入獻於嵩者更不可數計。 趙文華以罪放逐,嵩沒其囊橐巨萬,而令人護送南還。 嵩家私藏,富於公帑。 恐喝州縣,私役民夫,致道 此其蠹國用之罪三也。

路驛騷,公私煩費。此其黨罪人之罪四也。

天下藩臬諸司,歲時問遺,動以千計,勢不得不掊克小民。 民財日殫、嵩貲日積。

於 是水陸舟車載還其鄉,月無虛日。所至要索供億,勢如虎狼。此其騷驛傳之罪五也。

重權,炙手而熱。干進無恥之徒,附羶逐穢,屬集其門。致士風日偸,官箴

日喪。此其壞人才之罪六也。

国 以謝天下,則臣亦何惜一死以謝權奸。 ,中外飲憤。 以蔽欺行其專權,生死予奪惟意所爲。 有臣如此,非國法可容。 臣待罪刑曹,宜詰奸慝。 而世蕃叉以無賴之子,竊威助惡。父子 陛下誠不惜嚴氏

疏入,下詔獄。謫戍南寧。

穆宗立,召復故官。 歷郎中。 隆慶五年累遷南京大理卿,進工部右侍郎。 萬曆元年就

改禮部。 言官劾傳策受人賄,免歸。 繩下過急,竟爲家奴所害。

之者輒得禍,相戒莫敢言。而應龍知帝眷已潛移,其子世蕃益貪縱,可攻而去也,乃上疏曰: 鄒 應龍,字雲卿,長安人。嘉靖三十五年進士。授行人,擢御史。嚴嵩擅政久,廷臣攻

公行。羣小競趨,要價轉鉅。刑部主事項治元以萬三千金轉吏部,舉人潘鴻業以二千 二百金得知州。 工部侍郎嚴世蕃憑藉父權,專利無厭。私擅爵賞,廣致賂遺。使選法敗壞,市道 夫司屬郡夷賂以千萬,則大而公卿方岳,又安知紀極。

年、慕客中書羅龍文爲甚。年尤桀黠,士大夫無恥者至呼爲鶴山先生。遇嵩生日,年 輒獻萬金爲壽。 平時交通贓賄,爲之居間者不下百十餘人,而其子錦衣嚴鵠、中書嚴鴻、家人嚴 臧獲富侈若是,主人當何如。

抑勒侵奪,民怨入骨。 嵩父子故籍袁州,乃廣置良田美宅於南京、揚州,無慮數十所,以豪僕嚴冬主之。 外地牟利若是,鄉里又何如。

擁豔姬,恒舞酣歌,人紀滅絕。 尤可異者,世蕃喪母,陛下以嵩年高,特留侍養,令闆扶櫬南還。世蕃 至鵠之無知,則以祖母喪爲奇貨。所至驛騷,要索百 乃聚狎客,

故。諸司承奉,郡邑爲空。

市,以爲人臣凶橫不忠之戒。苟臣一言失實,甘伏顯戮。嵩溺愛惡子,召賂市權,亦宜 塞彼谿壑。民安得不貧,國安得不病,天人災變安得不迭至也。臣請斬世蕃首懸之於 **亟放歸田,用淸政本。** 今天下水旱頻仍,南北多警。而世蕃父子方日事掊克,內外百司莫不竭民脂膏,

突者不賞也。」帝大怒,立逮至,杖六十,斥爲民。久之,世蕃誅,應龍乃自安。 櫃巡鹽河東,不知帝指,上疏言:「陛下已顯擢應龍,而王宗茂、趙錦輩首發大奸未召,是曲 其子已伏辜,敢再言者,當幷應龍斬之。」應龍深自危,不敢履任,賴階調護始視事。 御史脹 韶獄 爲 乱語,具言嵩父子弄權狀,帝由是疏嵩而任徐階。及應龍奏入,遂勒嵩致仕,下世蕃等 · 雅應龍通政司參議。然帝雖罷嵩,念其贊修玄功,意忽忽不樂,手札諭階:「嵩已退, 帝頗知世蕃居喪淫縱,心惡之。會方士藍道行以扶乩得幸,帝密問輔臣賢否。道行詐

恣 廷議遣大臣有威望者鎭之,乃改應龍兵部侍郎兼右僉都御史巡撫雲南。 隆慶初,以副都御史總理江西、江南鹽屯。遷工部右侍郎。 鎭守雲南黔國 至則發朝弼 公沐朝弼驕

罪,朝弼竟被逮。 萬曆改元,鐵索箐賊作亂,討平之。 已,番人栂潑反,合土漢兵進討,斬獲

各千餘人。

修郤, 已,交兵退,儂兵尚留,應龍命部將楊守廉往 遂劾應龍價事。 人以咎應龍。 至,導者引入,正面爇香,儼若天子。 應龍有才氣,初以劾嚴嵩得名, 令致仕。 應龍聞罷官,不俟代徑歸。 臨安土官普崇明、崇新兄弟搆爭。 巡按御史郭廷梧雅不善應龍,勘如凝言。 驟致通顯。 應龍大駭,効保僭肆,保深銜之。 代者王凝欲自以爲功,力排應龍。 剿。 守廉掠村聚,殺人。 及爲太常,省牲北郊,東廠太監馮保傳呼 崇明引廣南儂兵為助, 應龍遂削籍,卒於家。 儂賊乘之,再敗官軍, 至是,京察自陳,保 崇新 給事 則召交兵。 中裴應章

恨。 帝命復應龍官,予祭葬 十六年,陝西巡撫 王璇言應龍歿後,遺田不及數畆,遺址不過數楹,卹典未被, 朝野所

劾大學士高拱。 張檟 ,江西新城人。 |拱復入閣掌吏部, |櫃已遷太僕少卿, 嘉靖三十八年進士。 居臺中、敢言。 坐不 謹罷歸。 穆宗初,復官。 萬曆中,累官工部右 屢疏抗中官,

侍郎。

蒇 潤挾私。部科交章論王抗朝命,脅言官。 世蕃納其賄,下詔責讓而已。潤因言宗室繁衍, 爲畫計却之。徵授南京御史。嚴世蕃置酒召潤,潤談辨風生,世蕃心憚之。旣罷,屬客謂 鄢懋卿五罪,嚴嵩庇之,不問。伊王典楧不道,數遭論列不悛,潤復糾之。 之曰:「嚴侍郎謝君,無刺當世事。」潤到官,首論祭酒沈坤擅殺人,置之理。已,劾副都御史 一祿不繼,請亟議變通。帝爲下所司集議。 林潤,字岩雨,莆田人。嘉靖三十五年進士。 授臨川知縣。以事之南豐,[10]寇猝至, 典模累奏辨,詆

道路恟懼,咸謂變且不測。乞早正刑章,以絕禍本。」帝大怒,卽詔潤逮捕送京師。 文亦從梧州捕至。 紹庭官錦衣,聞命亟報世蕃,使詣戍所。方二日,潤已馳至。 不臣之心。 視 逃還徽州,數往來江西,與世蕃 上江、備訪江洋羣盜、悉竄入逃軍羅龍文、嚴世蕃家。 會帝用鄒應龍言,戍世蕃雷州,其黨羅龍文潯州。 而世蕃日夜與龍文誹謗時政,搖惑人心。近假名治第,招集勇士至四千餘人。 **逐盡按二人諸不法事,二人竟伏誅** 計事。四十三年冬,潤按視江防,廉得其狀,馳疏言:「臣巡 龍文卜築深山,乘軒衣蟒,有負險 世蕃留家不赴。 世蕃猝不及赴,乃械以行,龍 龍文一詣戍所,即 世蕃子

潤尋擢南京通政司參議,歷太常寺少卿。 隆慶元年以右僉都御史巡撫應天諸府。 屬

更懾其威名,成震慄。 潤至,則持寬平,多惠政,吏民皆悅服。居三年,卒官。 年甫四十。

潤 | 郷郡|||化陷||倭,特疏請蠲復三年,發帑金振卹。 鄕人德之。 喪歸,遮道四十里,爲位

祭哭凡三日。

歎哉。 沈鍊、徐學詩等,而大憝由之授首。蓋惡積滅身,而鄒、林之彈擊適會其時歟。 而不能得君心之一悟。唐德宗言:「人謂盧杞奸邪,朕殊不覺。」各賢其臣,若蹈一轍,可勝 贊曰:世宗非庸懦主也。嵩相二十餘年,貪醟盈貫。言者踵至,斥逐罪死,甘之若飴, 世蕃之誅、發於鄒應龍,成於林潤。二人之忠,非過於楊繼盛,其言之切直,非過於

校勘記

隆慶初復官 原脫「官」字、據明史稿傳八九周怡傳附謝瑜傳補。

同官陳塏 陳塏,原作「陳暟」,據本書卷三〇八嚴嵩傳、明進士題名碑錄嘉靖壬辰科改。下同。

= 泰州人 原作「秦州人」,據明史稿傳八九周怡傳、明進士題名碑錄嘉靖乙未年改

79 秦府永壽王庶子惟燱與嫡孫懷墡爭襲 庶子,原作「世子」。據本書卷一〇〇諸王世表改。

列傳第九十八 林洞 校勘記

明史考證擺逸卷一八: 「按懷墡爲永壽共和王庶長子惟据之子,惟憶乃共和庶六子,不得稱世

子。 此誤庶爲世。」

八五 廣布良田 布, 明史稿傳八九王宗遊傳作市」。

ベン 冕極言教諭不可緩 教諭,明史稿傳八八周冕傳作「渝教」。

以繼母喪歸 繼母,原作「繼父」,據國朝獻徵錄卷四五趙公錦墓志銘改。

言官如給事 中 袁洪愈張墱 袁洪愈,原作「袁洪」,脫「愈」字,據明史稿傳八九吳時來傳補。 本

書卷二二一 有袁洪愈傳。

ナし

獸攫烏鈔

鳥鈔,

原作「鳥鈔」。

禮鄭注『烏鳶喜鈔盜,便汙人』。 嘉隆奏議作『烏鈔』,此誤爲『鳥』。」據改

明史稿傳八九張翀傳作「烏鈔」。

明史考證醬逸卷一八:「按周

以事之南豐 南豐、國朝獻徵錄卷六二林公潤傳作「永豐」,又稱「永豐人爲之刻石紀功。」

明史卷二百十

列傳第九十九

馬永 梁震 祝雄 王效 劉文 周尙交 趙國忠 馬芳

子林 孫炯 爌 飈 何卿 沈希儀 石邦憲

衛指 揮使。 守備遵化,寇入馬蘭峪,參將陳乾被劾,擢永代。 馬永,字天錫,遷安人。 正德時,從陸完擊賊有功,進都指揮同 生而魁岸,驍果有謀。 知。 習兵法,好左氏春秋。 戰柏崖、白羊峪,皆有功。 江彬練兵西內,永當隸 嗣 世 職為 彬, 稱疾避 金吾左

擦崖 乃遷軍 由是永所將獨雄於諸鎭。 當 十三年進都督僉事,充總兵官,鎭守薊州。 守之。 敵 衝,無城堡,耕牧者輒被掠。 錄功,進署都督同 武宗至喜峰口, 知 冰令人持一月糧,營崖表,版築其內。城廨如期立, 欲出塞,永叩馬諫。 盡汰諸營老弱,聽其農賈,取傭直給健卒, 帝注視久之,笑而止。 中路

傅第九十九 馬永

列

亟 得 紀 敢 諸 朝 復擾 調 **%** 盜邊。 軍 鄰 廷赦其 邊。 與 鎭 侍 兵,剋期攻城 元 永 大同 郎 、脅從, 年 迎 胡 擊洪 費往 兵變,殺巡 金 山 恩至 Щ 礦 ,曉譬利 口 會亂 盜 渥 ,而 作 也, 撫張文錦, 平,乃 伏兵 亂。 害, 顧 猶抗 斷 遣指揮康雄 還鎭 懸 其 破格 後 命。 命 与斬 桂 之賞, 今不 勇 獲 討 爲 過 剿, 令賊 平 總兵官往鎭,)當,進· 之, 春 自相 和 右 塞 北寇 其 都 斬 礦。 督。 爲 南牧, 而 功, 已,復 杂顏 議 元凶 將撫之。 叛 把 浴卒勾 馘 見孫 不 其 難 連 驍 永言 結諸 殄 將 也。 禍 把 部 滋 一乃命永 見孫不 大。 逆贼 邀 賞不 宜 干

之報。 俱被 剛 道 御 史丘 乞留,且攜子女欲遂 廷 譴。 永 不 養浩言。「永仁以 上 一交薦。 永竟 負知己,寧負國家? 書 爲 一廢不 陸完請 召至,已就 用。 恤 逃移。 永杜 恤 典,且乞 軍 撫,復還南 門讀 ·, 廉 祈 夫 陸 有 以律 曲 書, 完 賜 議 in 三,固 京 優容,俾還 久 禮獲罪諸臣。 淸 死 約 炎瘴, 如 邊防,却 寒 鎭。」順 非 有 帝 强 久 權 大怒, 敵 之, 天巡 |勢可 軍 用 /無劉澤 民安堵,資彼 託。 奪永官, 薦 愈 永 書南 及給 徒感 寄祿 京 事 或 長 南京 前 御 土 城。 府。 知 史 交章 救之, 後府。 聞 欲效區 大同 永 去, 巡 軍

品

遮

按

部 長 把當孩 四年,遼東兵變。 怒,寇邊,永擊斬之。 罷總兵 官劉淮 其族屬把孫借杂顏兵報響,復爲永所却 ,以永代之。 大清堡守將徐顥 誘殺 泰寧衞 一,復 入犯。 九 中

官

王

水戰敗,永坐戴罪。

伏、張鑑等乘旱饑、倡衆爲亂、諸營軍憚永無應者。伏等登譙樓、鳴鼓大譟、永率家衆仰攻。 遼東自軍變後,首惡雖誅,漏網者衆。悍卒無所憚,結黨叫呼,動懷不逞。 廣寧卒佟

千戶張斌被殺,水戰益力,盡殲之。 事問,進左都督。

調,卒。遼人爲罷市。 至是,竟得其力。 「其家衆足用也。」帝曰:「將須文武兼,寧專恃勇乎。」時曰:「遼土新定,須有威力者鎭之。」 永畜士百餘人,皆西北健兒,驍勇敢戰。遼東變初定,帝問將於李時。 都御史王廷相言:「永善用兵,且廉潔,宜仍用之薊鎭,作京師藩屏。」未及 喪過薊州,州人亦灑泣。 兩鎭並立祠。 時薦冰,且日

|永爲將,厚撫間諜,得敵人情僞,故戰輒勝。 雅知人。所拔卒校,後多至大帥。 尚書 鄭

曉稱永與梁震有古良將風。

延綏 遊擊將軍。 梁震,新野人。 廉勇,好讀兵書,善訓士,力挽强命中,數先登。 襲楡林衛指揮使。 嘉靖七年進署都指揮僉事,協守寧夏興武營。 擢延綏副總兵。 與總兵官 尋充

吉囊、俺答犯延綏,震敗之黃甫川。 尋犯響水、波羅,參將任傑大敗之。 吉囊復以十萬

列 僔 王效却敵鎭遠關,進都督僉事

衝。

震

溶使

深

廣

築

土牆

其上,寇不

復

輕

犯

騎 入寇, 震 大 破 之乾 溝 , 獲首 功百餘。 先後被獎賚。 已, 增俸 等。 乾溝 凡三十里, 當敵

寇入 寇果 贈 議 亂 太子太保,賜 以 兵 犯 震辭 磨子, 爲 入,大破之宣寧灣, 連殺巡 + 震破 憂,移震往 四 年)撫張 進 之牛 都 其家銀幣,加 乞父祭葬, 文 督同 心 錦 山, 震 知,充 素畜健兒五 總兵官李 又破之紅崖兒,斬 斬 級 帝嘉 陝西總兵官。 贈太保、諡 百餘。 瑾。 而 許之。 百人,至則下令軍 寇憤,駐近 繼瑾 武 毛伯 者魯 尋論 壯 獲 甚衆。 溫 綱 黄甫川 邊伺隙。 督 威 師,與震修鎭 進左都督, 不 中 功, 振 , 時車 申 進右都督。 ,兵益驕,文武 約 駕祀 束。 廕 邊諸堡,不 Щ 子 鎭 陵,震伏將 兵素憚震, 明年移鎮 百 大 戶 吏 數月工成。 不 震 敢 大同。 父棟, 士 由 要束。 是帖 於 諸 前 路 服 陣 廷

所 震 歸 日::「 震 凡 守 有 臣 啓釁者 機 以 略 聞 編 謂 號 令明審 之伍 寇不擾邊,我 邊將 前 猶 後 横挑 百 頗 得 一十戰, 邀 其 力。 功 未嘗 也。 少挫。 **今數深入,乃不思** 時率健兒出塞劫 挫 泛耶?! 敵營, 震歿 或議 ()健兒. 其啓釁。 無

薊州 代 震者遼東祝雄 善撫士 一,治軍 肅。 一,起家 寇入塞,率子弟爲士卒先。 世 廕。 歷都 督愈 事。 自 Щ 子少却,行 西 副總兵遷鎮 法不 貸。 大同。 世宗書其名御屏 被 劾 解 職 一起鎭

事 ,充延綏右參將。 王效,延綏 人。 出 讀書能 神木塞,擣寇雙乃山 文辭, 嫻韜略。 斬 騎 射絕 獲 多。 人, 尋擢 中武 延 會試。 綏 副 總兵。 嘉靖 中 , 累官都指

柳門。 十一年冬,進署都督僉事,充總兵官,代周尚文鎭 追北蜂窩山,蹙溺之河,斬首百四十有奇。 璽書獎賚。 (寧夏。 吉囊犯鎭遠關,效與梁震敗之

功多 八百, 險,攖八九萬方張之寇,殊死戰,宜以 官劉文力戰,寇趨青山峴,大掠安定、會寧。 水營功,進右 諸將失事罪。 之安定,再破之靈州,先後斬首百五十餘級。 つ, 執 古囊十萬騎復窺花馬池,效、震拒之不得入,轉犯乾溝。 當寇萬 政尼之, 都督 餘, 給事中戚賢往勘,奏「安、會二縣多殺掠,文當罪。 故賞 功俱足錄。 宼 薄。 以 輕騎犯寧夏,效伏兵打鎧口,俟其半入横擊,敗之,而 御史周鈇 龍亦善 1調度。」 功贖。 以爲言, 韶文奪職,震、效賚銀幣,龍 震乾溝,效鼠湖、沙湖 效方敗別部於鼠湖,追至沙湖,疾移師往援,破 龍、效、震各加 總制三邊尚書唐龍以大捷聞, 級, 震分兵擊,遂趨 然麾下卒僅八千,倍道蒙 、安定、靈州之戰,以 效進都督同 一子入 而巡按 防河卒復 監。 固原。 知 是役 尋 御史奏 以 孤 總兵 清 也 軍

列

傳第

五五八〇

戰 艘邀斬其奔渡者。 捷聞, 進左都督。 寇憤, 設伏誘敗之,貶右都督。十六年移鎭宣府

踰年卒,諡武襄。

效言行謹飭,用兵兼謀勇,威名著西陲。 與馬永、梁震、周尙文並爲名將。

官鎭 寧夏河東,文擊破之。 陝西。 劉文者,陽和衛 大破洮、岷叛番若籠、板爾 人。 積前功,進都督同知。 襲指揮同知。 :諸族,斬首三百六十有奇。十一年,寇西掠還,將犯 屢遷署都督僉事,涼州右副總兵。 後落職,起鎭延綏,改甘肅。 卒,亦諡武襄 嘉靖八年以 總兵

周尙文,字彥章,西安後衞人。 幼讀書,粗曉大義。 多謀略,精騎射。 年十六,襲指揮

同知。屢出塞有功,進指揮使。

之。 宣 鐇 御史劉天和劾中貴廖堂繫詔獄,事連尚文。 反,遏黃河渡口,獲叛賊丁廣等,推掌衞事。 拷掠令引天和,終不承,久之始釋。 關 內回賊四起,倚南山, 尚文次第平

備階州。計擒叛番,進署都指揮僉事,充甘肅遊擊將軍

嘉靖元年改寧夏參將。 尋進都指揮同知,爲涼州副 總兵。 御史按部莊浪,猝遇寇。 尚

文亟 乃從容下馬,解鞍背崖力戰,所殺傷相當。 分軍擁御史,而自引麾下射之,寇乃遁。嘗追寇出塞,寇來益衆。尚文軍半至,麾下皆 尋起故官。吉囊數踏冰入。尚文築牆百二十里,澆以水,冰滑不可上。冰泮則令力士 部將丁杲來援,寇始退。尚文被創甚,乃告

九年擢署都督僉事,充寧夏總兵官。王瓊築邊牆,尚文督其役。 且濬渠開屯,軍民利

持長竿鐵鈎,鈎殺渡者。

之。 寇掠西海,過寧夏,巡撫楊志學議發兵邀。尚文不從,劾解職

革尙文任,亦貶啓秩。吉囊大入,抵固原。天和時已爲總督,激尙文立功。奮擊之黑水苑, 啓劾尚文老詩,兵部請調之甘肅。帝不從,各奪其俸。巡按張光祖言兩人必不可共處,乃 **贅銀幣。尋以總兵官鎭延綏。** 其子號小十王者,獲首功百三十餘。乃以爲都督同知。 尚文優將才,負氣桀傲,所至與文吏競。文吏又往往挫折之,以故彌不相得。巡撫賈 久之, 起山西副總兵。寇由偏頭關趨岢嵐, 尚文轉戰三百里, 破之, 與子**君佐俱傷**, 寇犯紅山墩,力戰敗之,被賚。吉囊復大掠淸平堡,坐奪俸。

兵官鎭大同,請增餉及馬。兵部言尚文陳請過當,方被詔切賣,而尚文與巡撫趙錦不協,乞 驕蹇。 二十一年用薦爲東官廳聽征總兵官兼僉後府事。 尚文面叱,將劾奏之,嵩謝得冤。 調世蕃治中,以避尙文,銜次骨。 嚴嵩爲禮部尚書,子世蕃官後府都 其秋以總

列傳

第九十九

周

文

謀。 休, 舉,犯鵓鴿谷 斬 獲 弗允, 多 乃 一進右 以錦 日 爲 1,將南 都督。 相 出肅 巡撫。 下。 已,寇 御史王三聘乞移之他鎭 尙文備陽 由宣府 吉囊數萬騎犯 和 逼畿甸,出 造騎 前衞。 四 大同塞而 出邀寇。 廷議: 尙文 與戰黑山 北。 寇遁,賜敕奬勞之。 大同 尚文邀之,稍有俘獲。 敵衝,尚文假此避, 殺其子滿罕歹 不宜墮 追至 後寇復大 凉城 其奸

帝 加 益 太保、 嘉 築 陽 其 總督翁萬達議 和 功, **,廕子錦衣世千戶** 以 進左都督,加太子太保,永除屯稅。 西至 Щ 西 築邊牆,自宣府 Y 角山,凡四 終明之世,總兵官加三公者 西 百餘里、敵臺千餘。 陽 和 至大同開 叛 人充灼召小王子寇邊,尚文偵 Щ 口,自延衰二百餘里,以屬尙文。乃 ,尚文一人而已。 斥屯田 四萬餘頃,益軍萬三千有奇。 得其使者,

文 次 答伏兵五 及二子 詹榮規畫戰守備邊,民 野 П 初 君佐 俱 太傅,賜賚有加。 ,伏突起。 ,俺答及吉囊諸 罪 堡旁,誘指 、君仁出塞援, 成,至是以父功得 殊死戰,斬 揮 息 顧 子盛强 相 其年卒,年七十五。 肩者: 圍始解。 等出 其長 數 ,

諸邊歲受其患, 釋。 · 園 年。 一 人。 俺答 之彌陀山。 相及指 尙文 i 數萬 相持 (益招 揮周奉, |月餘| 叛人,孤敵勢,歸者相屬。 尚文急督副總 犯宣府 大同尤甚。 乃引 千戶呂愷 ,萬達傲尚文大破之曹家莊。 去。 自尚文蒞鎭,與總督萬達 尙文設 兵林椿、參將 、郝經等已陣歿。 伏,殺其殿 一十七 呂勇、遊擊李梅 卒而 尚 文 轉 戰 年八月,俺 錄 巡巡 尚 撫

以抗强敵,讒不得入。暨卒,格恤典不予,給事中沈東以爲言。嵩激帝怒,錮東詔獄。 宿將王效、馬永、梁震皆前死,惟尚文存,威名最盛。嚴嵩父子謀傾陷。功高,帝方籍 尚文清約愛士,得士死力。 善用間,知敵中曲折,故戰輒有功。自二十年後,俺答頻擾

立,始贈太傅,諡武襄。

七十有奇。 擢錦義右參將。 命國忠代之。至岔道,至寇已爲周尚文所敗,東走。 亦死,詔國忠戴罪立功。已,坐事被劾,命白衣視事。 尋起西官廳右參將,授都督僉事,提督東官廳。 趙國忠,字伯進,錦州衞人,嗣指揮職。 進都督同知,賜賚踰等。敵以八百騎從鴉鶻關入。都指揮康雲戰歿,裨將三人 連破敵,增秩,賜金幣,進署都督僉事,爲遼東總兵官。 嘉靖八年舉武會試,進都指揮僉事,守備靉陽。 俺答大舉犯宣府,總兵官趙卿不任 守備張文瀚禦敵死,國忠坐解任 國忠命參將孫勇率精卒逆擊於大滹 俺答薄京師,國忠趨 禦敵有功,斬級百

參將李廣等逐出塞,斬擒五十人。 三十一年再鎭遼東。 小王子打來孫以數萬騎寇錦州,國忠禦却之。 寇屢入楡林堡、高臺、蛤利河。 先後掩擊,獲首功百五十 明年入獅子口,督 入衛,壁沙河北。

已,移護諸陵。

寇騎至天壽山,見國忠陣紅門前,不敢入。

傅第九十九 周尚文

列

有奇,進秩一等。尋被論罷。

國忠善戰,射穿札,爲將有威嚴。 歷兩鎭,繕亭障,練士馬,邊防賴之。

獵,虎虓其前,芳一發斃之。乃授以良弓矢、善馬,侍左右。|芳陽爲之用,而潛自間道亡歸 周尚文鎭大同,奇之,署爲隊長。數禦寇有功,當得官,以父貧,悉受賞以養。 馬芳,字德馨,蔚州人。 十歲爲北寇所掠,使之牧。 芳私以曲木爲弓,剡矢射。 俺答

騎辟易十里,斬首凡九十級。 擊將軍。 益力,寇乃去。 之,斬級益多。 鹽場,而以二十騎挑戰。 一秩,爲右都督。 嘉靖二十九年秋,寇犯懷柔、順義。 復以功,超遷都督僉事,隸總督爲參將。 亡何,戰泥河,復大破之。累遷指揮僉事。 衆方賀,芳遽策馬曰:「賊至矣。」趣守險,而身斷後。 尋以功進左,賜蟒袍。 **芳知其**詐,用百騎薄伏所,三分其軍銳,以次擊之。 已,復禦之新平。 偏裨加左都督,自芳始也。 芳馳斬其將,授陽和衞總旗。 寇營野馬川, 戰鎭山墩不利,奪俸。 以功,進都指揮僉事,充宣府遊 剋日戰。 頃之,寇果麕至。 寇嘗入威遠,伏驍騎 芳度寇且遁, 已,襲寇有功,進 奮勇跳盪 急乘 芳戰 一,敵

三十六年遷薊鎭副總兵,分守建昌。 土蠻十萬騎薄界嶺口, 芳與總兵官歐陽安斬首

世總旗。 數十,獲驍騎猛克兔等六人。寇不知芳在,芳免胄示之,驚曰:「馬太師也」遂却。 未幾,辛愛、把都兒大入,躪遵化、玉田。 芳追戰金山寺有功,而州縣破殘多,總督 捷聞,蔭

王忬以下俱獲罪,芳亦貶都督僉事。

擢 一總兵官,以功進二秩。寇薄通州,芳入衞,令專護京師。 尋移守宣府。 寇大入山西, 芳一日夜馳五百里及之,七戰皆捷。 寇退,再進一秩。 已,復爲左都督,就 尋與故總兵劉

漢出北沙灘,搗寇巢。已,坐寇入,令戴罪。

於長水海。 志。芳豫伐木環城,寇至不可上,遂解去。頃之,率參將劉潭等出獨石塞外二百里,襲其帳 擊,大破之。隆慶初,或爲辛愛謀,以五萬騎犯蔚州,誘芳出,而以五萬騎襲宣府城,可得 臺, 敵騎窺者相屬,莫測所爲。明日,芳蹶然起,乘城,指示衆曰:「彼軍多反顧,且走。」勒兵追 亦不可。 四 一十五年七月,辛愛以十萬騎入西路,芳迎之馬蓮堡。堡圮,衆請塞之,不可。請登 還至塞,追者及鞍子山。迎戰,又大敗之。廕子千戶。 開堡四門,偃旗鼓,寂若無人。比暮,野燒燭天,囂呼達旦。芳臥,日中不起,

得 其死力。 |芳有膽智, 語敵情, 所至先士卒。 嘗命三十人出塞四百里,多所斬獲,寇大震。芳乃帥師至大松林,頓舊興和衞, 一歲數出師搗巢,或躬督戰,或遣裨將。 家蓄健兒,

四望,耀兵而還。

懷 軍 創 之不 亦 至, 時 可。 Щ 大 相 陰 同 拒十餘 間 乃 被 將兵出 宼 岢 坐 視宣 日,乃走。 貶三秩,遂 右 府 衞 尤甚。 ,戰威寧海子,破 芳謂諸將曰:「 調 總督陳其學恐擾畿輔,令總兵官趙岢 芳與易鎮 大同 之。 俺答轉犯威遠 非宣 其年,俺答就 府比,與我間 幾破, 撫,塞 會其 上逐 牆耳。 扼紫 學率 無 荆 事 寇不 胡鎭 褟 等救 時至,非大 寇乃 而 縱 掠 芳

要賞 ,聲言渝盟,復 萬 曆 元年, 閱 用芳鎭宣府。 視侍 郎吳百 朋發芳行 七年以疾 乞歸。 賄事 ,勒閒 又二年卒。 住。 已, 起愈 書前 軍 都 督 府。 順 義

|Щ 不 將 大 捷。 與 劉 土木、乾 校 寶 芳起 論 擒 識者多之。 部 行 死 長 莊、岔道、張家堡、得勝堡、大沙灘,大小百十接,身被數十創,以少 ,芳乞寢己廕子, 伍,十餘年爲 數十人, 斬 大帥 馘 無算, 贖二 o 戦膳 將罪,爲御史所劾, 威名震邊陲,爲 房堡、 朔州 登鷹巢、鴿子堂、龍門、萬 時將 敕戒 帥 諭 冠 後世 石州 威復爲將 城 陷 全右衛 副將 擊衆,未嘗 遇芳薄,芳 田 東嶺 世 威 參 不 孤

官。 **撦力克繫獻史**、 林雅好文學,能詩,工書, 一子,棟、林。 車二 棟官 部長, 至都督,無所 林以 交遊多名士,時譽籍甚, 制 敵 見。 功, 進副 林, 總兵。 由父廕累官 二十七年 自許 大同 亦 一參將。 港高 擢 署都 萬曆 督 嘗 僉 陳邊務 事, 二十年, 爲 遼東 策, 順 語 總 義 多 兵

觸文東,寝不行。稅使高淮橫恣,林力與抗。 淮劾奏之,坐奪職。 給事中侯先春論教,改林

戍烟瘴,先春亦左遷二官。久之,遇赦免。

敵,無大將才。當事以虛名用之,故敗。 營,而大清兵已逼。乃還兵,別立營,浚壕三周,列火器壕外,更布騎兵於火器外,他士卒皆 擊于守志、守備何懋官等,皆死焉。 林城外軍望見盡奔。 梯進攻,而別以精騎擊破林軍之營東門外者。 北關兵聞之,遂不敢進。林旣喪師,謫充爲事官,俾守開原。時蒙古宰賽、煖兔許助林兵,林 死者彌山谷,血流尚間崖下,水爲之赤。大淸遂移兵擊飛芬山。 與壕外合而陳,縱精騎直前衝之。林軍不能支,遂大敗。 下馬,結方陣壕內。又一軍西營飛芬山。杜松軍旣覆,大淸兵乘銳薄林軍。見林壕內軍已 遊擊竇永澄監北關軍並進。 與結約,恃此不設備。 遼左用兵,詔林以故官從征。 大清兵據城邀擊,壕不得渡,悉殲之。 其年六月,大清兵忽臨城。林列衆城外,分少兵登陴。 林軍至尚間崖結營浚壕,嚴斥堠自衞。及聞杜松軍敗,方移 楊鎬之四路出師也,令林將一軍由開原出三岔口,而以 尋贈都督同知,進世廕二秩。 軍士爭門入,遂乘勢奪門,攻城兵亦踰城入。 副將麻巖戰死,林僅以數騎免。 林及副將于化龍、參將高貞、遊 林雖更歷邊鎮,然未經强 **愈事潘宗顏等一軍亦覆。** 大清兵設楯

贼, 從王三善至大方,數戰皆捷。 林 Ŧi. 子 燃、熠 (炯/爌 | | | | | | | | | 燃、熠,戰死 已,大敗,三善自殺 尙 間 崖。 炯 炯,天啓 潰 歸。 中湖 得 疾 廣 而 總兵官。 卒。 協討 貴州 叛

唱河。 崇禎 守 移爌等駐 中 右所。 賊犯 八年 十二年六月擢總兵官,鎭守天津。 爌 擾河南。 幼習兵略,天啓中為遼東遊擊。 尋以護陵功,增秩 壽 庄 固 万, 州 始 及巡撫袁崇煥更營制,以 東,兼護二陵。當是時,長、淮南北,專 ,大典檄爌及遊擊張士儀等分戍霍 賊陷 總督朱大典 鳳陽,大掠 命移 級。 駐 而 歸德、 潁 去。 亳。 故官掌前鋒左營。 徐州間有 **爌及守備駱舉率兵入,以恢復告,遂留** 督師閣部孫承宗以其父死 久 之, 事定、還徐州。 移鎭甘肅 丘 地 西南, 以 日朱家 陵 と腹爲 數有功, 扼賊 廠, + 十年,賊犯 五. 重 東下, 土寇據之,時出 0 年督三協 王事,獎用 **爌馳驅數年**,幸無 屢遷至副總兵, 賊遂走六安。 桐城 副 **廣赴教** 將 之, 王 掠。 戍其地。 世 命代王楹 守徐州 龍、王加 破之羅 大典 **爌**剿 失 事 文 滅

疏劾之。 春、魯胤昌等討破叛番,斬首七百餘級, 爌 以 甘州環 移 逗遛 商 攻之。 淫掠 州 帝令察爌堪辨 扼 被 其 北 劾, 爌 與巡撫林 犯 帝仍令戴罪自効 已 而 賊,許戴罪圖 日 傳 瑞 庭 竭力固守。 師 覆 爌 功,否即 明 遂還鎮。 年秋, 撫安三十八族 賊 乘 以賜劍從 傳庭將出關 雪夜坎 未 幾,賊 而 事。 而 還。 陷 登。 及爌至軍 延綏、寧夏, 有傳 其冬, 士卒寒甚,不能戰,城遂陷 賊自 督師 傳 內 遂陷 庭貸 鄉 孫 傳庭檄 窺商、維 蘭 、 其罪。 州 召 渡河 者, 已,復 不 主 抵 檄

爌 日 瑞 及 中 軍 哈維新 姚 世儒皆 死焉。 弟 颰 爲 沔陽 州 同 知 城 陷 亦 死 之。 爌 父子 兄弟並

死國難

從 巡 撫 何 盛 卿 , 應 成 期 都 擊 衞 斬 人。 叛 賊 有 謝 志 文禮 操 習 文義 武 事 0 世宗 IE 德 立 中 , 論 嗣 功, 世 職 進署 爲指 都 揮 指 僉事 揮 僉 • 事 以能了 , 充 左 擢 一參將, 筠 連 守備 協守

村溜

鳥 亦 府 兵 合討 撫 撒 繼 設 餘 誻 賞 嘉 叛 盡 流 卿 靖 番 官。 賊 檄 殄。 窘 卿 卿 初 始 土官安寧擒 皆 ,芒部土含隴政、 與 請 未 滅 錄 副 破 幾, 贖 功 平 使 還 罪 朱 之, 武 政 冠 納 築 茂 州 遺 帶 最 就 卿 以 ,卿次之,賜 黨沙保復 如 獻 責 進 初 都督 人獻首 土婦 0 寧佯 外 五 惡, 支祿 城 叛 年 諾 以 番不 賚 春 o 等叛 困 有 卿 威茂 擢 而 之。 應。 差。 偕 卿 匿 參 政 副 番 旋 卿討之,斬 復 黑 將 總 不 十餘 以 分剿淺溝、渾水二 虎 魏 兵, 出 計 武 五 殘 仍鎭 砦 巡 其 參議 番反 撫 首 衆 松 湯 劫 姚 潘 沐 百 軍 戰 韋 汝 餘 言 饟, 長安諸堡,鳥都 屢 皐 隴 狀, 級,降其衆 一岩殲 等並 氏 捷, 且攻茂 帝 E 之。 遂攻深溝, 進, 絕 奪 卿 州 斬保等 數 諸 改 冠 及 ど部 番 百 一帶 長 鵓 乃 人。 寧諸堡, 焚其 爭 鴿 贼 爲 JII ·獻首 諸 首 鎭 政 碉 番 七 雄 貴 奔

列

等上二人功,詔賚銀幣,進署都督同知,鎭守如故。 久之,以疾致仕 惡,插血斷指耳,誓不復叛。 卿乃與刻木爲約,分處其曹,畫疆守, 松潘路復通。 巡撫潘鑑

素有 部尚書路迎奏卿代之。 保障,軍民頌德,且貧,安所得賄」。 達復薦卿,還其都督僉事,督東官廳軍馬。已而崇禮具言爵貪汚,「卿鎭松潘十七年,爲蜀 倫言卿賄養浩劾爵,自爲地。 蒞鎭二十四年,軍民戴之若慈母。 七十有奇,克營砦四十七,毁碉房四千八百,獲馬牛器械儲積各萬計。 幾,寇逼畿輔,命營盧溝橋。 威望,爲番人所憚。 二十三年,塞上多警。召卿,以疾辭。帝怒,奪其都督,命以都指揮使詣部聽調。 卿再蒞松潘,將士咸喜。 自威茂迄松潘、龍安夾道築牆數百里,行旌往來,無剽奪患。先後 松潘副總兵李爵爲巡撫丘養浩劾罷,詔以卿代。 帝怒,褫卿及養浩官,令巡按冉崇禮覈實。 再以 帝意乃解。 疾歸 乃會巡撫張時徹討擒渠惡數人,俘斬九百 四川白草番爲亂,副總兵高岡鳳被劾。 進署都督同知。 時兵事 給事中許 棘, 翁萬 兵 卿

江 及蘇 三十三年, 、松海防。 倭寇 卿,蜀中名將,不諳海道,年已老,兵與將不習,竟不能有所爲。 海上。 韶卿與沈 希儀各率 家衆赴蘇 松軍 門。 明年充 副 總 兵 爲 總理 巡按御 浙

史周

如斗劾罷,卒。

沈 希 儀 字唐佐 一,貴縣 人。 嗣 世 職爲 奉議 衛指揮 使。 機警有 膽勇, 智計 過絕 於 人。

司 墜 趨 薄, 兵 希儀 進 滑 事 水 署 入。 蛟龍 死 率五 都 正 希 指 德 收所掠 灘廣,濟 希儀 儀 + 百 揰 人駐 策 二年 僉 預 其 事 而還。 以 白 詐, 則 調 難 小 義 面 征 急從 半, 艦 寧賊 圖,欲誘致之滑石。 永安 從副總兵張祐連破臨桂、 載 待 別 寇 勁卒伏葭葦中。 其 隘 臨 以 歸 直 桂, 數 0 抵 百 還巢, 岩去 一賊巢。 人 濤 蛟龍、滑石兩攤各數里。 陳村砦,馬 希儀 乃樹 賊渡 賊倉卒還救, 遂大 追之。 旗 且半, 百 灌陽、 蛟 陷淖 巢有 龍難 乘瀧 古田賊。 中, ٠, 兩 急衝之, 騰而 守以羸卒,然柴以疑之。 破 隘 之。 希儀 賊 上,連 進署都指 荔浦 伏兵其 兩岸軍譟而 以滑石 馘三酋, 賊 八千渡 揮同 灘 使熟瑶給官 前,賊 狹,雖 破 知, 其餘 江東掠, 掌 衆 賊果 衆可 衆 都 多

儀 兩 兵 功最 出 賊 Ŧi. 工其背。 且 哨進。 嘉 合從 一鎮 靖 五 抑之, 起。 希儀 年, 比明 總督姚鎮將討田州岑猛 鏌 將中哨,當 合戰,則 止受賚。 不 從。 所遣軍已立 以希 鏌議 工 堯。 儀爲右參將, 設流官, 工堯, 幟山巔,賊大潰敗。 希儀 賊要地 用希儀計,間猛 分守思、田].日 思 聚衆守之。 恩以 猛 婦翁歸順 流官故,亂 希儀請還鄉治裝,以 走 希儀 歸順,爲璋所執, 夜遣軍三百人,緣山 至今未已。 參將張經代 田 田 州 猛,而 州復 平。 希 分

宁 甫 月 田 州 復叛 歸。 王守仁代,多用 希儀計,思、 田復定。

乃求得 出 鄰巢者悉還之,惟 聚,賊度官軍所 駐 動 在 萬 軍設伏,賊 兵,雖肘 無不 Щ 改 興瑤 中 右 ·, 城 知。 江 腋 通 柳慶參將,駐柳 必至 外五 親近 希儀 販 不 易者數十人,持其罪而厚撫之, 一,遇伏 里卽 取 逮者,往寇之,官軍又未嘗不 不得聞。 謂欲大破 陰 助 賊巢,軍民至無 「輒奔。 、贼者。 州 至期鳴號, 贼,非狼 官軍擊之, 象州 諸瑤盡響伏,無敢嚮賊 兵不可, 武宣 地 則諸軍咸集。 可 無不 闽 融 一, 而 請於 縣 在, 如 使詗 官軍 瑶 志。 反, 制 賊。 令一 素 已, 府。 討 以 罷 賊寇他 人挾 賊 破 爲 調 不 動靜, 之。 ·任戰。 那地 神。 旗 謝病 引諸軍行,不 所,官軍又先至。 狼 希儀得賊巢婦女畜產,果 希儀 兵二千來,戌 又賊耳目徧官府 歸, 亦無不 頃之還 測 知。 故任 所 兵 希儀 往。 遠村僻 稍 閨 振 闥 及 柳 毎

居 悔 中 府言之。 妻,賚以 夜 城 作 中不 銃 贼 希儀初至,令熟瑶 非 酒食繒 以故,賊 賊 出 也。 大駭 至 帛 曉 賊 益 日 膽落,多易面 下 其夫常 一一老沈來矣 無 Щ 得 所 匿 出 則 以 形 入 寂 賊 城 無 希儀 _! 中, 為熟路 情告者,則陰厚之。 人 咸挈 聲。 [毎於風] 無所禁。 妻子 他巢亦 匍 雨 因厚賞其黠者, 晦 然, 匐 冥夜 上山 衆愈益驚。 諸瑤婦利賞,爭勸 门偵賊 兒啼女號, 所 止 使爲課。 潛遣 宿,分 或寒 人入城偵之,則希儀故 遣 其 後漸 凍觸 夫輸 人 齎 **令瑶婦**入 厓石 銃 賊情,或自入 潛伏舍旁。 死,爭 (見其 怨

叉 與 三層賊往 章扶諫者,馬平瑤魁也,累捕不得。有報扶諫逃鄰賊三層巢者,希儀潛率兵剿之,則 劫他所。 希儀盡俘三層巢妻子歸。 希儀俘賊妻子盡以畀狼兵,至 是獨閉之

妻子固無恙。 介飲 食之。 乃共誘扶諫出巢,縛以獻,易妻子還。希儀剜扶諫目,支解之,懸諸城門。諸 使熟瑶往語其夫曰:「得韋扶諫,還矣。」諸瑶聞,悉來謁希儀。 令入室視之,

自是,柳城四旁數百里,無敢攘奪者。

瑶服

养儀威信,益不敢爲盗。

若割瑶、僮分隸之旁近土官,土官世世富貴,不敢有他望。以國家之力制土官,以土官之力 制 而 瑶、憧、皆爲狼兵,兩廣世世無息矣。時不能用。至十六年而有思恩岑金之變。 瑶 僮 希儀嘗上書於朝,言狼兵亦瑤、僮耳。 瑶、僮所在為賊,而狼兵死不敢爲非,非狼兵順, 逆也。 狼兵隸土官,瑶、僮隸流官。 土官令嚴足以制狼兵,流官勢輕不能制瑤、僮。

初,思恩土官岑濬旣誅,改設流官,以其會二人韋貴、徐五爲土巡檢,分掌其兵各萬餘。

之。」因自語「岑氏其復乎。」欲以深動留,留果喜。已,召留密室,言:「予我重賂,即爲金復 人。 時,其會楊留者無所歸,率黨千餘人詣賓州,應募爲打手。希儀在賓,留入言,欲往見小主 夷民不樂漢法,凡數叛。鎭安有男子名金,自言濬子。鎭安土官乃潛召其舊部酋長,出金 而 與之盟曰:「若小主也。」諸會羅拜,擁金歸,聚兵五千,將攻城,復故地,遠近洶洶。濟誅 希儀故患金,及聞留言,益大駭。因好謂留曰:「是岑濬第九子耶?我向征 田州 一固聞

列

傳第九

官。」 叉引 人因 且出出 留 以詣兵備 以 了,復 見。 呼入曰:「韋貴、徐五今分將思恩兵,必讐金,善防之。」留益 門者奔告,請 副使,隨以計漸散其五千人。 無納。 希儀罵曰:「金,土官子,非賊,奈何不納。」引入,厚結之, 卒縛金,留亦自恨死,思恩復寧。 一大信。 已,從總督張 金遂從五千

經

大

破

斷

藤峽

、弩難賊,受賚歸

召中。 希儀署都督僉事 疑 其冬,擢署都督僉事,充總兵官,鎭貴州。復謝病歸。塞上多警,召天下名將至京師,希儀在 不 英 ,規避,褫都督官,令赴部候用。 希 十九 希儀鎭柳、慶,每戰必先登,身數被創,陰雨輒痛劇,故數謝病。至京,亦以病辭。 儀 鎭 年 柳 復謝病,柳人祀之山雲祠。 、慶久,渠魁宿猾捕誅殆盡。 以往 翁萬達薦其才。 旋起四川左參將,分守敍、瀘及貴州迤西 先後擣巢,斬馘積五千餘級,未嘗悉奏功,故多 會江、淮多盜,議設督捕總兵官,乃復 諸

徭賦, 州、陵水黎討之,分兵五道。 爲令。 何幷誅,益樹敵。莫若止三道。」必進從之。希儀乃偕參將武鸞、兪大猷等直入五指山下, 知州邵濬虐取之。 十六年以爲廣東副總兵。命自今將領至自川、廣、雲、貴者,毋推京營及西北邊,著 從總督張岳大破賀縣賊倪仲亮等,予實授,仍賚銀幣。 其會那燕遂結崖州、感恩、昌化諸黎爲亂。 希儀適病,最後至,謂必進曰:「萬州、陵水黎未有黨惡之實,奈 瓊州五指山熟黎素畏法,供 總督歐陽必進議幷萬

斬 總兵官。 那燕及其黨五千四百有奇,俘獲者五之一,招降三千七百人。 復從岳 平銅仁叛苗龍許保、吳黑苗。 又以病歸。 倭寇 海上,命督川、廣兵赴剿。 捷聞,進都督同知,改貴州

無功,爲周如斗劾罷。

危病, 卒多自戕以禱於神。 **儀爲人坦率,居恒謔笑,洞見肺腑。** 最後一人,至以箭穿其喉。 及臨敵,應變出奇,人莫測。 其得士心如此。 尤善撫士卒。

遂進署都督僉事,充總兵官,代沈希儀鎭貴州 老備、老僅等執許保送軍門,而黑苗竄 不克,還過省溪。 憲急邀,奪之歸 Щ 以銅仁賊巢穴,而邦憲有謀勇,乃奏留之。 充 等者,搜戮殆盡。 銅仁參將。 石 邦憲,字希尹,貴州清平衞人。嘉靖七年嗣世職爲指揮使。 苗龍許保、吳黑苗叛,總督張岳議征之, 坐是停俸戴罪。 千戶安大朝等邀之,斬獲大半,盡奪其輜重,賊不 上功,邦憲第一。未及敍,而許保等突入思州,執知府李允簡以去。 賊旣破思州,復糾餘黨,與湖廣蜡爾 如故。 邦憲遂與川、湖兵進貴州, 復以計購鳥朗土官田興邦等斬黑苗,賊盡平。 而賊陷印江、石阡, 累功,進署都指揮僉事 能 山苗 軍。 破苗砦十有五。 邦憲坐逮問。 合,欲攻石阡。 邦憲乃使使購 邦 竄

列

傳

第

湖 廣 兵分 臺黎岩苗 道 討 破之, 퇢 保倡 傳檄 亂 7 四川 十八八 容山、廣西洪江諸苗 許執 首惡贖 罪。 應之。 諸苗 聽 遠近 撫、設 騒然, 盟 受約 撫 剿 丽 莫能 還 定。 邦 憲與

賊至 之。 縱 調 水 火,斬關而登,賊 西 眞 播 擊敗之。 兵攻烏江,聲楊烈 州 州 宣 苗 盧 慰 阿項 楊 賊求 烈 為 大奔潰 殺長官王黼 援於 亂 縱 播州吳鯤。 Ξ ,擒賊首父子 鯤 邦憲以兵七千編 助逆罪 E 編集 諸將 烈奚暇救人乎。」已,水 ,斬獲 李保等治 懼, 四 邦憲日 筏渡江, 百七十餘人。 兵 相 「水西宣慰安萬銓, 直 攻 抵 且 磨子崖。 西 十 進署 兵至。 年, 都 總 策 督同 邦 賊 督 憲進 必夜 播 馮岳 知 州 逼 襲 所 與 其 邦憲討平 畏 (巢,乘 先設備 也。 風 吾

奎走 遂 老天、扳凳苗 魁 入 龍停砦,并執 免, 復 ,降百餘砦 破 地隆 與 歼 老天等攻破平南營囤 石章保等縱兵掠,執石 叛苗 扳凳砦苗 四柴, 叉破 龍老丙,令執獻章保。 答千諸砦, o 耶洞土官妻冉氏 邦憲偵冉氏 擒其渠魁。 在 於是諸苗悉降。 老 以歸,攻梅平砦。 地隆阡遺賊龍老三、龍 夭所,陽議贖, 白洗、養鵝諸苗叛、討擒 丽 潛 官 軍 擊殺老天。 要 得 擒 奎結龍 老三 官 停 苗 軍 得

平, 獲賊首龍老羅、王三等,餘黨盡平。 湖廣 (激浦 都匀 瑤沈亞當等爲亂,總督石勇檄邦憲討之,生擒亞當,斬獲二百有奇。 苗相 煽叛。 邦憲 **亟馳還**, 又與總督黃光昇, 率守備安大朝進剿。 修湖北墩臺、烽堠百十所,招降 先破彪山 乘勝 略 浦甫 定諸 漵

冷水溪諸洞苗二十八砦。

進右 賊沿 大雨,迷失道。 一十年。 都督。 江 播 守。 州 問 容 亦 邦憲佯與爭,而別自上流三十里編竹以渡。 Щ 糾 副 守備 黨 長官土舍 自 葉勛 助。 、百戶 韓 邦憲討之,斬百餘 甸 魏國相等陷伏 與正長官土舍張問相 中, 人。 死焉。 問潛出 攻, 水陸並進,大破之。 甸屢 邦憲奪圍出, 被 獲。 勝, 官軍 逐糾 還軍 乘勝 生苗剽湖 · 鎭遠。 入甸 斬甸 貴 容山 再 境, 會暮, 征之, 垂

矣。」國力 等。 魚 恃衆跋 爾 部 尋 亨 內 爾兵孰 扈,謁上官,辭色不善, 與巡撫吳維嶽招降平州叛會楊 帖 加 然 頭 與雲、 謝 ,爲斂戢。 貴、川、湖多? 隆慶元年剿平鎭遠苗。 輒鼓衆灌課一 爾四十八酋長,吾 珂,剿平龍里衞賊阿利等。 而 出。 邦憲召責之曰:「爾欲反耶? 已,又破誅白泥土官楊贊及苗會龍 鑄四十八印 當是時,水西宣慰安國亨 畀之。 朝下令, 吾視 爾釜 夕 力 滅 水 爾 中

十有 沈 希 儀 邦憲 並 稱 所 生 得 長 黔土, 俸 時名將。 :賜,悉以饗士,家無贏資。 熟苗情。 明年卒官。 善用兵,大小數十百戰, 贈左都督。 爲總兵官十七年,威鎭 無不 摧破。 **一種中。** 前後進 與 秩者四, 四 JII 何卿、 **資銀幣** 廣西

歡 得 在朝柄政重人,宜其齟齬不相入也。 士卒死力,雖古名將何以加焉。 :嗚呼,明至中葉,曷嘗無邊材哉!如馬永、梁震、周尙文、沈希儀之徒,出奇制勝, 然功高賞薄,起蹶靡常。 馬芳三代爲將,父子兄弟先後殉國,偉矣哉! 此無異故,其抗懷奮激,無以結

校勘記

大清堡守將徐顥誘殺泰寧衞九人 大淸堡,原作「太淸堡」, 泰寧衞,原作「大寧衞」,據本書卷

寧鎭城北。 三二八及明史稿傳二〇一杂顏福餘泰寧傳改。 又洪武間, 先后置大寧左右中前后五衛, 按明會典卷一三三遼東邊圖有「大淸堡」, 屬北平行都司。 永樂初, 在

定, **遂盡遺大寧地** 與杂顏 福餘 泰寧。 見本書卷四〇地理志、 卷九〇兵志及卷三二八朵顏福 徙行都司於保

泰寧 傳。 嘉靖十四年 大寧 衛在保定府境內, 徐顥所誘殺者當非內地大寧衛人,而是泰寧衛人。

自宣府西陽和 至大同開 Щ 口 開 Щ 口,原作 「關山口」, 據本書卷一 九八及明史稿傳七四翁萬

達傳改正。

= |俗注稱: 至岔 道 「舊有邊牆, 岔 道,原作「坌道」。據明史稿傳九〇周尚文傳改。 東達大小紅門、 岔道 諸 處 謂之南山口, 按讀史方輿紀要卷一 宣鎭之內阻也。」作「岔道」是 八宣 府衞 棒

棰

記

2.9 萬 曆元 年 原脫「萬曆」兩字。 按上文稱「其年,俺答就無 ۰---本書卷一 九穆宗紀, 俺答就撫在隆

慶五年三月,下一 個元年卽萬曆元年,據補。

Ħ. **₩** 播州宣慰楊烈殺長官王黼 王黼, 本書卷三一二、 明史稿傳一 八六播州宣慰司傳及世宗實錄

卷四二 四嘉靖三十四年七月己酉條都作「王黻」。

ヘベン 眞州: 苗 盧阿項為亂 眞州、原作「播州」。 本書卷三一二、明史稿一八六播州宣慰司傳並作「真

州。 按下文稱「賊(指盧阿項等)求援於播州吳鯤」,播州宣慰司傳稱阿盧項等被討平爲

[與州

盗平」,此應作「眞州」,今改正。

明史卷二百十二

列傳第一百

兪大猷 盧鐘 湯克寬 戚繼光 弟繼美 朱先 劉顯 郭成

李錫 黄應甲 尹鳳 張元勳

百戶。 萬,可使合爲一人也。已,又從李良欽學劍。家貧屢空,意嘗豁如。父歿,棄諸生,嗣 湯推行兵家奇正虛實之權,復從受其業。嘗謂兵法之數起五,猶一人之身有五體, 俞大猷,字志輔,晉江人。少好讀書。受易於王宣、林福,得蔡淸之傳。 又聞趙本學以 雖將百 世 職

南,復上書陳方略,請從軍。 海寇頻發,上書監司論其事。 舉嘉靖十四年武會試。 除千戶,守禦金門。 伯溫奇之。會兵罷,不果用。 監司怒曰:「小校安得上書。」杖之,奪其職。 軍民囂訟難治,大猷導以禮讓,訟爲衰止。 尚書毛伯溫征安

列傳第一百 俞大猷

愈書· 易軒,與諸生爲文會,而日教武士擊劍。 武人待子。」下堂禮之,驚一軍,然亦不能用。大猷辭歸,伯溫用爲汀障守備。 而親 之,賊益驚。 率數 廣東. 會伯溫爲尙書,送之宣大總督翟鵬所。召見論兵事,大猷屢折鵬。 一十一年, 、都司。 入偏詣賊峒, 乃詣 俺答大入山西, 新興恩平峒賊譚元淸等屢叛,總督歐陽必進以屬大猷。 何老猫峒,今歸民侵田,而招降渠魁數輩。二邑以寧。 曉以禍福,且敎之擊劍,賊駭服。 詔天下舉武勇士。 連破海賊康老,俘斬三百餘人。 大猷詣巡按御史自薦, 有蘇青蛇者,力格猛虎,大猷紿斬 鵬謝曰:「吾不當以 乃令良民自爲守, 擢署都指揮 御史上 **涖武平**,作讀 其名兵

等州 舟。 統使莫福海卒,子宏瀷幼。 降,且聲言大兵至。 正 中敗,挈百餘人來歸。 領海 追戰數日,生擒子儀弟子流, 事平,嚴嵩 二十八年,朱紈巡視福建,薦爲備倭都指揮。 騷 動。 抑其 必進檄大猷討之。 賊不測、果解去。 功不敍,但賚銀五 子儀收殘卒遁海東。 其大臣阮敬謀立其壻莫敬典,范子儀謀立其黨莫正中,互讐殺。 斬首千二 馳至廉州,賊攻城方急。 無何,舟師至,設伏 十兩而 一百級。 己。 至是妄言宏瀷死,迎正中歸立。 會安南入寇,必進奏留之。 窮追至海東雲屯,檄宏瀷殺子儀函首來 冠頭嶺。 大猷以舟 賊犯欽州, 師未集, 先是,安南都 大猷遮 剽掠欽、廉 遣敷騎諭 奪其

是年

瓊州五指山黎那燕搆感恩、昌化諸黎共反,

必進復檄大猷討。

而朝議設參將於

大猷 崖州 言於 ,即以大猷任之。 必進 日:「黎亦人也, 乃會廣西副將沈希儀諸軍,擒斬賊五千三百有奇,招降者三千七百。 率數年一 反一征, 豈上天生人意。 宜建城設市,用漢法雜治

之。 固 徵諸道兵未集,賊犯金山,大猷戰失利。 之。」必進納 金 **贅銀幣**。 士 事停俸。 一攻之, 不可。及永順、保靖兵稍至,乃從經大破賊於王江涇,功爲趙文華、胡宗憲所攘,不敍。坐 Щ 失律,謫充爲事官 復攻陷紹 半登,賊突出,殺武舉火斌等三百人,坐戴罪辦賊。 賊自健跳所入掠,大猷連戰破之。旋代湯克寬為蘇松副總兵。所將卒不三百人, 未幾, 一年,倭賊大擾浙東。 其言。 興臨山衞,轉掠至 逐賊海中,焚其船五十餘,予俸如故。越二年,賊據寧波普陀。 大猷 乃單騎 入峒,與黎定要約,海南遂安。 一松陽。 詔移 大猷寧、台諸郡參將。 知縣羅拱辰力禦賊,而大猷邀諸海,斬獲多,竟坐失 時倭屯松江柘林者盈二萬,總督張經趣之戰,大猷 俄敗城吳淞所,詔除前罪,仍 會賊破寧波昌國衛, 大猷擊却 大猷率將

之境, 者,沉七艘, 賊乃退泊三板沙。 直 抵婁門,敗南京都督周于德兵。 柘林倭雖敗,而新倭三十餘艘突青村所,與南沙、小烏口、浪港諸賊合,犯蘇州陸涇壩, 出入太湖。 大猷偕副使任環大敗賊陸涇壩, 頃之,他倭犯吳江。 賊復分爲二,北掠滸壓,南掠橫塘,延蔓常熟、江陰、無錫 大猷及環又邀破之鸞脰湖,賊走嘉興。 焚舟三十餘。 又遮擊其自三支浦出海

列

傳

第

鸛觜 其 林 退 兵分 擊 人 三板 於 失 、登岸 登 世 撃於 茶 7, 焚巨 廕 陸 風 沙 遂 一走據 責 Ш 賊 賊 與 馬蹟 已,復 掠 九舟巢於 焚五 艦]][取 民 沙 死罪招 華亭陶宅鎭, 舟將 馬 窪 泛舟 舟。 斬獲 一賊合。 圖 Ш **遁,大**猷 出海。 一、寶山 賊 , 立 沙窪 無算。 走保 功自贖。 諸 糾 屢敗 大猷 追 馬蹟山、三板沙 軍日夜擊, 餘賊 值颶風 合 一擊於馬蹟山,擒其魁。 趙文華等大軍。 至四十 及 時周浦賊圍 奔上海 作,贼舟 賊 董邦 餘艘,勢猶未已。 浦 焚巢出 東 一將士復 多覆。 政 急,乘夜東北 分擊,獲 海。 夜屯 追及, 柘林 金涇、許浦、 周浦永定寺, 大猷偕副 九 倭 巡撫 舟。 壞其三舟。 奔, 亦 爲官兵 曹邦 爲 使王 而 白茅港 遊 賊 崇古 官兵四集 輔劾大猷 擊曹克新 又遭風 所擊沉 江陰蔡港 贼 入洋追之, 壞三舟, 俱 三十 進圍 縱賊,帝怒,奪 所 出 邀, 倭 海, 餘 之。 亦 舟, 及於老 斬首 餘 大猷 去, 餘 而 百 賊 官 百 追 柘

歸 大猷 僉 , 而 事 賊 才。 初 [][走 海 以 陶山, 三十五年三 旣 貴 倭患急,特命都督 諸軍益競, 平 所 ·) 浙 訓 詔還 麻寮、大刺、鎭溪、桑植 西倭悉靖。 世廢。 月遂罷 進焚其栅,賊多死,其逸出者復殪,賊盡平。 賊自黃浦 劉遠 遠, 獨寧波舟 以大猷 爲 浙 遁 江 Щ 出海,大猷 兵六千始至。 代。 總兵官,兼轄蘇 倭 負險,官兵環守不能克。 賊犯 西庵 追敗之。 大猷乘大雪, 、松諸郡,數月無所爲。 沈莊 其 年冬,以與 及淸水窪。 匹 是時土兵 加大猷署都督同知 面 了攻之。 平徐海 大猷偕 財死戰, 狼兵悉已遣 功,加 廷臣 邦 政 擊 敗 殺 督

海 等遂據 明 年, 胡宗憲方圖汪直,用盧鏜言將與通市, 舟山 ,阻岑港自守。 大猷環攻之,時小 勝。 大猷力爭不可。及直誘入下吏, 然苦仰攻,將士先登多死,新 其黨 倭 又大

舟成,泛海去。 五千,贼幾平。 光 職,期一月內平賊。大猷等懼,攻益力,賊益死守。三十七年七月乃自岑港移柯梅,造 朝廷趣宗憲甚急,宗憲謾爲大言以對。 大猷等横擊之,沈其一舟,餘賊遂揚帆而南,流劫閩、廣。 而官軍圍賊已一年,宗憲亦利其去,陰縱之,不督諸將邀擊。 廷臣競詆宗憲,並劾大猷。 乃奪大猷及參將戚 大猷先後殺倭 比為御史李瑚 四

所刻,

則委罪大猷縱賊以自解。

帝怒,逮繫詔獄,再奪世廕。

掠廣 遂置兵車 軍 武,大猷 ,即用爲鎭筸參將 事。 陸炳與大猷善,密以己資投嚴世蕃解其獄,令立功塞上。 營。 乃造獨輪車拒敵馬。 拒却之。 京營有兵車, 先論平汪直功,許除罪錄用。 自此始也。 嘗以車 百輛,步騎三千,大挫敵安銀堡。 文進將襲板升,謀之大猷,果大獲,詔還世廕。 及是,鎭筸有警。 大同巡撫李文進習其才,與 川湖總督黃光昇薦 文進上其制於朝, 尨

以數萬 時宗 廣 衆從一 東 憲兼 饒平城張璉數攻陷城邑,積年不 夫浪走哉。」乃疾引萬五千人登柏嵩嶺,俯瞰賊巢。 制 江西,知璉遠出,檄大猷急擊。 能平。 大猷謂「宜以潛師 四十年七月詔移大猷南齡, 搗其巢,攻其必救, 合閩、 大猷連破之, 廣兵討 奈何

列

亦 勝 功,大猷 爲 征 徐 程 甫 鄉 不 宰所 白 與 餘 較。 走 滅 級 梁寧 0 散餘 大 賊 ,擒 猷 懼 黨 葬 徐 不 擢 東 一萬,不 出 福 洲 建 用 戮 總 林 間 兵官, 一 人。 朝 誘 曦 璉 者 與 出 擢 戰 戚 獨 副 繼 約 總 從 光 黄 兵, 陣 復 積 後 興 協 川 化城 執 守 大 之, 南 舉 , 0 共破 籟 幷 官軍 執 汀 海 賊 攻斬 漳 倭。 魁 蕭 惠 積 詳 雪 Щ 繼 潮 光 諸 朝曦傳 郡 廣 人 遁 攘 繼 遂 後 乘 其

三 懾 平: 伍. **先登,受上** 未 詔 金 大 自 平 破 縛 端 羣 幾 等 錫 伍 一、乞殺 之海 繼 盜 復 都 四十二年 遁 保 溫 端 叛 至 七 單 溫七 豐。 大猷 賞, 南澳。 賊 倭 戰 騎 造 自効 失 逐大潰 入紹祿 戦 大猷 十月 重 倭 葉 艦 悉 利 之兩 ō 几 丹 數 徙 奔 但 + 樓 大 營, 百 鎭 月,賊 以 賚 崎 猷 輩 四 乃 沙 南 銀 年秋 兪 督 聚 移 使 日 籲 幣 甲 先 衆 食 使 掠 師 家 入 萬 潮 盡 子 驅 軍 惠 歸 明 犯 餘 州 諸 峒 至,恐之,端 官 欲 潮 年 澳, , 福 以 軍 走 改 因 間 建 奪 次 繼 令 廣 降 漁 城 之, 把總朱璣等戰 驅 副 圓 東 藍 舟 守 道 則 將 重 入 乃 松三、葉 潮州 之, 程 湯 輝 驅 海 倭 克 歸 紹 行 鄒 誻 寬 倭 , 祿 舟 劫 塘 脋 設 兩 亂 丹 没於 多 濱 以 萬 人 伏 延 樓。 沒 卒 歸 海 邀 平 與 於風 日 爲 諸 海 之, 大 , 遂 夜 他 梁 郡 無 盜 中 使招 克三巢, 縣 手 ,脫者一 何 將 道 吳 , 斬 所 輝 大猷 平 大猷 降吳平,居 其 滅 擾 稲 相 泉將 建 將 汀 掎 一千餘 焚 果 總 惠 州 水 角 至, 斬 三人。 兵官 州 兵, 人,還保 匹 之 七 參 大 而 百有奇 猷 繼 梅 被 將 諸 戚 光 參 擒 繼 嶺 謝 以 峒 將 將 光 海 威 藍 敕 端 豐 陸 襲 平 叉 與 名 松

李超等躡 兵,夾擊平南澳,大破之。 賊後,連戰不利,严遂掠民舟出海。 平僅以身免,奔據饒平 閩廣巡按御史交章論之, 鳳 凰 川 繼光留南澳。 大猷坐奪職。 大猷部將湯克寬

爲克寬所追擊,遠遁以免,不敢入犯矣。

廣並 大 西 間 之,其部下執 攜 帥,罷勳 總兵官。 置 賊黨 河源、翁源賊李亞 帥, 而 臣。 故事 親 自大猷 以獻。 搗 乃召恭順侯吳繼爵還京, 少以 其巢,生擒 及顯 勳 進署都 元等猖獗。 臣 始 總 也。 督 亞元,俘斬一萬四百, 兩 廣兵,與總督同鎮 同 伍端死, 知 總督吳桂芳留大猷討之,徵兵十萬, 以大猷 其黨 王世橋復叛,日 梧州 代, 奪還男婦八萬餘人。 予平蠻將 帝用 給 劫執 軍 事 即 中歐陽 同 知郭 而 乃還大猷 以 分五哨進。 文通 劉 敬議,一 顯鎭 職 兩 廣 以爲 大猷 廣 各 連敗 置 廣 使 砜

猷暫督廣東兵協討。 海 贼 曾 一本者,吳平黨 隆慶二年,一本犯廣州, 也。 既降復叛,執 澄海 尋犯 知縣,敗官軍 福建。 大猷合郭成、 ,守備李 茂 李錫軍擒 才 中 礮 滅之。 死。 詔

功,進右都督

猷佯 徵 兵十 分 廣 兵擊馬浪 四 西 |古田 萬,屬大猷 僮黃朝猛 賊, 討之。 而 、韋銀豹等, 密令參將王世 分七道進, 嘉靖 科乘雨夜登山設伏。 連破數十二 末嘗 再 巢。 劫 會城庫, 賊 保 潮 黎明礮發, 水 殺參政黎民 ,巢極巓 攻 表。三 賊大驚。 + 餘 巡 日 撫 未 諸軍攀 下。 殷 Œ 大

列

侢

第

上,贼 盡死。 馬 浪 諸 巢相繼 下。 斬獲八千四百有奇,擒朝猛、銀豹,百年積寇盡除。 進世廕

爲指揮僉事。

突閭 詔還籍候 大猷為 峽澳,坐失利 將廉, 調。 奪職。 馭下有恩。 起南京右府僉書。 復以署都督僉事起後府僉書,領車營訓練。 數建大功,威名震南服。 未任,以都督僉事 爲福建總兵官。 而巡按李良臣劾其奸貪,兵部 萬曆 疏乞歸。 元年 秋, 卒, 贈左 力持 海 寇

都

督、諡武

襄。

在 有 如戚。 大勳。 子咨阜,福建總兵官。 大猷負奇節,以古賢豪自期。 精悍馳騁,公不 武平、崖州、饒平皆爲祠祀。 如劉。 其用兵、先計後戰,不貪近功。 然此皆小知,而公則堪大受。」戚謂戚繼光,劉謂劉顯也。 譚綸嘗與書曰:「節制精明,公不如論。 忠誠許國,老而彌篤,所 信賞必 罰,

亦論 浙 東 濱海 死。 追擊之後港,爲賊所敗。 **盧螳,汝寧衞人。** 諸郡,與副將大猷大破賊王江 尋赦免, 以故官備倭福建。 嘉靖時由世廕歷福建都指揮僉事,爲都御史朱紈所任。 賊出沒台州外海,都指揮王沛敗之大陳山。 遷都指揮。 涇。 旋督保靖土兵及蜀將陳正元兵擊賊張莊 擊賊嘉興,敗,賣戴罪。 賊登山,官軍焚 尋擢參將, 納自殺, 一、焚其 分守

其 舟。 **螳會剿,擒其**林碧 川 等,餘倭 盡滅。 別賊 掠諸 縣,指揮閔溶等敗死,饄奪 職戴 罪。

宗 宗 復 南 敗 憲,宗憲敗,給 犯 北 憲 浙 浙東 洋 招 旋 江總 倭二十餘 汪 以 直 薦 兵官,奪 一,螳亦 水 擢 陸 協 守江 十餘 艘。 事 說日本 中丘 職 浙 戰,斬首千四 賊斂舟三沙 視 橓 事 副 使善妙 劾鏜八罪。 總兵。 以通 令擒),復流 政 賊 百百 唐順之薦 陷 有奇。 直。 逮治,免歸 仙 劫 居, 江北 直 趣台州 總督宗憲 與 復職 。巡撫李遂 日本 貮 如 鏜 以蕩 初。 破 卒伏誅。 刻鐘縱賊,鐘 之彭溪,乃與胡宗 平聞 尋以 。 鐘復 倭犯江北,鏜 直 增 功 已 俸 づ進 擢 賚 都 憲 金 都 督 馳 共 督 謀 僉 援 鏜 同 事 破 滅 擢 知 `, 爲 之,又 徐海 用 由 江 倭

鏜 有 將 略。 |倭難 初 興 諸 將 悉望 風 潰敗,獨螳 與湯克寬敢戰,名亞兪、戚云。

將 不 能 克, 克寬 倭 犯 乃焚掠 溫 邳 州 州 衞 克寬擊敗之。 而 去。 人。 父慶,嘉靖中江防總兵官。 無 何,陷乍浦城 別賊 寇嘉興 **,轉掠** 屬邑, 奉化、寧海。 克寬至海鹽被圍。 克寬承世蔭,歷官都指揮僉事 克寬追圍於獨山 偕參政 民家,火焚之。贼 潘恩等拒 , 充浙江 守,賊

兵, 駐金山 時濱 海 衞 多被倭 提督 息,而 海防諸 將士無紀 軍。 倭三百人泊崇明南沙。 律, 賊至 一輒奔, 議設大將統制江 克寬偕僉事任環攻之, 淮。 乃命克寬爲 敗績。 副總 贼 移

半

死,餘奪圍

遁

列

傳

松。 舟 戰王江涇,斬級二千。 以白衣辨賊。 寶山 克寬逆戰採淘港,斬首八百餘級。 ,克寬追敗之南家觜。賊乃轉寇嘉定、 總督張經議搗賊柘林,令克寬將廣西土兵屯乍浦,與副將大猷等相掎角。 會趙文華劾經惑克寬言縱倭飽颺,遂併逮問,論死。 都御史王忬薦爲浙西參將。遇賊嘉、湖,復 上海間,被劾奪官從軍。倭二千餘分掠蘇、 **外之**,赦免。 失利,韶 大

南。 平遠竄。 年 居 破 ·,炒蠻入掠古北口。 潮陽下澮地。 吳平。 都御史吳桂芳檄安南協討,遣克寬以舟師會,夾擊平萬橋山下。 廣東 乃進克寬署都督僉事,爲廣東總兵官。 平未幾復振,克寬已擢狼山副總兵, 用兵,命赴軍前自効。從大猷大破倭海豐,還世廕。俄以爲惠、潮參將,復從大猷 未幾,激民變,一本亦反,詔逮克寬訊治。 克寬偕參將苑宗儒追出塞,遇伏,戰死。 命留討賊。俄敗之陽江烏猪洋。 曾一本突海豐、惠來問,克寬倡議撫之,令 尋赦免, 赴蘇鎭立功。 焚其舟, 擒斬四百人, 平窘,奔安 萬曆四

揮僉事,備倭山東。 營,有操行 戚 繼光,字元敬,世登州衞指揮僉事。父景通,歷官都指揮,署大寧都司,入爲神機 繼 光 幼 倜儻負奇氣 改愈浙江都司、充參將、分部寧、紹、台三郡。 家貧,好讀書,通經史大義。 嘉靖中嗣職,用薦擢署都指 坐

黨於岑港。久不克,坐発官,戴罪辦賊。已而倭遁,他倭復焚掠台州。 三十六年,倭犯樂淸、瑞安、臨海,繼光援不及,以道阻不罪。 尋會兪大猷兵,圍汪直餘 給事中羅嘉賓等劾

繼光無功,且通番。方按問,旋以平汪直功復官,改守台、金、嚴三郡

利,一切戰艦、火器、兵械精求而 短兵迭用,由是繼光一軍特精。又以南方多藪澤,不利馳逐,乃因地形制陣法,審步伐便 繼光至浙時,見衞所軍不習戰,而金華、義烏俗稱慓悍,請召募三千人,敎以擊刺法,長 更置之。「戚家軍」名聞天下。

賊寧波、溫 乘虛襲台州。 之上坊巢,賊 道無脫者。 四十年,倭大掠桃渚、圻頭。 州 先後九戰皆捷,俘馘一千有奇,焚溺死者無算。 奔建寧。 繼光手殲其魁,蹙餘賊瓜陵江盡死。而圻頭倭復趨台州,繼光邀擊之仙居, 浙東平,繼光進秩三等。 繼光還浙江 繼光急趨寧海,扼桃渚,敗之龍山,追至雁門嶺。 閩、廣賊流入江西。 總兵官盧鏜、參將牛天錫又破 總督胡宗憲檄繼光援。 **賊遁去**,

屢陷。 至者營牛田,而酋長營興化,東南互爲聲援。 南澳來者,合福清、長樂諸倭攻陷玄鍾所,延及龍巖、松溪、大田、古田 明 距 年,倭大舉犯福 城十里有橫嶼,四面皆水路險隘,賊結大營其中。 建。 自溫州來者,合福寧、連江諸倭攻陷壽寧、政和、 閩中連告急,宗憲復檄繼光 官軍 朩 敢擊,相守 莆田 剿之。 寧德。 踰 是時 先擊橫嶼 年。 寧 自 廣東 徳已 其新

列

傅

第

Ħ

戚

檵光

賊。人持草一束,塡壕進。大破其巢,斬首二千六百。乘勝至福清,搗敗牛田賊,覆其 餘賊走興化。 牛酒勞不絕。 閩宿寇幾盡。於是繼光至福州飲至,勒石平遠臺。 急追之,夜四鼓抵賊栅。連克六十營,斬首千數百級。平明入城,興化人始 繼光乃旋師。 抵福淸,遇倭自東營澳登陸,擊斬二百人。而劉顯亦屢破

次之。 之。 猷為 千戶,遂代大猷爲總兵官。 以困之。 世亮攝府事,四遇害,焚掠一空。留兩月,破平海衞,據之。初,興化告急,時帝已命兪 福建總兵官,繼光副之。 及繼光還浙後,新倭至者日益衆,圍興化城匝月。會顯遺卒八人齎書城中,衣刺「天兵」 帝爲告謝郊廟,大行敍賚。繼光先以橫嶼功,進署都督僉事,及是進都督同知,世廕 賊殺 繼光先登,左右軍繼之,斬級二千二百,還被掠者三千人。 四十二年四月,繼光將浙兵至。於是巡撫譚綸令將中軍,顯左,大猷右,合攻賊於 而衣其衣,給守將得入,夜斬關延賊。副使翁時器、〔三〕參將畢高走免,通判奚 及城陷,劉顯軍少,壁城下不敢擊。 綸上功,繼光首,顯、大猷 大猷亦不欲攻,需大軍合

數百人,餘賊遂掠漁舟出海去。久之,倭自浙犯福寧,繼光督參將李超等擊敗之。 首數百 明年二月,倭餘黨復糾新倭萬餘,圍仙遊三日。 級,餘多墜崖谷死,存者數千奔據漳浦蔡丕嶺 繼光擊敗之城下,又追敗之王倉坪,斬 繼光分五哨,身持短兵緣崖 上,俘斬 乘勝追

永寧賊,斬馘三百有奇。尋與大猷擊走吳平於南澳,遂擊平餘孽之未下者。

繼光爲將號令嚴,賞罰信,士無敢不用命。 與大猷均爲名將。 操行不如,而果毅過之。

大猷老將務持重,繼光則飙發電舉,屢摧大寇,名更出大猷上。

鎭,上疏言: 爲神機營副將。會譚綸督師遼、薊,乃集步兵三萬,徵浙兵三千,請專屬繼光訓練。 二年五月命以都督同知總理薊州、昌平、保定三鎭練兵事,總兵官以下悉受節制。至 隆慶初,給事中吳時來以薊門多警,請召大猷、繼光專訓邊卒。 部議獨用繼光,乃召 帝可

也。 也。 多力分,七也。七害不除,邊備曷修。 充伍,一也。邊塞逶迤,絕鮮郵置,使客絡繹,日事將迎,參游爲驛使,營壘皆傳舍,一 寇至,則調遣無法,遠道赴期,卒斃馬僵,三也。守塞之卒約束不明,行伍不整,四 臨陣馬軍不用馬,而反用步,五也。家丁盛而軍心離,六也。乘障卒不擇衝緩,備 <u>蒯門之兵,雖多亦少。其原有七。營軍不習戎事,而好末技,壯者役將門,老弱僅</u>

將,今恩威號令不足服其心,分數形名不足齊其力,緩急難使,一也。有火器不能用, 二也。棄土著不練,三也。 諸鎭入衞之兵,嫌非統屬,漫無紀律,四也。 班軍民兵數盈 而又有士卒不練之失六,雖練無益之弊四。何謂不練?夫邊所藉惟兵,兵所藉惟

列

置不用,二也。弓矢之力不强於寇,而欲藉以制勝,三也。 兵迭用,當長以衞短,短以救長,一也。 事,非練將之道,六也。 四 人各一心,五 也。 練兵之要在先練將。今注意武科,多方保舉似矣, 何謂雖練無益? 三軍之士各專其藝,金鼓旗幟,何所不蓄,今皆 今一營之卒,爲礮手者常十也。 教練之法, 自有正門。 但此 不知兵法五 選將之 美觀

則不實用,實用則不美觀,而今悉無其實,四也。

西 耳,未嫺山戰、林戰、谷戰之道也,惟浙兵能之。 原 里 [北壯士,足馬軍五枝,步軍十枝,專聽臣訓 ,利車戰。 以南之形也。 臣 又聞兵形象水,水因地而制流,兵因地而制勝。薊之地有三。 在近邊,利馬戰。 半險半易,近邊之形也。 在邊外,利步戰。 山谷仄隘,林薄蓊翳,邊外之形也。 練、軍 願更予臣浙東殺 三者迭用 中所需,隨宜取給,臣不勝至願 ,乃可制勝。 手、礮手各三千,再募 平原廣陌,內地百 今邊兵惟習馬 寇 入平

又言:「臣官爲創設,諸將視爲綴疣,臣安從展布。」

光。 乃命繼 章下兵部,言薊鎭旣有總兵,又設總理,事權分,諸將多觀望,宜召還總兵郭號,專任 光 爲 總兵官,鎭守薊州、永平、山海諸處,而浙兵止弗調。 錄破吳平功,進右都

省。寇入青山口,拒却之。

自 嘉靖以來,邊牆雖修,墩臺未建。 繼光巡行塞上,議建敵臺。 略言一薊鎭邊垣,延袤

以軍 虚 二千里,一瑕則百堅皆瑕。 (雨,自朝至日昃,植立不動。邊軍大駭,自是始知軍令。五年秋,臺功成。精堅雄壯,二 中爲三層,臺宿百人,鎧仗糗糧具備。令戍卒畫地受工,先建千二百座。然邊卒木强,律 法將不堪,請募浙人爲一軍,用倡勇敢。」督撫上其議,許之。浙兵三千至,陳郊外。 比來歲修歲圮,徒費無益。請跨牆爲臺,睥睨四達。 臺高五丈,

節制精明,器械犀利,薊門軍容遂爲諸邊冠。 寇奔,則騎軍逐北。又置輜重營隨其後,而以南兵爲選鋒,入衞兵主策應,本鎭兵專戍守。 體 輕便利,遏寇騎衝突。寇至,火器先發,稍近則步軍持拒馬器排列而前,間以長鎗、筤筅。 繼光乃議立車營。車一輛用四人推輓,戰則結方陣,而馬步軍處其中。 又製拒馬器,

千里聲勢聯接。

詔予世廕, 賚銀幣。

院者,狐狸之弟,長昂叔父也。 入犯。 以歲賞。 犯桃林,不得志去。長昂亦犯界嶺。官軍斬獲多,邊吏諷之降,狐狸乃款關請貢。廷議給 萬,常爲薊門憂。 當是時,俺答已通貢,宣、大以西,烽火寂然。獨小王子後土蠻徙居插漢地,控弦十餘 馳喜峯口,索賞不得,則肆殺掠,獵傍塞,以誘官軍。繼光掩擊,幾獲狐狸。其夏,復 明年春,長昂復窺諸口不得入,則與狐狸共逼長禿令入寇。 而杂顏董狐狸及其兄子長昂交通土蠻,時叛時服。萬曆元年春,二寇謀 於是二寇率部長親族三百人,叩關請死罪,狐狸服素衣叩頭 繼光逐得之以歸。長

列

傳

乞赦 掠邊 人,攢 長 禿 設誓。 光 及 總督劉 乃釋 長禿,許通 應節 等議 遣 貢如 副將史宸、 故。 終繼 光在 羅端詣喜峯口 鎭,二寇不敢犯 受其 降。 薊門 皆 羅 拜, 獻還所

馬。 炒蠻 土蠻 尋 以守邊勞,進左都 入犯,湯克寬戰死,繼光被劾,不罪。 犯遼東,繼光急赴,偕遼東軍 督。 已,增建敵臺,分所部十二區 拒退之。 **久之**, 繼光已加太子太保,錄 炒蠻偕妻大嬖只 爲三協, 協置副將 襲掠邊卒,官軍 功加 少保。 人, 分 練 追

薊相 猷前 收塞 唇 卒,獨繼光與遼東李成梁 馬 自 自 齒 嘉靖庚戌 、散叛黨。 順義受封 猶時蹦 俺答 ,朝廷 三歲 內 犯京 地,總督王忬、楊選並 《則遣大] 以八事課邊臣: 師,邊防 在。 臣 閱 獨 然薊門守甚固 視,而殿最之。 重薊 日積錢穀、修險隘、練兵馬、整器械、開 坐失律誅。 增 兵益餉 、敵無由 繼光 瞬 十七七 用是頻廕賚。 動 入, 盡轉 年間, 天下。 而 易大將十 復置昌平鎮 之遼,故成 南北 |名將| 人, 屯田 梁擅 設設 馬 率 以罪· 大將,與 理 戰 鹽 功。 法、

徐階 繼 光 在鎭 高 拱、張居 千 六年 ·,邊備修飭 正先後倚任 ,薊門宴然。 之。 居正尤 事 繼 之者 與 商 確、欲 **5**, 踵其 爲繼光 成法 數數 難 十年得 者,輒 :無事。 徙 之去。 亦 賴 諸督撫 當 國 大臣

如譚 綸 劉 應節、梁夢龍 輩 成 與善 動 無掣肘,故繼 光益 一發舒

强 赴,踰年卽謝病。 正 歿半歲 · 治事 給 中張鼎忠言繼 事 中張希皋等復劾之,竟罷歸。 光 不 宜 於北,當 國者遽 居三年,御史傅光宅疏薦, 改之廣東。 繼光悒悒 不 得

俸。繼光亦遂卒。

繼 光 更 |歴南: 北 ,並著聲。 在南方戰功特盛,北則專主守。 所著紀效新書、練兵紀實,

談兵者遵用焉。

弟繼美,亦爲貴州總兵官。

有朱先者,嘉興人。 當繼光時, 爲薊鎭南兵營參將, 遷副總兵。 後數為廣東 福 建總

兵官。

初起家武舉,募海濱鹽徒爲一 軍。 自胡宗憲爲御史至總督, 皆倚任。 先大小 數十

皆先登,殺倭甚衆。以功授都司。

之。 曆初,用薦起圜 先曰:「先,王公部將也,不敢誣府主。」御史怒,坐先萬 宗憲被逮,先解官護行。 山把總。 歷登閩 宗憲釋還, 帥,以年老謝事歸。 先乃歸。 御史按福建,巡撫王詢 復起,辭不赴。 金, 論死 繋獄 閱八年始白。 侵軍 ·費, 檄先 萬 證

其處宗憲、詢二事,時論以爲有國士風。

劉 南昌 人。 生而 膂力絕 倫 稍稍 通文義。 家貧落魄,之叢祠欲 自經,神護之不 間

行入蜀,爲童子師。已,冒籍爲武生。

諸軍繼進,賊盡平。 嘉靖三十四年,宜賓苗亂,巡撫張臬討之。 顯由是知名。 官副千戶,輸貲爲指揮 顯從軍陷陣, | 僉事 手格殺 五十餘人, 擒首惡三

披單 舟 遷參將,分守蘇 至岡下,大敗之去。 ,舟已焚,死者無算。 衣, 率四 南京振武營初設,用 騎誘賊,伏精甲岡下。 松。 賊出所俘女子蠱將 倭犯江 顯進秩三等。 兵部尚書張鏊薦,召令訓練。 北,逼 泗州,鏊檄顯防 賊出 尋遷副總兵,協守江 士,顯悉送有 ,斬一人。所乘馬 浦口。 司。 顯測財 擢署都指揮僉事 浙 明日 中矢,下拔其鏃,射殺追 伺 將遁,追擊至安東。 賊出 ,潛燬其舟。 ', 僉書浙江 敗敗 者。 方暑 都 走 誘

題赴剿 遂謂 部直 挈蜀 可 之。 卒五百人往,一軍帖然。 賊 入,諸營繼之,自辰迄酉。 三沙倭復劫江 振 由三沙來,實盧鏜及顯罪。 ,擊敗之陽湖,賊乃遁 武營兵變後 北 ,被圍於劉家莊。 ,諸將務姑 聞賊流入

江西,大掠石城 賊巢破 息 兵 顯坐停俸。 ()逐北 益驕。 顯以銳卒數千至,巡撫李遂令盡護江北 至白駒場、茅花墩,斬首六百有奇 給事 已, 中魏元吉薦顯署都督僉事 應天 、臨川 巡撫翁大立薦顯驍勇 、東鄉、金谿、殺吏民萬計 節 一,請 賊 軍。 制 虚 久 其軍 顯率所 殄 任 題 帝 而

繼 光 連 四 破 十一年五 賊 ", 賊略 月,廣東賊大起。 盡 而 新 倭大至,攻陷 詔顯充總兵官鎮守。 興化城。 顯以兵少,逼 會福 建倭患棘,顯 城 未 敢 戦 ,被劾, 赴援。 戴 與 / 參將 戚 乳。 贼

遁 以 一、爲把 間 攻據 總許 平 海衞。 朝光 所邀敗。 他 倭劫 福清,謀與平海倭合。 乃盡焚其舟,退還舊屯。 顯及愈 戚繼光亦 大猷合於 至,顯與 遮浪 大猷 盡殲 共 之。 助 擊之,遂復 平海 倭欲

顯 興化 任之。 錄 |顯行 功, 進先所廕世 部 通州 以敕書許 職二秩。 節制 江北倭未平,廷 知府 以下,而同知 議設總兵官於 王 汝言不爲禮,劾奏,鐫其秩。 狼 山 統 制 大江 南北,

移鎭浙江。

諓 守 西儂賊者念父子僭稱王,攻剽安順。 征 如 都掌 故。 顯 有 蠻,令顯移鎭其地。 將略,居官不守法度。 隆慶改元,以軍政拾遺被劾,貶秩視事。 復被劾罷,省吾奏留 巡按御史劾之,革任候勘。 巡撫阮文中檄顯剿,俘斬五百餘人。 艺。 用 巡撫谷中虛薦、還故官,移鎭貴州。 用巡撫劉畿薦,命充爲事官,鎭 四 川巡撫會省吾 廣

千仞。 據 初 九絲 爲 亂 都掌蠻者, 14 ,程信討平之。 有 阿苟者,居凌霄峯,爲賊耳目,威儀出入如王者。 ,剽遠近。 居敍州 其山修廣,而 戎縣, 正德中,普法 介高、珙、筠連、長寧、江安、納溪六縣間,古瀘戎也。日以成化 四 隅 惡復爲亂,馬昊計平之。 『峭仄。 東北 則雞冠嶺、都都寨、凌霄峯三岡, 省吾議討之,屬顯軍 至是,其會阿大、阿二、方三等 峻壁數 起故將

郭成 拔凌 得鼓二三,便可僭號稱王。 案。 相傳諸葛亮以鼓鎭蠻。 里,得諸萬銅鼓九十三,銅鐵鍋各一。 百有奇。 霄, 阿二走,追獲於貴州大盤山。 、安大朝爲佐,調諸土兵,合官軍凡十四萬人。萬曆改元三月,畢集敍州,誘執阿苟,攻 遲 阿大自守雞冠。 之明, 諸語 進逼 將畢至。 都都寨。 顯令人誘以官,而 鼓失,則蠻運終矣。錄功,進顯都督同知。 阿二、方三走保牡猪寨。 三
曾
遣
其
黨
阿
墨
固
守
。 鼓山願,羣蠻畢集,今已矣。」鍋狀如鼎,大可函牛,刻畫有文彩。 克寨六十餘,獲賊魁三十六,俘斬四千六百,拓地四 阿大泣曰:「鼓聲宏者爲上,可易千牛,次者七八百。 分五哨盡壁九絲 官軍 郭成破雞冠, 頓匝月,鑿灘 城下。 獲阿大。 乘無備 以通漕, 已而剿餘孽,復俘斬千 夜半腰 諸 擊 軍攻牡猪, 斬 絙 阿 上, 墨, 百餘 斬 拔其 擒 方 關

沒舌、丟骨、人荒諸砦,斬其首惡,撫餘衆而還。 都掌 九年冬卒官。子挺,自有傳。 變旣滅,顯引疾求去,而以有司阻撓爲言。 建昌傀厦、冼馬諸番,成獻首惡。 **韶聽顯節制,顯益行其志。** 擊西川番 西陲以

败, 轉掠崇明三沙。 郭成, 四川 敍南衞人。 成擊沈其舟,斬首百三十餘級。 由世 職歷官蘇松參將, 隆慶元年冬,擢署都督僉事,爲廣東總 進副總兵。 倭犯通州, 爲守將李錫所

兵官。 剽 Щ 人 大安 劫二十載。 ,生縶雲翔 峒,將寇海豐。 渡海追曾一本大獲,進署都督同知。 成督諸軍擊殺明等, 俘斬千三百有奇。 潮州諸屬邑,賊巢以百數。 成偕南贛軍夾擊之, 郭明據林樟,胡一化據北山洋,陳 斬首千三百餘級,獲被掠通判 叛將周雲翔等殺參將耿宗元,亡入賊中。 四川都掌蠻爲亂, 潘槐 詔成移鎭。 一義據馬湖, 而下六百餘 屯平

州 殺 總兵官,鎮守銅仁。 乃以所斬首級及生擒諸蠻置父墓前,剖心致祭,鄉人壯之。 萬曆 苗 一日數驚,曰:「郭將軍至矣。」相戒莫敢犯。 改元,命劉顯大征,詔成充爲事官,爲之副。先登九絲山,生繁阿大。初,成父爲蠻 成有膽智。每苗出掠,潛遣壯 士入其砦,斬馘而出。 復被劾,罷 歸。 尋愈書南京後府,出爲貴 嘗挺身入林等

劾

罷歸。

役, 效忠弟沙卜遂拒殺裨將三人,執天心等。 授參將。 劉 顯 薦從軍。 因 績 起 命世續署宣撫印。 四川總兵官。 按 復偕 問。行天心遂據世續永寧私第,罄取其資,而成亦入落紅,盡掠奢氏九世之積 成乃將七千人,直抵黃沙。 應祥大破賦乃諸賊,增世職二級。 永寧宣撫奢效忠卒,其妻奢世統無子, 世統怒,攻奪其落紅寨。世續奔永寧。 屢破賊,與總兵官李應祥盡平河東西諸巢, 撫、按交章刻成,下吏,遣戍雲南。 膩乃黨楊九乍復出爲亂,成討平之。 妾奢世續子崇周幼。前總兵 成遣義兒郭天心偕指揮 會有松茂之

赤擾 安。 楊應龍叛,成進討,無功,戴罪辦理。 西寧,四川巡撫李尙思以地近松潘,檄成軍松林,游擊萬鏊軍漳臘。 尋卒於官。 寇不敢逼,西陲獲

李錫,獻人。世新安衞千戶。倭警,數有功,爲通州守備。屢擢揚州參將,江北副總

兵。隆慶元年冬,以署都督僉事爲福建總兵官。

後 妻,斬首七百餘,死水火者萬計。 等以師會,次菜蕪澳,分三哨進。 海 寇,擊却之。 一本餘黨梁本豪復亂,爲黃應甲所擒,然視錫時力較易。錫論功,加署都督同知。 禦之,與大猷遇賊柘林澳,三戰皆捷。賊遁馬耳澳復戰。會廣東總兵官郭成率參將王詔 海寇會一本橫行閩、廣間,兪大猷將赴廣西,總督劉燾令會閩師夾擊。 時廣寇惟一本最强,錫、大猷、成共平之,而錫功最鉅。 一本駕大舟力戰,諸將連破之,燬其舟。 詔生擒一本及其 一本至閩,錫出 倭入 其

塞,城門畫閉。 兩岸崇山深箐,賊巢盤互。 六年春,以征蠻將軍代大猷鎭廣西平樂。府江者,桂林抵梧州驛道也。南北亙五百里, 大猷議討之,會罷官去。 自嘉靖間張岳破平後,至是復猖獗。 巡撫郭應聘與錫計,徵兵六萬,令參将錢鳳翔、 嘗執知州邀重賄。 道路梗 王

世 科,都指 揮王承恩、董龍各将一軍,以副使鄭茂、金柱,僉事夏道南監之,錫居中節 破

妣 巢 数十 ·, 斬 馘 五千有奇,僮 甫等悉授首。 錄功,進世 職 等

爲 贼 贼 遁 故 益 復 古 屯 降 多 徴 反。 田 厭 奔 大 板 者 勝。 大 奔 追 將 浙 江 柳州 巡撫 諸瑤懼 ·無算。 (巢),亙 一、保天 撃,連 亦 大 東 諸軍 鳥銃 洲 懷遠,瑤、僮、伶、侗環居之,瑤尤獷悍。 孔 應聘 昭 機領 數 破 累石 而 大呼直上,四 、魯國賢,六道並進,監以 手、湖廣 (里) 崖 數巢。 與 聽 總督殷正 命。 樹 錫以水 一栅,潛以舟來 壁 賊據 永順 知縣馬 峭絕,為 茂議 楓 軍 鈎 面舉火,賊盡殲。 截 木 希武之官,公 刀手 潯江 大 征 重 山 襲。 棚 及狼 之。 一督諸 拒 前 錫伏 副 萬曆 官軍,鏢弩矢石 兵十萬 阻 使沈 將攻斬渠魁二人。 隄 繕城塹,程役 元 舟敗之, 澗,鼓譟出。 先後破巢一百四十,獻馘三千五百有奇,俘獲 子木。 年正 人,令參將鳳翔 侵據縣 月,錫 水陸 錫 雨下。 自 治久,吏民 過嚴 進次長安鎭。 並進。 統 諸軍 水師,次羅江 、世科、都指揮楊照、戚繼美、 諸瑤殺 乘勝復破數巢,直 婦人裸體揚箕,擲牛羊犬首 ·奮擊, 會 率寓郡城。 鳳 翔等亦至, 而 希武及經歷等五人, 會連 別 一獨當 以奇兵繞其後 雨 雪,乃 隆慶時大征 抵清州界。 其 敗悉舟西 衝。時敗 退師。

參 將門崇文討永福,亦孔昭討洛容,己帥舟師屯理定江,節制諸 永 福、 永寧、柳城幷以賊告,洛容僮 又殺典史。 錫令王瑞討永寧, 軍。 甫二旬,四道並捷。 (亞 楊照討 柳城, 斬

列

傅

第

賊 年 首 內破 ", 授 四 千 世廢百戶。 五. 百 有 奇, 十四巢,獲首 六年,卒官。 洛容賊首陶浪金等俱伏誅。 功 萬二千餘級,宜久其任。 錫以功進秩二等。 帝可之。 巡 接御史唐錬二三言錫 尋從凌雲翼大破羅旁

黨縛 曆 一十四 五. 酋長 年屢遷浙 黃應甲者,不知何許人。 掠雷、廉 . 方 陳泉 大 總 以 間、殺 江 自 降。 總兵官。 號 無敵 斷州千戶田治。 峒王,旣降 改鎭廣東。 隆慶中,以潯梧左參將從兪大猷討平韋銀豹,進秩二等。 .復反。 應 酯 甲率五軍 Ш 鮑時秀者,妻杜氏, 應甲討平之。 ·並進,生擒觀陞、才雄,斬首 蜑戶 蘇觀 有妖 陞、 術 周才雄招亡命數千 乃據 談義都 四 百 餘級, 緱嶺 立

千六百有奇,沈其舟二百餘,撫降者二千五百。 進,大破 備 結 他 倭兵為 倭,東 倭寇瓊崖,應甲斬首二百餘,奪其舟。 未 幾 之石茅洲。 駐虎門備蜑,別 助 梁本豪亂 殺 千戶,掠通判 賊復奔潭洲沙灣,聚舟二百,及倭舟十,相掎角。 本豪,故會一本黨,亦蜑戶也。一本誅,竄海中,習水戰,遠通 以兩軍備外海,兩軍扼 以去。 十年六月,總督陳瑞與應甲謀,分水軍二,南駐 再賜金。 要害。 帝爲告郊廟,大行敍賚,應甲等進秩有差。 旋入愈左軍府。 水 軍 沈蜑舟二十,生擒本豪。 罷歸,卒。 諸將合追,先後俘斬 西洋。且 老萬 諸 軍 竸 11

列傳第一百 張元勳

賴以稍 洛、七礁,擒 司 進 都督僉事,提督京城巡捕。 嫺 尹 騎 福 寧。 鳳 建 射 字德輝 多將。 改掌浙江都司、謝 斬二百人。 嘉靖 南京 倭陷 中舉武 福清、南安 擊倭梅花洋走之,追至 人。 科, 錫 鄉 病 未幾,謝 總兵福建時部將 歸。 會試皆第 連綜 隆 事 慶初 出 歸。 海 ,以故官涖福建,從錫平曾一 0 横山, 鳳邀擊,沈其七舟。 也、三世府軍後衛指 擢署 都指 擒 斬 揮 二百六十。 僉 事 追 備 揮同 至 大小凡 倭 外洋,連戰滸 福 本。 建 知 十數戰 萬曆 徙 鳳 僉浙 早 初 孤 嶼 、累官 內 江 都 地 東 讀

戚 繼光 ,破倭福安,改南路參將。 張 麾下。 元 勳 ,字世臣,浙江太平人。 有功,進千戶 0 從李錫 從破 横 破 人嶼諸 嗣世職爲海門衞新河所百戶。 曾一本 賊, 屢進署都指 進 副 總 兵。 揮 充福建游擊將 沈 毅有 謀 值倭警,隸 隆 慶

萬 首,餘黨悉平。 尚欽、韶州 $\overline{\mathcal{H}}$ 年春,擢署都督僉事,代郭成爲總兵官,鎭守廣東。 英德賊張 肇慶恩平 延光光 十三村賊陳金鶯等,與鄰邑苔村三巢賊羅紹清、 劫掠郡縣、莫能制。 明 年,元勳 進剿。 惠州 河源賊唐亞六、廣州從化賊 斬馘六百有奇,亞六等授 林翠蘭、 譚權伯

|茂义密遣副將||梁守愚、游擊||王瑞等屯恩平,若常戍者,掩不備,斬||翠蘭等,生擒||紹清、權伯以 得敍 峒 三巢、十寨、十三村諸賊盡平,餘悉就撫。 其 功,鵰剿不敍,故諸將不樂鵰剿。 元勳逐北至藤峒,自己又生獲勝富、可行、朝富等八十人。部將鄧子龍等亦獲高暉、飛 、諸路鵰剿者,效首功二千四百有奇,還被掠子女千三百餘人,生得金鶯,惟高暉等亡 十寨賊黃飛鶯、丘勝富、黃高暉、諸可行、黃朝富等,相煽爲亂。故事 總督殷正茂與元勳計,令鵰剿得論功,諸軍爭 ,兩粤惟 奮。

茂議大征。 世 百餘 間。 知其 時、曾萬璋、李仲山、卓子望、葉景淸、曾仕龍等各據險結砦,連地八百餘里,黨數萬人。 陳奎、唐九德、顧養謙、吳一介監其軍,數道並 百戶。 人,破大小巢七 惠、潮地相接,山險木深。 賊首藍一淸、賴元爵與其黨馬祖昌、黃民太、曾廷鳳、黃鳴 而元勳偕九德,追亡至南嶺。 仕龍 阻高 會金鶯等已滅,諸賊頗懼。 元勳復討斬餘賊千三百有奇,撫定降者。 山,元勳佯飲酒 百餘 所,擒 斬一萬二千有奇。 高會, 一日夜馳至養謙所, 忽進兵擊擒之。 廷鳳、萬璋並遣子入學、祖昌、景淸亦佯乞降。 進。 帝 **賊敗,乃憑險自守。** 爲宣捷,告郊 巨寇皆靖 先後獲大賊首六十一人, 擊破李坑,生得子望等。 廟,進元勳署都督同知, 官軍遍搜深等邃谷 居中節制, 次賊首六 明 年 正茂 破鳥 監司

潮州 , 賊林道乾之黨諸良寶旣撫復叛, 襲殺官軍, 掠六百人入海。 再犯陽江,敗走。

潮逐 年, 賊 據 三月也。 出掠 潮 無賊。 從總督凌雲翼大征羅旁賊, 故巢、居高 而敗,走巢固守。 捷聞,進世麼 其冬,倭陷銅鼓石、 山巔,不出戰。 級。 元勳積草土與賊壘平,用火攻之,斬首千一百餘級。 遺孽魏朝義等四巢亦降。 官軍營淤泥中。 雙魚城。 斬首萬六千餘級。 元勳大破之儒峒,俘斬八百餘級。 副將李誠立挑戰,墜馬傷足,死者二百人。 進都督, 尋與胡宗仁共平良寶黨林鳳。 改廕錦衣。 尋以疾致仕, 進秩爲眞。 時萬曆二年 惠、 卒

元勳起小校。 大小百十戰,威名震嶺南。 與廣西李錫並稱良將。 於家。

者衆也。 元勳首功甚盛,而不蒙殊賞,武功所由不競也。 居言路則 **贊曰:世宗朝,老成宿將以兪大猷爲稱首,而數奇屢躓。** 廢。 戚繼光用兵,威名震寰宇。 任將之道,亦可知矣。 然當張居正、譚綸任國 劉顯平蠻引疾,而以有司阻撓爲辭,有以夫。 事則成,厥後張鼎思、張希阜等 以內外諸臣攘發,而掩遏其功 李錫、張

校勘記

- 其黨王世橋復叛 王世橋,本書卷二二二明史稿傳一〇一吳桂芳傳並作「王西橋」。
- (ニ) 殺參政黎民表 參政,原作「參將」,據本書卷二二二及明史稿傳一○○殷正茂傳改。 黎民表,

世宗實錄卷五四一嘉靖四十三年十二月壬辰條同,本書及明史稿殷正茂傳、本書卷三一七及明

史稿傳一九一桂林傳、國権卷六四頁四○○八作「黎民叓」。

副使翁時器 副使, 世宗實錄卷五一五嘉靖四十一年十一月己酉條、 國権卷六三頁三九八五

作「參政」。

| |29 | 通判奚世亮攝府事 通判, 世宗實錄卷五一五嘉靖四十一年十一月己酉條作「同知」,國權卷

六三頁三九八五作「署印同知」。

71 練兵紀實 原作「練兵事實」,據本書卷九八藝文志、千頃堂書目卷一三、四庫全書總目卷一〇

〇改

「六」古瀘戎也 原作「古瀘賊也」、據明史稿傳九一劉顯傳改。

成遣義兒郭天心偕指揮禹嘉績按問 禹嘉績,原作「禹嘉續」,據明史稿傳九一劉顯傳附郭成

}傳 改。

知縣馬希武之官 馬希武,明史稿傳九一李錫傳及萬曆武功錄頁三五二懷遠諸珠僮列傳並同。

錫令王瑞討永寧 王瑞、原作「王端」。本書卷二一二張元勳傳作「王端」又作「王瑞」、 按本書

卷三一七及明史稿傳一九一柳州傳,萬曆武功録頁三六〇永寧洛容諸僮列傳都作「王瑞」, 據

改。下同。

(0)楊照討柳城 楊照,原作「柳照」,據本傳上文及萬曆武功録卷四永寧洛容諸僮列傳改。

 \Box 巡按御史唐鍊 唐鍊,原作「唐諫」,據明史稿傳九一李錫傳、萬曆武功録頁三六〇永寧洛容諸

億列傳改。

錫總兵福建時部將也 部將,原作「步將」,據明史稿傳九一李錫傳附尹鳳傳改。

△ 三 元勳逐北至藤峒 藤峒,原作「藤峒」,據明史稿傳九一張元勳傳改。

